



h. h. 352























*Antonius Arnaldus*

1844

1844



CAUSA ARNALDINA

S E U

ANTONIUS  
ARNALDUS

DOCTOR ET SOCIUS SORBONICUS

A Censura Anno M. DC. LVI. sub nomine Facultatis  
Theologiæ Parisiensis vulgata

VINDICATUS

*Suis Ipsius aliorumque Scriptis, nunc primum in  
unum volumen collectis:*

QUIBUS

S. AUGUSTINI & S. THOMÆ DOCTRINA,  
De Gratiâ efficaci & sufficiente,  
dilucidè explanatur.

REVERTIMINI AD JUDICIUM, Danielis XIII. 47.



LEODICI EBURONUM,  
Apud JOANNEM HOYOUN.  
M. DC. IC.

THE HISTORY OF THE  
CITY OF BOSTON

FROM THE FIRST SETTLEMENT  
TO THE PRESENT TIME

BY  
JOSEPH NEALE

IN TWO VOLUMES.  
VOL. I.



# PRÆFATIO

*In qua ad pleniorē Causæ Arnaldinæ  
notitiā plurimā præmittuntur de  
ipso Arnaldo singularia.*

**C**larissimi ARNALDI Scripta plera-  
que Apologetica adversus Censu-  
ram Parisiensem, ante quadragin-  
ta annos separatim edita, in unum  
nunc collecta volumen, nova luce  
donaturus, dicturusque de immerita abdicatio-  
ne quam adversus summum Virum decrevere  
Censores, rem nec Lectori ingratam, nec ab  
argumento alienam facturum me confido, si  
prius studia ejus Sorbonica totamque Doctora-  
tus ejus historiam paucis retexuero, in Exte-  
riorum præsertim gratiam; qui nullam Viri no-  
titiā nisi ex amulorum ore scriptivæ hause-  
runt.

ANTONIUS ARNALDUS utrique Parenti, u-  
nico matrimonio conjunctis, natorum viceſimus  
& ultimus accessit, non sine singulari Dei tu-  
tela

# VI P R Æ F A T I O.

tela; postremi quippè illorum ante ipsum Liberi in ipso ortu morti occubuerant. Parisiis natus est anno 1612. die sexta Februarii, hora noctis undecima, Patre Antonio, ex antiqua, nobilissima ac magnorum Virorum seracissima apud Arvernos & Parisios Familia; Matre verò Catharina Marion Regii in Senatu Parisiensi Advocati Filia. Postridiè ex sacro fonte renatus est in Parochia-  
li S. Mederici Ecclesia, hora post meridiem secundâ. Ante septimum ætatis annum Patre optimo amantissimoque orbatûs, Præceptorem in eo scientissimum amisit vitæque Magistrum, qui Antonii sui ingenium moresque formare & Litteris excolere jam tum cœperat.

Post emensum amœniorum Litterarum stadium in Calvico Sorbonæ Collegio, (ut totus Sorbonicus etiam à teneris esset) ad Juris Civilis studium, paterna premens vestigia, se contulit. Verum ab eo ad Theologicum, piissimæ Matris instinctu, Sanctissimi Viri consilio & monitis, Dei ipsius, ut patuit, nutu, non multo post translatus est.

2. Studia Sorboni-  
ca. Sorbonæ scholas ingressus, anno 1633. Tractatum de Gratia excepit in Sorbona sub Jacobo Lescot Doctore & Professore Sorbonico, post Episcopo Carnotensi. Hic cum nihil aliud quàm merum Vasquezium in compendium reductum Auditoribus suis traderet, facile intellexit Arnaldus; qui jam tum non indiligenter Augustinum evolvebat, quàm fluxis fragilibusque fundamentis Præceptoris sui doctrina nite-  
retur.

3. Primæ Theses Augustinæ. Itaque in Thesisibus anno 1635. compositis ac defensis *pro Tentativa*, ut loquuntur, *Actu*, haustam ex fontibus Augustini doctrinam luculenter exposuit, ut quisque poterit ex ipsis Thesisibus

sibus, ad collectionis hujus calcem recusis, percipere. In primis duos Augustinianæ doctrinæ cardines propugnavit, quorum alter est disparitas Gratiæ homini stanti lapsoque collatæ; alter, disparitas Prædestinationis hominum & Angelorum, prout ab Augustino in libro De correptione & gratia traditur: sic breviter complexus quidquid variis postea libris fusiùs explicavit.

Hæc quinque ferè annis ante vulgatum Jansenii librum facta satis indicant, quàm nullo partium studio Augustinianam doctrinam sit amplexus. Theses autem istas tametsi mense Julio anni 1635. ut præ se ferebant edita exemplaria, tueri decreverat, tamen pleuritide præpeditus nonnisi sequenti mense Novembri defenditavit, collectoque tum Gallicanæ Ecclesiæ Conventui dedicavit. Actui magnus Episcoporum numerus interfuit, peractaque omnia summa omnium gratulatione & plausu, nemine adversus doctrinam in Thesis propositam vel mustitante. Quàm iniquo animo tulerit Lesscotius hunc primum discipuli sui conatum, quàm alta ipsi mente reposita manserit spretæ suæ injuria doctrinæ, non una occasio docuit. Exinde Arnaldus totum se S. Scripturæ, SS. Patrum, totiusque antiquitatis Ecclesiasticæ lectioni immerfit.

Licentiæ curriculum ingressus est anno 1638. 4. Licentiam ingressus  
 jam tum Hospes Sorbonicus & insignis Ecclesiæ Virodunensis Canonicus. Primas licentiæ Theses, quæ totæ erant de Christo & Christiana lege cum veteri & naturali comparata, propugnavit solido die 12. Novembris ejusdem anni, nempe pro illo Actu seu Exercitatione, quæ SORBONICA nuncupatur. De

# VIII P R Æ F A T I O.

Christo ejusque in Deum Patrem amore, obedientia & libertate hanc sententiam tuetur, Augustinianæ doctrinæ in primis consentaneam: *Quis autem minus efficacem fuisse credat, vel amorem erga Deum Patrem & homines fratres, vel obedientiam erga paternam mandata, sine quorum præscripto vix crediderim eum unquam quicquam peregrisse? Neque causeris ab illis actionibus absuisse arbitrii libertatem; quam tanto majorem reperies, quanto divina illa, quam sola divinitatis junctio Christo tribuit, ἀναγκαστική, supremo illum fini arctius colligabat.* De lege verò Christiana hæc habet: *Novus Homo novis hominibus nova dedit præcepta, à corporeis quidem oneribus solutiora, longè tamen accuratiora perfectioraque Mosaicis, & qua decerent Adoratores in Spiritu & Veritate. Lex igitur Evangelio gravior, non tam ob ea que præscriberet, quàm quòd Spiritu gratiæ vacua, sine quo nihil prorsus boni sit ab homine, reos tantum facere nata erat jubendo, non adjuvando: prævaricationis enim gratiæ posita est, ut inveniretur infirmitas, nec tantum ut inveniretur, sed etiam ut augetetur, & vel sic Medicus quæreretur. Evangelica verò Lex in cordibus scribitur, dum in illis per Spiritum Sanctum diffunditur Charitas: ideoque jugum ejus suavissimum est, licet majora præcipiat: Quid enim grave est amanti?*

3. Fit Sub-  
diaconus  
& totus in  
corde in-  
novatur,

Hac Exercitatione defunctus Arnaldus, in Jejunio decimi mensis proximè sequentis in *Hypodiconum consecratus*, ut ipse narrat, *primum ad altare gradum ascendit*: postquam quindecim dies totos in pio secessu transegisset. Sed mirum quid omnino ei accidit, ex quo elucet quàm abundè sese in cor ejus gratia divina effuderit in sacra Ordinatione. Tanta quippe tunc eum invasit sacri ministerii reverentia & sacer horror, præsertim quòd illud infra Theologicam palæstram & doctorales

les infulas dejecisse videretur, dum ad istas per sacrum Ordinem sibi gradum fecisset, ut gravis se delicti reum judicans pedem è Sanctuario referre cogitarit. Gradus ipsos Theologicos Doctorisque munus novis etiam oculis coepit conspicerè, vehementerque timere, ne non satis perpenſa divinæ Veritatis dignitate, cui docendæ & tuendæ sacrum istud magisterium deputatur & consecratur, illud ambiſſet. Totus igitur in alium virum, Vir alioquin vitæ integritate & castissimis moribus præditus, mutari visus est. Scriptis 24. Decembris ejusdem anni Litteris ad Virum pietatis & doctrinæ fama celeberrimum, totum se tunc primùm illi tradidit ad Evangelii strictissimas leges & mores instituendum; omnes illi animi sensus candidè exposuit, & ut omnem vitæ ejus rationem in aliam commutaret, si ita videretur, plenam potestatem illi fecit. Timuit reapse Vir ille, quem conscientia suæ arbitrum elegerat, absentem licet, ne quid humani illi accidisset; & ne, si non temerè, saltem præcipitanter nimis ad utrumque illud ministerium accessisset. *Species decepit te*, inquiebat, veritus ne consuetudine & exemplo abreptus & muneris splendore oculos perstrictus, ad illud se ipse destinasset.

Visus est etiam Litteris Arnaldi, quibus se mirum in modum dejiciebat, deceptus, deteriora de illo suspicari. Quibus in altera Epistola occurrendum sibi esse, pro candore suo, putavit Arnaldus: *Exciderat*, inquit, *monere*, *nulla me ambitione motum aut fama querendæ desiderio (quæ infinita erga me Dei benignitas fuit) quod Doctoris insignia aspirasse; sed potius vitæ quam inieram ratione & serie illuc miserè deductum.*

*Addam insuper, Pater mi, è maximis vitis quarum*

6. Vitæ ac  
morum  
puritas.

# X P R Æ F A T I O.

*rum me reum apud Deum sentio, unum esse desidians & ad inutiles occupationes propensionem nonnullam, potius quàm humana gloriola libidinem.* Testatur interim coram Deo nulla se ratione à sequendis ejus consiliis aversum iri, & quamvis post initas Licentiæ exercitationes, post defensas Theses, non posset & Licentiæ & Sorbonæ in qua hospitabatur, vale dicere, quin invidiosos de se & de aliis sermones exciturus esset, ad omnia tamen abruptè dimittenda paratissimum se esse.

Sed quò minùs eorum se cupidum exhibuit Arnaldus, eò magis censuit Vir sapientissimus ab illis doctissimum Theologum avocandum non esse: Immò autor fuit ut nec Sorbonæ nec Licentiæ laboribus se subtraheret, & ut in iis, sed longè purioribus animis, insisteret, ac unius Dei & Christi Domini gloriæ, Veritatis amori, Ecclesiæ utilitatibus, illos addiceret.

7. In The-  
sibus pro  
Minore  
ordinaria  
Primatum  
Pontifici  
ex jure di-  
vino asse-  
rit.

Novos igitur sumens animos totum se Veritati vovit & Ecclesiæ, coeptumque iter peragens egregius Theses 21. Novembris anni 1639. *pro Minore*, ut aiunt, *Ordinaria* defendit, quæ mira ac stupenda eruditione sunt refertæ. Eas merito jure nuncupavit, *Unica Columba cujus gemitu peccata solvuntur*, cum iis totam Ecclesiæ materiam complexus sit, ejusque jura, doctes, doctrinam, unitatem, Traditiones, Ritus, Principes, sacramque adeò illius hierarchiam adversus hæreticorum & schismaticorum errores & calumnias animosè vindicarit. In primis verò Sedis Apostolicæ summique Pontificis Primatum tanquam à Deo Christoque ejus constitutum, ac proinde juri divino innixum, apertè defendit, & Catholicæ Ecclesiæ Unitatem ex eo capite summo opere commendat:

*Una*



*Una est, inquit, quia Cathedra Petri nostra est, que EX DIVINA SUPREMI PASTORIS LEGE ORIGO ET CENTRUM EST ECCLESIASTICÆ UNITATIS, quod Formatis Litteris satis Veteres profitebantur: Ad quam propter potentiorē principalitatem omnem Ecclesiam convenire necesse est: Penes quam sollicitudo omnium Ecclesiarum: Quam in majoribus tum rerum, tum Personarum, hoc est fidei & Episcoporum causis semper licuit appellare: super quam denique sedet PRIMARIUS VINÆ DOMINICÆ AB IPSO DOMINO CUSTOS CONSTITUTUS, & qui reliquis fidelibus etiam Episcopis, velut Caput membris præest. Quem summi Pontificis Primatum, nativæque ejus jura ac prerogativas, juris divini esse, ad mortem usque professus est, coram multis testibus, ut sese de illis differendi dedit occasio.*

Nondum menses duo elapsi erant, cum pro *Majore Ordinaria* Theses. alias proposuit propugnandas die 13. Januarii anni 1640. ab octava matutina ad Vesperam, dedicavitque, *Vetrum Israël* vero de Cælo Pane Pascenti. In iis Sacramenta Ecclesiæ expendit eorumque disciplinam: & quicquid reconditoris circa eam eruditionis est, reteggit, illustrat, contra adversarios defendit. Pœnitentialem fusiùs explicat, ut quæ totius Ecclesiasticæ disciplinæ fibula meritò appellata est. De Hierarchia Ecclesiæ non pauca miscet, quibus & sacrum Episcoporum Ordinem & supremum Caput mirè extollit: *Episcopatus*, inquit, *fontis est & plenitudo totius Hierarchicæ Potestatis, ad quem ex Christi lege non sola Sacerdotum Ordinatio, vel Confirmatio Neophytorum, peculiari jure pertineant, sed etiam in omnes Ecclesia functiones, Sacramentorum omnium administrationem & prædicationem*

8. Major Ordinaria, in qua Episcopatus jura, & iterum Apostolicæ Sedis primatum, tuetur.

*Ver-*

*Verbi jus supremum. Distinctum est à reliquis omnibus Ordinibus Sacramentum, institutione divina Presbyteratu superius. Porro licet unum sit Episcoporum Collegium, immò unus quodammodo Episcopatus, in pulcherrima tamen plenaque dignitatis & Ordinis Ecclesie politia, SUB UNO PRIMARIO DOMINICI OVILIS CUSTODE, tres Antistitum gradus..... Aeterna Urbis Episcopus in Ecclesiis Suburbicariis, ut proprius illarum Metropolitae, jus obtinebat. Quod profectò non impedire, quominus praefer specialem illam in istas Ecclesias auctoritatem, summam totius Ecclesie Procuracione fungeretur, cæcus est qui non videt. Hinc ad illum pertinent Causae majores, non ea tamen ratione quòd ab aliis Episcopis dijudicari non possint, sed quod ultima illarum decisio ad Sedis Apostolicae sententiam spectet, cum ex veteri Ecclesie disciplina minores omnes causae intra unamquamque regionem terminari consuevissent.*

*Saluberrima Conciliorum in Ecclesia auctoritas, in quibus Ecclesie Principes Episcopi de rebus divinis suae curae commissis in commune statuunt. Tres illorum simplices formae. Alia enim Provincialis Metropolitani Synodus. Alia Primatis ex pluribus Provinciis. Alia denique totius Orbis Christiani, quam convocare & Principem in ea locum tenere, ad eum proprio jure pertinet qui EPISCOPUS EPISCOPORUM.*

9. Licentia donandus feriem antea acta: vitæ ipse delineat.

Hi fuere Licentiae labores ab Arnaldo ad stuporem, ut dixit Sorbona, exantlati. Quibus si cogites adjunctum Biennii Philosophici onus gravissimum ab eo ex improvviso susceptum, duramque adeò necessitatem sua adornandi simul & auditoribus tradendi φιλοσοφήματα, eaque, ut amabat, defaecatiora: si insuper attendas doctissimum laboriosissimumque illud, De Frequen-

in Communionem, Opus præ manibus tunc eum habuisse, illique concinnando incubuisse; jam ad illum Sorbonicorum stuporem quid addam, nescio: miraculo enim simillimum est, præsertim cum corpusculum Arnaldo esset & tenue & frequentibus adversæ valetudinis casibus concussum.

Ante hujus anni Quadragesimam Licentiæ coronis imposita, laudatque pro more Licentiæ donandi. Unusquisque Panegyristæ nonnullam sui, ut lubet, notitiam subministrare solet, & præclara si quæ habet vel habere putat, quæ in laudis argumentum trahi possint, non illibenter suggerit. Quam modestè ac Christianè consuetudini morem gesserit Arnaldus, conspiciere est in subjecto vitæ hætenus transactæ commentariolo, qui ipsius manu scriptus habetur.

Ego ANTONIUS ARNAULD à nobilibus & religiosisque Parentibus Antonio Arnauld & Catharinâ Marion, sancto nuptiarum fœdere inter se junctis, Parisiis natus, singulari Dei misericordiâ renatus in Christo, & accedente ætate divino frontem Chrismate & vivifico Spiritu animam unctus sum. Adhuc infans, translato ad Christum Patre carissimo, piæ Matris relictus sum curis, de hoc uno sollicitæ, ut in æternam lucem Spiritu parturiret, quem in hanc temporalem carne pepererat. Ingeniosam pietas fecit, docuitque carissimorum sibi pignorum tum maximè curam gerere, cùm hominum oculis deseruisse videri poterat. Quanto scilicet majora sunt Dei continuis veræ viduæ precibus & suspiriis fatigati, quàm humana quævis præsidia! Et hæc tamen cumulatissimè præstitit. Privatæ præfecit educationi Virum, cui quan-

„ quantum debeam, si nedum exsolvere, sed vel  
 „ explicare posse existimem, ingratus sim. In  
 „ parte debiti est, quod ejus magnitudinem vir mo-  
 „ destissimus recusât agnoscere. Publicæ verò in-  
 „ stitutioni eum selegit talem quo nullus ad  
 „ virtutem vel eruditionem parandam aptior, vel  
 „ ad eam, quâ nulla sanctior disciplinam. Vo-  
 „ luit nimirum in Collegio Sorbonæ Calvico  
 „ sub antiquæ sanctimonix viri Petri le Clerc,  
 „ nunc dignissimi sacre Facultatis Decani, oculis  
 „ adolescere; ut, si fieri posset, optimorum vi-  
 „ rorum præceptis & exemplo tenera ætas ad ve-  
 „ ram pietatem informaretur. Absolutis dehinc  
 „ in Lexovæo, cum jam in Calvico musæ filuif-  
 „ sent, Philosophiæ studiis, Sorbonæ me denuò  
 „ schola excepit, quæ per claros sapientiâ & eru-  
 „ ditione Professores sacratioribus doctrinæ sanctæ  
 „ mysteriis initiaret. Per Actum Tentativæ in  
 „ Baccalaureorum ordinem cooptatus, nec mul-  
 „ tò post ab celeberrimâ toto orbe familiâ, pro-  
 „ pensiori longè quàm mererer omnium erga me  
 „ voluntate susceptus, laboriosum Licentiæ cur-  
 „ riculum ingressus sum, & deducente Christi  
 „ benignitate feliciter absolvi. Anno verò Redem-  
 „ tionis humanæ trigesimo octavo supra millesi-  
 „ mum & sexcentessimum in Jejunio decimi men-  
 „ sis in Hypodiaconum consecratus, primum ad  
 „ altare gradum ascendi. Faxit Christus ut tanto  
 „ ministerio me non indignum geram!

20. Lau-  
 dario in  
 solemni-  
 bus, ut  
 aiunt, Pa-  
 ranym-  
 phis.

Verùm non tam arctis limitibus teneri se passus  
 est delectus Encomiastes. Plura splendidioraque  
 Arnaldinarum dotum testimonia eruperant in  
 publicum, quàm ut vel quavis celari modestiâ  
 vel silentio possent sepeliri. In tanti igitur Viri  
 laudes longè latèque exspatiatus, hoc tamen u-  
 num sibi suisque Auditoribus persuasit, laudan-  
 dum

dum non fuisse qui supra omnem laudem esset Arnaldus. Hoc Encomium cum in manus meas venerit, id non putavi posteris invidendum. Aliunde qui Virum non noverunt, inde utcunque conjicient, quantus olim fuerit Arnaldus, qui tam magnus tunc erat.

PARCE, RECTOR AMPLISSIME: parcite, Viri “  
auditores: tuque præsertim, MAXIME AR- “  
NALDE, parce, si laudationis non unius de- “  
functus legatione, hoc primùm loco, in exse- “  
quendo quod hodiernâ die profiteor munere, “  
hæret oratio, nec habet quod eloquatur. Cum “  
enim venias tu mihi exornandus, cujus digni- “  
tati parem non ausim facundiam polliceri, iis “  
præsertim audientibus, quorum alios tuæ ipse “  
virtutis æmulos habuisti, spectatores alios, alios “  
judices, laudatores universos, sic mecum ipse “  
statui, potius multò esse eum præterire, quàm, “  
quem aut extollere, aut tueri non liceat, infe- “  
lici conatu, ingeniique vitio, infra seipsum “  
& eam quam sibi quæsit apud omnes existi- “  
mationem relinquere. Quanquam enim possem, “  
si luberet, quæ tibi cum aliis quidem, sed non “  
multis, communia sunt explicare (quid enim “  
ego hîc si quid possem, dissimulem.) Esto, gentis “  
tuæ domestica virtus & nobilitas, atque illa “  
quidem foris domique perspecta, vim non ex- “  
cedat orationis meæ; ut liceret exponere, quàm “  
felici creveris successu, & quemadmodum ado- “  
leveris: ut non diffitear posse me cætera non “  
contemnenda illa quidem fortunæ beneficia me- “  
minisse, quibus illa te unum ante alios voluit “  
esse cumulatum. Sit ita sanè, non repugno. “  
Sed verò quis ille tui vim atque magnitudinem “  
ingenii dicendo assequatur? Quis studium ad “  
Veritatis indagacionem incitatum ac perpetuum? “

Quis

„ Quis animi tui varios fœtus atque uberes, qui-  
 „ bus tanquam suavissimo pastu mens alitur cum  
 „ oblectatione solertiæ? Equidem si modo te,  
 „ qualis es, bene novi, méque quàm parùm pos-  
 „ sim non ignoro; ea esse contendo ejusmodi,  
 „ quæ cum sint maxima, cujusvis laudationis ini-  
 „ quitatem accusent, nisi quæ ex summi Oratoris  
 „ prodierit officinâ. Enimverò, si mentis tuæ vim  
 „ admirabilem prædicarem, celeritatem incredi-  
 „ bilem, singularem perspicaciam, eam si saga-  
 „ cem dicerem, acrem, vegetam, multa simul  
 „ agitantem, causas & quæ ex iis sequuntur uno  
 „ intuitu videntem, quæ disjuncta copulet, cum  
 „ præsentibus futura jungat, nullâ hebescat  
 „ rerum sublimium contemplatione, otietur nun-  
 „ quam, nunquam non moveatur: magna ista  
 „ essent, fateor; quis enim id negaverit? haud  
 „ tamen scio, an tui satis explerent ingenii boni-  
 „ tatem. Si verò tua quanta est industria tenta-  
 „ rem explicare, quantum in studiis evigilent cu-  
 „ ræ & cogitationes tuæ, quàm indefessâ animi  
 „ contentione quò contendisti, eò perveneris;  
 „ parùm prudens consilium infelix sequeretur  
 „ exitus, susceptique magnitudo negotii humili-  
 „ tatem obrueret tenuissimæ facultatis. Quis enim  
 „ aliquando in discendo constantior, obstinatio-  
 „ rior in legendo; in scribendo, & quæ scripseris le-  
 „ gerisve meditando pertinacior? Hoc verè dicam,  
 „ ita tibi labor assiduus, frequentes vigiliæ, do-  
 „ mesticæ lucubrationes, ut ne tum quidem fe-  
 „ rriari liceat, si quando brevissimum tibi otiolum  
 „ imperasti; semper quod non adest investigare,  
 „ antiquioris doctrinæ collapsa monumenta ac ve-  
 „ luti rudera movere, adversùs discrepantium au-  
 „ torum iniquitatem pugnare, quæ conciliari pos-  
 „ sunt componere, quæ absunt à vero & honesto  
 refu-

refutare, obscura illustrare, confirmare dubia, certa defendere, ponderare, quærere, versare, denique omnes oras partesque doctrinarum nihil intermisso cursu sic agitare, ut quanta te jam inde à puero inflammaverit honestarum artium cupiditas, cum intelligant qui te norunt (norunt autem qui te vel viderint unquam) quod tamen sciunt, negent aut se satis concipere, aut posse ullo modo quod vix capiunt, explanare. Quotus autem quisque est (ut de me semel nihil dicam) qui posse confidat tantorum se studiorum velocitatem dicendo confectari? Tametsi ut quæ carptim attigi, ea licuisset uberius tractare atque ornatius; unum tamen à suscipiendo virtutum tuarum præconio me semper deterruit, multiplicis eruditionis, quam supra cujusquam, non orationem dico, sed & fidem tibi quæsisivisti, magnitudo. Ita certè res habet, Auditores: Viro sapientissimo fecerit injuriam quisquis animi ornamenta penè innumerabilia, quæ ex immensa doctrinarum supellectile, tanto nexu atque vinculo cohærentia sibi comparavit, ea cum ad possidentis gloriam explicare nequeat universa, scèdè cogatur distrahere & quasi membratim dissecare. Nemo autem exiguo tempore, vix bene longo, possit tantæ quæ illius est πολυμαθίας numeros omnes percensere. Detur illi naturæ totius explicata cognitio, rerum plena scientia, quas aut expetendas aut fugiendas monet ratio, differendi certa subtilitas, visque judicandi quid cuique rei conveniat, quid repugnet, quæ per omnes partes sapientiæ manat atque diffunditur. Sed cui placuerit ista, quæ ceteriora sunt atque humana, meminisse, cur divina illa & ulteriora taceat? In Dei scientia cur non cum dicat ita versatum, ut huic uni, cæ-

„teris omiffis, totum fe addixiffè videatur? Quan-  
 „ta enim, veftram fidem! quanta ifta funt, eorum  
 „quæ subtiliter & acutè differunt in ſcholis Theo-  
 „logi, nihil neſcire, dictatos à Deo Codices  
 „tenere, Antiftitum Eccleſiæ callere monumen-  
 „ta, ſummorum Pontificum & Conciliorum pla-  
 „cita fideliter & ex memoriâ referre? Fac tamen,  
 „ſi fieri poſſe putas, fac ſingulatim iſta paucis  
 „exornari; omittatur neceſſe eſt & domeſtico-  
 „rum & externorum Annalium intelligentia,  
 „quanta poteſt eſſe maxima, linguarum diverſi  
 „generis peritia, Poetarum, Oratorum, totius  
 „denique humanitatis doctrina. Quæ quis non  
 „videt & plura eſſe & majora, quàm quæ à pro-  
 „perante, quiſquis ille ſit, nedum à me poſſint  
 „æſtimari. Parce igitur, (ad te enim redit, ut  
 „unde incoëpit, eodem recurrat oratio) parce,  
 „Vir doctiſſime, ſi tuo panegyrico abſtinui; tua  
 „tibi integra atque illibata ſervari volui, non  
 „incultæ orationis brevitate deturpari. Annuiſ?  
 „Abundè eſt: gravi me onere, quod vel cæteri  
 „reformident, verè liberaſti. Accipe quas ad te  
 „mitto literas, quibus Matris indulgentiſſimæ  
 „ſtudium erga te non ignores.

10. Theſes  
 Philoſo-  
 phicæ:  
 Modetiæ  
 exem-  
 plum.

Æſtate ſequente, Curſus Philoſophici labore  
 defunctus, Concluſiones ſuas Philoſophicas ex-  
 pugnandas publicè propugnandasque propoſuit  
 25. Julii 1641. in Cœnomanenſi Collegio (heu  
 nunc ſeges eſt ubi Troja fuit.) Reſponſurus ſe-  
 dit optimus tunc adoleſcens Carolus Walon de  
 Beaupuis Bellovacus, nunc verò venerandus ſe-  
 nex, pietate & doctrina Eccleſiaſtica inſignis:  
 quo teſte publicum dedit Arnaldus modetiæ, in-  
 dolisque propriorum ſenſuum nequaquam tena-  
 cis, & ſemper meliora diſcere paratæ exemplum.  
 Hanc Theſim in logicis defendebat: *Ens ſyno-  
 nymè*



*nymè convenit Deo & creatura.* Illam aggressus est Vir doctissimus ac subtilissimus Dominus De la Barde ex Oratorii D. Jesu Presbytero insignis Ecclesiæ Parisiensis Canonicus. Erudito Discipulo sub validissimorum argumentorum mole fatigante, suppetias venit Magister, diuque conflictatus, non cedendi necessitate coactus, sed veritate & veritatis amore victus, victum se ultro professus est, & à sententia sua discessurum publicè spondit. Promissis stetit; nam in Theſibus *pro Tentativa* à se pro eodem Discipulo suo post annos aliquot compositis contrariam sententiam amplexus est. Rarum exemplum, & Philosophis Theologisque in primis imitandum.

In pervigilio Pentecostes ejusdem anni ad probationem Cursus Philosophici libellum supplicem obtulit, ut ad Societatem Sorbonicam admitti posset. Sed quid eo in negotio actum sit, postea referam.

Eodem anno ad Diaconatus Ordinem promotus est, ad quem se præparaverat abdicatone Canonicatus Cathedralis Ecclesiæ Virodunensis. Et mense Septembri in Sacerdotem consecratus fuit, sed dimisso priùs patrimonio, quod Portus-Regii Monasterii sanctimonialibus summa paupertate laborantibus dono dedit, servato sibi victu vestituque, ut his contentus pauperem Christum pauper sequeretur, & nudam veritatem nudus arctius amplecteretur & liberiùs defenderet. Quadraginta dierum secessu, exemplo piissimi Cardinalis Berulli, in honorem secessus Christi Domini in desertum, se ad Sacerdotii sui primitias offerendas accinxit, primumque Sacrificium celebravit in Festo Sanctorum omnium. Quibus & quàm sanctis animi

II. Fit  
Diaconus,  
Canonicus  
caru-  
dis-  
misso.

# xx P R Æ F A T I O.

affectibus hæc omnia præstiterit, etsi maximo futurum esset omnibus ad pietatem exemplo & incitamento, non est hujus spatii enarrare.

12. Præ-  
statio Vef-  
periarum  
actu fit  
Doctor.

Sequenti mense Decembri ad Veritatis defensionem inauguratus est per solennem Laureæ Doctoralis adeptionem: cujus officii insignia decima nona die accepturus, pridie *pro Actu Vesperiarum* respondit in Sorbona ad hanc Quæstionem: *Quis finis Legis? ... Christus, Ecclesia, Charitas*, inquit. Et quidem non sine numine hæc tria prælibavit & velut primitias obtulit, qui totam deinceps vitam Christo, Ecclesiæ & Charitati, quibus constat Christiana Religio, impendere & superimpendere ex novo Doctoris officio & titulo meditabatur. *Finis Legis Charitas*, inquit in iis Thesibus, *nec Legis modò, sed & omnium Scripturarum divinarum, quæ non præcipiunt nisi Charitatem, nec culpant nisi cupiditatem, & eo modo informant mores hominum. Qui charitatis præceptum ad aliorum tantum præceptorum observationem, non ad interiorem cordis erga Deum affectum nos obligare contendit, doctrinam modum à fundamentis evertit, suoque exemplo probat, quàm nefariè dicatur, illam à Recensioribus potius quàm ab antiquis Patribus esse desumendam.*

13. Quo  
animò au-  
ream Do-  
ctoralem  
accepit.

Quàm intimo cordis erga Deum affectu ipse in Doctorum Ordinem cooptatus, huic oneri humeros supposuerit, duobus quæ supersunt huc usque testimoniis docemur. Testis primus est Clarissimus olim Vir Joannes Baptista de Chassebras Doctor & Socius Sorbonicus ad sanctæ Mariæ Magdalenæ in Urbe Parisiensi Pastor & Archipresbyter, qui retulit Arnaldum cum jamjam sese Sacramento obstricturus erat Veritatis defensionem, ad Collegas suos, qui  
idem

idem præstitum ibant, conversum, hæc dixisse: *Nescio, Eximii Domini, an Sacramentum, quod jam dicturi sumus, sit coram Deo perpenderit. Non hic levis ceremonia agitur; sed res summi momenti, cui implicare se nemo debeat, priusquam attente recogitaverit, quousque illa nos poterit perducere, in iis occasionebus que Deo ordinante occurrere poterunt.*

Testis alter Arnaldus ipse est, qui postquam ab Ecclesiæ Parisiensis Cancellario Doctorali Mitra donatus fuit, Eucharisticum ad eum Sermonem pro more habuit, qui totum ejus animum, qualis erat tunc coram Deo & Angelis ejus, nobis reteggit ac repræsentat. Non sanè committam ut excidat tam pium Viri tanti monumentum: cujus sensum ut mentis oculis semper objectum habeant quicumque doctorales infulas vel induerunt vel ambiunt, vehementer optandum. Suo igitur ordine sic amplissimum Cancellarium affatus est.

Ego verò, DIGNISSIME CANCELLARIE, quo animo suscipiam quem mihi honorem defers, nōdum satis intelligo. Etsi enim beneficentiæ erga me tuæ iniquior videri possim, si non totus in gratulationem effusus collatæ mihi per te dignitatis amplitudinem prædicem, ubi tamen impositi simul oneris cogitatio mentem subit, fluctuanti & anxio quàm gestienti similior esse debere mihi videor. Novi enim profectò quàm honestum sit & illustre Doctoris Parisiensis nomen, quantique sit ad dignitatem ornamenti, ad famam splendoris, ad autoritatem præsidii, in sacrum illum Theologorum Ordinem cooperari, quem & spectata tot sæculis eruditionis integritas, & clarissimorum Virorum uberrima seges, & summa in Ecclesiam merita, toto orbe

„ celeberrimum reddidere. Sed nec ignorare pos-  
 „ sum, nequaquam hæc omnia ad inanem tantum  
 „ ostentationem & pompam esse comparata, &  
 „ tum demum gloriosum esse Doctoris titulum, si  
 „ præstes quæ Doctoris sunt. Quàm verò id ar-  
 „ duum sit, intelligit profectò quisquis attendit  
 „ hoc esse Catholici Doctoris officium, ut igno-  
 „ rantiae tenebris circumfusus Evangelico lumine  
 „ illustret; ut animas humana & carnali sapientia  
 „ infatuatas Apostolico sale condiat; ut morta-  
 „ lium mentes ad deteriora proclives sanctioris  
 „ disciplinæ fræno coërceat; ut ubicunque Ec-  
 „ clesiæ periculum ab erroribus imminet, surgat  
 „ ex adverso, & opponat se murum pro Domo  
 „ Israël; ut spretis omnibus atque contemptis qui-  
 „ bus hominum animi capiuntur, solius Veritatis  
 „ amore inardescat, & quam Christus suo sangui-  
 „ ne consecravit, suo etiam, si opus sit, sanguine  
 „ tueatur: memor inprimis divini illius Sacra-  
 „ menti quod ad aras Martyrum præstare jube-  
 „ mur, Nos huic vitæ potius quàm sanæ doctrinæ  
 „ patrocinio defuturos. Quod optimo sanè con-  
 „ silio à Majoribus nostris videtur institutum, ut  
 „ necessariam Theologo in propugnanda Veritate  
 „ firmitatem atque constantiam, si mollior natura  
 „ negaverit, saltem extorqueat tam solennis juris-  
 „ jurandi sanctitas & religio. Hæc igitur quisquis  
 „ attentius recogitarit, facile perspiciet, quàm  
 „ jure merito quod olim de Sacerdotio dixit Au-  
 „ gustinus, ad Doctoris officium transferri possit:  
 „ Nihil esse in hac vita, & maximè hoc tempore, fa-  
 „ cilius & lætius & hominibus acceptabilius Doc-  
 „ TORIS officio, si perfunctoriè & adulatoriè res  
 „ agatur; sed nihil apud Deum miserius & tri-  
 „ stius & damnabilius. Item, nihil esse in hac  
 „ vita, & maximè hoc tempore, difficilius, labo-  
 „ riosius,

riosius, periculosius, DOCTORIS officio: sed  
 apud Deum nihil beatius, si eo modo militetur,  
 quo noster Imperator jubet. Unum hîc addit  
 animos, & sollicitudinem aliquantum minuit,  
 quòd ita gravissimum onus mihi imposuisti, ut  
 simul etiam benedictionem impertires, quo  
 illi ferendo par esse possim. Noveras sci-  
 licet, te non legale quoddam & Judaicum offi-  
 cium largiri, sed Evangelicum & Christianum,  
 quod proinde (quæ summa est novæ legis be-  
 nignitas) non nudum & inane tradi debeat, sed  
 spiritui gratiæ conjunctum, unde vires suppe-  
 tant illud implendi. Quamobrem, cùm Christi  
 in terris Vicarii vices hac in parte gereres,  
 imitatus illum de quo scriptum est: *Benedictio-  
 nem dabit Legislator*, cui eximium Doctoris mu-  
 nus Apostolica autoritate committebas, Apo-  
 stolica etiam benedictione, ad sanctam tanti  
 muneris administrationem, instrui voluisti. Et  
 certè cùm translata in sacrum Theologorum  
 Ordinem potestas nihil aliud sit, quàm decidua  
 quædam portio Apostolicæ potestatis, ad quam  
 primò pertinet fidelium animos divinæ doctrinæ  
 verbo pascendi munus; par etiam est, ut quem-  
 admodum à Moïse in septuaginta Seniores Spi-  
 ritus translatus est, à supremo Ecclesiæ Doctore  
 ad privatos Doctores Spiritus Apostolici quædam  
 portio derivetur. Felicem ergo me, si tantum  
 munus tam faustis auspiciis initiis enitar omni  
 studio, ut illud eo quo par est animo suscipiam,  
 eâ quâ par est diligentiam administrem, eâ quâ  
 par est constantiam & gravitate sustineam, ut  
 perpetuò illustrium illorum Ecclesiæ Doctorum  
 discipulus, & rudiorum Ecclesiæ membrorum  
 Doctor, & à Sacris illis fontibus hauriam quod  
 in mentes transfundam aliorum, & cum divina

„ illâ sapientiæ salutaris aquâ impleti fuerimus,  
 „ flumina de nobis fluant aquæ vivæ, salientis in  
 „ vitam æternam.

15. Con- Tam ardens tuendæ Veritatis studium jam  
 stans & pridem in ejus animo altè insitum erat, & à piis-  
 humilis sima Matre in extremis positâ unicè commen-  
 defensio data, ut ex schedulâ ipsius Arnaldi manu de-  
 veritatis à datum, ut ex schedulâ ipsius Arnaldi manu de-  
 Matre „ scripta discimus: ” Quo die, inquit, Mater  
 morien- „ mea Extremæ-Unctionis Sacramento munita  
 te unicè „ est, à Domino Singlino enixè petiit, ut pauca hæc  
 cōmen- „ mihi ejus nomine referret: *Hæc inquit natorum*  
 datur, „ meorum postremo dicas velim: quòd cum Deus eum  
 „ Veritati defendenda addiderit, hortor eum ac Dei  
 „ ipsius nomine obtestor, ne ab eo consilio pedem un-  
 „ quam referat, aut in se illius studium teperescere si-  
 „ nat, sed eam animosè semper tueatur, etiam si mille  
 „ vitæ pro ea impendenda illi sint: meque à Deo vo-  
 „ tis ardentioribus poscere, ut ipsi humilitatis spiri-  
 „ tion conservet, ne se unquam efferrat ex cognitione  
 „ Veritatis, quæ non ipsius est, sed Dei.” Post quin-  
 decim & ampliùs dies idem iterùm Singlinus  
 ab ea sciscitatus est, an non aliquid suo nomine  
 dici cuperet natorum suorum juniori. Tum illa  
 præsentî quàm maximè animo & integra men-  
 te: *Nihil*, inquit, aliud, nisi quod jam te ro-  
 gavi ut illi ex parte mea significares; nimirum,  
 ut in defendenda Veritate nunquam animus ejus ac  
 studium deservescat.

Hæc lectissima Fœmina, omnium quæ po-  
 stremis his sæculis floruerunt Matrum fortuna-  
 tissima: quæ (præter tres præclari meriti filios)  
 sex filias, totidem neptes, aliasque consanguin-  
 eas habuit Deo consecratas in Portu-Regio  
 Monasterio Cisterciensis Ordinis: in quem pri-  
 stinam illæ disciplinam revocavere, & ipsa Re-  
 ligiosum habitum in eodem Monasterio induta  
 inter

inter sanctissimas filias animam Deo reddidit, Eadem Arnaldo in memoriam revocavit clarissimus San-Cigiranni Abbas in Epistola 114. ad eundem scripta 2. Octobris anni 1641.

Arnaldus ipse tam sancti propositi ac debiti memor 12. ejusdem mensis & anni ad præstantissimum Virum Arnaldum-Andillium fratrem suum hæc scribebat : *Tot me gratia sua singularibus donis Deus Opt. Max. ab aliquo tempore cumulavit, ut omnium mortalium maxime ingratus fuerim, si quod aliud consilium versarem animo, quam me totum ejus obsequio mancipandi, ut aliquando merear sacras Evangelii ejus veritates defendere, etiam usque ad sanguinis effusionem, si tantâ me gratia beare voluerit.*

Quàm fideliter sancto huic proposito inhæserit, quantos pro Veritate labores exantlaverit, alieno teste non egemus, cum tota ejus vita id testificetur. Testis in primis Parisiensis Censura, quæ illum pro veritate Christianæ gratiæ certantem inaudita vi oppressit. Quo verò die illa procudabatur à conjuratis Inquisitoribus, mirum quid Arnaldo accidit. Solus cum ambularet in superiori quodam ambulacro exteriorum ædium Portus-Regii Parisiensis, rei eventum expectans, & coram Deo inde secutura mente perpendens, subitò in illius animum hæc Augustini verba, velut cœlitùsemis, incurrerunt: *Quia non in me persecuti sunt, nisi veritatem, ideo adjuva me, ut certem pro veritate usque ad mortem.* Quibus verbis tunc non parùm recreatus & in Veritatis defendendæ proposito ejus obfirmatus est animus; & eadem in fera etiam ætate, non sine solatii & pietatis sensu, sibi in memoriam coram amicis revocavit.

x6. In amore veritatis perseverat.

Sermone 20. in Psal. 118. hæc verba: Injustè persecuti sunt me, adjuva me.

Sed ad prima hujus persecutionis exordia,

ac velut semina, ab aulico Doctore præjecta, regredi juvat: illo, inquam, qui sua seu potiùs Vasqueziana de gratiæ mysterio placita à Discipulo suo posthabita molestissime ferens, Augustiniana in eo dogmata, jam tum cum illa propugnare cœpit, sive in Tentativæ Actu, sive in Morali Philosophia, clandestinâ primùm criminatione, ac demum aperta post accusatione ac proscriptione persecutus est.

17. Ad  
postulan-  
dam So-  
cietatem  
Sorboni-  
cam cogi-  
tur.

Prima occurrit occasio tunc cum Arnaldus admitti se in Societatem Domus Sorbonicæ postulavit. Celeberrimæ hujus Domus Hospitalitate contentus, ad quam adscitus fuerat in per-vigilio Festi Sanctorum omnium anni 1636. M. Martino Grandin tunc Sorbonæ Priore, de Societate ambienda ne cogitabât quidem, cursus Philosophici, qui præire debet, labore deterritus.

Nihilominùs iis *que in Licentia ad omnium stuporem præstitit*, ut Sorbonica Regesta habent, tantam sui existimationem apud Societatis ejus alumnos excivit, ut præcipui quique illorum vehementer ipsum impulerint, ac propè coegerint, ne Sorbonico Collegio nomen dare, labore deterritus refugeret; ultro promittentes ipsum facilè à Statutorum rigore absolutum iri, quæ jubent ut philosophicum stadium ante Licentiam Theologicam ingrediantur Societatis Candidati.

Magistrorum & amicorum suorum votis non obsequi religio fuit Arnaldo, qui transacto ferè præviarum illarum Doctoratui exercitationum curriculo, cursum Philosophicum peragere aggressus est. In hoc cursu verè Christianis morum præceptis ex Augustino depromptis discipulos imbuir: quod primum eorum ipsi offen-  
sionem



tionem peperit, quibus tam pura dogmata minus placebant.

Itaque Lescotius, qui tum Cardinali Richelieu à Confessionibus erat, hinc ansam arripuit ipsum apud Richelium criminandi: cujus præterea favorem non ambiisse, crimen apud ipsum leve non erat. Quamobrem cum peracto Cursu in Sorbonam recipi postulasset Arnaldus, in pervigilio Pentecostes anni 1641. Lescotium & per eum, Cardinalem ipsum Sorbonæ Provisorem, adversos habuit. Prætexebant illi accuratam Statutorum Sorbonicorum observantiam, adeoque Cursum seriùs quàm illa præscribant absolutum. Egregia scilicet ratio quâ à Sorbonæ Societate tantus Vir repelleretur.

En verba Regesti Sorbonici. " In negotio D. <sup>" 18. Le-</sup> ARNAULD supplicantis ad probationem Philo- <sup>" gatio ad</sup> sophici Cursus, cum duo è Sapientissimis Ma- <sup>" Card.</sup> gistris nostris institissent, ut res deferretur ad <sup>" Riche-</sup> <sup>" lium..</sup> Eminentissimum Dominum Provisorem, eo quòd hac supplicatione admissa perfringi conditas leges affirmarent, licet Socii cæteri aliter de hac supplicatione sentirent, legavit Societas S. M. N. Dominum de Hardivilliers Illustrissimum Bituricensium Archiepiscopum & Dominum Habert Ecclesiæ Parisiensis Canonicum Theologum, ut ambo rem ei totam aperiant, significantque Sociorum propensionem erga dictum M. Antonium Arnald, ob doctrinam atque pietatem omnibus gratissimum. Atque ne in comitiis ordinariis, mense Augusto proximo habendis, de peracto ejus cursu referri non possit, placuit Societati, ut priùs indicantur Comitia extraordinaria, in quibus de assignandis Inquisitoribus videbitur, audita legationis relatione. " De hac sic habetur. "

In

„ In pervigilio Assumptionis ejusdem anni, cum  
 „ S. M. N. D. de Hardivilliers Illustriss. Bituri-  
 „ censem Archiepiscopus designatus certiores  
 „ Socios fecisset, se adivisse Eminentissimum Do-  
 „ minum Provisorem super M. Antonii Arnould  
 „ supplicatione ad probationem Cursus Philoso-  
 „ phici, uti in superioribus comitiis ea de re ro-  
 „ gatus fuerat à Societate, fuit ex Sociorum vo-  
 „ luntate decretum, ut hîc ea perscriberentur,  
 „ quæ de sua legatione retulit. Retulit verò se  
 „ Sociorum omnium nomine Emin. Dom. Provi-  
 „ sorem adiisse, salutasse, & hæc apud eum di-  
 „ xisse: In ultimis Comitiis fuisse duos è SS.  
 „ MM. NN. Senioribus (Lescotium & Alterum)  
 „ qui M. Arnaldi supplicationem ad Cursus Phi-  
 „ losophici probationem statutis & consuetudini-  
 „ bus repugnantem esse asseverarint, ejusque rem  
 „ esse momenti, ut definiri à Sociis non possit,  
 „ nisi expectato super ea Eminentissimi Domini  
 „ Provisoris judicio: Omnes verò Congregatos  
 „ Socios, his duobus exceptis, in aliam senten-  
 „ tiam ivisse atque existimavisse admitti posse sup-  
 „ plicationem, Statutis & laudabilibus consuetu-  
 „ dinibus penitus illæsis, & ad eum admittendum  
 „ summopere propendisse.

„ Significavit præterea Sociis Illustrissimus  
 „ Præsul, se Eminentissimo Domino notum fecisse  
 „ quibus rationum momentis utrique adduceren-  
 „ tur, ut nemine repugnante, ob ingenium su-  
 „ blime, præstantem doctrinam, pietatem exi-  
 „ miam atque singulare erga Sorbonam studium,  
 „ mutuâ Sociorum quâ in eum feruntur propen-  
 „ sione dignus D. Arnaldus haberetur: atque  
 „ etiam ut eorum quæ in Licentia præstitit, te-  
 „ stes ad stuporem omnes fuerint.

„ Porro se dum Eminentissimum Dominum  
 salu-

salutaret eique loqueretur, fuisse pro solita humanitate, quâ inter Eminentissimos eminet, ab eo & exceptum & auditum, à quo hæc demum responsa sibi fuisse, addidit: Sibi gratissimam accidere factam nomine Sorbonæ Legationem, quâ testatum habuit ejus in servandis statutis Studium, unde promoveri semper nominis Sorbonici splendor poterit: sibi commendatissimum esse D. Arnauld, & quia ejus familiam amat, & quia cum rescit magnæ esse doctrinæ magnæque virtutis: Facturum se libenter ut hoc ei constet; tamen in præsent negotio dissentire non posse à sententia illorum qui censent propter statuta servanda cum admitti non debere.

Richelii autoritati plusquam Regiæ cedere coacti sunt Socii Sorbonici: inter quos plures fuisse non dubitem, qui sibi longè magis honorificum putarent, si eo modo quo Arnauld repulsam passi essent, quàm quo passim omnes alii admittuntur, esse admissos. Neque tamen à consilio destiterunt Arnaldum sibi sociandi. Vix ultimum diem obierat Richelius, die 4. Decembris anni 1642. cum rursus de illo in Societatem adsciscendo verba facta sunt in Sorbona. Sed indecorum fortè visum est, calente adhuc memoria tam insignis Instauratoris sui, acta ejus rescindere. Quare in comitiis ordinariis, quæ habita sunt in pervigilio Natalis Domini anni 1642. decretum est: Standum esse gravissimo judicio Eminentissimi Provisoris in negotio Domini Arnauld: atque idcò illum deinceps ad Societatem Sorbonicam aspirare non posse. Hoc tempori datum. Sed ne tunc quidem ut Decreto acquiesceret adduci potuit sacra Societas. Quantum decoris ac splen-

19. Ceditur Cardinali, quo mortuo repetiri conatus Arnaldum Sorbonæ asserunt.

splendoris Sorbonico nomini additurus esset Arnaldus jam tum, non dubiis, sed certis signis præfagiebant Viri sapientissimi. Itaque anno sequenti 1643. mense Augusto, omnium rursus Sorbonicorum animi novâ recipiendi Arnaldi cupiditate exarserunt, eumque præ modestia renitentem ad novos conatus adegerunt. De iterata Arnaldi supplicatione hæc in  
 „ Actis Sorbonicis scripta habentur : ” In pervi-  
 „ gilio Assumptionis B. Mariæ Virginis, Priore  
 „ (Sorbonæ) M. Joanne Baptista Chassebras Pa-  
 „ risino, Supplicatio M. Arnauld audita fuit sup-  
 „ plicantis, ut post tot publica propensæ in ip-  
 „ sum voluntatis testimonia jure Societatis postu-  
 „ landæ non privaretur. Societas gratam hanc  
 „ habuit supplicationem.

Immò nonnulli Doctores ætate, doctrina, pietate præstantes, multa in Arnaldi laudem præfati, graviter conquesti sunt de dilata ejus receptione; de emendicato Richelii adversus ipsum, contra Societatis Sorbonicæ libertatem, judicio; de invidiosis paucorum prehensionibus, quibus tantum Collegio suo decus & ornamentum surripere nitebantur. Eo etiam progressus est aliquorum zelus (qui cum plurimis aliis ex longinquis etiam Provinciis ad comitia confluxerant, quò suis suffragiis negotium istud promoverent) ut palàm & publicè testati sint, paratos seipsos jure Societatis Sorbonicæ sponte abdicare, ut illud in tantum Virum transcriberetur.

Denique *In pervigilio Festi omnium Sanctorum* (ejus) anni 1643. (ut ferunt Sorbonici fasti seu commentarii) *tandem conclusum fuit negotium D. Arnauld, & cursu Philosophico & moribus exami-*  
*natis, omnium ferè votis admissus est ad Societatem*

*receptus* : nequicquam reluctante adversariorum parte, quæ pro actis Richelii omni ope pugnabat.

Verùm optatis tandem illi miserè potiti sunt per Censuram quam excutimus, de qua modò sermo instituendus: quo in opere maximam & primam partem habuit Lescotius. Nam in Comitiis tam Cleri Gallicani, quàm Sorbonicis, quibus intererat annis 1655. & 1656. quæque ad nutum moderabatur, semper obstitit, ne Arnaldi negotium pacificè & amicè componeretur. Theologicam proscriptionem, quæ ipsi minùs sufficere videbatur, Episcopali Comitiis judicio confirmari peroptabat, & ad id totis viribus connitebatur. Sed die 22. Augusti ejusdem anni 1656. ad aliam Censuram aliudque judicium vocatus est, *in quo*, ut solabatur se ipse Arnaldus, *nil gratia, nil potentia, nil numerus, nil præjudicia, nil calumniæ valiturae sunt; ubi nec justitia cadere, nec vincere possit iniquitas.* Absit ut durissimum illud, quod fit his qui præsunt, Judicium Præsuli non deprecet: misericordiam potiùs exopto, cujus fortè sperandæ indicium fuit, quod eo ipso die è vivis ereptus sit, quem ad perorandum in Comitiis pro Censuræ confirmatione obtinenda designaverat, ut narrabant tunc temporis nonnulli è Comitialibus Deputatis. Sed ab negotii istius exitu, quò me præposterè traxit Lescotii mentio, ad illius occasionem & exordia retrahit me narrationis ordo.

Cum Arnaldus, Socius Sorbonicus omnium penè votis renuntiatus est, jam prodierat, in lucem ab aliquot mensibus insigne illud & admirandum ejusdem Opus *De frequenti Communione*, viginti Doctorum suffragio & quinde-

20. Lescotius votis poritus moritur.

Ep. 1. ad Episc. An- degaven- sem.

21. Exlib. De frequ. Comm. orta vexatio & latendi necessitas.

cim

cim Episcoporum autoritate munitum, quibus quatuor aut quinque in Auscensis Provinciae Synodo accessere, ac deinceps Episcopi ac Viri Ecclesiastici penè omnes, piè scientes & scienter pii. Hujus etiam sese strenuos vindices apud Apostolicam Sedem præstiterunt Episcopi, qui illud approbant, scriptis super ea re Literis primùm Urbano VIII. de hinc Innocentio X. qui Pontifices nihil in Libro improbandum, ut minùs dicam, judicarunt.

Quàm acerbè in aureum istud opus ejusque Autorem invehi statim cœperint ii qui scriptunculam unius è Sociis suis, tacito licet nomine, hoc libro confutari animadverterunt, nemo in Galliis non peregrinus ignorat. Utrumque Sodalium unus in publicis Concionibus diris modis infectatus est; sed eundem ad veniam inauditæ temeritatis publicè petendam adegerunt Episcopi. Hinc socii acriùs exacerbati librum illum variis libellis proscindere non destiterunt effræni impotentia, cujus specimen hoc habe ex Libello, cui titulus *Arnaldi Theologia summa*. ADVERTITE, inquiunt, *Magnates, quibus Deus judicandorum hominum facultatem concessit, & dum nominari auditis Fansenistas, San-Ciranistas, Arnaldistas, trepidate, pestesque Religionis esse dicite, quas in ortu suffocari necesse sit. Tonitrui fulmina socianda sunt, & gladius temporalis Ecclesiastico, ut hæc nostri sæculi probra refecentur.*

Aulæ gratiâ nixi adversarii Mandatum à Regina elicuere, quo Romam petere jubebatur Arnaldus, rationem libri sui redditurus. Nec abnuït Vir optimus, divina ope, innocentia suæ conscientia & Apostolicæ Sedis æquitate fretus. Sed ipsi jam ad iter accincto mutandi con-

filii

fili necessitatem attulit omnium penè Regni  
Ordinum intercessio, delatæque super ea re ab  
Episcopis, à primo Galliarum Senatu, ab Uni-  
versitate Parisiensi, à Facultate Theologica,  
à Sorbonæ familia, ad Reginam Matrem pre-  
ces & admonitiones, quibus cedere coactus  
est Arnaldus, ne tantorum Ordinum de se op-  
timè meritorum offensam incurreret.

At ne vim aliquam ipsi aliunde molirentur  
adversarii, octava die mensis Martii anni 1644.  
publico se subduxit, illi nonnisi post quatuor  
& viginti annos restituendus. Exinde vel pla-  
nè delituit, vel in Portus-Regii Monasterio ab  
hominum frequentia remotus Confessarii mu-  
nus obiit. In his solitudinis suæ latebris ad aliud  
pro veritate certamen se divinitus vocatum sen-  
sit. Luculentis enim Summorum Pontificum  
testimoniis edoctus eandem esse prorsus Ro-  
manæ Ecclesiæ & S. Augustini de gratia do-  
ctrinam, sine gravi dolore ferre non potuit  
constantissima sanctissimi Doctoris dogmata  
tanquam errores ab imperitis Concionatoribus  
scriptoribusque traduci. Horum ergo ut im-  
prudentiam coerceret, aliquot ante Innocentii  
X. Constitutionem Tractatus edidit, quibus  
præcipua Augustinianæ doctrinæ capita sic as-  
seruit, ut adversarios planè exarmaverit & de  
stadio excedere coegerit. Inter quos præcipuè  
elucet *Apologia SS. Patrum Gratiæ Christi De-  
fensorum*, eo Scripturarum & Traditionis pon-  
dere adversarios obterens, ut à nemine vel cen-  
suris vel etiam scriptis appetita sit. Hæc anno  
1651 edita est in lucem, & non multo post  
iteratis typis excusa.

22. Quin-

que pro-

positiones

damnan-

tatis tur.

Interim quinque famosæ propositiones per  
Nicolaum Cornetum ex-Jesuitam, & Facul-

tatis Theologicæ Parisiensis Doctorem, qui verè Molinistarum Achitophel dictus est, fabricatæ, ad Apostolicam Sedem delatæ sunt & celebri Innocentii X. Constitutione in sensu obvio quem ipsa verba præ se ferunt, meritò proscriptæ.

Hic si res constitisset, sua mansisset Ecclesiæ pax. At illi quibus omnia miscere studium erat, novum litis genus ex Facti quæstione conflarunt, iis notam hæreseos affricare aggressi, quos intus dubitare suspicabantur, an damnatæ propositiones earumque proprius sensus reipsa in Jansenii scriptis exstarent. Inde factum ut nescio quis ex Sulpitiano Cœtu Presbyter, totius quæ agebatur controversiæ admodum rudis, temerariisque suspicionibus nimidò plus indulgens, cò provectus est, ut cuidam è Regni proceribus, piam alioquin & religiosam vitam agentì, abolutionem eo solo nomine denegaret, quòd ab ipso monitus ut filiolum suum à Portus-Regii, ubi educabatur, Monasterio tanquam hæreseos suspecto abstraheret, obtemperare ille recusaverit, tum quòd ipsam nusquam melius institutum iri, tum quòd illas hæreseos suspensiones frivolas penitus & temerariis demum judiciis nixas esse, pernosset.

23. Epi-  
stolam  
scribit ex  
qua de-  
promitur  
proposi-  
tio notata.

Hæc anno 1655. facta Arnaldum singulari cum isto magnate amicitia jam olim devinctum adduxere, ut illius adversus inconsultum Presbyteri institutum, unâque sanctissimi Monasterii defensionem susciperet. Quod cum per Epistolam, auctoris quidem nomen præferentem, at non vulgari sapientia ac moderatione conditam præstitisset, importunissimorum nihilominus in se Scriptorum examen excivit, quos in se acerbissimè invectos Secundâ Epistolâ, ubi



res tota latiùs pertractabatur, retundere conatus est. In accusatione enim hæreseosquemque patientem esse, nefas duxere sancti Ecclesiæ Patres.

In ea Epistola non antiquos solummodò Pontifices Romanos, Catholicæ Augustini doctrinæ assertores, sed recentiores etiam, ipsamque adeò Innocentii X. Constitutionem vindicabat à falsis temerariisque novellorum autorum, præsertimque Annati Jesuitæ, interpretamentis. Is enim, dum Augustinianam Pontificiamque doctrinam de gratia per se efficaci ad singulos christianæ pietatis actus necessaria, illius Constitutionis ope evertere moliebatur, ipsam reapse Constitutionem evertibat. Novum enim ex ea fidei articulum eliciebat, quo quisque, ut catholicus audiat, credere teneatur, omnem gratiam ad implenda Dei præcepta necessariam semper cuivis mortalium adesse cum peccat; omnibus, inquam, justis & non justis, impiis, infidelibus, atheis, sceleratis, excæcatis, obduratis. Huc illos duxit absurdum istud axioma, quod jam pridem Molinistarum asseclæ invchere conantur, Gratiam ad peccandum esse necessariam; deinde, nisi illa peccantis vel mentem illustrarit, vel moverit voluntatem, vel animo objecerit actionis malitiam, non posse à Deo imputari peccatum. Inde itur ad peccatum philosophicum, quod non sit peccatum mortale dissolvens amicitiam Dei & æterna pœna dignum: quam *propositionem scandalosam, temerariam, piarum aurium offensivam, & erroneam declaravit*, & uti talem damnavit Sedes Apostolica, sedente ad Ecclesiæ clavum Alexandro VIII.

Postquam Arnaldus falsam Constitutionis interpretationem circa eos omnes qui justii non

24. Quæ-  
stio de  
Petri casu  
proponi-  
tur.

sunt, elisit, ad justos sermonem deflectit: de quibus generatim primùm quæstionem instituit; deinde ad singulare Apostoli Petri exemplum his

*Epist. 2. pag. 218.* verbis descendit: *Quæstio est an, verbi gratia, ut catholici audiamus, teneamur credere, S. Petrum, qui justus erat, cum timore mortis correptus est, habuisse per motum interiores & actuales OMNEM GRATIAM, QUÆ IPSI NECESSARIA ERAT, ut posset vincere HANC tentationem & Christum usque ad mortem sequi; licet Christus Dominus, qui ipsa est Veritas, clarè illi dixisset: NON POTES ME MODO SEQUI.* Ubi verò per aliquot paginas evicit clarissimis SS. Patrum testimoniis, Petro NON OMNEM adfuisse gratiam quæ necessaria illi erat ad vincendam illam tentationem seu timorem mortis, resumit propositionem in hæc verba, quibus in locum definiti, seu necessarij, quod ante posuerat, definitionem substituit, nimirum *sine quo id ad quod adjuvat effici non potest, ut definit Augustinus lib. de Gestis Pelagii c. 1. vel, ut loquitur S. Thomas, id sine quo aliquid esse non potest, seu sine quo finis haberi non potest.* Sic ergo ante dicta colligit Arnaldus:

*Interea, Vir Illustrissime, Veritas hac magna, per Evangelium constituta & SS. Patrum auctoritate confirmata, qui nobis in B. Petro exhibent hominem justum cui gratia, sine qua nihil possumus, in ea defuit occasione, in qua cum non peccasse dici non potest, statim evasit in Calvinianam hæresim, si qua fides Molina sectatoribus.*

25. Prava  
Interpre-  
tationi  
suæ pro-  
positionis  
occurrit.

Hæc illa est propositio tot probrosis notis vexata, quòd Petro in peccatum labenti defuit *gratia sine qua nihil possumus.* Tot clamores turbasque excivit unum hoc gratiæ epithetum, SS. Conciliis & Patribus tam familiare: quod cum generatim omnigenæ actuali gratiæ, sive absolu-  
te

tè sive secundùm quid efficaci, conveniat, multo certè magis nobilioris speciei proprium est. Ad cuius catholicum sensum asserendum observandum quàm maximè, Arnaldum quasi iniquioris adversariorum suorum Censuræ præscium, sapienter præcavisse, ne justos quosque, immò ne quosvis quidem sceleratos homines qui peccatum admittunt, omni vitandi peccati ac implendi Dei mandati potestate exuisse videri posset. Ut enim ejusmodi calumniæ obviam iret, nonnullis magni momenti observationibus à se dicenda præmunivit.

Duo, inquit, observanda nobis veniunt, ut de qua re hìc agatur, bene quisque perspiciat.

Primum, licet nihil fieri possit, quod verè bonum sit coram Deo, nisi per speciale Jesu-Christi auxilium, & ipsa Domini Oratione doceamur, hanc gratiam absolutè necessariam esse ad repellendas tentationes, hoc est ad illas evitandas ea ratione quæ apud Deum pura sit & omnis labis expers; nihilominus possunt homines sine gratia multas actiones efficere quæ in se bonæ sunt, etsi eo nomine vitio non careant, quod ad Deum non referantur. Possunt etiam à peccatis per alia peccata abstinere: quod de antiquis Romanis dixit Augustinus: *Illo unico vitio, id est, amore laudis, pecunia cupiditatem & multa alia vitia comprimentes.*

Ex quo, subdit Arnaldus, evidens est propter ea quæ fides docet de Christi gratia ad singulos actus necessaria, non esse fas hoc sibi in animum inducere, eos qui à vitiosis flagitiosisque actionibus non abstinere, quales sunt fornicationes, adulteria, furta, homicidia & alia ejusmodi, non possent ea crimina non perpetrare, si ad vitandum peccatum gratia Christi sit

„ necessaria..... Ad hoc enim tantum necessaria  
 „ est ut vitetur peccatum, non civili quadam ra-  
 „ tione & studio humano, sed pio & christiano  
 „ affectu, id est, Dei ipsius intuitu & inspira-  
 „ tione, quæ ex Deo nobis sit & ad Deum nos re-  
 „ ferat, ex Dei amore sive parvo sive magno,  
 „ quo ipsum ut omnium actionum nostrarum fi-  
 „ nem ultimum aspiciamus, quemadmodum præ-  
 „ cipit Apostolus.

Quis autem cordatus dixerit aliquid ex amo-  
 re Dei fieri ullomodo posse, sine inspiratione  
 amoris vel parvi vel magni, quæ Christi gratia  
 est aut magna aut parva.

Pag.  
206.

Alterum quod observat Arnaldus, hoc est:  
 „ Per gratiam interiorē, quam voluntati cum  
 „ peccat, nunquam non adesse contendunt Theo-  
 „ logi illi, intelligunt gratiam actualem, quam  
 „ sufficientem appellant, eamque constituunt in  
 „ bona cogitatione quam Deus menti inspiret,  
 „ & secretiori motu quem voluntati imprimat,  
 „ ut ad bonum se convertat & à malo se revocet,  
 „ ita tamen, secundum eorundem doctrinam, ut  
 „ pendeat à voluntate gratiam illam vel repellere  
 „ vel admittere.

26. Quam  
 salūm, il-  
 lum om-  
 nem à pec-  
 cantibus  
 non pec-  
 candi po-  
 testatem  
 amovere.

Ex quibus perspicuum evadit ab Arnaldi  
 mente longissimè abfuisse, ut omnem omninò  
 potestatem à quovis peccante amoveret; &  
 cum dixit, *sine gratia efficaci nihil nos posse*, eo  
 sensu dixisse, ut istud *nihil* cadat, non in po-  
 tentiam seu facultatem, sed in objectum; seu  
 non in voluntatem, velut omnis prorsus pote-  
 statis exfortem, sed in ipsa Christianæ pietatis  
 opera & officia, quorum ne hilum quidem seu  
 pars nulla est vel minima, ad quam exsequen-  
 dam ita necessaria non sit gratia Christi efficax,  
 ut sine ea neminem posse illam implere, verè  
 admo-

admodum dicatur. Hoc sensu istud *nihil* debere intelligi, & Grammaticæ leges exigunt & SS. Patrum usus, qualis habetur in Africanis Canonibus, à toto mundo susceptis ac probatis, quibus sancitur, *Gratiâ Dei per Jesum Christum Dominum nostrum nos per actus singulos adjuvari, ita ut sine illa nihil veræ sanctæque pietatis habere, cogitare, dicere, agere valeamus.* Apud  
Prosp. l.  
cont. Collat.  
c. 10.

Quæ omnia unico perseverantiæ verbo coercuit Tridentina Synodus, cum Canone 22. sess. vi. iussit, ut *Si quis dixerit justificatum vel sine speciali auxilio Dei in accepta iustitia perseverare posse, vel cum eo non posse, anathema sit.* Quid enim est in accepta iustitia perseverare, nisi omnia veræ sanctæque pietatis officia indefinenter implere, omnibus Dei mandatis constanter obsequi, omnibus contra insurgentibus tentationibus sic resistere, ut nulla prævaleat. Unde cum apud omnes res confessâ sit, speciale Dei auxilium sine quo nemo in accepta iustitia perseverare potest; esse gratiam Christi efficacem, qui dicit, ut dixit Arnaldus, *sine gratia efficaci nihil quemquam posse*, hoc unum dicit, quod dixit Tridentinum, nullum iustum in ullo vitæ instanti *sine speciali auxilio Dei in accepta iustitia perseverare posse.* Idem evincunt Araucanæ Sanctiones omnibus obviæ, quas ante oculos habuerunt Tridentini Patres, & Capitula de Gratia, Apostolicæ Sedis & totius Ecclesiæ autoritate comprobata.

Ex prima igitur observatione patet Arnaldum in omnibus etiam flagitiosissimis hominibus ita potestatem abstinendi à peccatis quibusque agnoscere, ut ab iis revera abstineant scriptissimè humanis affectibus ducti, "ut puta peccatorum metu, turpitudinis consideratione, in-

famiæ imminentis intuitu, famæ servandæ studio, civilis honestatis amore;” nec aliam potestatem iis abjudicare, qui non ex amore Dei servant mandata vel etiam violant, quàm quæ ex Dei amore oritur, sive parvo, sive magno.

Ex altera verò observatione perspicuum est, non de potestate quæ ex charitate seu gratia habituali exsurgit controverti; ea enim in justis necessariò supponitur: nec etiam omnem quæ ex aliquo actuali gratiæ auxilio nascitur potestatem ab eo justis abrogari, sed eam solummodò quæ ex Moliniana gratia actuali oriatur, gratia, inquam, versatili, nutui voluntatis obnoxia & præterquam alia nulla necessaria sit ut voluntas impleat præceptum. Quam potestatem, proximam, completam, immediatam, & ad agendum expeditam peccanti nulli concedere necesse est eos omnes qui efficacem per se gratiam omnibus pietatis Christianæ actibus & officiis implendis necessariam asserunt. Quamobrem Arnaldus noster, cum ipsam de Apostolo Petro quæstionem proponeret, non omnem Petro gratiam actualem defuisse, sed **NON OMNEM ADFUISSE** quæ ad vincendum mortis metum necessaria erat, cautè asseruit: ita ut omnem calumniandi ansam adversariis præripuisse videretur, si quo illi veritatis & æquitatis amore ducti ad Epistolæ Arnaldinæ examen accessissent.

27. Jesuitæ olim Arnaldi propositionem defendebant.

Tam arctus igitur Arnaldinæ propositionis cum Ecclesiæ doctrina nexus, ut vix credas fuisse proscriptam. Fuit tamen. Et quod mirere magis, eorum instantiâ & sollicitationibus, in quorum Romano Collegio defensa fuit a. 1580. à Jacobo Marchiseto, Thesi 143. de præd. & grat.

grat. his verbis: *Est in nostra potestate ut vocationi consensum praebeamus, idque non simpliciter in nostra potestate, sed suppositâ gratiâ efficaci.* Idem sub hujus quo vivimus sæculi initio eandem ut fidei dogma à Tridentino sancitum propugnabant, & contradictoriam hæreseos postulabant coram Apostolica Sede, ut anathemate damnatam ab eodem Concilio. Acta est fabula die 20. Januarii anni 1603. coram Clemente VIII. Urgebat Thomas de Lemos, insignis ille Dominicanus, Arrubalem Jesuitam, contendebatque Molinam docuisse, vires quibus tentationes repellantur ac superentur, à gratia non esse repetendas; illis tam facilè succumbere hominem sub gratia sanctificante positum, quàm qui in mortali peccato versatur; immò hominem gratiâ sanctificante ornatum potentiam non magis habere resistendi pluribus diuturnisque tentationibus, quàm si in mortalis peccati luto jaceret. Insanum errorem revicit Lemosius, asseruitque in homine justificato inesse perseverandi potentiam, non eam quidem quæ actui conjuncta est, sed potentiam ab actu separatam. Contra insurrexit Arrubal, quasi Lemosius impiam, blasphemam, hæreticam doctrinam protulisset. "Beatissime Pater (inquit) quod Pater dixit contra Molinam, hominem videlicet in gratia justificante constitutum habere potestatem ad perseverandum, licet ut de facto perseveret indigeat auxilio perseverantiæ speciali, est contra Concilium Tridentinum Sess. 6. Can. 12. Concilium enim definit: *Si quis dixerit, hominem justificationem perseverare posse sine auxilio speciali, anathema sit.* Ecce dicit non posse perseverare sine auxilio speciali; & hoc est certum secundum fidem. Et illud aliud quod Pater asserit,

sine

” sine errore dici non potest. Similiter Concilium  
 ” Arausicanum Canone ultimo dicit, Non esse ido-  
 ” neum hominem justificatum ad perseverandum  
 ” sine auxilio perseverantia.

” Ad hæc Lemosius. *Reverende Pater, sacrum  
 Concilium intendit non posse hominem justificatum  
 sine auxilio speciali perseverare, id est, esse impos-  
 sibile quod homo sine auxilio speciali perseveret;  
 non tamen negat potentiam esse in homine ad perse-  
 verandum. Licet enim ad id habeat potentiam per  
 gratiam justificantem, tamen ut exeat in actum in-  
 diget auxilio speciali.* Vides, candide Lector,  
 ut Lemosius, audiente Pontifice nulloque præ-  
 ter Arrubalem contradicente, palàm & publicè  
 judicaverit nullam aliam potentiam in justo  
 homine necessariam, nisi quæ ab ipsa gratia  
 justificante fluit, ut possè perseverare dicatur  
 in accepta justitia, hoc est & præceptis urgen-  
 tibus obedire, & ingruentibus tentationum  
 tempestatibus obsistere. Nimirum *Reverendi  
 Patres debuissent animadvertere, (ut Armachanus  
 Archiepiscopus Molinæ defensores statim mo-  
 nuit) quod est duplex potentia, alia ab actu sepa-  
 rata, alia actu conjuncta.* His nequaquam,  
 fractus Arrubal, vehementiùs institit, rursum-  
 que compellans Pontificem: *Beatissime Pater;*  
*inquit, constat esse definitum in Concilio, hominem  
 per gratiam justificatum non habere potentiam ad  
 perseverandum: & ego non dubitarem pro ista  
 veritate sanguinem fundere.*

Non sanguinem, sed bilem fudit: nec pro  
 veritate, sed contra veritatem: nam canonem  
 fidei non propugnabat, nisi in sensu fidei con-  
 trario, eoque multiplici. Per illud enim auxi-  
 lium speciale, non adjuvantem gratiam quæ effi-  
 caciter moveat voluntatem, sed aliud nihil in-  
 tellige-



telligebat, quàm ipsam excitantem gratiam quæ novo influxu & actione in operationem piam influens, appelletur adjuvans, quia liberum arbitrium pro sola sua libertate voluit illa benè uti. Insuper putavit omninò tolli arbitrii nostri libertatem, si tale donum perseverantiæ concederetur, per quod Deus efficaciter & insuperabiliter efficiat, ut homo infallibiliter perseveret, quale intellexit Concilium. Denique gratiam habitualement, seu charitatem inhabitantem talem esse somniabat, ut refert Lemos, ex qua potentiæ nihil ad perseverandum homini justificato proveniret, nisi quatenus ex motu liberi arbitrii, illâ pro innata sua libertate uteretur & ad novum influxum excitaret.

E contrario pro veritate Canonis Tridentini certabat Lemosius, qui cum posse actui conjunctum inesse negabat hominibus justis, sine speciali illo auxilio præter quod nihil aliud desideratur ad perseverandum, simul aliud posse ab actu sejunctum ultrò admittebat, illud scilicet quod è charitate inhabitante in animam justi profluit.

Faceſſat hinc igitur Arrubal, notatæ propositionis verbo tenus aſſertor: tales non ambit Arnaldus defenſores; adverſos libentiùs ſentiet. Quoties enim ejus propoſitionem in S. Thomæ Diſcipulis in odium & erroris opinionem trahere ſunt conati, toties illi Congregationis totius ſuffragia & approbationem conciliavere. Die 10. Januarii anni 1606. in Congregatione 44. coram Paulo V. inter plures propoſitiones quas Ferdinandus Baſtida Jeſuita expugnare aggreſſus eſt ut Calvinianas, hanc quartam protulit: *Sine auxilio efficaci gratia homo non poteſt bene operari, nec ad Deum converti.* At die 9. Novem-

28. Ro-  
mani Cen-  
ſores Ar-  
naldo ſuf-  
fragantur.

vembris ejusdem anni, in Congregatione in qua collectæ sunt propositiones damnandæ ut fidei absonæ, hujus censuram, Parisiensi simillimam, erroris damnavit. his verbis: *Qui dixerit gratiam istam ad volendum & operandum quæ pertinent ad salutem, aut non esse ita efficacem, ut præveniendò voluntatem nostram, ipsam vera & reali efficiëntia præmoveat, & faciat velle atque operari, aut SINE EA POSSE aliquem actu velle & operari: Errat.* Quamobrem cum quidam Theologiae Professor in Academia Lovaniensi hanc conclusionem 26. Thesibus suis inseruisset: *Quisquis ergo gratiam efficacem ita necessariam existimas, ut sine ea opus bonum fieri aut tentatio superari non possit, agnosce te cum eodem (Jansenio) impiè blasphemare & hæreticè sentire;* has Theses damnavit & prohibuit Sedes Apostolica die 15. Martii anni 1684. ut refert P. Bernardus Desirant Augustinianus Eremita & Doctor S. Facultatis Lovaniensis in Thesibus Theologicis, De Gratia Christi, Lovanii defensis 14. Junii ejusdem anni.

Si quod inter illam celeberrimæ Congregationis doctrinam & propositionem Arnaldinam discrimen intercedit, in eo certè versatur, quòd longè clariùs à Congregatione assertum habemus Arnaldinum dogma, quàm in ipsa Arnaldi propositione. Interim quanti sit ponderis illa sanctio, tametsi nondum Apostolica autoritate promulgata, nemo non videt, qui illius judicata per integrum ferè decennium contradictoriis disputationibus discussa meminerit & septies repetito ad Jesuitarum instantiam examine ad incudem fuisse revocata. Et tamen tam maturè sancita doctrina, quæ gravis istius controversiæ summa est, in qua totius de gratia doctrinæ cardo  
verti-

vertitur, hæc ipsa est quam in clarissimi Arnaldi Epistola impiam, blasphemam, hæreticam pronuntiarunt Censores Parisienses.

Sed enim Arnaldi Epistola in homines incurrens exulceratos & incensos, inimicorum malevolentia patuit, qui captatis insidiosè nonnullis verbulis quæ in erroneum sensum detorqueri posse visa sunt, Sorbonæ illa non excutienda, sed damnanda obtulere. Opportunum illis admodum videbatur quod hæc Epistola auctoris nomen præferebat, cujus odio magis etiam quàm ipsius doctrinae flagrabant. Nam si doctrinae illos cura sollicitasset, cur non ipsam Patrum Apologiam invadebant, in qua invisa ipsis dogmata latius longè & uberius quàm in hac Epistola traduntur & explicantur.

29. Censura quomodo & quibus substructa.

Ad hanc autem condemnationem assequendam multæ machinae admovendæ fuerunt.

Primùm, ut sibi Suffragiorum multitudinem certò conficerent, multò plures ex Mendicantium familiis in Facultatem induxerunt, quàm per ipsius leges licebat; quos postmodum ex istis legibus è Facultate ipsimet exegerunt.

2. Annitentibus ipsis, insensissimis Arnaldi adversariis & iis ipsis quos editis voluminibus validè confutatos ad silentium adegerat, excutiendæ ejus Epistolæ cura mandata est.

3. Cum huic statuto complures è Doctoribus intercessissent, re ad supremum Senatum delatâ, graviter inVectus est Regius Advocatus in apertam illam iniquitatem, quâ infestissimis inimicis, non judicium modò, sed ipsa in reum inquisitio tribuebatur: ac in favorem Arnaldi suas, ut loquuntur, conclusiones adjunxit, secutusque fuisset haud dubiè majoris Judicum partis assensus, ni Aulæ Gallicæ in alteram partem

tem inclinantis studia obstitissent, cujus operâ octo præter numerum Judices immissi: quibus effectum est, ut adversâ Arnaldo sententiâ duobus aut tribus calculis victrice, res ad Facultatis arbitrium remitteretur.

4. Cum in ipsa Facultate plurimi Doctores oppositæ factionis potentiâ minimè territi strenuè adversùs eam pro Arnaldi innocentiam pugnarent; ad eorum infringendam constantiam adesse in omnibus consensibus jussus est Seguierus Gallie Cancellarius, qui Doctoris quem Adversarii oppressum volebant assertores suâ præsentia perterrefaceret. Et cum quidam nihilominus foriter obfisterent, statutum insuper ne cui ultra semihoram sermones protrahere liceret: ne scilicet spatium esset ad Arnaldinam periodum, quam censurâ inustum omni ope tendebat adverta factio, traditionis & scholasticorum auctoritate vindicandam. Hac iniquitate factum, ut pluiquam septuaginta Doctores, libertatem Facultatis violatam ante contestati, ab illis se consensibus subduxerint.

At si Censuram cassam & irritam demonstrat hæc agendi ratio apertè violenta, magis etiam materiæ ipsius vitio corrui. Damnat enim propositionem ex SS. Augustino & Chrysostomo ad verbum exscriptam, quamvis alioquàm à Patribus usurpata sensu, ejus verba ab Arnaldo sumta, nemo docere potuerit.

30. Censura semper inde-  
fensa.

Itaque quamprimum hæc Censura prodiit variis statim scriptis labefactata est, unoque præcipuè cui *Dissertationis Theologicae* titulus inditus; cujus evidentiae ac robori vix quisquam cordatus & intelligens Lector reluctetur. Docet enim, cum in propositione quavis nihil aliud spectari possit nisi verba & sententia, il-  
lam

lam de qua lis erat, si verba spectes, passim apud Patres & scholæ Doctores haberi; sin autem sententiam attendas, eo sensu acceptam ab Arnaldo, qui toti Ecclesiæ ipsisque adeò aduersariis tanquam purus orthodoxusque probe-  
tur.

Itaque duo in hoc negotio contigerunt quæ non temerè aliàs contigisse reperies. Primum, ut Censura Sorbonica validissimè tum Latinè, tum Gallicè oppugnata, sive modum, sive rem ipsam spectes, neminem ex tam numero-  
so eorum à quibus confecta est cœtu defensor-  
rem habuerit. Alterum, quòd illi Doctores, vi-  
va voce sæpiùs contestati hujus propositionis  
verba, utpote ex Patribus exscripta, apud  
alium quàm apud Arnaldum fore catholica, &  
propter latentem demum sensum quo illa ab ip-  
so accepta jactabant, à se damnata, nunquam  
tamen ad eum sensum proferendum quamvis  
iteratis precibus & querelis adigi potuerint.

Neque verò hujus Censuræ confectoribus  
curæ fuit ut eam non iniquam docerent, sed  
id demum, ut Doctoribus sibi penitè non ob-  
noxiiis è Facultate extrusis soli in ea nemine ob-  
sistente regnarent, nihilque in ea nisi arbitrato  
suo fieret. Hoc autem assecuti sunt fixâ præ-  
ter Facultatis morem hac lege, ut qui iniquis-  
simæ Censuræ subscribere recusaret, è Faculta-  
te pelleretur: quod illi tam præfractè ac rigidè  
exsecuti sunt, ut inaudito planè ausu funebres  
exsequias, pro quibus certum pretium à singu-  
lis Doctoribus expenditur, celebrare recusave-  
rint pro ipsis etiam è cœtu suo Episcopis, qui  
magnâ pietatis famâ defuncti Censuræ subscri-  
bere noluerant. Quin & defuncto Eminentissi-  
mo Cardinali Retzio, qui cum Sorbonæ Do-  
ctor

# XLVIII P R Æ F A T I O.

ctor esset, huic tamen Censuræ minimè subscripserat, cum multi solitas preces adhibendas censerent, pervicit Syndicus, unus ex istius factionis primariis, ut isto pictatis officio fraudaretur.

31. Censuram Facultatis non esse.

Quæ hucusque à me narrata sunt, sufficiunt opinor, ut cuique præjudiciis immunipersuadeant Clarissimum Arnaldum contra jus omne & æquitatem esse damnatum, immò catholicam in eo veritatem esse confixam: quod longè clariùs elucebit cum ipsa ejus Apologetica scripta perlecta fuerint. Sed & ex iisdem non minùs manifestum evadet, tamenormem Censuram non posse sine gravi injuria Sacræ Facultati Theologiæ Parisiensi adscribi.

In duas enim partes scissam in hoc judicio videmus Facultatem Theologicam.

Una duces habuit eos qui impotenti singularis illius Viri odio apertè flagrabant: qui cum diutissimè scholam Theologicam moderati essent, Doctores longè plurimos addictos sibi & morigeros habebant; qui Arnaldi scriptis publicis laceffiti oppressum eum jampridem miris modis cupiebant; qui Aulæ Gallicæ gratiâ valentes plurimum, summas etiam potestates ad comitia vocaverant, ut terrorem incuterent & per illas in libertatem suffragiorum imminerent. Unde promptum est opinari, alios metu suffragatos esse, alios privato favore ductos, alios, vel vehementi magis quàm æquo & secundùm scientiam zelo abreptos in potentiorum ivisse sententiam, vel quietis amantiores priùs habuisse irrequieti spiritus hominibus cedere, quàm cum illis digladiari & audire, Jansenista.

Altera pars iis constabat qui nullo alio quàm  
verita-

veritatis studio duci potuere, cum nihil ex Arnaldi defensione commodi, multa verò incommoda iis possent accedere: qui præterea tam egregium doctrinæ specimen in Comitibus præbuerunt, ut omnibus admirationi fuerint. Et hi octoginta ferè numerantur, qui eam propositionem defenderunt, cujus si verba attendas, ex sanctis Patribus syllabatim descripta sunt; si sensum, is illis obuius inest & defenditur qui passim in scholis catholicis traditur & à SS. Patribus traditus habetur.

Quis igitur cordatus homo & partium studio vacuus ad priorem illam partem, quæ Censuram spretis tolennioribus iudiciorum Ecclesiasticorum & Facultatis legibus procudit, Facultatis potiùs nomen & auctoritatem transferat, quia numero per vim & dolum aucto aliam superat, quàm in alios ferè octoginta, qui Censuræ totis viribus obstiterunt extrema quæque magis experiri parati, quàm illius participes fieri.

His profectò circumstantiis magnum præstruitur innocentie Arnaldi præiudicium. Certa enim sunt hæc & explorata: contra quorum fidem nemo reclamare vel hiscere ausus; tametsi, calente adhuc negotio, tam viva voce quàm scriptis publicis asserta fuerint & in omnium ore versata.

Hinc effectum est, ut præter eos qui vel Censuram promoverant, vel his erant iussu-<sup>32. Nulla Censuræ habita ratio.</sup> gant, aut qui Facultatem moderantes potentiorum nutibus obsequuntur, aut qui demum aulæ, tempori, utilitatibus suis, aliorum auribus serviunt, vix quisquam alicujus nominis re-  
pertus sit, qui Censuram pro legitimo Facultatis fœtu palàm agnoverit, aut non apertè respuerit,  
velut

velut malis artibus ac violentia conceptam atque perfectam.

Quis enim, inquiunt, putet Censuræ artifices tam invidiosas & inauditas machinationes, ut eam qualemcumque obtinerent, tentaturos fuisse, si per tritas juris vias solennesque iudiciorum Theologorum ritus ad legitimam & Canonicam Censuram pervenire se posse speravissent; cum præsertim essent ejusmodi, quibus humana omnia subsidia & præsidia præstò erant, ut causam suam ad libitum sine mora & obice ullo promoverent? Adversariorum Arnaldi summa autoritas, Regiorum Ministrorum favor, Ecclesiasticorum seculariumque Processuum potentia ad nutum his parata & addicta. Hæc scilicet, & alia non pauca, satis non erant, ut unius Doctoris Theologi ab hominum societate ante decennium abstracti, nulla ope humana instructi, doctrina examinaretur, & si quidem erronea esset, liberâ sententiâ damnaretur? Verùm ad id assequendum tot talesque adhibendæ fuerunt machinæ, quales superius indicatæ sunt, & omnia susdeque vertenda. Profectò qui iudicio tot tamque pravis prehensionibus adornato Theologiæ Doctorem damnatum eunt, eundem mihi in antecessum absolvere videntur.

Revera, tam iniqua & intolerabilis visæ est Censura, ut nonnulli Doctores ab Arnaldi sensibus non parùm alieni, adeoque Augustinianæ de gratia doctrinæ minus æqui, non solum rem nomini suo probrosam & salutis perniciosam facturos se duxerunt, si Censuræ subscriberent; sed hoc etiam debere se putarunt afflictæ Doctoris insignis innocentiae, & conculcatis iudiciorum Theologorum ipsiusque æquitatis legibus,



gibus, ut scriptis publicis tam enormis iudicii vitia, vel potius vitiorum portenta, omnibus patefacerent: ne simpliciorum animis fucum faceret splendidum Facultatis Theologicæ nomen, de qua nemo est qui non magnificè sentire amet, aut etiam debeat, cum iudicium communibus ac liberis suffragiis concordique sententiâ ab illa ritè profertur.

Ad Censuræ contemptum deinceps coïre visi sunt, Doctorum exemplo, omnium Ordinum homines, iique præcipui ac majoris dignitatis. De Pace Gallicanæ Ecclesiæ reddita nutu Pontificis Clementis IX. Regisque auspiciis & sapientiâ, quicunque nonnihil audierunt, non ignorant, quàm benignè, quanta humanitate, quantis officiorum significationibus ab omnibus exceptus sit Vir magnus, post quatuor & viginti annorum secessum tum primùm velut luci redditus. Nuntius Apostolicus, Gallicani Episcopi, Rex Maximus, Primores quique, tum Aulæ, tum Senatus, tum denique Academiæ Viri, quanti eum facerent, cum quantæ lætitiæ sensu ejus tandem conspectu fruerentur, publicè testati sunt. Tunc verò de Parisiensi Censura quid factum? Ne verbum quidem. Et tamen si impietatis, si blasphemiæ, si hærescos reus erat Arnaldus, ut Censores pronuntiant, nihil priùs ab illo exigendum fuit, quàm ut hæresim ejurare & subscriberet Censuræ. At ne ulli quidem venit id in mentem. An somno intempestivo sopitus tenebatur Pontificius Minister? An causæ fidei cura nulla erat Episcopis qui Pacis negotium promoverant, quos inter Eminentiissimus Estræus & Illustrissimus Harlæus, tunc Rothomagensis, postea Parisiensis Archiepiscopus? Fortè exciderat illis quidnam præscri-

33. Alrum  
de Censu-  
ra silen-  
tium in  
pace Cle-  
mentina.

IN PRÆFATIO.

bant Ecclesiæ leges circa suspectæ fidei homi-  
nes, immò publico primæ Facultatis Theolo-  
gicæ judicio erroris damnatos? Accedit, quòd  
illi Præsules pacis sequestri & Perefixius Pari-  
siensis Archiepiscopus, omnes, uno excepto, inter  
Facultatis Parisiensis Theologos numerabantur,  
ac proinde Censuræ nescii esse non poterant:  
& tamen altum apud omnes de Censura silen-  
tium, nihilque prorsus negotii Arnaldo circa  
illam facesserunt. Qua agendi ratione Orbi  
universo palàm & apertè testati sunt, nullo apud  
se in pretio infaustum illud fuisse judicium, quod  
subsidente contentionum æstu contèmtui esse  
cœperat, nec efficere potuerat ut Eximii Do-  
ctoris illius fides in dubium vocaretur, quan-  
diu aulicus favor Censorum consiliis non affla-  
bat.

Fatendum interim Patrem Annatum, Regiæ conscientiae Arbitrum, quo infcio ac invito totum pacis negotium actum ac perfectum fuerat, cum id cum suis ægerrimè ferret nihil non tentasse, ne Arnaldus ejusque amici Facultati Theologicæ restituerentur : & viris magnæ in Aula autoritatis spe dignitatum nonnullarum inescatis & in consilii sui consortium adscitis, rem tanta dexteritate tractavit, ut tandem optato fine potitus ille sit.

34. In re-  
petito pa-  
cis tracta-  
tu nihil de  
Censura.

Ex hujusmodi successu, quem Aulicorum  
gratia & ambitio præstiterat, conjicere quisque  
potest nihil ab iisdem non tentatum apud Apo-  
stolicam Sedem ut paci moras injicerent, vel  
potius eam funditus disturbarent. Nec conje-  
cturis opus est. Res enim est nemini non com-  
perta, & publicis etiam monumentis & instru-  
mentis consignata, vix sancitam fuisse pacem,  
immò per Regium Decretum 23. Octobris anni

1668. confirmatam & promulgatam, cum pacis inimici partim secretioribus monitis, partim suorum asseclarum operâ & industriâ, variis suspicionibus ac malignis susurrationibus aures animosque Pontificiorum Ministrorum impleverunt, ut Ecclesiasticæ concordix opus inverterent: nihil ut propius fuerit, quàm ut Aulam Romanam ad sua inflecterent consilia. Nec dubium quin suam illam Parisiensis Facultatis Censuram ac judicium grandiore tubâ personuerint. Igitur ad incudem revocatum est pacis negotium. Numerosam Cardinalium, Episcoporum, Theologorum Congregationem conflavit summus Pontifex; in qua per tres vel quatuor integras hebdomades discussa sunt pacis instrumenta, arcanæ monitiones ventilatæ, omnia scrupulosè pensitata, accusationes adversus Arnaldi fidem toties recoctæ, denuò sunt examinatæ, scriptum ab eo subsignatum quo tota quatuor Episcoporum ac Theologorum agendi ratio exponebatur, in Apostolicæ Sedis lucem productum sillabatim perpensum est. Tantum autem absuit ut Arnaldi fides ex Censuræ præjudicio nutaverit apud Pontificem ejusque Ministros, ut potiùs ex Arnaldi testimonio quatuor Episcoporum fides ac sinceritas illis probatæ fuerint, ut ex Eminentissimi Rospi gliosi Cardinalis Patroni Regesta testatissimum habetur: *Sanctitatis sue jussu, inquit, per Secretariam Statûs scripta est ad Nuntium Apostolicum Epistola, data 20 Januarii 1669. cujus summa est quòd Declaratio Illustrissimi Episcopi Catalaunensis à DOMINO ARNALDO pariter subscripta, ac postmodum Archiepiscopi Senonensis autoritate confirmata; authentica insuper testimonia &c. tanti ponderis visa sunt suæ Sanctitati, ut longè tutius*

*fit his argumentis inniti, quàm contrariis quibusdã monitis secretioribus, quibus Synodaliũ Actõrum à quatuor Episcopis conscriptorum fides in dubium vocabatur, &c.*

Pax igitur denuò sancita est, & omnibus modis confirmata, nulla Censuræ ratione habita, nulla Arnaldo subscriptione imperatâ, nulla erroris illi per Censores afficti ejuratione petita, quæ si unquam, hac certè maximè occasione petenda erat.

35. à 2. Quid verò Perefixius ejus Civitatis in qua  
 Archiepif. condita est Censura Archiepiscopus, immò &  
 Parisiensibus quæ inter Censuræ fautores non postremus, quid,  
 ratio Cen- inquam, de illa cum Arnaldo, in eo refartæ  
 suræ habi- pacis articulo? Prorsus nihil, nec cum illis qui-  
 ta. dem Pastoribus qui occasione Formularii à suæ  
 Parochiæ regimine cunctisque Pastoralibus mu-  
 niis remoti fuerant, nec cum aliis bene multis  
 qui à Censuræ approbatione & subscriptione  
 semper abhorruerant. Hi enim palàm & in om-  
 nium oculis, sacris operati sunt, verbo Dei &  
 Sacramentis administrandis vacaverunt, scien-  
 te ac permittente Archiepiscopo; redditi sunt  
 suis Ecclesiis Pastores ab illis abstracti, Arnal-  
 dum peramanter habuit, omniumque Ecclesia-  
 sticorum muniõrum liberè exercendorum ple-  
 nam eidem impertiit Facultatem. Nec aliter  
 cum eodem Doctore Harlæus Perefixii succes-  
 sor se gessit: ita ut per undecim ferè annos,  
 inprimis Catholicus, nihil obstante Censurâ,  
 habitus sit; nisi si contenderint adversarii po-  
 tuisse utrumque Archiepiscopum, salvâ con-  
 scientiâ, Presbytero non Catholicè sentienti,  
 immò Viro *pestilentis doctrinæ* & ea lue infecto  
*quæ jam multorum animos occupaverat*, si Censo-  
 ribus fides, impunè sacrorum omnium potesta-  
 tem

tem facere. Quòd autem Catholicus Theologus, omnibusque Catholicis & Catholicæ Ecclesiæ Præsulibus acceptissimus, à Facultatis Theologicæ gremio velut Aatholicus avulsus remanserit, hoc verò est quod portento similimum mihi videtur, quodque posteris argumentum futurum est rei prorsus singularis, quæ fidem vix habitura sit. Et illa quidem magnum malitiæ ac potentiæ adversariorum Arnaldi argumentum fuit, sed non minùs certum innocentiae ejus indicium, probatio contemptûs in quem abierat Censura: cujus quidem obtentu multa per vim & imperium perpetrabantur à potentibus; sed cujus nullus respectus erat apud Judices, à quibus secundùm Juris præscripta agentibus nihil sperare se posse arbitrati sunt adversarii, ne id quidem, quod ultrò sequitur ex legitima sententia Theologica, quæ dogma aliquod ut hæreticum, impium & blasphemum feriat, ut delatâ ad Episcopale tribunal ejus causâ, cujus doctrina proscripta est, si huic usque inhæserit aut eam abdicare renuerit, omnium sacrorum exfors judicetur & ab Ecclesia extorris fiat.

His accedunt quæ paulò post gesta sunt occasione insignis Operis, *De perpetuitate fidei Catholica circa sacrosanctum Eucharistiae Sacramentum*: sive enim ad summum Pontificem, cui illud nuncupavit Arnaldus, animum advertamus; sive ad Gallicanos Episcopos & Parisienses Doctores, qui non opus solummodò, sed ipsum etiam Autorem miris laudibus extulerunt, ubique Censura tacitè vapulat & flocci fieri videtur. Quasi verò summus Pontifex tam publicum munus ab hæretica vel suspecta manu sibi deferri permisurus fuisset, aut sibi acceptissimum fuisse, Auctori

36. Quæ  
elogia ab  
Episcopis  
& Docto-  
ribus Sor-  
bon.

per Nuntium Apostolicum significari, non sine laude plurima, iussurus. Gallicanos autem viginti septem Præsules quod attinet, & viginti inferioris subsellii Doctores, nunquam profectò tam splendida elogia in hominem à celeberrima totius Orbis Facultate Theologica impietatis, blasphemiae & hæreseos damnatum effudissent, qualem fuisse Arnaldum nemo dubitet, nisi qui futilem, iniquam, & falsò Facultati adscriptam esse Censuram non dubitat. Inter Præsules duodecim erant Doctores Parisiensis Facultatis Theologicae, tres verò nunc Eminentiissimi S. R. E. Cardinales Estræus, Camusius & Jansonius.

*Sens.* Archiepiscopus Senonensis, Magnus ille Gondrinus, non veretur in sua Approbatione, in ore atque oculis Sorbonæ totiusque Gallicanæ Ecclesiæ hanc laudem Arnaldo impertiri, *summam eundem gloriam in eo posuisse, unam ut sequeretur ac defenderet Veritatem; singulare Ecclesiastica Unitatis studium in eo semper emicuisse, eumque sanctissima huic Christi Domini Sponsæ arctissimo & inviolabili amoris vinculo nunquam non adhaesisse.* Et tamen pestilentem illam, si Deo placet, doctrinam non ejuraverat.

*Reims.* Remensium Illustrissimus Archiepiscopus & Dux, Primusque Franciæ Par, Carolus Mauritius Le Tellier, non minùs doctrinâ quàm auctoritate præfulgens, Sorbonæ tunc Doctor, nunc etiam Provisor, Claudium Calvinianæ sectæ Ministrum meritò sugillat, *quòd Arnaldum Catholicissimum Theologum, velut apud Catholicos suspectum traducere voluisset.*

*Aut.* Electensis Præsul, ille quem ut Gallicanæ Ecclesiæ Decus, ut Gregis Dominici ipsorumque Pastorum formam omnes suspexerunt, crimina,

minationes quas hætenus famæ Arnaldi aspergere nonnulli conati sunt, ab eo procul repellit, idque omne vel falsis suspicionibus vel malitiæ deputat.

Episcopi Convenarum, Conseranensis & Ri-  
vientis communi Approbatione Librum com-  
mendantes, Autorem spreto Censorum judicio  
*Doctorem ac Socium Sorbonicum* prædicant.

*Commence,  
Conserans  
& Ricux.*

Tutellensium Episcopus Ministrum Claudium  
irridet, ut qui scripserat *Arnaldum ab Ecclesia  
Romana pro suo non agnoscere*. Addit insuper, rem  
esse fidelium lacrymis ac gemitibus dignam,  
quòd nonnulli Catholici Arnaldum falsis rumo-  
ribus infamare conati essent, variis illum calum-  
niis proscindentes; æquum planè esse, ut qui  
ascendens ex adverso hostibus Ecclesiæ opponit  
se murum & stat in prælio pro Domo Israël,  
inimicorum ejus odium spontè incurrans, ejus  
fama ac fidei integritas ab eorum maledictis vin-  
dicetur, qui adversus ipsum tam importunè,  
quàm iniquè insurgere non cessant.

*Tulles.*

Agathensis Præsul doctissimus ac vigilantis-  
simus Doctorem nostrum sanctorum Doctorum  
numero accenset, quos Spiritus Sanctus pro quo-  
rumvis temporum necessitate ad Ecclesiæ suæ  
defensionem suscitavit.

*Agde.*

Antonius Godellus Venciensis Episcopus,  
cujus nomen per omnes Ecclesias meritò cele-  
bratur, " singulari Providentiæ beneficio con-  
tigisse asserit, ut quo tempore Diabolus poten-  
tissimum hostem adversus Ecclesiam armavit  
(Claudium, de quo supra, indicat) eodem Chri-  
stus Dominus Ecclesiæ suæ strenuum Verita-  
tis defensorem ministraverit, eumque cœle-  
stis Doctrinæ luce perfusum, spiritusque sui  
ardore succensum; ac primùm quidem Deum

*Godéau Ev.  
de Vence.*

pro

» pro sua providentia non uno omnipotentiae  
 » suæ miraculo suam illi libertatem asseruisse pro  
 » Ecclesia certaturo necessariam; deinde verò om-  
 » nibus illum donis abundè instruxisse, ut splendi-  
 » dam de inimicis Ecclesiæ victoriam reportaret.

Non est hujus loci per omnes ire laudes quas alii aliis verbis Episcopi, qualque Sorbonici Doctores quatuor & viginti in Arnaldum certatim conferunt in suis Approbationibus. Ex iis plures non obscurè, nec sine laude, indicant eas lucubrationes quas è suo secessu pro veritatis & justitiæ tuitione ante emiserat Doctor noster, eumque *secessum nominis ejus famâ fulgentem ac triumphis nobilem* appellare non dubitant, ut qui *toties*, inquiunt, *in arenam pro veritate descenderit*. Unum est quod hoc loco sine observatione præterire nec velim nec debeam. Selectorum illorum è Facultate Parisiensi Doctorum agmen jure merito ducit illius Decanus Fraxineus-Mincæus, Vir pietate, doctrina & gravitate conspicuus. Is in illis viginti & quatuor Sociis suis integræ ac liberæ Facultati quasi præsidens, non octoginta ferè ut olim refragantibus, sed ne uno quidem dissentiente, videtur mihi illatam Arnaldo resarsisse injuriam, eumque omnium nomine in pristinum Theologici Magisterii gradum restituisse, cum illum EXCELLENTEM DOCTOREM nuncupavit, cæteris suo silentio annuentibus ac probrosæ Censuræ dedecus tacitè eluentibus.

*De Fresne-  
de Mincé.*

En hominem quem sui omnes inimici collectis viribus & artibus per totam Ecclesiam infamarunt, ut doctrinæ *temerariæ, impie, blasphemæ, hereticiæ, pestilentis, exitialis* artificem & Patronum. Qui quidem si in libero ac legitimo sex Episcoporum confesso ritè, ut edicunt



cunt Canones, erroris damnatus esset, tot Episcoporum ac Doctorum sententiâ absolutus posset censerî; quantò magis cum in eo damnando omnia contra æquitatis leges, contra juris præscripta, contra naturæ ipsius sensum acta sint, obnitentibus & contradicentibus ferè octoginta, quod centies repetendum est, iudicibus. Si quis porrò tot Episcopos & Doctores Sorbonicos hæc omnia nihil de Censura cogitantes, ac veluti dormitantes egisse dixerit, is risu potiùs quàm responsione dignus meritò iudicabitur: cum liquidò contra appareat eos vel hanc maximè ob causam de Arnaldo sic locutos esse, quòd eorum mentibus Censuræ iniquitas, non sine contemptu & indignatione, obversabatur.

E Gallia Romam pedem referamus, ut Summos Pontifices qui Clementi IX. successerunt, Gallicanis Præsulibus ac Theologis in laudando Arnaldo succincentes audiamus. Non pauca suppetunt nec incertæ fidei documenta, quæ testatam faciunt summam Clementis X. 37. Romani Pontifices quid de Arnaldo. Clemens X. adversùs Arnaldum benignitatem & perhonorificam de doctrina ejus opinionem. Non tanti sua faciebat Vir modestissimus, ut libros à se editos Pontificiis aspectibus dignandos spontè præsumeret, nec illos ad Clementem mittendi fiducia eum ceperat. Sed nonnullis cum ipso per Alterium Cardinalem Patronum communicatis, ita eorum lectione delectatus est Pontifex, ut eos impensè laudaverit apud Ecclesiasticum Virum pietate insignem, D. Lescotium cujus literæ servantur, qui illorum operum exemplaria eidem Cardinali aliisque nonnullis offerenda Parisiis detulerat. Addidit Pontifex rem sibi gratissimam facturum Arnaldum,

fi

# IN P R Æ F A T I O.

ficorumdem exemplar ad semittendum, vel potiùs suo in Gallia Nuntio tradendum curaret. Cardinalis verò Patronus à laudibus Autoris temperare sibi non poterat, quas vicesies hoc elogio claudentem audivit vir ille sincerissimus: *De Ecclesia optimè meritus est Arnaldus: optandum esset ut talem ac tantum Virum mors illi nunquam ereptura esset.*

Innocen-  
tius XI.

Innocentius XI. quanti faceret Arnaldum, quâ cum benevolentia profeceretur, frustra dixerim, cum publica id eloquantur & fama & testimonia. Omnium manibus versantur Litteræ Eminentissimi Cardinalis Cibo Sacri nunc Collegii Decani, quibus Sanctitatis suæ nomine in ejus laudes excurrit: *Paterna charitatis*, inquit, *quâ te Sanctitas sua virtutemque tuam amplectitur, uberes significationes tibi præstabunt opportunitates ornandi tui, cujus interim pignus & ad preces quas polliceris & quibus sanctitas sua plurimum confidit incitamentum, accipies benedictionem Apostolicam &c.* Ex aliis Viri illustrissimi qui ei-

Illustrissi-  
mus Favo-  
ritus.

dem Pontifici à secretis erat literis abundè significatum habemus, quo erga calamitatem ejus sensu paterna Sanctitatis sua viscera afficiebantur. Calamitatis nomine quid intellectum velit Minister ille, his verbis explicat: *Ferrens planè sit, qui tenere lacrymas possit intuens, ex una parte eximiam eloquentiam, eruditionem, pietatem tuam, de Catholica Religione tam præclarè meritis; ex altera verò, miserum in quo versaris fortune statum & conflatam malevolorum calumniis tempestatem, quâ huc illuc divulsus à Patria & Carorum amplexu jactaris, affecta jam atate & valetudine; cum maxime deceret, te in domestico otio honoribus quibusque florentem, vita per summam virtutem acta & diuturni gloriosique laboris fructum uberrimum*

cape.

sapere..... Quamquam, si verum fateri volumus, & non ex vulgi, sed ex sapientium Virorum placitis de huiusmodi casibus iudicare, invidiâ potius, quàm commiseratione, dignus videris: cum persecutio ipsa præclaram nomini tuo laudem afferat, animo verò solatium afferre debeat singulare, declarans esse te in eorum numero qui volunt pie vivere in Christo-Jesu. Legi Sanctissimo D. N. Literas tuas, quarum sententia cum plurium aliorum præstantium Virorum sensu, qui ad Sanctitatem suam de eodem argumento scripsere, planè consentit, in eo discrepans, quòd elegantius omnia & nervosius & majore quodam spiritu fundis.

Roma 3.  
Aprilis  
1680.

Nihil horum sensuum aut paternæ benevolentiae quicquam per lapsum temporis excusum esse Pontificio pectori, non semel testatus est optimus Papa. De Arnaldo in purpuratorum Procerum Ordinem adlegendo aliquandò Sanctitatem suam cogitasse, etsi certum est & pluribus notum, nollem tamen hic commemorare, nisi Eminentissimus Cardinalis intimorum Romanæ Aulæ consiliorum testis locuples, id nuper Parisiis evulgasset, asseruissetque per unum Arnaldum stetisse quominus is Eminentissima illa dignitate ornaretur. De isto Innocentii Pontificatu verba facere non priùs desinam, quàm observatum à me fuerit, id, quod propiùs Censuram attinet, in illis Romanorum Procerum ac Ministrorum Literis Arnaldum nunquam non *Illustrissimum Virum* ac etiam *Per-illustrum Doctorem Sorbonicum* inscribi.

Innocentium excipit Alexander VIII. qui quam de Arnaldo opinionem, affectumque singularem in inferiori gradu positus induerat, in summo Pontificatus Apice non exuit. Nonnullam

Alexander VIII.

nullam enim ei gratiam concessit is Pontifex, plures largiturus, si diuturnior Pontificatus fuisset, & opportunas occasiones præbuisset Arnaldus. Exstant Literæ ante Pontificatum propria manu ad ipsum Italicè scriptæ 13. Decembris anni 1679. cùm jam à sex mensibus Gallia excessisset Doctor noster: in quibus quo illum affectu prosequeretur Eminentissimus Cardinalis significat.

Accepis enim ab eo libris *De Perpetuitate fidei Eucharistice*, hæc ad illum post pauca Eminentissimus. "Quas possum maximas Humanitati tuæ gratias refero, enixè rogans ut in eo *De Perpetuitate* libro, memoris in me animi perpetuitatem conspicias, constansque tibi in omni occasione gratificandi studium, quod nunquam exuturus sum. Quas pateris molestias molestissimè ego fero: certus tamen non modicum te solatium ex virtute & pietate tua sumpturum. Si præterea ad Romanam Apostolicamque Sedem in quocunque casu recurreris, semper in me sinceram & constantem te beneficiis afficiendi voluntatem invenies. Experire, quælo te, & cura ut frequentes ad id occasiones mihi subministres.

Hæc omnia exploratum faciunt nullam omnino Censuræ rationem Romæ esse habitam, sive à Pontificibus, sive ab Apostolicæ Sedis Ministris: quibus etiam confirmatur quod ab Eminentissimo Card. Francisco Barberino, sacri olim Collegii Decano, & ab ipso Alexandro VII. PP. audivit Clarissimus Abbas Brunetti, Censuram illam ab Apostolica Sede nunquam fore approbandam.

38. Quo  
apud Do-  
ctores in  
pretio  
Censura,

Sed ipsis Parisiensibus ac Sorbonicis Doctoribus quantum jam illa tordeat, quàm grave & into-

intolerandum illis sit subscriptionis jugum Alumnis suis impositum, etsi plerique aperte significare non ausint propter incommoda ab adversariis Arnaldi imminetia, erumpunt tamen interdum, pro data occasione, communis indignationis & contemptûs indicia, quæ intra pectus contineri non patiuntur singularis in summum Virum reverentia, & labis Theologicæ Facultati per Censuram illatæ sensus. In nuperis illius Comitibus, pro causa Abbatissæ Agredanæ habitis, quàm præclaris laudibus Arnaldum palàm & publicè ornaverint plures ex insignioribus illis Theologis, quàm moleste tulerint refricatam à nonnullis infaustæ Censuræ memoriam, res fuit in Academia Parisiensi notissima, virisque quibus Academiæ decus & honos cordi est, longè acceptissima. Et tamen Censura illa spuria, informis & omnigenis scatens vitiis, quæ irritam illam & omni autoritate vacuum produunt, adhuc à pluribus jactatur; adhuc eidem non secùs ac symbolo fidei captivas manus dant Theologorum graduum candidati; adhuc passim ab Arnaldi æmulis circumfertur velut quoddam tericulum, quo muliercularum affectuumque suorum horrorem adversùs illum concitent.

Nec dubium est quin splendidum Sorbonæ nomen plerosque decipiat in dissitis quibusque provinciis ac regionibus, per quas nuda Censuræ exemplaria sparguntur, sine ulla earum rerum notitiâ, quæ si scirentur, neminem speciosa larva falleret. Inde factum est ut ad Arnaldi perindè atque ad hæretici nomen plerique horreant in Hispania, in Germania, aliisque remotioribus regnis, ubi Censuræ rerumque ejusmodi nulla cognitio, nisi quam subdo-

39. Extros aliosque Sorbonæ nomen illud.

*Episcopus  
Malacensis.*

*Esta im-  
pression se  
suprimio, y  
no queda-  
ron mas  
que este y  
otro exem-  
plar en po-  
der del Sig.  
Obispo de  
Malaga.  
Pudieron  
quedar o-  
tros en po-  
der del P.  
Petro; por  
cuya mano  
corrio. La  
causa di su-  
primirla fue  
por que sin  
consenti-  
miento de  
su Ill. tra-  
tan aqui à  
Antonio  
Arnaldo  
de Hereje,  
no lo siendo.  
Queme por  
mis manos  
todos los  
exempla-  
res: y por  
verdad lo  
finne. Fr.  
SALVA-  
DOR DE  
ASCANIO.*

læ adversariorum illius relationes attulerunt. Hinc in prima editione Catholicæ illius Que-  
rumoniæ, Episcopi Malacensis nomine publi-  
cata, Arnaldum hæreticum pronuntiaverant  
illius autores, inconsulto Illustrissimo Præsule.  
Quæ causâ fuit ut omnia illius exemplaria igne  
comburi jufferit idem Episcopus. Testis est om-  
ni exceptione major R. P. Salvator de Ascanio,  
qui schedulâ, propriâ manu subscriptâ, ejus rei  
fidem facit, his verbis ex Hispanico versis:  
*Hac editio suppressa fuit, nec illius exemplaria su-  
persunt ulla, præter hoc ipsum, & alterum quod  
penes Illustr. Episcopum Malacensem remansit. For-  
te & aliquot alia sibi servavit Pater Petrei, qui  
editionis illius compos fuit. Causa porro supprimen-  
di fuit, quod sine consensu Illustrissimi Præsulis Do-  
ctori Antonio Arnaldo HÆRESEOS NOTA inire-  
batur, quamvis hæreticus non sit. Omnia illa exem-  
plaria ego ipse propriis manibus igni tradidi. In  
cujus rei fidem subscripsi Fr. SALVATOR DE  
ASCANIO.*

Sed quid mirum tam insulsam hæreseos Ar-  
naldinæ fabulam in tam longè diffitis regionibus  
impunè narrari, cum in Galliarum medi-  
tullio, in ipsius aulæ Gallicæ luce, disseminare  
eam non veriti sint non infimæ notæ homines.  
Unum Jesuitam profero, qui recens est; sed  
parco nomini, cui ipse non pepercit, cum ad  
Poëtam quemdam scribebat 18. Decembris anni  
1695. Arnaldum damnatis ab Ecclesia erroribus  
ad ultimum usque spiritum obstinatè adhæsisse; Sor-  
bonam reprobata ejus doctrinâ eundem à Societate  
sua eliminasse; ipsam ejus doctrinam ab Ecclesia,  
non ut falsam modò damnatam esse, sed etiam ut  
infectam hæresi, quâ, inquit, non omni ex parte  
immunis est liber DE PERPETUITATE &c. Au-  
dax

dax facinus! librum viginti septem Archiepiscoporum aut Episcoporum, quos inter Cardinalitia dignitate tres Eminent, & totidem ferè Sorbonicorum Doctorum approbationibus munitum, non hæresi vacuum in omnium Episcoporum oculis pronuntiari. Sed bene est: inde discimus quo pede Arnaldinam hæresim metiri nos oporteat, cum Arnaldi liber aliquis ab ejusmodi hominibus hæresi infartus proclamabitur. Si quis omni eruditione repletus, omnium approbatione dignus, si quis doctissimorum Virorum, Episcoporum præsertim judicio talis fuerit, ut & Ecclesiæ utilitates maximas & Arnaldo ipsi existimationem singularem conciliare possit, is apud infrunitos & iniquos aestimatores hæresim sapit, nec erroris labe purus; etiamsi, inquam, triginta Episcoporum judicio sit Catholicæ fidei assèrendæ, debellandis Ecclesiæ hostibus, unitati Corporis Dominici resarciendæ inprimis idoneus.

Quæ huc usque narravimus ac differuimus exploratum, ni fallor, faciunt, non Arnaldi modò honoris interesse, hæresis notam ei iuristam eluere; sed interesse quàm maximè sacræ Facultatis Parisiensis famæ, ne eam censuram procudisse credatur, quâ propositio omninò Catholica Calvinianis erroribus accenseatur. Interest ipsius Catholicæ doctrinæ, ne illa cum apud Galios, tùm apud externos hujus facti ignaros, pro hæretica, impia, blasphema habeatur. Cui enim non valde rerum Theologicarum perito non imponat Sorbonici nominis splendor & autoritas? Interest denique & Sanctorum Patrum & doctissimorum Theologorum, à quibus passim tradita legitur proscripta illa à Censoribus doctrina.

40. Recusando-  
rum scrip-  
torum ne-  
cessitas.

Nulla autem alia ratione illorum omnium honori consuli potest, quàm recensione earum rerum quæ in Arnaldina ista causa actæ sunt, & lectione scriptorum quæ pro defensione propositionis confixæ ad Sorbonica comitia missæ sunt, aut in publicum prolata; omnia denique quibus & Censuræ technæ ac machinationes, & octoginta ferè Doctorum secessio, quos inter plures Episcopi, & Censuræ ipsius iniquitas, in lucem sunt productæ. His enim æqua mente perlectis, perspicuum fiet, non Sorbonæ seu Facultatis Theologicæ opus id esse, sed nonnullorum qui Judicium numero contra juris & statutorum præscripta conflato & aucto, sanio rem partem obruerunt.

Quoniam autem Scripta illa per quadraginta annorum decursum distracta sunt, & vix in curiosorum Bibliothecis reperiuntur, operæ-premium fuit ea in unum volumen colligere, quæ antea separatè erant edita. Quod consilium eo magis necessariò ineundum fuit, quòd experientia docuit & raritate exemplarium & ignorance hujus negotii contingere posse, quemadmodum non semel contigit, ut Viri etiam doctissimi, quide illo verba facere, imò & suum judicium proferre debeant, càm tamen solà ejus notitiâ instructi sint, quæ ex publicis rumoribus vel ex adversariorum relatione passim hauritur. Unde factum ut ne ipse quidem controversiæ status satis illis perspectus sit, & quæsitus à Censoribus in propositione Arnaldina nodus ipsos fugerit.

Exemplum è pluribus unum profero, idque insigne & conspicuum, quippè quod in ipsius Romanæ Urbis luce, in omnium Eruditorum oculis vertatur: unde major elucidandæ rei instat



stat necessitas, ne Clarissimi Arnaldi fama in illorum animis periclitetur, apud quos maximè illius interest ut integra & illibata servetur.

Sub finem anni 1695. prodierunt Romæ unâ cum Historica Dissertatione de Uno ex Trinitate carne passo, *Historia Pelagiana Henrici Noris ab Anonymi scrupulis Vindicata*, Autore pariter anonymo, at præclaræ eruditionis & exquisiti iudicii scriptore, ut vel scripta illa testantur. Is in Dissertatione V. quâ à Clarissimo Norisio, Viro supra laudem, etsi nondum tunc temporis Eminentissimo, Jansenismi calumniam depellit, eâdem operâ ab illo remove conatur suspicionem assertæ propositionis Arnaldinæ. At ne pro voto succederet Apologistæ anonymo officiosus hic conatus, obstitit ignoratio rerum tunc in Sorbonicis Comitibus gestarum, & scriptorum quæ Censuræ occasione pro Arnaldi defensione edita sunt.

Ac primùm quidem non tam pronis osculis oblatam objectamque sibi Censuram amplexus esset eruditus Anonymus, Apostolicæ Sedis, ut satis patet, inprimis studiosus, ejusque splendori procurando addictus, si novisset in condendæ Censuræ consilio nullam habitam esse rationem reverentiæ Summo Pontifici ejusque Apostolicæ Sedi debitæ, contemptumque sacræ ejus autoritatis, primum ad Censuram procedendam gradum fuisse. Rem explico: cum in primis Comitibus 4. Novembris anni 1655. habitis facta esset de examinanda Arnaldi Epistola propositio per Facultatis Syndicum, è conjuratis unum, statim ex adverso surrexit Doctor Ludovicus à Sancto-amore, paucisque præfatus de integritate fidei Clarissimi Arnaldi, de sincera ejus contentione & obedi-

41. Censo-  
res in A-  
postol. se-  
den pa-  
rum reve-  
rentes.

tia Innocentianæ Constitutioni exhibita, graviter commonuit Sacram Facultatem, ut rei momentum maturè perpenderet; Epistolam de qua ad illam referebat & conquerebatur Syndicus, ab ipso Arnaldo ad Summum Pontificem esse transmissam, cum propriis ad suam Sanctitatem Literis, quibus ipsi de Epistolæ delatæ argumento, necessitate, doctrina rationem reddebat; utramque Epistolam oblatam & acceptam fuisse die 24. Septembris proximè elapsi, quas cum in manibus haberet Pontifex, multis suam de Autoris pietate & eruditione existimationem significasse, curaturumque se ne, quid amplior illa contineret diutiùs ipse ignoraret; Esse igitur, addebat Santamorius, e reverentia Supremæ Sedi ac Summo Pontifici debita, ut integrum illi negotium servaretur, quod ipsa Apostolica Sedes ad suum antea tribunal delatum jam occuparat. Porrecta Epistola majori Facultatis Scribæ statim coram omnibus lecta est, avidisque auribus excepta. Tum Facultatis Decanus, Comitiorum Arbiter, conclusit: Æquum sibi videri, ut hoc de negotio Apostolicæ Sedis Judicium expectaretur. Decani Voto suffragati sunt antiquiores Doctores qui statim post illum sententiam suam dixerunt, quibus & alii plurimi accesserunt, suumque suffragium gravissimis rationum momentis confirmarunt. Sed major pars, ut sæpè, meliorem vicit. Quæ ex tam infau-  
stis Comitiorum exordiis secuta sunt, pluribus referuntur in secundo hujus voluminis scripto, in Instrumento seu Contestatorio Arnaldi Libello & in tribus Apologeticis ejusdem Epistolis, post Censuram scriptis.

Hæc nescivisse eruditum Anonymum, mirum

rum non est, cum ne annum quidem Censuræ perspectum habuerit. Sed ut rei caput propius inspiciamus, videndum an saltem Propositionis Arnaldinæ sensum, & errorem illi à Censoribus affectum, sit assecutus.

In utroque figendo non sibi admodum constare videtur doctissimus Apologista. Tres omnino Propositiones à se invicem discrepantes Arnaldo adscribit, nisi fallor. Primam sic describit: *Narrant Arnaldum asseruisse D. Petro tentatione pulsato desuisse gratiam proximè sufficientem ad evitandam negationem: qui cum noluisse eam gratiam admittere, Doctorum albo erasus, solum non quidem vertere, sed mutare coactus sit.* 42. Anonymus in figendo Arnaldi sensu varius.

Alteram continuò subjicit, non jam alienis, sed propriis verbis expressam: *Eo, inquit, tota controversia redacta erat, Num homo justus instante precepto habeat potentiam proximam ad orandum.*

Tertiam sic explicat ad calcem hujus §. 2. *Arnaldi & Jansenii opinio à Facultate Theologica Parisiensi damnata fuit, quod dixere Petrum præsumpsisse, quia desertus prius fuerat à gratia efficaci, sine qua non potuit orare, cum sine adjutorio QUO, nullus orare possit. At secus docuit Augustinus.*

Si ex prima descriptione Arnaldi errorem expiscaris, is est: De fide est Petrum habuisse gratiam proximè sufficientem ad evitandam negationem: & hoc quia negavit Arnaldus, temerarius, impius, blasphemus, hæreticus, & anathemati subiectus, judicatus est.

Si ex secunda, alter is error exsurgit: De fide est Petrum, qui justus erat, habuisse potestatem proximam ad orandum: Arnaldus non ita sensit, & idèò temerarius, impius, blasphemus, hæreticus &c.

Si ex tertia, is censendus error: De fide est Petrum non ante privatum esse gratia efficaci, sine qua non poterat orare, quam præsumsisset de propriis viribus: contrarium tenet Arnaldus, eamque ob causam impius, blasphemus, hæreticus &c.

In prima agitur de potestate proxima non negandi; in secunda de potestate proxima non orandi; in tertia, de potestate proxima non præsumendi. Tam diversi proinde errores, quam diversæ sunt tres illæ potentiae proximæ, & impotentiae illis oppositæ; tamen omnes sibi invicem connexæ & concatenatæ. Nam prima pendet à secunda; secunda pendet à tertia apud Apologistam: & pariter uniuscujusque privatio. Nam negavit Petrus, quia non oravit; non oravit autem, quia præsumsit: seu proxima potentia non negandi Petro defuit, quia deerat proxima potentia orandi; hæc autem proxima orandi potentia defuit, non defectu potentiae proximæ ad non præsumendum, inquit Apologista, sed ex superbiæ vitio quod proprio illius fundo inerat.

Non quæro in præsentibus quibus Canonibus, quibus in Conciliis, Symbolis, Scripturis, consignati inveniantur tres illi fidei articuli, quos impiè violaverit Arnaldus; hoc unum modò inquirere mei est instituti, an Arnaldi mentem assecutus sit doctissimus Apologista. Nec conjecturis aut divinationibus indulgere animus est, sed ex ipsius Arnaldi Epistola, Apologeticis, scriptis aliis, dum lis penderet, oblatis, Censorum Collegio obtrusis, exsculpere. Quæ enim illius menti cogitatio infederit, quam sententiam fando vel scribendo proferre voluerit, unde nam tutius ac felicius crueretur quis possit, quam vel

vel ex obvio propositionis sensu, quem verba præ se ferunt, vel ex ipsius auctoris testimonio?

A tertia propositione initium facio, quâ Arnaldus asseruisse dicitur, *Petrum præsumsisse, quia desertus prius fuerat à gratia efficaci, sine qua non poterat orare, cum sine adiutorio quo nullus orare possit.* Ad illam propriarum virium fiduciam quod attinet, certum est in illam Petrum lapsurum non fuisse, si gratiâ efficaci ad non præsumendum necessariâ præmunitus fuisset. At efficacis hujus gratiæ absentiam causam fuisse ut de se præsumeret Petrus, nec dixit Arnaldus, nec dixisse accusatus est à Censoribus. Dicit ab illis potuisset, qui omnem gratiam, ad hoc necessariam ut instanti præcepto actu obediatur, peccatori debitam contendunt; ab eo dici non potuit qui efficacem, & ad obediendum necessariam, & peccatori indebitam credebat; qui tamen in ejus absentiam non refudit inobsequentis Petri peccatum, sed in ipsum peccantem, cujus voluntas, ut verba Augustini usurpem, quandiu in ea Deus non operatur ut in bono perseverare velit, inter tentationes *propria infirmitate succumbit*, & ideò perseverare non potest, quia *deficiens infirmitate* nec vult, aut non ita vult *infirmitate voluntatis*, ut possit.

Hanc eandem Arnaldi fuisse sententiam cum sæpè aliàs ipse significavit, tum maximè & ex professio docuit in Scripto cui titulus: *Vera S. Thoma de Gratia sufficiente & efficaci doctrina*

û 4

di perseverare non possent, manerent si vellent, nec Deus in eis operaretur ut vellent; inter tot & tantas tentationes *infirmitate sua* voluntas ipsa succumberet: & ideò perseverare non possent quia *deficientes infirmitate* nec vellent, aut non ita vellent *infirmitate voluntatis*, ut possent. Subventum est igitur *infirmitati voluntatis humane*, ut divinâ gratiâ indeclinabiliter ageretur; & ideò quamvis infirma non tamen deficeret, neque adversitate aliqua vinceretur. *Aug. De Corrupt. & grat. cap. 12.*

43. Arnaldus Petrum non prius desertum dixit, quàm elarum.

Nam si in tanta infirmitate vitæ hujus, in qua tamen infirmitate propter elationem reprimendam perfecti virtutem oportebat, ipsis relinqueretur voluntas sua, ut in adiutorio Dei sine quo

*dilucidè explanata*; quod hujus Collectionis p. 108. habetur. In cujus Articulo XXII. p. 134. ex eodem Angelico Doctore demonstrat, Deo imputari non debere quod justus gratiâ efficaci destitutus in tentatione cecidit, sed cadentis ejusmodi justî superbiæ vel peccato vel vitio.

Si id igitur in Arnaldi propositione reprehenditur & reprehensum putavit Anonymus, eamque ob causam Censurâ confixam fuisse propositionem: *Quia Auctor Epistola Petrum presumptione non peccasse dixit. 2. Quia Petro gratiam Dei spontaneo nutu & sine ulla, ex parte Petri, causa subtractam sensit. 3. Quia negavit propter presumptionem esse subtractam. 4. Quia impossibilia Dei mandata dixit esse. 5. Quia Petrum timore, ignaviâ, socordiâ cecidisse negavit*: facile crediderim ipsum id totum hausisse ex Censorio Suffragio Patris Joannis Nicolai, in quo spurius ille Thomistâ quinque illas calumnias evomit: quas breviter & validè confutatas legere est in APPENDICE Confutationis Molinisticarum ejus Thesium seu SPECIMINE calumpniarum per totum illud Suffragium Arnaldo aspersarum, quod hujus voluminis pag. 438. occurrit, pluraque Arnaldi loca subministrat in quibus asserit, *ideò Petro gratiam defuisse, quia de suis viribus nimium presumpserit..... A Deo derelictum in presumptionis sue penam*: ut disertè loquitur in Scripto 2. Apologetico p. 76. Consuli etiam possunt Scriptum 1. Apologeticum sect. 2. pag. 33. ubi desertionem gratiæ in deserti superbiam rejicit, & probat insignibus Leonis PP. I. Augustini & Basilii locis: necnon & Vindiciæ S. Thomæ circa gratiam sufficientem sect. 5. art. 2. pag. 604: & Epistola 3. Apologetica pag. 241.

Ad alteram propositionem, quæ est de orandi gratia & potentia, pergamus: *Eo*, inquit Doctissimus Apologista, *tota controversia redacta erat, Num homo justus instante precepto habeat potentiam proximam ad orandum.* Itane? At à quibus eò redacta? An à Sacra Facultate? Minimè id quidem. An ab Inquisitoribus? Nec id apparet uspiam. Nonnulli è Magistris in hunc sensum traxerunt Arnaldi verba, alii in alium, pro suo quisque intellectu & genio, vel pro suæ scholæ placitis, vel demum pro sua libidine, summi Viri doctrinam miserè torserunt, ut ex illa venenosi aliquid exprimerent anathematibus suis expiandum. Cum enim certum esset ac fixum in adversariorum animis Censuram qualemcunque in Arnaldum procudere, nec possent propositionem obvio auctoris sensu intellectam configere, alienum illi quem configerent affinxerunt in Comitibus; nam quem sensum Censura ipsa invadat, altum in ea silentium. Cum igitur Censorum coetus Censuræ suæ rationem nullam protulerit, ex illa quam Epistolæ partem proscripserint, quibus probis affecerint, plus liquidò apparet; quid in illa culpaverint, nuspiam occurrit.

An igitur Arnaldus in istam de orandi gratia explicationem verba ipse sua inflexerit, modò inquirendum. Hoc si ita esset, istud Arnaldo dare vitio non posset eruditus Apologista, quem idem potiùs haberet sententiæ suæ assertorem & Patrònum. Disertis enim verbis asserit, *Defuisse Petro gratiam proximam ad orandum; pro impetrando ulteriori adiutorio, necessario ad suaperandam tentationem negationis; quia eidem gratiæ Petrus de suis viribus præsians obicem libere opposuit.* Nec obiter id asserit, sed fusè probat, &

44. Arn.  
non de  
orandi  
gratia in-  
telligen-  
dus.

Dissert. 5.  
§. 2. pag.  
306. Edit.  
Rem.

& suas demum probationes in brevem hunc coarctat syllogismum: *Homo ut sit proximè potens orare, debet habere iudicium practicum propriæ impotentia proxima ac necessitatis majoris gratia impetranda. Sed qui de viribus suis præsumat non habet iudicium practicum propriæ impotentia proxima ac necessitatis majoris gratia impetranda. Ergo is non est proximè potens orare.*

At verò ex dictis ad primam propositionis expositionem locisque Scriptorum Arnaldi indicatis constat, ipsum in eadem illa sententia fuisse; præsumpsisse Petrum de suis viribus: idque asseruit non in Scriptis solis quæ Censurâ jam procusâ & excusâ emisit in lucem, sed & iis quæ propositionis examini anteverterat. Immo & in ipsâ Epistola, in ipso Capite & loco unde excerpta est propositio de Petri lapsu, non semel significat, non omnem Petro gratiam defuisse, & quæ illi defuit hanc in elationis pœnam & remedium fuisse subtractam. Postquam enim pag. 218. Petri iusti exemplum proposuit, *Cui non adfuit omnis per interiores & actuales motus gratia necessaria ut posset, non quamlibet, sed hanc tentationem quæ ex mortis*

Quotidia-  
na præstat  
ille reme-  
dia, qui-  
bus nisi  
freti con-  
fisique ni-  
tamur,  
nullatenus  
vincere  
humanos  
poteri-  
mus erro-  
res. Ne-

*metu ingruerat;* ad id probandum statim refert Innocentii I. & Cœlestini Romanorum Pontificum verba, quibus docent nos, inde contingere ut tentati, Deo non auxiliante, vincamur, quòd de nobis ipsis, non de gratiæ adiutorio præsумimus.

Idem continuò ex ferm. 8. S. Leonis de Epiphania suggerit, ad Petri casum semper animum advertens, *fieri posse ut à sanctioris etiam vitæ hominibus gratia sua manum subtrahat, in pœnam superbia.*

Tum  
cesse est enim ut quo auxiliante vincimus, eo iterum non auxiliante vincamur. *Innoc. I. ad Conc. Carthag. & Cœlestin. ad Gallos Episc.*



Tum pag. 225. & 226. immediatè ante propositionem Censurâ notatam, claris verbis, Chrysostomo teste, asserit id Petro contigisse, quia repugnauerat iis quæ à Magistro catum ejus prænuntiante dicta fuerant, & quia ejus quàm aliorum elatiores erant spiritus. Denique idem Petri vitium in causâ fuisse cur sibimet à Deo relinqueretur, observat eâ in linea quæ proximè antecedit confixam propositionem: quæ quidem aliud non est quàm confectarium ex principiis illis deductum.

Ex quibus constat Arnaldum eundem in Petro de suis viribus prætumente obicem agnovisse, quem Apologista; quo posito obice, suo se vitio eâ potestate proximâ ad orandum privavit Apostolus: ex quo consecutum est ut gratia ad non negandum necessaria ei impertita non fuerit, ut ex professo docet pagina 134. in eo Tractatu quo veram S. Thomæ de Gratia sufficiente & efficaci Doctrinam explanat. *Si quæras, inquit, cur aliquando justo gratia efficax ad superandam tentationem necessaria à Deo non datur: Respondeo hujusce rei causam plerumque ex orandi negligentia repetendam. Victoria enim adversus tentationes orantibus sicut oportet à Deo promissa meritò illi non datur, qui eam precibus suis à Deo impetrare non curat, sive ob socordiam, sive ob inanem in seipso confidentiam, uti contigit B. Petro. Post quæ datâ operâ discutit alteram hanc quæstionem: Cur gratia efficax ad orandum necessaria justo aliquando non detur.*

Verùm alienus cum sit omninò ab Arnaldi propositione sensus ejusmodi, plura de eo dicere necesse non est: suam quippè solam præstare tenetur, non alienam, quæ illi post Censuram nonnullos adscribitur in Anonymi Dis-

serta-

sertatione. De operandi, seu de non negandi, non de orandi gratia, quaestio mota est. Non de ista, sed de illa sermo unice est in notato Epistolæ loco. In illa sola totius difficultatis *V. pag. 76.* cardo vertitur. *Quidquid*, inquit ipse Arnaldus in altero ad Facultatem Scripto, *de hoc* (orandi adjutorio) *statuas ad propositionem meam minimè spectat. Non enim in ea agitur de orationis, sed de operationis gratia, quam semper esse efficacem Disquisitor ille (Moynius) agnoscit. Neque enim queritur, an B. Petrus orare potuerit, sed an tentationem superare. Non potuisse fatetur, cum gratia efficaci caruerit, quā solā ex illius sententia tentationes superari possunt. Ergo propositionem meam, quæ id solum asserit, pro catholica habere debet, quidquid interim de orationis gratia statuere ipsi libuerit, de qua nunc non disputo.*

Plura etiam in fusiore Dissertatione Theologica part. 4. art. 7. *Primum*, inquit, *cum fatentur non adesse semper gratiam agendi, quā proximè possimus implere praeceptum, adeoque multa Deum præcipere quæ non possumus secundum præsentis vires, cum ampliores nobis impetranda sint (idem ultrò fatetur Apologista de Petro) hoc ipso sensum omnem probant, quem sub propositione controversa complexus sum. Concedunt enim Petro defuisse gratiam efficacem, sine qua proximè praeceptum implere & tentationem vincere non possumus; quod unam illā quam invaserunt propositionem continetur. Utrum autem habuerit gratiam actualem orandi, an non habuerit, alia quaestio est ab Epistola propositione planè diversa, de qua nihil mihi affirmandum aut negandum fuit, cum ea res inter Annatum & me non ageretur..... Ne quis igitur aliorum propositionem Epistola mea accipiat, atque ego scribens intellexi, iterum hic profiteor, so-*  
luta

*lam me efficacem gratiam, non orandi, sed profi-  
tendi Christum, à Petro removisse.*

Jam probè intelligit Clarissimus Anonymus non alium proscriptæ propositionis sensum pro Arnaldino habendum, quam quem pro suo Arnaldus ipse agnovit, quem ex Informatore primum hauserat idem Anonymus, & qui revera est obvius, unicus, genuinus propositionis sensus. Locus modò à me descriptus solus sufficeret, ut hanc auctoris mentem fuisse planum fieret, nisi posterior esset Censurâ. Juvat ergo ex utroque Apologetico Scripto, ad Facultatem ipsam ante propositionis examen misso, pauca repræsentare. In primo, quod 7. Decembris die editum est hæc habet sect. 2. *Cum hic non* 45. Solam non ne-  
gandi gra-  
tiam à Pe-  
tro amo-  
vit.

*de quavis gratia disputem, sed de illa tantum gra-  
tia efficaci quæ Petro necessaria erat, ut ex vero  
pietatis affectu tam gravem tentationem superare  
proximè posset, cum de illo dico, post Chrysostomum,  
desuisse illi gratiam sine qua nihil possumus, obvius  
& planus propositionis mea sensus est, desuisse ei  
gratiam illam sine qua nihil poterat quod ad vin-  
cendam illam tentationem attinet, hoc est, sine qua  
proximè & expeditè tentationem illam superare  
non poterat. Cum enim sine gratia, ut cum schola  
loquar, generatim sumta nihil possumus, sine uno-  
quoque gratia genere nihil possumus, proximè sci-  
licet & expeditè, in iis ad quæ genus illud gratia  
necessarium est.*

Hæc rursus post unam paginam: "Ut om- Pag. 34  
nem ex verbis meis præter sensum meum in-  
tellectis, offendiculi occasionem præcidam,  
profiteor & declaro, cum dixi post Chrysosto-  
mum Petro gratiam desuisse sine qua nihil pos-  
sumus, mihi in animo non fuisse omnem om-  
nino interiorem & actualem à Petro gratiam

amo-

„ amovere, cum eam tantum impugnamdam sus-  
 „ ceperim, quam adversarii affirmabant ita om-  
 „ nibus semper adesse, ut nemini non suppeditet  
 „ proximam & expeditam ad tentationem supe-  
 „ randam, vim & potentiam, ita ut eâ instructus  
 „ dici non possit tentationem superare non po-  
 „ tuisse; quod tamen de Petro unanimi consensu  
 „ tradunt Patres. Quare & in hoc loco, & in  
 „ aliis, ubi de Petro ago, id tantum verbis meis  
 „ expressum volui, defuisse tunc Petro gratiam  
 „ efficacem, quâ ut se Christi discipulum profi-  
 „ teretur, debitumque ipsi, etiam objecto mortis  
 „ periculo, testimonium redderet, indigebat.

Infinitus sim si omnia ejusmodi loca velim  
 excerpere: ad cumulum sufficiat *Monitum* quod  
 alteri Apologetico ad Facultatem misso præfi-  
 xit autor: *Ubicunque aio, inquit, gratiam alicui*  
*pag. 56. deesse sine qua tentatio vinci non potest, de ea semper*  
*id potestate intelligi volo, ut saepe significavi, quam*  
*proximam, immediatam, & expeditam Theologi*  
*appellant; & de ea tentationis victoria qua salu-*  
*bris fit & secundum Deum.*

46. Ano-  
 nymi opi-  
 nio de po-  
 tentia pro-  
 xima in  
 peccanti-  
 bus.

Hoc semel constituto, affixâque ad hunc sen-  
 sum Arnaldina propositione, operosum non est  
 palàm facere, eruditissimum Anonymum non  
 magis sui nunc Eminentissimi Scriptoris Apo-  
 logistam egisse, quàm Clarissimi nostri Arnaldi:  
 par enim & eadem utriusque doctrina, quod qui-  
 dem ad Petri lapsum attinet; nisi quod minùs  
 gratiæ ac proinde minùs potestatis, in eo Apo-  
 stolo admittere mihi videtur Apologista quàm  
 Arnaldus.

Ac primùm quidem Arnaldi hanc proposi-  
 tionem apertè vindicat Anonymus, ut Catho-  
 licam & omnis erroris expertem, cùm non so-  
 lum docet quòd, *Petrus secundum quas tunc habe-*  
*bat*

bat vires non potuit tentationi resistere, sed etiam cur non habuerit, & quantum in S. Augustini doctrinâ certa sit hæc opinio, studiosè & animosè probat. Nam Dissertationis hujus quintæ cap. 1. §. 1. hanc primam Eminentissimi Clientis propositionem statuit ac tuetur.

*I. Transgressorem legis reum esse peccati, tametsi negata fuerit ipsi gratia proximè sufficiens quâ posset exsequi mandata.*

Deinde cap. 2. hanc ejusdem propositionem secundam propugnat.

*II. Tali auxilio proximè sufficienti privari etiam justos, tum cum urget observatio alicujus mandati, quod non potest impleri sine gratia.*

De prima sic pronuntiat: *Hæc est doctrina apud Theologos pervulgata, qui tradunt satis esse potentiam remotam ad implendum præceptum, ut transgressor legis reus criminis habeatur, nec semper requiri, ad legem violandam, potentiam proximam ejusdem implenda.*

Adductoque plurimorum Theologorum suffragio nonnullisque S. Augustini autoritatibus, decernit " quòd Gratia illa, quâ homo habet "  
*bonam voluntatem, sed adhuc parvam & invalidam,* "  
 implendi præcepti, dicitur remotum "  
 auxilium ad implendum præceptum, quia cum "  
 ea sola gratia NON POTEST mandatum facere, "  
 sed indiget adjuvari ulteriori ac majori auxilio "  
 quod dicitur auxilium proximum, à quo homo "  
 constituitur in potentia proxima ad exsequen- "  
 dum præceptum, ac sine ulteriori hoc auxilio "  
 habet potentiam tantùm remotam faciendi præ- "  
 cepti. "

De secunda hæc habet: " Statutam Norisii Thesim invicta Synodi Tridentinæ autoritate, "  
 uno præ cæteris interprete Suarez, solidè æquè "

ac clarè stabilio. In Sess. 6. de Justificatione cap.  
 „ II..... *Et facere quod possis & petere quod non*  
 „ *possis, &c.* Et post plura, quibus hanc autori-  
 tatem urget ex Suarezio, hunc syllogismum  
 subjungit.

„ Qui non habet potentiam proximam obser-  
 „ vandi præcepti, habet privationem auxilii proxi-  
 „ mè sufficientis:

„ Sed justus quandoque urgente præcepto non  
 „ orans, non habet potentiam proximam observan-  
 „ di præcepti:

„ Ergo tunc habet privationem auxilii proxi-  
 „ mè sufficientis.

„ Major propositio est certa; quia ab auxilio  
 „ proximè sufficienti constituitur formaliter &  
 „ essentialiter potentia proxima in justo ad obser-  
 „ vandum præceptum. Decretoria Suarez senten-  
 „ tia est lib. 4. de Gratia cap. 4. num. 3. *Tunc di-*  
 „ *citur auxilium proximè sufficiens, quando constituit*  
 „ *hominem in actu primo proximè potentem ad ope-*  
 „ *randum.* Minor est doctrina Synodi Tridentinae  
 „ ex Augustino desumpta. Conclusio est Thesis  
 „ ipsissima Norisii, quam Informator uti erro-  
 „ neam & Jansenianum dogma proponit.

Sic, solo adjutore Suarezio, Tridentinae Sy-  
 nodi opem conciliat Norisio suo, ne hæreticus  
 audiat. *Tantam enim, inquit, Norisiana cause*  
*fiduciam habeo, ut ejus præcipuam defensionem in*  
*unius Suarezii doctrina collocare non dubitem.* Fe-  
 lix Vir tantus! cui Suarezii suffragium satis fuit,  
 ut Ecclesiæ anathemata ab ea averteret doctri-  
 na, quam ut Arnaldus contra fulmineæ Censu-  
 ræ ictum protegeret, non suffecit Chrysosto-  
 mus, non Augustinus, non universus Sanctorum  
 Patrum & Conciliorum chorus, totaque om-  
 nium seculorum Traditio veneranda.

Ne tamen socius sine socio contra Societatis leges incederet, comitem ei adjunxit Jesuitam non imparē, Michaëlem de Elizalde, " *Quem,* " inquit, *ob acumen ingenii mirari sæpe soleo.* Is lib. 5. de recta doctr. morum qu. 12. §. 4. pag. 58. " ferè indignatus, quosdam legis transgressiones " ob voluntariam impotentiam commissas à pec- " cato excusare, ait: *Vos dicitis, POTEST; Con-* " *cilium & Augustinus dicunt, NON POTEST:* " *& ego Concilio & Augustino crediderim. Atque* " *utinam in peccatoribus habitualibus non sint hujus-* " *modi impotentia permulta consequenter, &c.* " "

Ex iis quæ de Thesi fusiùs scribit Doctissi-  
mus Apologista, hæc delibavimus. Quid de Hy-  
pothesi nostra subjiciat, paucis aperimus, qui-  
bus unusquisque intelligat, strenuum anonymum  
propositionem in Arnaldo reprehensam non  
modò suam fecisse, sed alià etiam plura addi-  
disse, quæ in Arnaldo longè magis adversario-  
rum odio & invidiæ patuissent.

Apertè ergo & disertè Arnaldinam proposi-  
tionem his verbis amplectitur, & Augustini  
esse asserit: *In primis, inquit, docet (Augustinus) Diff. V. c.*  
*Petrum tentatione pulsatum non habuisse reapse vires* 2. §. 2. p.  
*resistendi tentationi. Et infra: Hanc tantam chari-* 306.  
*tatem (quà potens esset in actu primo, ut Scholastici*  
*loquuntur) Petrus cum Christum negavit, nondum*  
*habebat. Et iterum: Petrus secundum quas tunc habe-*  
*bat vires NON POTUIT tentationi resistere...* Puta-  
*bat se posse quod secundum eas quas tunc habebat vires*  
*NON POTERAT.* Plura non scripsit Arnaldus, &  
eadem quæ hic, vidente Roma & probante, Exi-  
mius Norisii Vindex asserit, iisdem ille & aliis  
Augustini verbis confirmavit ac tuitus est.

2. Eam propositionem adhuc magis corro-  
borat, cum ex professio docens Petrum, viribus

ad resistendum idoneis & potentiâ proximâ Christum confitendi destitutum, tentationem superare non potuisse, insuper studiosè probat id ei accidisse in præsumptionis suæ poenam. Ad quæ suggerere posset Arnaldus eadem quæ ad Moynium Censuræ & Inquisitorum unum observavit in altero Apologetico, pagina 76. *Respondet ille, &c.*

3. Tametsi Arnaldus doctrinæ Patrum & loquelæ inhærens rectè defenderit in Apologeticis, Petrum non potuisse confiteri Christum potestate proximâ, immediatâ & expeditâ, seu quæ omnia ad agendum necessaria complectatur, quæ potestas propriè ad gratiam per se efficacem pertinet; quia tamen cum doctissimis Theologis Braduardino, Estio, Tiphany Jesuita, aliisque multis, censet gratiam efficacem, quatenus est principium bonæ voluntatis, nihil aliud esse quàm misericordiam Dei seu voluntatem gratuitam Dei, bonum voluntatis humanæ motum operantis, sine ulla media qualitate transeunte, consequenter gratiam efficacem non ad actum primum, sed ad secundum; non ad posse, sed ad velle, necessariam statuit. *Non enim, inquit, potest pertinere ad actum primum, cum operatio divina non aliquam formam transeuntem imprimat in voluntate, sed immediatè ipsum actum secundum simul cum voluntate, vel solâ, vel etiam habitualibus donis instructâ, producat. Quamobrem cum solam efficacem gratiam ad confitendum Christum necessariam Petro neganti abrogaverit, in eodem potestatem actus primi, sicut in omnibus generatim justis, libenter admisit. Ex quo sequitur ipsum admittere potuisse in Petro negante Christum, ut & in omnibus justis, potentiam proximam in actu pri-*

*Diff. Theol. part.*  
3.





ferit talem urgente præcepto debere orare, sed non posse propter obicem. Num autem, inquit, reapse talem obicem Petrus opposuerit, est questio facti, in qua S. Augustinus suis in libris sapissimè ac constanter asseveravit, D. Petrum de suis nimium viribus præsumsisse. Nimirum, ut pluribus expendit Apologista, cum Petrus putabat se posse quod secundum eas quas tunc habebat vires NON POTERAT, liberè iudicium erroneum induxerat, quo putabat viribus quas actu habebat posse oppetere mortem pro Christo: quo iudicio implicitus, de se præsumens, NON POTUIT cum eodem componere iudicium rectum, quo putaret majores sibi à Deo vires precibus impetrandas esse: quod iudicium ad orationem prærequiri superius ostensum est, & ex cuius defectu homo non est in potentia proxima ad orandum. Plura superius descripta sunt.

Contra Arnaldus sæpè professus est, orandi gratiam à se non esse Petro negatam, nec ad eum sensum trahi posse suam propositionem; in ea non agi de orationis, sed de operationis gratia; ac proinde quidquid de orandi gratia dicatur, ad suam propositionem non pertinere, ut supra retulimus. Præterea profitetur, *Etiams*  
*Dissert. 4.º* *illis iustis qui nec orare volunt, neque conantur,*  
*partie 4.º* *adesse tamen potestatem orandi in actu primo Tho-*  
*art. 7.º* *mistico sensu sufficientem, sed per gratiam habitua-*  
*lem tantum, non per actualem, &c.*

49. Non  
 omnem  
 tunc Petro  
 gratiam  
 actualem  
 ademit  
 Arn.

Script.  
 Apol. 1.  
 Sect. 2.  
 pag. 33.

5. Hoc igitur inter utrumque Theologum discriminem occurrit, quòd Arnaldus omnem actualem orandi gratiam Petro tunc adfuisse nec negat, nec asserit. Immo satis significavit in priori scripto Apologetico, non agrè admissurum se in eo gratiam quâ orare voluerit parvâ & invalidâ, ut Augustinus loquitur, voluntate. Et certè, ut verum sit Petrum, tunc

CUM

cum nimia de se confidentia illusus Domino contradixit lapsum illi suum & sequendi usque ad mortem impotentiam prædicenti, de orando Deo nihil cogitasse; quis audeat asseverare eundem postea in horto à Domino admonitum de jam imminente periculo, de ingruente tentatione, de instanti militum adventu, de orandi necessitate (*Vigilate & orate, ut non intretis in tentationem*) & ipso timore mortis, quo vehementius correptus est in Domo Caiphæ, compulsus, nullas in eo conflictu excitationes interiores ad orandum sensisse, nullam ne imbellem quidem orandi voluntatem habuisse, nullum conatum vel tenuem exeruisse, ac proinde actuales aliquas gratias excitationis, voluntatis, & conatus ejusmodi effectrices? Profecto ut parum sapienter id ita fuisse certò quis affirmaverit; ita non sine falsitatis periculo negaverit. Negasse tamen mihi videtur Vindex anonymus, atque ita omnem actualem orandi gratiam non una ratione à Petro amovisse. Nam *Diff. 7. cum ad orandum pro impetranda gratia necessaria c. 2. §. 2. ad exsequendum præceptum concurrant notitia præcepti, desiderium ejusdem faciendi, ac judicium practicum propria infirmitatis*, ut habet anonymus, si Petrus judicium practicum prorsus oppositum formavit, ut formasse censet ille, vix ullum internis illis ad orandum incitamentis locum reliquisse cogitari potest. Etenim, ut scitè asserit ille, ad orandum, ad quod ex præcepto in tentatione tenemur, non solum fideli occurrere debet notitia præcepti implendi, sed & notitia præcepti de orando pro impetranda implendi gratia: nec solum desiderium implendi præcepti à quo tentatio avertit, sed etiam desiderium implendi præcepti de orando pro impetranda gratia ad

implendum præceptum quod tentatio impetit.  
 At utrumque excludit *judicium practicum* quo  
 quis *judicat se posse sine ulteriori Dei auxilio man-*  
*datum implere* & *ponit obicem orationi faciendæ*;  
 ac proinde excludit *gratiam illuminationis in in-*  
*tellektu*, quæ definitio est cognitionis præcepti  
 seu actûs fidei apud Apologistam; excludit  
 & inspirationem sanctam in voluntate, ex  
 qua inspiratione fluere dicit desiderium præ-  
 cepti faciendi: quæ æquè vera sunt de præcep-  
 to orandi, ac de præcepto contra quod fidelis  
 tentatur. Potest luminis amplius aliquid ac-  
 cipi, ad explorandam autoris mentem de im-  
 potentia Petri ad orandum, ex duplici compara-  
 tione quam ille eodem §. 2. instituit inter Joan-  
 nem & Petrum, & iterum inter eundem Pe-  
 trum tunc præsumentem & Pelagianos. Sed  
 hæc plusquam satis, ut cuique sit exploratum,  
 vel Arnaldi doctrinam ab Eruditissimi Anony-  
 mi doctrina, nullo distare intervallo, vel si  
 quod intersit, Arnaldo istud favere quàm maxi-  
 mè. Non enim jam ex affinitate Norisianæ  
 doctrinæ cum Arnaldina, ulla adhærescit Emi-  
 nentissimo Scriptori erroris suspicio; sed ex pro-  
 positionis Arnaldi cum Eminentissimi Norisii  
 ejusque doctissimi Apologistæ sensibus consortio,  
 aspersa Clarissimo Doctore hæreseos calumnia  
 omni ex parte diluitur. His quippe quæ explicui-  
 mus diligenter expensis, facilius invenias qui  
 Censores Arnaldi sugillant, eam doctrinam pro-  
 scribentes quam Roma approbat, quàm qui suc-  
 censeant Romanis illi dogmati suffragantibus  
 quod Arnaldi Censores, studio partium acti, octo-  
 ginta ferè Collegis contra obnitentibus & con-  
 tradicentibus, damnare sunt ausi.

Non moleste feret Vir doctissimus, qui ta-  
 cito

cito nomine meritam præclaræ eruditionis laudem sibi ipse invidit, suam de Arnaldi opinione dissertationem à me esse discussam. Immò, gratulabitur, opinor, & se Arnaldinis Apologeticis, & vicissim Arnaldum illius Vindiciis esse defensum; occasionemque sibi datam (quæ est liberaliorum ingeniorum indoles) omnem de ejus sensibus suspicionem malam abjiciendi.

Cum autem istam admittendi, non illi solum-  
modò, sed aliis etiam exterorum plurimis, cau-  
sa fortasse fuerit non satis familiaris Gallicæ lin-  
guæ usus, eam ob rem in Latinam versa sunt quin-  
que Arnaldi scripta ad ejus causæ notitiam maxi-  
mè necessaria, ut quæ omnium ferè in Sorbo-  
nicis Comitibus actorum seriem & circumstantias,  
momentaque adversus Censuram gravissima  
referunt. Scripta igitur quæ nunc primùm Latine  
prodeunt, ordine II. IX. XII. XIII. & XIV.  
hæc sunt: *Animadversiones in Comitibus 4. No-*  
*vemb. &c. Libellus contestatorius, & Epistole*  
*Apologeticae tres Arnaldi &c.* Quibus quindecim  
alia interferuntur latinè primùm elucubrata.

50. Scrip-  
ta V. nunc  
primùm  
Latine  
prodeunt.

Nolim porrò hoc loco dissimulare, cum ista omnia jam recusa essent & propè venum ibant, monitum me ab amico Romanarum rerum scientificimo, nonnulla è scriptis illis Romano Indici fuisse inserta. Adverto tamen illo Indice non contineri quinque illa à me jam commemorata, nec Notationes in Censuram, nec prolixam Arnaldi Dissertationem Theologicam, nec Notas Thomisticas adversus Molinisticas Joannis Nicolai Theses, nec Vindicias S. Thomæ adversus Censorium ejusdem suffragium, nec geminam Ad Andegavensem Episcopum Epistolam: quæ omnia, post Censuram edita sunt, Censuræ que vitia, & unâ Censorum machinationes artesque

impetunt: quamvis Decretum illud S. Congregationis anno integro & sex circiter mensibus potterius sit his ferè omnibus opusculis. Undenam ortum discrimen, nescio; hoc scio, suspecta esse Albiziana tempora. Quandiu enim Assessoris S. Officii munere functus est Albizius, Molinistis eorumque assëclis ad nutum obsequens, Augustini discipulos, omni patrocinio destitutos, quâ valuit autoritate protrivit. Quod igitur de Bellarmino Jesuita, cujus Controversiæ jussu summi Pontificis proscriptis libris annumeratæ olim fuerunt, dixerunt Vitæ ejus Scriptores, quid vetat, mutato nomine, de Arnaldo narrari: *Qui (Arnaldi) nomen obscurare cupiebant, rati suæ gloriæ demi, quidquid cederet alienæ, homines accendendis offensionibus callidi, Pontifici sensim adulari, re non discussâ iungere atque instare quo ejus Opera inhiberentur & inferi Catalogo deberent voluuntium proscriptorum. Fraudem excepit eventus, & ii quorum invidia (& alii affectus) in occulto, adulatio in aperto erat, faciliè impetrarunt ut hoc pacto in (Arnaldi) libros sæviretur. Sed ut in omnes sæviretur quia obtineri non potuit, ii à Censura Romana liberi remansere, qui Parisiensis iniquitatem aperiebant: à qua puras manus abstinere, è re Sedis Apostolicæ judicarunt sapientissimi ejus Administri, & ipse Pontifex Alexander VII.*

Quidquid sit de aliis, hoc sanctè possum profiteri, in iis recudendis nihil quidquam admissum me voluisse, quod Apostolicæ Sedis honori & ordinationibus vel minimùm detraheret. Quod igitur fecit necessitas defendendæ innocentis Viri tam bene de Ecclesia & Apostolica Sede meriti, benignè, ut confido, accipiet Sedes Apostolica, quæ suorum filiorum inno-

centiam malevolorum obrectationibus obscurari non amat, multo minùs patitur Defensorum suorum famam inermem & indefensam invidiorum patere calumniis.

Quam immeritò partium aut novitatis studium in defendenda Christi Gratia Viro magno objecerint adversarii, intelligent tam Illustrissimi quàm Eminentissimi fidei judices, ipseque Episcoporum Episcopus, ex primis illius The-sibus, ante motam in Belgio vel in Galliis de Auxiliis gratiæ contentionem propugnatis, præ-sente ac plaudente Clero Gallicano, appro-bante Sorbona. Has Theses excipiunt aliæ in Re-gia ejusdem Academiæ Navarra defensiæ, in qui-bus integrum Augustinianæ doctrinæ syste-ma disertè & splendide exposuit quidam Petrus Darbo (de quo plura apud Launoium in Navarrici Collegii Historia) illamque defendit propositionem, applaudente Pèreyreto magno ejusdem Collegii Magistro, ipso Corneto spe-ctante & approbante, quæ illdem connitenti-bus in Arnaldo paucis post annis impietatis & hæreseos damnata est.

Proscriptionem doctrinæ Personæ proscrip-tio subsecuta est. Nec mirum: eò enim spe-ctabant illæ Adversariorum Tragœdiæ. An id juris Facultatibus Academicis sine Episcoporum autoritate competat, non est hujus loci inqui-rere. Scio à Joanne Bagotio doctissimo Jesuita scriptum, ut sine anathemate errores damnant Academici coetus, ita sine proscriptione aut ulla infamiæ nota errantes emendare. *Sub ana-themate, inquit, damnant* (Episcopi in Syno-dis) *dissentientes, & in Spiritu Sancto ita se de-finire pronuntiant; quod nequaquam faciunt Do-ctores in suis Censuris aut Conventibus Academicis.*

§ I. Expul-sus è sine Facultatis, quo jure

Apolog. fidei par. I. p. 492.

*Et verò si quis aliter quàm majorum eorum pars sentit, non idcirco aut Doctorum albo eraditur, aut alla infamia nota afficitur.*

Ab his non multum abludunt hæc Melchioris Cani doctissimi Episcopi ex Dominicanorum Ordine assumpti verba: *In Scholastica, inquit, disputatione plurimum autoritas obruere Theologum non debet; sed si paucos viros, modò graves, secum habet, poterit sanè adversus stare: non enim numero hæc judicantur, sed pondere.* Quæ verba sua fecit Bannes ejusdem Ordinis. Et utrique accedit Christophorus Gillius à Lau-noio laudatus p. 164.

Hæc à me tamen dicta sic nolim accipi, quasi sacram Facultatem jure in suos animadver-tendi, ac etiam eliminandi, minutam velim. Illo utatur, per me licet, Facultas; sed Fa-cultas, inquam, non Facultatis pars contra al-teram colligata. Si enim Facultatis Decreta, non omnium aut ferè omnium consensu sancita inalicujus doctrinam & famam, non facilè apud sapientes auctoritatem sibi conciliant, multò cer-tè minùs ea quibus collegas suos de magisterii gradu pars deturbat & à totius Societatis cor-pore rescindit.

§ 2. Præ-  
ter Juris  
Ordinem  
confixus  
& expul-  
sus.

Sed quid si præter legum præscripta, iisque spretis solenniis, quæ in ullo quovis judicio, saltem personario, omitti nefas est, præsertim in capitalibus fidei & famæ causis? Frustra esse ejusmodi censuras & judicia, jura clamant, cla-mat religio. Quàm verò infirma semper habita sint ea quæ non unanimi aut ferè unanimi Docto-rum consensu sancita sunt, non obscurum. Quam enim aliam ob causam tam curiosè observassent scriptoque adnotassent in Censuris an. 1250. unanimiter omnes consensisse, omnesque Magistros ap-  
posuisse



posuisse sigilla sua, uno excepto; qui tamen tenori litera non contradixit, sed sigillum suum apponere noluit: An. 1277. concorditer: An. 1333. omnes in eam sententiam convenisse; An. 1387. Censuram adversus Montesonum per totam Facultatem concorditer factam: An. 1408. diligenti & concordi deliberatione: An. 1413. per deliberationem maturam & concordem multum solenniter & palam & liberè, contra Joannem Parvi: An. 1428. & 1429. ex matura, diligenti ac concordi deliberatione: An. 1482. nemine opponente: An. 1490. visum est omnibus uno excepto: An. 1497. uniformi deliberatione, & conclusione & concorditer: An. 1502. reclamante nemine. In alia, contradicente nemine: An. 1521. unanimi omnium voto probata, ratificata, & confirmata. Eod. anno contra Lutherum, unanimi omnium voto, unanimi omnium assensu. An. 1526. unanimi omnium consensu: An. 1552. omnium Doctorum consensu: An. 1554. unanimi consensu: An. 1611. omnes & singuli.

Eccur nihil ejusmodi in Arnaldina Censura legimus? Scilicet lepidum fuisset & tanto apparatu dignum, si omnes & singuli consensisse dicerentur exceptis octoginta ferè Magistris nostris. Cur etiam non additum, quod prædictus Antonius Arnaldus tunc & alias AUDITUS FUIT AD LONGUM, quod legimus in Censuris an. 1428. contra Joannem Gorellum Minoritam & an. 1429. contra F. Joannem Sarazin Dominicanum? Nimirum, quia ne semel quidem Censores audire voluerunt Arnaldum se ipsum defendentem, instantissimè licet id à Facultate petiisset; quem contra ipsi ad sui defensionem vocare, urgere, compellere debuerant. Cur demum ibidem non legitur, ut in Decreto an.

1482. contra F. Joannem Angeli Minoritam :  
 OMNIBUS MAGISTRIS IN MAGNO NUMERO  
*tam Secularibus quàm Religiosis in Præfata Con-*  
*gregatione*, UNUS POST ALIUM AD LONGUM  
 AUDITIS? Ratio in promptu est. Defensorum  
 Arnaldi diligentia & eruditioni temporis an-  
 gustiis obstiterant adversarii, eosque ex com-  
 parato & constituto spatio defensionis in semi-  
 horæ circulum coegerant. Parendum fuerat : &  
 quod iniquissimum est, accusatorum conditioni;  
 & quod miserrimum, inimicorum potestati.

V. Ciceroni  
 pro C. Ra-  
 birio verba  
 relata ab  
 Launoio p.  
 192.

53. Anti-  
 qua ex  
 Launoio  
 exempla.

Hæc cum alii scriptores, tum præsertim Joan-  
 nes Launoius Doctor Parisiensis in Tractatu de  
 scholis celebrioribus cap. 60. & 61. & in Nota-  
 tionibus in Censuram, quæ loco pag. 150.  
 habentur, nonnullis prætermisiss; neque enim  
 integras Notationes recudere animus fuit, sed  
 quæ Arnaldinam in iis causam juvant. Idem  
 Vir doctissimus nonnulla etiam habet in Histo-  
 ria Navarrici Collegii, quæ opportunè huc  
 transferrentur, nisi hæc Præfatio jam ultra  
 æquos limites producta esset. Tomo 2. pag.  
 1032. narrat Joannem Peschant, Doctorem  
 Theologum Parisiensem, ex Facultate expul-  
 sum fuisse, quia ipsius adversus Henricum III.  
 Gallia & Polonia Regem Decreto subscribe-  
 re recusavit. Et quamvis huic Decreto non ferè  
 octoginta, ut Arnaldino, restitissent, sed vix  
 duo vel tres, iniqua tamen sententia non pro-  
 hibuit quin post annos aliquot Decani munus  
 in Facultate indeptus ille sit & obierit.

Quàm facilè fuerit ut aliquot Regni Proce-  
 res adversus Arnaldum æmulorum artibus cir-  
 cumventi fuerint, docent exempla ab eodem  
 Launoio relata. Refert Tom. 1. p. 256. de Ja-  
 cobo Merlino Doctore, Canonico, & magno  
 Eccle-

Ecclesiæ Parisiensis Pœnitentiario, qui primum in carcerem conjectus est, tum ad Nannetensem Urbem relegatus; quia, inquit, *nimis ardentè & piè* concionatus fuerat adversus exorientes tunc hæreses & hæreticos. Beda & Clericus, uterque Parisiensis Theologus, anno 1533. Lutheranorum factione, ut idem narrat, in exilium pulsi, cum Domino Le Picard, postea S. Germani Autissiodorensis ad Regiam Luparam Decano, Viro inprimis Catholico & pietate conspicuo: qui etiam in custodiam datus est anno proximè sequenti 1534. calumniis propter Conciones ab hæreticis aspersus. De quo mira Hilarion à Costa in ejus Vita narrat & Launoïus. Tom. 1. Histor. Navarrici Collegii p. 258. & sequ.

Violata insuper in Arnaldi causâ lex hæc præcipua, utroque Jure præscripta, & nunquam ac nusquam violabilis, Ne quis absens damnetur, nisi priùs semel, iterum & tertio vocatus & monitus. Hanc urget Launoïus in Notatione xi. ex omnium tribunalium usu & capitalium Judiciorum omnium forma, illustratque exemplo Judicii Academici in causâ Montefoni: cui addo exemplum causæ Renati Benedicti, cujus acta habentur ad calcem Collectionis Autorum, qui de Biblicis in vulgarem linguam translationibus scripserunt, Parisiis an. 1661. editæ. Quæ causa cum anno 1567. esset ad Facultatis tribunal delata, tamen Benedictus nonnisi die 1. Octobris anni 1572. sententiam excepit his verbis memoratam in laudatæ Collectionis Appendice pag. 39. *Facultas*, inquit, *congregata per Juramentum in materia fidei*, (quæ solennis formula in hac causâ cautè semper apponitur, in Arnaldina nunquam) *eundem Benedictum rogavit, ut tandem*

54. Absens sine monitione præviâ damnatus

dcm.

# XCIV P R Æ F A T I O.

*dem errorem agnosceret, ac potius matri quam sibi crederet. Quod si pertinaciter in opinione maneret, nec de facto Facultati pareret, POST TOT VOCATIONES, MONITIONES, EXHORTATIONES ET PRECES, cogi Facultatem illum tanquam filium contumacem de suo gremio ejicere, donec rediret ad meliorem mentem.*

55. Spre-  
ræ Arnal-  
di mode-  
stia, de-  
missio, sa-  
tisfactio.

Quanto Arnaldus Benedicto innocentior erat, (immò verò omni ex parte innocens) tanto cum majori mansuetudine ac animi demissione se habuit erga Facultatem Theologicam. Ad quam delatas ut didicit nonnullas Epistolæ suæ propositiones, quarum altera fidei absona, altera non satis erga Principes Ecclesiæ honorifica dicebatur, continuò ante omnem Censuram, nec expectatâ Facultatis ulla monitione, sic utrique querelæ missis ad illam Scriptis satisfecit, ut primam pravi omnis sensus vacuum demonstraverit, pro altera, etsi nullius irreverentiæ sibi conscius, veniam tamen petierit, ne ex honore supremis Patribus debito vel tantillum quid detrahere voluisse putaretur. Sed nihil ista profuerunt apud professos Arnaldi inimicos, facinoris duces, qui cæco impetu ad Censuram publicandam, & Collegam suum atroci aliqua nota infamandum properabant, cujus occasionem sibi quavis satisfactione eripi impatientissimè ferebant.

56. Quid  
speran-  
dum à sa-  
cra Facul-  
tate.

Sed tempus erit, (cur enim veritatis Defensori id non auguremur, quod sibi Veritas ipsa debere videtur?) tempus, inquam, erit aliquando, cum sacra Facultas tam indigni judicii pendenda mysteria revolvens, & illatam tam sibi caro, tam omnibus venerando capiti injuriam exhorrescens, conflatham inde invidiam à se depellere seriò cogitabit, Censuram è suis commentariis crasam, excisam volet, eamque pau-  
corum

corum consiliis & molitionibus confectam, Facultati ipsi falsissimè adscribi, Orbi catholico denuntiabit.

Túque, Clarissima Sorbona, tot magnorum olim Virorum Parens, quorum omnium præclaras dotes in uno redivivas Arnaldo receperas, suspexeras, amaveras; meministi? certè meministi, quanti constiterit tibi talem ambiisse Socium: quot votis, quot curis, quot laboribus, quot, ut ita dicam, præliis illum tibi asservisti. Neque id semel: vix enim illum tibi adsciveras, partis pro veritate victoriis jam illustrem, cum veritatis inimici nihil non movere ac moliri, ut has tibi delicias tuas eriperent: quas & aliquando tandem eripuerunt.

Reviviscat ergo in amantissimæ Matris visceribus nativum ardensque illud studium, quod te ad carissimi tot nominibus filii defensionem & tutelam tunc commovit, cum occasione Libri De Frequenti Communione, penè ad ignem ille deposceretur. Fastos releges domesticos, & servatam ad hæc tempora facti memoriam recense: *In Comitibus extraordinariis habitis 14. Martii anni 1644. (verba sunt Regesti) adhuc priore (Sorbonæ) M. Chassebras, statutum est, ut pro viribus Societas subveniret Domino Arnould, subtrahereturque inimicorum calumniis, qui in ipsum exitia & alias tribulationes intentabant. Ideò decretum fuit, ut omnes Socii conglobatim, & in magno comitatu adirent Viros Principes, Ducem Aurelianensem, Principem Condeum, Eminentiissimum Cardinalem Mazarinum & Illustrissimum Franciæ Cancellarium; ac ut Dominus Senior* <sup>\* Ita nominatur Decanus Domus Sorbonicæ.</sup> *mine caterorum iis enixè supplicaret, ne D. Arnould indefensum, neque inauditum, Romam ablegari paterentur, faverentque potius in hac causa Sorbona,*

57. Ad Sorbonicam Societatem parnasiam.

# XCVI P R Æ F A T I O.

bona, quæ tutelam Socii periclitantis susceperat, quàm adversariorum furori, qui ex populi rumore alias ei tribulationes Romæ promittebant.

§8. Academia Parisiensis defensionem Arnaldo debet.

Neque, opinor, celeberrima illa Parisiensis Academia sui usque & usque Arnaldi Arnaldinique Nominis, cui tantum debet, obliviscetur. Ab Antonio Arnaldo ante centum annos tam strenuè, tam amanter defensa, Antonio Filio an defensionem, non certè indebitam, denegabit? Quæ violenter impulsam ut caderet non suscepit, cadenti non occurrit, manum tandem non porriget, ut prostratum erigat? Defensionem, quam ab illa exspectat Arnaldus, vel potiùs Arnaldi Memoria, *non indebitam* dico: quæ enim debita magis ab Academia esse queat, quam cui Amplissimus Rector, quatuor Facultates & singulæ Nationes, omnes demum Academiae Ordines frequentissimis ac solennissimis Comitibus, sese obstrinxerunt, & publica promissione, & inviolabili Sacramento, & obligatoriis Literis, majore Academiae sigillo subsignatis: quæ non tam munus gratuita liberalitate impensum, quàm honorarium juri Patrocinii & defensionis laboribus repensum. Non incerta loquor, non dubia vendito. Pateant Universitatis Tabularia. Referantur Annales Academici, & proferantur quæ adhuc exstant authenticæ Litteræ, quibus addictam constat Arnaldo ejusque immortalis Memoriae, Universitatis tutela & protectio. En solenne Edictum, quod prolixiorem Præfationem claudat.

” RECTOR ET UNIVERSITAS PARISIENSIS,  
” Omnibus præsentibus Literas inspecturis, Salutem  
” in Domino, qui vera est omnium Salus.

” ETSI Imperatorum Legibus sancitum non  
” sit, ut in recepti beneficii immemorem de-  
tur

tur ἀχαριστίας Actio; eos tamen qui Humanitatis  
 se Doctores profitentur, ab ingrati animi vitio  
 præcipuè decet refugere; nec tam quid mōres  
 vulgi ferant, quàm quid æquitas & honestatis  
 ratio suadeat, secum expendere, eaque bene de  
 se meritis hominibus officia liberè præstare,  
 quæ apud Persas Prætoris Edicto inviti coge-  
 rentur exsolvere: aut, si referre gratiam non  
 possint, honorificis saltem verbis agere, & ani-  
 mo habere. Quapropter cum Consultorum di-  
 sertissimus & disertorum Consultissimus D. AN-  
 TONIUS ARNALDUS, in Foro Parisiensi specta-  
 tus à multis annis Patronus, pro Defensione  
 juris Academici..... tantopere defudarit, &  
 longa comtâque Oratione, quæ Doctorum  
 manibus teritur, probarit..... Cùmque idem  
 pro Defensionis laboribus & Patrocinii jure o-  
 blatum sibi ab Academia honorarium remiserit,  
 gratuitamque suam operam esse voluerit; ne  
 apud Nos ingrati animi culpa resideat, placuit  
 Rectori, quatuor Facultatibus & singulis Na-  
 tionibus, ut perpetua tanti beneficii memoria  
 publicis Tabulis consignata & testata apud po-  
 steros exstaret, huicque Sacramento se omnes  
 Academiae Ordines obstringerent, se ea officia  
 quæ à bonis clientibus fido Patrono solent de-  
 ferri, omnia IN ILLUM EJUSQUE LIBEROS ac  
 posteros studiosè collaturos, nec eorum un-  
 quam honori, commodis, famæque defuturos.  
 Cujus promissi ut gravior esset fides & sanctior  
 autoritas, maximo gravissimoque Comitatu  
 apud Maturinenses decretum est, ut à Me  
 JOANNE GALLANDIO RECTORE perscriberen-  
 tur hæ velut obligatoriae Literæ, eademque  
 Meo & Scribæ chirographo & majori Aca-  
 demiae sigillo subsignatæ, Patrono offerrentur.

xcviii P R Æ F A T I O.

„ Quod Ego Gallandius præstiti: quo secundo  
 „ Rectore..... Decretum iisdem verbis à me  
 „ perscriptum est , quibus apud Maturinenses  
 „ conceptum, & concordibus omnium Ordinum  
 „ suffragiis gratóque Concionis totius applausu  
 „ & acclamatione sancitum fuit die decima-octa-  
 „ va mensis Martii, anno instauratæ Salutishu-  
 „ manæ millesimo quingentesimo nonagesimo  
 „ quinto. (subscriptum sic) Visa per me REC-  
 „ TOREM GALLANDIUM (& scribam) DU  
 „ VAL.

SED sanctiora Te tuentur, Magne Arnalde,  
 quàm terrena quævis, præsidia. Annus enim  
 hujus sæculi M. DC. XCIV. qui ab asserto per  
 carissimum Patrem Academiæ jure Cente-  
 simus erat , idem Tibi fuit optatæ restitu-  
 tionis ac veræ libertatis annus, in quam VI. id.  
 Augusti vindicatus es , à multiplici exilio ad  
 unicam Electorum Patriam revocatus, veróque  
 redditus omnium Deo ac Domino, CUI UNI  
 ADHÆRERE BONUM EST.

Onustum & annis & meritis, Pater,  
 Maturior te vis rapit. Ah novos  
 Quis alter errorum architectos  
 Jam paribus malè perdet armis?

Cœlo receptum te nihil opprimet.  
 Non regnat istic invidia, aut furor.  
 Sed scripta, sed famam hîc, sed ossa  
 Et cineres violare tentat.

Frustrâ. Sepultum publica vox magis  
 Magisque luget. Non timidus caput  
 En tollit Orator, Poëta,  
 Quicquid Apollinæque turbæ est.

HUMA-



HUMANÆ LIBERTATIS  
N O T I O  
AB ANTONIO ARNALDO  
DOCTORE SORBONICO  
DELINEATA.  
M O N I T U M.

*Satis superque suos de Gratia divina sensus compertos fecit Arnaldus. De mentis humanæ libertate minùs fortè perspecta est ejus doctrina. Hinc ceptum consilium his de Gratia scriptis præmittendi scriptiunculam à Clarissimo Viro paucis ante obitum annis adornatam, ex qua intelligere quisque possit, quanta sit libertatis & gratiæ apud ipsum concordia, quàmque conformis solidis S. Thomæ principiis.*

**S**ubstantia cogitans vocatur MENS.  
Mens concipi potest, vel secundùm ea quæ illi ex se competunt, vel secundùm ea quæ illi competunt quatenùs est unita corpori.

Menti ex se competit intelligere vel nosse; velle vel amare.

Menti, quatenùs est unita corpori, competit sentire qualitates corporeas, lumen, colores, sonos, sapores; tangi dolore, voluptate sensuali &c; habere appetitus famis, sitis, &c; commoveri passionibus corporeis iræ, gaudii, &c.

*De Mente considerata secundum ea quæ illi ex se competunt.*

**D**Uæ sunt Mentis Facultates ab ipsa distinctæ realiter : INTELLECTUS & VOLUNTAS.

Unaquæque illarum Facultatum habet suum objectum. Mens dum intelligit, aliquid intelligit; dum vult, amat, aliquid vult, aliquid amat.

Objectum intellectûs est VERUM, vel re ipsa verum, vel quod menti per errorem verum apparet.

Objectum voluntatis est BONUM, vel quod verè bonum est, vel quod Mens apprehendit ut bonum.

Notandum enim eam esse connexionem inter illas duas Facultates, ut Mens nihil amet per voluntatem, quòd non apprehendat per intellectum. Hinc verbum vetus : *Ignoti nulla cupido.*

Neutra harum Facultatum ferri potest extra totale suum objectum.

Intellectus intelligere non potest, nisi quod est verum, vel re ipsa, vel specie tenus.

Nec voluntas amare, nisi quod Mens apprehendit ut bonum.

Hinc sequitur, aliqua esse objecta ad quæ naturaliter determinatur intellectus, ut iis assentiatur; & aliqua ad quæ naturaliter determinatur voluntas, ut ea velit & amet.

Nam si sint aliqua ita clara & simplicia, ut in eis nulla possit apparere species falsi, intellectus naturaliter determinatur ut iis assentiatur. Tali sunt prima principia : *Impossibile est idem simul esse & non esse* : Cogito, ergo sum : Videre

## LIBERTATIS ET GRATIÆ.

ci  
dere mihi videor colorem album : Sentire mihi  
videor dolorem.

Si sit aliquod bonum, in quo non possit in-  
tellectus apprehendere nisi bonum, sine ulla  
specie mali, Mens naturaliter determinabitur  
ad illud volendum & amandum : nec potest  
Mens illud non amare quandiu nullam conci-  
pere potest per intellectum speciem mali, sub  
qua illud voluntas respicere possit : alioquin vo-  
luntas ferretur ultra suum objectum totale.  
Tale bonum est Beatitudo in communi : unde  
fit ut omnes homines velint esse beati, nec ul-  
lus possit velle esse miser, ut sæpè docet Augu-  
stinus. Non quod fieri non possit ut quis dicat,  
*Volo esse miser*; sed qui sic loquuntur, id tantum  
intelligunt : *Volo esse in eo statu, in quo arbitrarie  
me esse miserum.*

Liberè Mens vult & amat ea omnia quæ non  
sunt volita per se ( ut est, velle esse beatum )  
qualia sunt ea omnia quæ volumus in hac vita  
cum advertentia rationis, præter volitionem  
beatitudinis in communi : quia ad id solum na-  
turaliter Mens determinatur; ad reliqua verò  
omnia se determinat per illam ipsam volitionem,  
per quam vult esse beata.

Quantumvis infallibilis sit determinatio, per  
quam voluntas se determinat cum advertentia  
rationis, ad quæ naturaliter non est determi-  
nata, id non officit libertati, quia non im-  
pedit quin Mens velit quia vult, & eo ipso est  
domina sui actus.

V. Differt.  
Theolog.  
parte 3.  
art. ult.  
p. 369. §.  
Quæres.

In eo videntur omnes Philosophi consen-  
sisse, immò omnes homines non prorsus bar-  
bari.

Nam 1. nullus non videt aliqua esse peccata,  
ad quæ infallibiliter determinant habitus mali,

vel aliqua mala dispositio, qualis est appetitus vindictæ in homine graviter læso. Si pulchra mulier cupido se tradat Regi amanti & ad illam libidinem propensissimo, infallibiliter suam libidinem explebit. Si Rex crudelissimus & vindictæ cupidissimus, subditum à quo graviter læsus sit in potestate sua habeat, infallibiliter in illum desæviet.

2. Omnes consentiunt etiam eos qui ex vitioso habitu gravia peccata committunt, etiam in iis circumstantiis in quibus nemo non videt eos infallibiliter à se determinatos fuisse ad illa vel flagitia, vel crimina committenda, vituperari posse & debere, & supplicio affici, si non sint supra leges.

3. Ii tamen omnes existimant neminem vituperio & poenâ dignum esse, nisi qui liberâ voluntate id fecit propter quod aut vituperatur aut punitur.

Ergo insita videtur omnibus hominibus opinio, liberè eos agere, qui ex vitioso habitu vel pravâ aliquâ cupiditate se infallibiliter determinant ad peccandum.

Determinatio Dei per gratiam quantumvis efficacem, qua Deus operatur in nobis velle & operari, non officit libertati.

Deus enim operando in nobis velle, facit ut velimus conformiter nostræ naturæ, hoc est determinando nos ipsos ad id ad quod non sumus naturaliter determinati; adeoque quantumvis mens efficaciter à Deo moveatur, agit ut actus sui domina, & vult quia vult, ex volitione scilicet beatitudinis ad alia se determinans: quod sufficit ut agat liberè.

Conciliari etiam potest libertas cum gratia efficaci per sensum compositum, qui in eo consistit, quod etsi v. g. contemptus mortis in martyre

per

## LIBERTATIS ET GRATIÆ. ciii

per gratiam efficacem inspiratus, non simul possit esse cum actu opposito, potest tamen stare simul ille contentus mortis cum potentia ad actum oppositum: quia tota possibilitas voluntatis per hunc actualem contentum mortis non est exhausta, ut ita dicam. Præclarus est in hanc rem locus Augustini: *Ut Abraham ob stipendium fidei consequeretur dilationem seminis, preparata est gentium voluntas à Domino, & ut vellem quod & nolle potuissent, ab illo factum est, qui ea quæ promisit, potens est & facere.*

*In ult. opere  
re contra  
Jul. lib. 3.  
c. 2.*

Cum Mens naturaliter determinata sit ad amandam beatitudinem in communi, seu ut velit se esse beatam, ita ut non possit vel non velle se esse beatam, vel velle se non esse beatam, vel velle se esse miseram; sequitur ut sit etiam naturaliter determinata ad amandum illud bonum quod proponitur ab intellectu cum omnimoda claritate in se ipso, & non per speciem, ut bonum omne, bonum perfectum, ipsum bonum, fons omnis boni, adeoque in quo impossibile est apparere ullam speciem mali, quando ita cognoscitur.

Si enim aliquod bonum voluntati ita proponitur, ut omnimodè bonum, & secundum omnem considerationem, ex necessitate naturali voluntas in illud tendit, & non potest illud non velle, quia ut illud non vellet, oporteret ut illud bonum apprehendi posset sub specie mali & defectus; quod est contra hypothesein.

Hinc sequitur amorem beatificum liberum non esse, quia Mens nostra ad amandum Deum clarè visum, est naturaliter determinata.

Neque dici potest Mentem nostram Deum clarè visum velle amare quia vult, sed enim ex necessitate movetur à Deo clarè viso ad illum amandum, quia subjicitur tota voluntatis possibilitas

bono universali & perfecto, quale est Deus summum hominis bonum, cum ab intellectu voluntati clarè proponitur.

Neque hic locum habet sensus divisus & compositus: quia ut infallibilitas actûs in sensu composito non officiat libertati, oportet ut actus simul possit esse cum potentia ad oppositum, quod est sensus divisus: ut, cum martyr per gratiam efficacem infallibiliter determinatur ad contemptum mortis, simul stat cum illo potentia ad timorem mortis. Sed cum actu amoris beatifici non stat simul in voluntate potentia ad oppositum, id est potentia ad volendum Deum non amare. Nulla enim unquam potest esse in voluntate potentia ad oppositum ejus ad quod naturaliter determinatur; at naturaliter determinatur ad amandum quod sibi ab intellectu proponitur ut summum bonum, bonum perfectum, in quo nulla potest esse species mali: non enim apprehenderetur ab intellectu ut bonum omnimodè perfectum, si apprehenderetur ut habens aliquam speciem mali. Ergo repugnat inesse menti potentiam ad non amandum Deum clarè visum.

Et si Beati, qui Deum vident, in amore beatifico liberi non sint, in cæteris omnibus liberissimi sunt, quamvis quæ Deo placere sciunt, invictissimè velint.

Idem de Christo dicendum. Et si naturaliter determinaretur ad amandum Deum quem clarè videbat, etiam in terris degens, liberè mortem appetiit, quamvis invictissimè determinatus fuerit per unionem hypostaticam ad servandum in omnibus Patris mandatum, factus pro nobis obediens usque ad mortem crucis.

Dum in hac vitâ Mens abstractiûs tantum  
Deum

## LIBERTATIS ET GRATIÆ. cv

Deum cognoscit (quia cognitio illa valdè imperfecta est quoad claritatem, quamvis sit certissima) non naturaliter determinatur ad illum amandum, sed tantùm cum illum cognoscit per intuitivam illam visionem, quæ omnes infinitas illius perfectiones ita menti nostræ præsentis sistit, ut nulla tunc in eo sic apprehenso species mali apparere possit. At cum in hac vita ad aliquas illius perfectiones attendere possit, & de aliis non cogitare, ut cum avari Deum considerant tanquam qui possit illos ditare si velit, possunt Deum apprehendere tanquam suum inimicum, cum gravia illis damna eveniunt, eoque nomine illum odisse vel saltem non amare.

Præclarus est in hanc rem Sancti Thomæ locus: " Cum in Deo sit unum & idem ejus substantia & bonum commune, omnes qui vident ipsam Dei essentiam, eodem motu dilectionis moventur in ipsam Dei essentiam, prout est ab aliis distincta, & secundùm quod est quoddam bonum commune: & quia in quantum est bonum commune, naturaliter amatur ab omnibus: quicumque videt eum per essentiam, impossibile est quin diligat ipsum: sed illi qui non vident essentiam ejus, cognoscunt eum per aliquos particulares effectus, qui interdum eorum voluntati contrariantur: & sic hoc modo dicuntur odio habere Deum. &c. 1. p. q. 60. a. 5. ad 5. & alibi.

Sunt quidam effectus Dei, qui repugnant inordinatæ voluntati, sicut inflictio pœnæ, & etiam cohibitio peccatorum per legem divinam, quæ repugnat voluntati depravatæ per peccatum. Et quantum ad considerationem talium effectuum, ab aliquibus Deus odio haberi potest, in quantum scilicet apprehenditur peccatorum prohibitor & pœnarum inflictor. 2. 2. q. 34. a.

1. 7. in c.

Vi

Video quid iis omnibus opponi possit : nimirum esse tantum quæstionem de nomine, an liberum appellari debeat quidquid est voluntarium cum advertentia rationis, ne illis quidem voluntatibus exceptis ad quas à natura determinamur; an verò illæ voluntates, quæ sunt necessariæ necessitate naturali, excipi debeant? Excipit eas D. Thomas; sed non videtur excepisse Sanctus Augustinus.

¶. Sunt multæ disputationes quæ reduci possunt ad quæstionem de nomine, in quibus tamen non parvi momenti est dispicere, qui meliùs loquantur & magis appositè ad communes hominum notiones. Id ergo disquirendum.

1. Duo sunt genera voluntatum & volitorum, quæ plurimum à se invicem distant. Unum, quod tale est, ut à natura ad illas voluntates determinemur, itaut illa volita necessariò velimus necessitate naturali, qualis est appetitus beatitudinis in communi, & amor Dei beatificus. Alterum, quod volumus, quia volumus, non necessitate naturali ad volendum determinati, sed quia ita volumus, ut simul stet cum actu volendi potentia ad oppositum. Cum ergo duo illa genera voluntatum maximè distinguantur, nonne satius est illas ita distinguere, ut posteriores appellemus voluntarias & liberas, priores verò voluntarias & non liberas, quàm utrasque confundere, ut faciunt qui dicunt unas & alteras æquè esse liberas; immò priores magis esse liberas, quàm posteriores.

2. In hac disputatione quæritur potissimum quæ libertas necessaria sit, & quæ sufficiat ad merendum & demerendum in hoc statu naturæ corruptæ. At communis hominum notio est, non mereri vel demereri, nisi eos qui quod agunt



## LIBERTATIS ET GRATIÆ. cvi

agunt suoptè nutu agunt, & ex sua electione. At quis existimet homines suoptè nutu agere, & ex sua electione, dum id volunt, ad quod volendum à natura determinantur, & naturali necessitate moventur ad volendum, quale est velle esse beatum. Melius ergo videntur sentire, qui id voluntarium esse concedunt, liberum negant.

3. Scrupulum hic addam de eorum opinione qui gratiam constituunt in delectatione victrici, quæ sit velle indeliberatum, & non liberum. Supponamus hominem non multùm liberalem, pauperem offendere, qui eleemosynam ab illo petat: deliberat, proponit sibi mandatum Christi, & dat eleemosynam propter Deum. In illorum sententia à posteriori colligere est tria in illius animo contigisse, deliberationem in intellectu, in voluntate verò delectationem victricem, quæ sit velle indeliberatum, & postea piam dandæ eleemosynæ voluntatem, quæ sit illius delectationis effectus. Ego verò non video cur illa delectatio quæ sublecuta est deliberationem, sit minus libera, quàm voluntas dandæ eleemosynæ. Nulla enim voluntas deliberata censetur propter deliberationem quæ sit in ipsa voluntate, sed propter deliberationem quæ præcessit in intellectu: deliberare enim intellectus est, non voluntatis. Atqui deliberatio, ex hypothesi, non minus præcessit delectationem, quàm voluntatem dandæ eleemosynæ. Ergo malè supponitur illam delectationem esse tantùm velle indeliberatum, adeoque non liberum: vel malè statuitur omnem voluntatis actum deliberatum esse liberum.

V. Thef.  
an. 1635.  
p. 652. §.  
*primum salutis desiderium etiam liberum inspirando.*

4. Non miror plures antiquos Theologos  
exi.

CVIII A. ARNALDI CONCORDIA  
existimasse omne voluntarium esse liberum. Facile enim fit, ut id generaliter verum esse absolute pronuntietur, quod generaliter verum est, uno tantum casu excepto, ad quem potuerunt non attendere; vel si de illo casu cogitarint, fugit illos ratio cur excipiendus esset, quæ non fugit Sanctum Thomam.

## A P P E N D I X I.

*De Libertate quæ competit Menti quatenus cognoscitiva est.*

**J**Am dictum est Mentis duas esse Facultates, cognoscitivam & appetitivam. Cognoscitivam, quæ intellectus dicitur, circa Verum versari; Appetitivam, quæ voluntas appellatur, circa Bonum.

### P O S T U L A T U M.

**Q**uia voces, *voluntas*, &, *velle*, possunt esse æquivocæ, & præter *appetitum boni* significare nutum omnem Mentis, quo se Mens in unam partem movet potius quam in aliam; postulo, ut mihi liceat *nutum à voluntate* distinguere, dum voluntatem, prout ab intellectu discernitur, in ea tantum significatione usurpo, quæ denotat vel appetitum boni, vel Facultatem appetitivam boni.

### P R O P O S I T I O Q U Æ S T I O N I S.

**Q**uæritur, an Mens quatenus est cognoscitiva, independentem à sua Facultate appetitiva boni, sit libera, id est, an se habeat ad opposita, an se suo nutu moveat in hanc potius quam in illam partem, an sit domina sui actus.

LIBERTATIS ET GRATIÆ. cix  
actus: id enim intelligo per libertatem, dum  
quæro an hæc competat Menti quatenus cognos-  
citiva est.

SUPPONENDA AD SOLUTIONEM.

**M**ens, quatenus cognoscitiva est, apprehendit & de apprehensis judicat. In apprehendendo libera non est: nam in eo patitur potius quàm agit. Apprehensa de quibus judicat, vel sunt evidentia, vel obscura, id est, non ita clara, ut Mens dum sua ratione bene utitur, possit iis assentiri sine formidine erroris.

Evidentia, vel sunt per se clara, vel per aliud.

1. Si sint evidentia per se, ut sunt prima principia naturaliter nota, nulla est circa ea libertas Mentis, ut cognoscitiva est; quia à natura determinamur ad iis assentiendum; nec possumus non assentiri, quia nulla in iis esse potest species falsi.

2. Secundò, si sint evidentia per aliud, ut sunt propositiones quæ demonstrativè deducuntur ex principiis per se notis, ut, Cujusvis trianguli tres angulos æquales esse duobus re-  
ctis; Mens liberè assentitur, quia se ipsa determinat ad assentiendum, cum non sit ad assentiendum determinata per naturam, sed per ratiocinationem, quæ est opus ipsius mentis. Unde fit, ut sint ejusmodi propositiones, quibus soli docti assentiuntur sine erroris formidine; indocti verò, vel dubitant an sint veræ, vel ut falsas rejiciunt; ut cum dicitur imperiis, Solem longè esse terrâ majorem.

3. Si propositiones non sint evidentes per se, nec demonstrabiles, ipsâ experientiâ probari potest mentem nostram liberè iis assentiri,  
quia

## cx A. ARNALDI CONCORDIA

quia independenter à semetipsa ut est appetitiva boni, potest iis assentiri vel non assentiri. Si enim ab aliquo quæras, an sol moveatur circa terram immotam, vel terra circa solem immotum; in quamcumque partem se determinarit, sine ullâ probabilitate diceretur id non potuisse fieri, nisi per Facultatem quæ est *appetitiva boni*. Quæ enim species boni potuit movere mentem illius ad unam potius quàm alteram illarum opinionum amplectendam? Item si quæras, an materia sit in infinitum divisibilis, in quamcumque partem ipsius problematis propenderis, nulla ratione dici potest, te in eam inclinatum fuisse à mente prout est appetitiva boni. Quid enim tua interest materiam esse vel non esse in infinitum divisibilem?

### OBSERVATIO.

**O**bservandum tamen, non me negare, quin sæpissimè intellectus, maximè in probabilibus, determinetur à mente, quatenus est appetitiva boni. Quotus enim quisque est qui non experitur multa esse quibusquotidie assentitur, quia aliqua species boni eum movet ad assentiendum. Ita cibos qui palatum jucundè afficiunt, facilè judicamus esse salubres. Item si nuntietur Gallos inter & Germanos commissum esse prælium, facilè credet Gallus, Gallos fuisse victores; Germanus, Germanos; unusquisque pro amore erga suam gentem.

## A P P E N D I X II.

*De Mente, quatenus est unita corpori.*

**S**ensationes, delectationes quæ vocantur corporeæ, dolores ex corpore malè affecto,  
ap-

## LIBERTATIS ET GRATIÆ. CXT

appetitus naturales famis, sitis &c. passiones ex spirituum commotionibus ortæ, ut sunt motus iræ, gaudii, timoris, sunt modificationes mentis, quatenus est unita corpori, quæ propriè non videntur, nec ad intellectum seu rationem, nec ad voluntatem pertinere; nisi fortè quis dicat, eas ejusdem esse generis ac simplices intellectus apprehensiones.

Quare sicut in eis apprehensionibus nulla libertas est, ita nec in illis modificationibus, quæ mentem non afficiunt, nisi cum aliquid accidit in corpore.

Non enim Mens vel est Facultas ad opposita, vel est actus sui Domina, vel suoapte nutu se movet, cum videt colores, audit sonos, esurit, sitit, vel subito iræ, gaudii, vel timoris motu percellitur.

Sed cum mens ad illas modificationes attentata per intellectum, eas per voluntatem amat, gaudens se illis affici, & deliberata voluntate ea desiderat ad quæ illi naturales appetitus impellunt tunc solùm liberè agit, quia tunc se habet ad opposita, & est domina sui actus, & suoapte nutu se movet.

Quare non videntur motus, quos appellant primò-primos, posse afferri in exemplum actuum voluntatis qui non sunt capaces meriti & demeriti: quòd, etsi liberi sint à coactione, non sint liberi à necessitate. Actus enim illi, quando sunt primò-primi, non sunt voluntatis actus, sed pertinent ad mentem quatenus est juncta corpori.

EPISTOLA  
EMINENTISSIMI CARDINALIS A. CIBO

Nunc Sacri Collegii Decani jussu S. D. N.  
INNOCENTII PP. XI.

SCRIPTA

*Ad Clariss. ANTONIUM ARNALDUM Doctorem Sorbonicum.*

**P**erillustri & admodum Reverende Domine.  
Læto benignoque vultu excepit & attentè legir SANCTITAS  
SUA Litteras, quibus Ipsi magnâ cum gaudii & filialis obsequii signi-  
ficatione Pontificatum Maximum gratulatus fuisti: in iisque con-  
gruentes mœrori suo, ob labefactatam hominum temporumque in-  
juriâ Ecclesiæ disciplinam, pietatis tuæ sensus libenter agnovir.  
Eruditionis enim & ingenii laudem, quâ jam pridem apud omnes  
inclaruisti, collaturum te sperat, pro virili tua, in malorum me-  
delam, quæ tam piè ac tam dolenter meritò desles; procul verò  
eos affectus habiturum, quibus nonnulli egregii cæteroquin Viri  
& omni laude præstantes, ita aliquando abripi se patiuntur, ut  
non tam in fide errores, quàm in disputatione adversarios insecten-  
tur. Libros quos à te adversùs Calvinianam hæresim editos Sancti-  
tati suæ offers, pari animi benignitate Ipsa excepit, aliquam  
temporis partem gravissimis curis detractura, ut illis evolvendis  
impendat, quos singulari studio ac doctrina, nec minori eloquen-  
tia & ingenio elaboratos omnium manibus teri jam inaudivit. Cæ-  
terum Paternæ charitatis, quâ te Sanctitas sua virtutemque tuam  
amplectitur, uberes significationes tibi præstabunt opportunitates  
ornandi tui; cujus interim pignus, & ad preces quas polliceris,  
& quibus Sanctitas sua plurimum confidit, incitamentum accipies  
Benedictionem Apostolicam, quam tibi me interprete amanter elar-  
gitur. Ego verò, dum Sanctitatis suæ jussu exsequor, gratias hu-  
manitati tuæ de amantissimo officio tuo & de præclaro munere plu-  
rimas habeo, libentissimè relaturus, si frequentes se dederint oc-  
casiones, de tua eximia virtute, pietate, eruditione bene merendi;  
ac precor Deum læta tibi omnia cum diuturnâ incolumitate largia-  
tur. *Rome 2. die Jan. 1677.*

*D. S. ad Officium paratiss.*  
A. CARDINAL CIBO. \*

*Superscriptio.*

Petillustri & admodum Reverendo  
D. ANTONIO ARNALDO  
Doctori Sorbonico.

CAU.

C A U S A  
ARNALDINA  
CIRCA  
CENSURAM PARISIENSEM.

---

I.

ANTONII ARNALDI  
DOCTORIS SORBONICI  
A D  
ALEXANDRUM VII.  
PONTIFICEM MAXIMUM  
E P I S T O L A

Quâ suæ Sanctitati obtulit ejusque Judicio subjecit suam  
ad quemdam Ducem & Franciæ Paremem Epistolam II.  
ex qua notatæ propositiones duæ decerptæ sunt.

**B**EATISSIME PATER,

*Quamvis ea sit Christi Vicarii ac Pê-  
tri Successoris amplitudo & autoritas, ut ad Eum;  
quasi ad communem omnium Parentem, omnibus  
etiam Ecclesie filiis, nedum nobis qui Apostolicâ  
ejusdem autoritate in Doctores inauguramur,  
aditus pateat; tamen à Sede illâ, omnibus longè*

A

super-

supereminente, convenienda atque imploranda sæpè homines privatos ipse illius apex ac majestas summa deterret. Cum verò præcelsa illa ac singularis potestas cum singulari etiam humanitate conjuncta est, & Apostolicæ autoritatis splendor, benignitatis quasi nube ac velo temperatus, blandius ad se homines invitat & allicit; tum verò Pontificem Maximum ut Patrem suum quisque tanto veriori, quanto securiori reverentiâ compellare se posse confidit. Hinc factum est, Beatissime Pater, ut publica totius Orbis de Sanctitate Vestrâ in Petri Sedem provecâ gratulatione & eximiâ benignitatis Tuæ famâ commotus, scribendi ad Beatitudinem Vestram, consilium fiduciamque conceperim. Expono igitur Sanctitati Vestræ, quando id per Eam licet, rem non tam meam, quàm Ecclesiæ & Christi, adeoque non jam à Te alienam, sed tuam, quando quæ tua sunt à Te aliena, quæ autem Christi sunt, tua tantum Te habere velle, splendidis nuper indiciis, mirante Orbe, testatus es. Nec verò necesse est rei totius seriem vel repetere altius, vel longius persequi, cum Epistolam in quâ de injuriâ à nonnullis Sacerdotibus Viro & genere & dignitate & pietate illustri factâ conquestus sum, Sanctitatem Vestram legere dignatam, quæque adversus illum zelo nonnullo, sed præpostero, tentata sunt, minimè probasse acceperim. Cum autem adversus eandem Epistolam Sanctitati Vestræ, ut hîc audiebatur, non ingratam, multi nihilominus scriptis acerbioribus in dies inveherentur; quamvis ab  
illo



illo contentioso scribendi genere multum abhorreret animus, facere jam, ut constitueram, mihi integrum non putavi, ne quæ scribendo astruxeram, jam silendo abjicere, & Ecclesiasticæ quam propugnare conatus eram veritati, si minus per me injuriam facere, saltem facientibus consentire viderer. Hanc igitur Epistolam Secundam, prioris propugnatricem ac vindicem, Sanctitatis Vestræ Apostolico Judicio cum omni submissi animi obsequio ac reverentiâ offero: cujus prolixitatem, libri quàm epistolæ nomine digniorem, ed facilius excusabit Benignitas Tua, quod eam vitasset planè, nec jam excusandam haberem, nisi me libellorum aliorum ex aliis in priorem Epistolam meam erumpentium multitudo & confidentia in hanc latius & nervosius scribendi necessitatem, vel invitum me ac reluctantem adduxissent. Quod si in hanc Epistolam perspicaces illos, quos universo Orbi Christiano debet, oculos conjicere non dedignetur Beatitudo Vestra, quamvis in hoc qualicumque opere conemur tenues grandia, & sublimioris mentis tuæ omnia penetrantis, omnia etiam aliis ardua facile transcendentis aciei nequaquam sensuum nostrorum tarditas respondeat; in eo tamen sincerissimum meum & in Catholicam veritatem studium, & in Apostolicam Sedem obsequium ac devotionem ingenuè, atque ut reverà est representatam, facile, ni fallor, Sanctitas Vestra recognoscet. Mihi quidem, Beatissime Pater, jampridem non fides modò, sed etiam tenuis illa, quam è libris Ecclesiæ haurire conatus sum, do-

4 A. ARNALDI EPIST. AD ALEX. PP. VII.  
*etrinae sacrae notitia, certissime persuasit, Christianos omnes filios esse, non veritatis tantum, sed & caritatis. Veritas errorem omnem & haeresim, Caritas schisma & divisionem excludit. Caritatis autem vinculum Unitas, Unitatis centrum Apostolica Sedes est. Huic ergo Sedi, in qua felicissime praesides, Sanctissime Pater, tota devotione adhæresco. Eadem enim Fides & Catholica & Romana & Una est. Frustra verò Fidem tenet qui Caritatem violat, qui dissolvit Unitatem. Non est membrum, sed hostis & Ecclesiae & Christi, qui scelere vel Judæis inauso individuum Christi Corpus dividens, & quod Deus consociavit dissocians, divellere se audet à Capite Ecclesiae, à Vicario Christi. Faxit ille supremus animarum Pastor & Episcopus, ut Sanctitas Vestra ad Regnorum & Ecclesiae pacem, divinae veritatis tutelam, Christianae pietatis instaurationem, in throno Petri diutissime vigeat incolumis.*

BEATITUDINI VESTRAE,

Addictissimus & obsequentissimus  
Filius & famulus ANTONIUS  
ARNALDUS Doctor & Socius  
Sorbonicus.

E Portu-Regio Aug. 27  
Anno Domini 1655.

ANIMAD-

## ANIMADVERSIONES

*In ea qua Acta sunt in Comitii Facultatis Theologiae Parisiensis, habitis apud Sorbonam die 4. Novembris an. 1655.  
super eâdem Epistola ANTONII ARNALDI Doctoris  
Sorbonici ad quemdam Ducem & Franciæ Paremem.*

## I.



Uam scripsit Arnaldus alteram Epistolam, ea sic probata fuit omnibus vere doctis, & ab omni odio studioque partium liberis hominibus, ut cum satis apertè convinceret illa, quàm pura sit hujus Theologi doctrina, quàm ab omni novitatis studio alienus animus, spem asferre visa sit certæ pacis ac tranquillitatis. Accidit tamen, fato nescio quò, ut quæ conciliatrix pacis futura videbatur Epistola, eadem novos belli tumultus excitaverit, novæque tempestates, quas molestissimè ferunt quibus cara est Ecclesiæ concordia, & Sorbonæ laus. Verùm hæc ita accidisse nemo mirabitur, quisquis noverit ferociiores & implacatos eorum spiritus, quibus intolerabilia videntur S. Augustini dogmata.

Facilè judicatum est fore ut ejus Epistolæ laudationem non ferret perversa eorum indoles; & quo vehementius probaretur illa æquis rerum æstimatoribus, eo insensius atque acrius hostes eam impeterent; criminarenturque studiosius, quo verius mo-

deratum scribentis animum arguere, & Ecclesiæ fidem afferere certius videretur. Scilicet nobis in mentem venit effati illius Evangelici, non esse servum majorem Domino; cumque hujus Epistolæ Scriptor profiteatur mirabilis gratiæ Doctoris sensa sequi se conari in omnibus, non mirum est, id de hac Epistola dici posse, quod olim de eximio Augustini Opere scripsit D. Prosper in Epistola ad Eundem: *Recensito hoc Beatitudinis tuæ libro, sicut qui sanctam atque Apostolicam doctrinæ tuæ auctoritatem antea sequebantur, intelligentiores multò instructionesque sunt facti; ita qui persuasionis suæ impediiebantur obscuro, aversiores quàm fuerant, recesserunt.* Qua in re hoc mirum videri debuit, quod ejusmodi homines, quorum calliditas singularis & inaudita vafrities consilia dissimulat, hoc in negotio sua ars defecerit, tamque parum dissimulenter egerint, ut eos non tam tuendæ veritatis studio, quàm defensorum ejusdem odii incensos fuisse manifestum sit.

## I I.

Hinc est quod ab unius mensis  
A 3

lis

sis spatio posuerunt in eo studium & operam omnem, ut quem ex Doctoribus sibi ad omnes nutus obtemperantem fore noverant, cum ad Syndici munus eveherent. Quod quidem universa Sacra Facultas sensit eò manifestius, quòd licet Domum Sorbonicam inter & Navarricam perpetua sit dissensio, qui tamen è Sorbonicis doctrinam Augustini non probant, ii Navarricum Doctorem anteposuerunt Sorbonico longè antiquiori, qui quidem eorum opinioni nunquam ipse fuerat adversatus, sed cujus æquitas atque moderatio præcipitibus temerariisque eorum consiliis minùs idonea videbatur. Neque tamen iis ad id alià viâ grassari licuit, quàm quæ Syndici electionem facit prorsus irritam, utpote Statutis Facultatis ac Senatus-consultis contrariam. Qui enim favebant Doctori Sorbonico, non victi sunt nisi Religiosorum Mendicantium suffragiis, quorum cum non plus quàm binos ex singulis Ordinibus suffragia ferre in Comitibus Statuta sinant, viginti sex præter legem & consuetudinem ad suffragia admissi sunt.

### I I I.

Cum itaque hac de re inter ipsos novumque Syndicum convenisset, fecerunt quod solent omnes qui æquitati causæ videntur minùs confidere. Rem quovis modo occultant. Sed dum aliud obscurè moliuntur, aliud spe ac specie simulationis ostentant, spargunt rumores qui con-

filii suspicionem omnem amoveant, & nonnullorum è suis minacia dicta emolliant. Nimirum Mag. Guiart, qui cum vellet fieri Syndicus, ad obtinenda nonnullorum Doctorum suffragia, fidem obstrinxerat suam, non siturum se ullas in Facultate quæstiones agitari, quæ turbandæ pacis occasionem præbere possent; idem non dubitavit aliquot diebus ante Comitibus, nonnullis quos Augustini doctrinæ favere noverat, iterum polliceri, se ea de re nihil acturum omnino; quòd libentius abessent illi à Comitibus, à quibus eos revera hæc Syndici data fides abduxit. At ostiatim ad Comitibus & clam invitati sunt & adducti adversæ factionis participes, quorum agmen auxit imprimis numerosa Mendicantium cæterva, quos eorum voluntati mancipatos esse ob causas notissimas, ignorat nemo. Namque, sicuti supra dictum est, cum juxta Statuta Sacræ Facultatis & Senatus-consulta binos tantum ex singulis Familiis adesse liceat in Comitibus, (quæ lex non spectat alios Ordines, puta Benedictinorum, Bernardinorum, &c.) in hæc Comitibus plusquam triginta, atque ex iis 15 aut 20 Franciscani intrusi sunt. Ita rem illam, quantumvis iniquam, facile sibi ex voto successuram speraverunt; neque in tantâ addictorum sibi Doctorum venalium collusione ac vociferatione habituram quidquam ponderis sanorum hominum rectè & liberè sententium autoritatem.

## I V.

Itaque totum ejusmodi negotium solâ rei gestæ commemoratione refellitur, in quo scilicet leges & Conclusiones Facultatis violatæ sunt. Nam quia Societates & Collegia nonnisi pace & concordia stare possint; fuit hæc prima Sacræ Facultatis cura, ut pax inter suos servaretur. Cùm enim habeat hoc illa sibi propositum, ut sectas & schismata arceat ab Ecclesia, necesse est ipsa paci propriæ invigilet, nec suos inter se turpiter dissidere patiatur. Hinc si quando accidit ut de rebus gravissimis, puta Summi Pontificis Potestate, Doctores inter esset aliqua opinionum dissensio; ne Facultatem in factiones & sectas distraheret sententiarum diversitas, providit sapientissimè ut alium esset de quæstionibus his litigiosis silentium, libera esset sua cuique sententia, nève, armatis civili bello in se invicem variis partibus, ipsa labasceret & pessundaretur. Cujus moderationis suæ fructum illa tulit optatissimum: quæ enim aliquantisper tanta animorum contentione quæstiones agitatæ sunt, sopitæ sunt non minùs, quàm si nullæ unquam extitissent.

## V.

Quem modum in præsentī negotio tenuit eadem Facultas, variisque cavit Conclusionibus, ne quid ab univërso Doctorum Collegio eâ de re decerneretur. Idque mirum videri debet; quòd ut cayeret id Sacra Facultas con-

tenderunt ii potissimum, qui nunc in eadem seditionis arque discordiæ facem inflammare conantur. Aliquot enim abhinc annis cùm ad Sacram Facultatem nonnulli Doctores detulissent libellum Francisci Veron, qui inscriptus est *Linguarium Jansenistarum*, ineptiis, erroribus, calumniis plenissimum, M.<sup>r</sup> Cornet, tunc Syndicus, declaravit non posse examinari libellum hunc, quin agerentur res plurimæ controversæ, ob quas excandescerent hinc inde animi, arderetque Facultas bello civili ac domestico, quæ res una libellum Censuræ subtraxit. Nempè assensum est Syndico, & in eam sententiam hisque verbis scripta est Conclusio, *pro bono pacis*, sunt ipsissima Conclusionis verba, nullum fore libelli examen publicum, ne opinionum varietas disjunctionem animorum faceret, bellique periculosi fax esset libellus ille temerarius. Jam verò Corneti, Doctorumque aliorum ab Augustini doctrinâ abhorrentium agendi rationem quis non mirabitur? Tunc discordiarum vel minimas causas tolli volebant; nunc iidem veluti classici canunt. Nolebant perstringi vel leviter libellum vilissimum, linguarium fictitium, erroribus, deliriis, ineptiis referum; nunc Epistolam gravem, Scripturæ & SS. Patribus consentaneam, laudatam ab omnibus quos nulla afflavit factionis contagio, proscribi & iniuri notâ infami postulant. Nolebant Cen-

foriam Animadversionem cadere in M. Veron alienum hominem; nunc unum è suis Doctorem notum, cujus neque morum, neque Scriptorum poenituit hactenus Facultatem, turpissimo iudicio condemnari volunt. Unde facile intelligitur ejusmodi homines pacem olim, nunc bellum suadentes, id agere quod testatur Augustinus hostes Ecclesie infensissimos fecisse: *Quod volumus Sanctum est.* Optanda pax, si modò rebus nostris accommodata sit; bellum necessarium, si id utilitas nostra postulat. Optanda pax, cum iudicio & Animadversioni Cenforie cupimus eripi Scriptoris ineptias erroresque gravissimos; bellum necessarium nobis Augustini ipsius doctrinam damnari aut opprimi cupientibus. Optanda pax si nobis alienum hominem contra Facultatis Doctores innumeros tueri placeat; bellum necessarium nobis Doctores inter discordiam concitare & Facultatem in partes adversas distrahere satagentibus.

## V I.

Quæ verò inconstantia mutabilitasque mentis præcípites agere solet homines qui non unam ducem sequuntur veritatem & rationem, fecit ut idem Mag. Nicolaus Cornet, qui noluerat libellum hunc à Sacra Facultate damnari, ne pacem ejus turbarent intempestivæ disputationes, finxerit ipse postea variis de rebus septem aut octo propositiones, quas sine ullius Autoris no-

mine damnandas proposuit. Sed reclamaverunt 70 Doctores seculares; quorum expostulationis æquitatem cum cognovisset Curia Parisiensis, ad quam illi promore confugerant, decrevit eadem Facultas ut paci consulere, nec ulla fieret amplius ejusmodi rerum mentio. Cum itaque hoc in negotio violata sit Sacre Facultatis supremique Senatus autoritas, manifestum est debuisse Syndicum non modò rem illam non aggredi, sed pro munere suo aliorum conatibus fortiter obistere.

## V I I.

Quæ verò ab Innocentio X lata est postea Constitutio, tantum abest ut favere tantillum possit Sacre Facultatis perturbatoribus, ut eorum facta damnet. Prætexi quidem fortasse id posset, si huic Constitutioni Pontificie minùs obtemperaretur. Verùm cum Diplomati à nemine omnino reclametur, sitque præcipuum hoc Epistolæ, de qua agitur, argumentum, ut ostendat Augustini Discipulos damnare ex animo quinque propositiones; nonne temerè & sine causa videntur ii velle novos tumultus jam sedatos in Sacra Facultate excitare, qui volunt in ea disquisitionem fieri Propositionum aut quas definivit Summus Pontifex, si tantùm de 5 Propositionibus agitur, aut quas definiendas non esse statuit, si agitur de aliis quæstionibus ad gratiam pertinentibus, maximèque de gratia efficaci necessarià ad

ad singulos pietatis actus, quæ de re, fatente ipso Patre Annato, in Libello cui titulus: *Cavilli Jansenianorum* p. 30. nihil omnino statuit Summus Pontifex? Itaque M. Guiartus, quàm iniquè ageret demonstravit àperitissimè, cùm hanc unam habendi Comitia causam attulerit, quòd ex quo tempore, scilicet ab uno mense, Syndicatu fungitur, delatæ sint ad se nonnullorum hominum magnatum querelæ de Libello, cui titulus: *Secunda Arnaldi Epistola*; in quo damnati à Summo Pontifice & Episcopis errores propugnantur. Cùm enim luce clarius sit, in eo totum esse Arnaldum in sua Epistola, ut refellat hanc calumniam, sèquæ ostendat propositiones à S. Pontifice damnatas non tueri; cui hoc videbitur verisimile, scilicet Arnaldum eas propositiones tueri in hoc ipso libro, quem scripsit idèò solùm, ut palàm faceret omnibus, has propositiones damnare se ex animo? Sentiant illi de Arnaldo quod ipsis libuerit; sed neminem novi qui Doctorem hunc stultum aut mente captum dixerit, eundemque existimet eò insanix devenisse, ut propositiones damnatas tùm Catholicas esse contendat, cùm eas clarè & distinctè pronuntiat & fatetur hæreticas.

## V I I I.

Verùm inauditæ & incredibilis criminationis causa quæ fuerit, facilè reperitur. Tot graves enim magnatum querelæ, si propius res spectetur, unius sunt

P. Annati, qui molestè tulit suis de Pontificia Constitutione interpretationibus non eandem fidem, quàm ipsi Constitutioni ab Arnaldo fuisse habitam: hoc est, non potuisse adduci Arnaldum, ut quæ sunt Augustini sanctissimorumque Pontificum dogmata, ea non secus atque errores impios atque manifestas hæreses detestaretur; ipsique Annato crederet affirmanti, hæc ab Innocentio X. damnata, de quibus ac verbum quidem in Constitutione. En verum & unicum Arnaldi crimen. Quantumvis subditus morem gerat Constitutioni Pontificiæ, eandem violasse existimabitur, quia cum ei obtemperet, non passus est eâ Molinæ discipulos abuti ad damnandam S. Augustini de gratia doctrinam certissimam: quia non existimavit, juxta perversam horum interpretum mentem, hanc esse vim Censuræ in quinque propositiones individuas & peculiare laturæ à S. Pontifice, ut priscorum Pontificum de gratia doctrinam prorsus pessumdaret: quia, pro sua in S. Sedem Christi que Vicarios reverentia, non existimavit sibi licere Pontifices Pontificibus quasi sibi invicem contrarios opponere; vetera Pontificum Romanorum decreta falsa recentium interpretatione abrogare; nefasque duxit, in eam Sedem, per quam servatur Ecclesiæ unitas, schismata & dissidia admittere.

## I X.

Quod si concedatur, non erit Jesuita



Jesuita quispiam, cui non liceat S. Thomæ discipulos appellare hæreticos, excommunicatos, auctoritatē Concilii Tridentini rebelles, adversarios. Quis enim nescit Dominicanorum Theologos doctissimis, qui apud S. Sedem damnandos Molinistarum errores detulerant, id unum tunc objecisse Molinæ Discipulos, quod Dominicani de vi & efficacia gratiæ Christi in voluntatem humanam, juxta mentem Augustini & Thomæ, contra Molinistarum sensum assererent, id omnino repugnare Concilii Tridentini Decretis, quibus definitum est, liberum arbitrium gratiā motum & excitatum posse, si velit, non consentire? Porro quis hoc tolerasset? Nonne universa Ecclesia os ejusmodi hominibus occlusisset, qui persuadere voluissent Oecumenicorum Conciliorum auctoritatem in Scholis rejici & pro nihilo haberi, quia dum omnes decretis & auctoritati Conciliorum assentiunt, de sensu tamen & interpretatione Canonum est inter Theologos aliqua dissensio? Quis est qui non intelligat idem præsentī in negotio agi; sique Molinæ Discipuli, quas afferunt de sensu Constitutionis interpretationes, eas contenderint aliorum interpretationibus anteferri oportere (quamquam alii nullas interpretationes afferunt, quandoquidem fatentur s. Propositiones damnatas sine glossematīs, juxta vim terminorum, & in sensu obvio intelligendas esse) nonne Molinistarum est

sententiam suam argumentis & rationibus confirmare? Verum nonne manifestissimum est violari Sedis Romanæ dignitatem & Ecclesiæ sanctitatem, si quis contenderit, Doctores Catholicos, quantumvis profiteantur Apostolicæ Sedi se subditos, tamen auctoritati Pontificum adversari; quia nimirum ipsis non sapiunt certæ nonnullorum hominum interpretationes & glossematæ, quæ falsissima esse demonstrantur? Atqui Scholasticorum sunt hæ concertationes problematicæ, quæ minimè pertinent ad Constitutionem Pontificum in se spectatam; in quibus non est cur alterutrius partis Theologi alii alios arguant & crimentur, quasi Constitutioni Pontificiæ adversarios. Neque enim ejusmodi criminationi in Doctores Christianos locus esse potest, nisi duobus modis: Primò, si profiteantur palam & publicè nolle se Constitutioni acquiescere: altero, si propositiones damnatas aut ipsisdem verbis, aut iis saltem verbis quæ sensum eundem clarè & distinctè, non verò oblique exprimerent, tueantur. Ex iis porro alterutrum quis est qui objiciat Arnaldo, nisi impudentissimus ac perditissimus calumniator?

X.

Atqui cavet diligentissimè M. Guiart ne Epistolæ Arnaldinæ locum ullum excerptum citaret, qui favere videretur erroribus damnatis à Pontifice, aut qui Censuræ dignus esset vel minimè.

Quod



Quod quia omisit, pro nihilo habenda prorsus, quæ inde secuta sunt. Hæc est enim laudabilis consuetudo in Sacra Facultate, quovis tempore usurpata, ut librum nullum Syndicus damnandum Comitiiis offerat, ex quo non excerpserit aliquas propositiones, quas quia Censurâ dignas judicat, examini subjiciendas censet. Quod ut ita fieret, æquissimum esse censuit sapientissima Facultas. Cum enim de damnando aliquo libro vel una Syndici postulatio notam inurat nescio quam, & opinionem pravæ doctrinæ, saltem apud rudes & imperitos, relinquat, postulat hoc legum omnium, non Christianarum modò & Ecclesiasticarum, sed naturalium civiliumque æquitas, ut ne fiat hæc injuria præsertim homini Presbytero & Doctori, cui ad Ecclesiastica munia necessaria est famæ integritas, nisi prius certum sit in eo libro contineri aliqua reprehensione digna, atque è re Theologica esse, ut is liber suspectus à Doctorebus designatis diligenter expendatur. Cum verò Sacre Facultatis sit dijudicare, utrum Examinatorum judicio permitti debeat liber delatus à Syndico, necesse est præcipua saltem capita, & præcipuas propositiones reprehensione dignas indicet Syndicus; alioqui non nisi temerè & de re ignota judicium ferret Facultas, possetque pro arbitrio Syndicus per Facultatem infamiâ aspergere quos vellet Scriptores, quantumvis ortho-

doxos, quos vel ipsa Censurâ jactata in Comitiiis mentio rudibus & imperitis suspectos faceret.

## X I.

Itaque hac in re ne muneri suo faciat satis Syndicus, solus prohibet conjurationis amor & nocendi voluntas: atque perspicuum est Magistrum Guiart idèò nullam propositionem excerptam ex Arnaldi Epistola protulisse in medium, quia veritus est ne statim sibi reclamaretur ab innumeris Doctorebus, qui quas criminans causas prætexuisset, facillè discussissent. Qui metus fecit, ut cum de damnanda Arnaldi Epistola in Comitiiis retulit, non solùm juxta consuetudinem non exhibuerit Catalogum errorum quos in ea deprehenderat; sed postulantis Doctorebus ut indicaret aliquos errores, & palàm legeret, quò melius de postulatione ejus judicaretur, recusarit morem gerere, certus videlicet, quod sibi negaret æquitas & ratio, id se conjuratorum suffragiis consecuturum esse. Sed non satis attendit cum postulationis suæ causas, quas ipse sentiebat nemini fore probabiles, proferre recusaret, de toto negotio ex violatis Comitiorum Sorbonicorum legibus malè omnes existimatos.

## X I I.

Accedit quod Mag. Guiartus, cum de damnanda Arnaldi Epistola retulit, significavit delatas ad se à Viris regni primoribus de hoc scripto querelas, Si enim de rebus

rebus ad regnum pertinentibus ageret hæc Epistola, aut si quid ea contineret auctoritati, imò & saluti Regum periculosum, perinde ac tot libri à Sacra Facultate damnati, & Senatus-Consultorum auctoritate igne combusti; fuisset fortasse locus in Comitiiis Sorbonicis querelam hanc primorum regni Virorum interponendi. Cùm verò non nisi de argumentis Theologicis ad Remp. minimè spectantibus agatur, atque in ea Epistola displosi sint cavilli nonnullorum, calumniantium Epistolæ Scriptorem Pontificiæ Constitutioni non obtemperantem esse, & Reip. interesse ut is damnetur; quò spectant ejusmodi hominum consilia, qui ad discutiendam quæstionem Theologicam procerum auctoritatem adjungi cupiunt, nisi ut quæ solet esse Aulicorum hominum ratio, ea rebus adhibeatur Theologicis, hoc est ambitiosis spes, parùm fortibus terror objiciatur; denique vincantur quovis modo hominum illorum animi, quos plus movet rerum suarum, quàm veritatis amor.

## X I I I.

Quæ verò hanc Magistri Guiart iniquam postulationem consecuta sunt, conjurationis certissima sunt argumenta. Vix enim dicendi finem ille fecerat, cum M. de S. *Amour* Doctor & Socius Sorbonicus surrexit, dixitque habere se quod auditu dignum coràm exponeret, scilicet Arnaldum ad eò non suspicatum esse visum iri se in hæc Epi-

stola propositiones asserere Pontificia Constitutione proscriptas, ut eam Epistolam scripserit eo consilio, quo palàm faceret se ex animo Constitutioni Pontificiæ assentiri, & libellorum numero infinitorum fidem ejus hac in re temerè accusantium calumnias refelleret, de quibus, quia turbas excitarent inter Theologos, ad Sacram Facultatem à Syndico referri fuisset longè æquius: Arnaldum conscientia suæ fidei fretum, quam vulgaverat sui purgandi causa Epistolam, hanc misisse ad S. Pontificem, additâ alterâ latinè scriptâ, quâ certiore cum faceret. quibus de rebus accusaretur, scèque Sanctæ Sedi obsequentissimum esse significaret: decimâ quartâ Septembris proximè elapsi Summo Pontifici Epistolam utramque fuisse redditam, quam cùm manibus accepisset S. Pontifex, ab eo laudatam Scriptoris & pietatem & eruditionem, cumque licet infinita negotiorum multitudinem obrutum, tamen pollicitum fuisse fore ut utramque sibi legi curaret. Addidit Doctor de S. *Amour* habere se præ manibus latinè scripæ ab Arnaldo ad S. Pontificem Epistolæ exemplum, ipsius Arnaldi manu subscriptum: quod cùm Scribæ dedisset, lectum est altâ voce in medio consessu, maximâ omnium attentione. Decanus, qui pro more præerat Comitiiis, cœpit res de quibus deliberandum esset, proponere, paucisque dictis de utraque re, addidit,

audi-

auditam fuisse ab omnibus Syndici querelam de Arnaldi Epistola; tum eâ de re M. de S. Amour orationem; æquum sibi videri ut super ea re Summi Pontificis expectaretur judicium. Qui duo priores Doctores sententiam dixere, idem atque Decanus censuere; cum ea res in manibus esset S. Pontificis, Romanæ Sedis expectandam esse sententiam. Qui tertius loco sententiam dixit, Doctor antiquissimus & unius Ecclesiarum Parisiensium Pastor; laudavit pluribus Decani cæterorumque sententiam, quam æquissimam gravissimis rationum momentis fusè probavit. Cui assensu sunt alii quàm plurimi.

## X I V.

Quis non existimasset ejusmodi Doctores, debere in Sedem Romanam observantiæ præcones perpetuos, quique Augustini Discipulos hætenus eo nomine præsertim criminati sunt, quasi S. Pontificis & ejus autoritatis contemptores; quis, inquam, non existimasset eos libenter amplexuros fuisse certa illa summæ Arnaldi in Sedem Romanam observantiæ argumenta, & antiquioribus Magistris fuisse assensuros? Verùm cum iis certum esset huic Epistolæ notam inurere, scriptoremque quoquo modo possent, in invidiam vocare, non eam sententiam secuti sunt quæ videretur sanior & reverentiæ Summo Pontifici debite convenientior; sed id unum ipsis propositum fuit, ut quod jam pridem concupierant,

quavis ratione obtinerent; abrogatis proscriptisque Patrum & Pontificum de gratia Christi dogmatibus nova commenta sua confirmarent. Ex quo perspicuum est fucum facere rudibus & imperitis Doctores illos; qui in vulgus tantopere jactant summum illud suum in Sanctam Sedem obsequium: hoc enim nomine vocant in odium alios, eosque rebelles S. Pontifici calumniantur, quorum sincera & ab omni fucò aliena est in S. Sedem observantia: sed egregii & jactabundi illi defensores ac vindices autoritatis Pontificiæ, verbis tuentur illam quidem acerrimè, cum id res eorum postulat; sed factis eandem negant & rejiciunt, cùm eorum consiliis minùs accommodata est.

## X V.

Eâdem illâ explendi odii libidine impulsæ, omnia communis æquiritatis jura violarunt. Scripserat Arnaldus Epistolam, de quâ nunc agitur, eo consilio, ut ostenderet quàm mali exempli, quantumque à verâ Ecclesiæ disciplina alienam rem admisisset unus ex Ecclesiæ S. Sulpicii Sacerdotibus erga Virum genere & fortuna conspicuum; susceperat apertè tota Societas Ecclesiasticorum illius Ecclesiæ tuendum hoc factum, quod Aulam pariter atque Urbem universam offendit; extiterè tamen Doctores quatuor ejusdem Sulpicianæ Societatis, qui suffragia tulerunt sua, & illis in Comitibus palàm insurrexerunt in Arnaldum. Civilibus

in negotiis Judices, quantumlibet spectatæ probitatis æquitatisque sint, sui rejectionem fieri aded non ægrè accipiunt, ut ulterò judicem personam ipsi depoi-  
nant, cum ea res, quæ in controversiam venit, illos vel minimum videtur spectare; rati scilicet iis qui publicè judicia exercent cavendum, ne propter privatum aliquod commodum incorruptâ fide non reddita jura videantur. Contrâ verò hic Doctores unius & ejusdem Societatis suffragium ferunt in ea contentione quæ contra ipsam illam Societatem excitata est, sedentque judices in propriâ causâ.

## X V I.

Mirum sanè quoque est hac in controversia ultro auditam fuisse sententiam Doctorum illorum quos Sulpiciani Sacerdotes consuluerant, maximè verò ejus inter illos de quo in secunda Epistola hæc habet Arnaldus Pag. 14.  
„De ultimo verò, qui hoc factum  
„sibi probari significavit, nihil  
„mirum, cum notum sit quàm  
„parum reverenter & circumspice-  
„tè de S. Augustino multoties  
„sit locutus. Et præterea, si quan-  
„do volet tum subsignare suum  
„ad Ecclesiasticos illos respon-  
„sum, tum rationes, quibus illud  
„nititur, scriptas subungere, spes  
„est futurum tunc ut Theologus  
„aliquis existat, qui cæcitatem  
„ejus & ignorantiam miseritus,  
„ipsi demonstret, nihil ex Sanctis  
„Ecclesiæ Patribus, aut ex ipsis  
„Casuistis, quorum responsa ve-  
„luti quædam oracula accipit;

„depromptum afferri posse, quo  
„opinionem tam dissolutam ac  
„Ecclesiasticæ disciplinæ contra-  
„riam muniat. Quis non videt  
illum, hac in contentione sic im-  
plicatum, Judicis munere fungì  
non debuisse? Oportuit palàm  
probaret responsum illud suum,  
notumque faceret perperam sibi  
objectari susceptam eorum de-  
fensionem, qui Ecclesiasticam dis-  
ciplinam violassent, nedum  
propriâ in causâ pronunciaret,  
ac se judicem gereret ejus Viri;  
cujus impugnationes ab ipso  
priùs retundi par fuit.

## X V I I.

At Deus, quem juvat quandoque improbos suis ipsorum artibus arguere, & eos obcæcare qui una odii libidine rapiuntur, permisit illos homines hoc in negotio tam impotenter agere, ut ne minimam quidem æquitatis speciem ac umbram servare curaverint. Atque ut hoc omnibus pateat, satis erit recensere nomina eorum quos cognoscendæ excutiendæque Arnaldi Epistolæ præfecerunt.

Primus eorum est M. *Cornet*; qui cum Jesuiticam vestem olim induerit, mentem nondum exuit, fabricator quinque Propositionum, dux & signifer omnium doctrinæ S. Augustini inimicorum.

Secundus, M. *Chappelas*, ipse quoque quondam Jesuita, & qui nihil non tentavit, quo sancti Gratiae Doctoris Doctrinam convelleret, dum frustra annixus est ut Liber *De Gratia victricæ* Censuræ subjiceretur.

Tertius, M. le Moine, privatim & publicè Arnaldo infensus, in quem edita est SS. Patrum Apologia, cujus ipse authorem arguit Doctorem hunc, & in quâ illum nova & pernicioſa dogmata, opinionies falſas & hæreticas invehere, argumentis & claris & certiffimis probatur, iterumque quis vivâ voce facilè probaverit, ſi ſua ille commenta tueri audeat in congreſſu legitimo.

Quartus, M. de Breda, qui paſſim deblaterat in diſcipulos S. Auguſtini, quos Janſeniſtas appellat; qui prædicat nullum deinceps ex illis admiſſum iri in Sorbonam, & quem conſtat apud viros quorſdam egiffe, ut ita fieri vellent.

Quintus eſt M. Bail, à quo edita & ſcripta plurima, quibus nupera Molinæ dogmata firmaret, maximè autem Liber *De Beneficio Crucis*, qui ſanè erroribus ac falſitatibus totus ſcater.

Sextum denique locum tenet Pater *Nicolai* Dominicanus, qui contumelioſam in S. Auguſtini Diſcipulos Præſationem nuper affixit in fronte Libri editi ab ejuſdem Ordinis Religioſo; & cui in illa libri Magiſtri Habert confutatione, quam ipſe cum quibuſdam aliis tribuit ei Viro cujus iudex eſſe vult, exprobratum eſt, modeſtè quidem & parcè, eum Ordinis ſui dignitati maculam inuſſiſſe non levem, eum approbavit librum, qui ſubvertit illam de Gratia doctrinam, quam Divi Thomæ diſcipuli omnes tam glorioſè propugnave-

runt. Privata autem hujus Dominicani in Arnaldum offenſio ira omnibus nota perſpectaque eſt, ut illam in ipſis Comitiiis declarare teneri ſe ille putaverit, falſuſque ſit nullas ſibi jam iudicis partes relictas, cùm cauſa quæ ageretur eſſet verè ſua. Nonne ergo valdè occæcatus fuiſſe oportet talium machinationum duces, qui Religioſum hunc iſta palàm confeſſum voluerint tamen ſedere principem inter iudices.

#### X V I I I.

Conſpectis ejuſmodi Iudicum nominibus, antequam illi ad Inquiſitionem faciendam accedant, facilè quivis præceperit quale iudicium laturi ſint. Palàm cernitur jamdudum, & extat grandibus, ut ita dicam, characteribus incuſum in eorum & factis & verbis: illud præ ſe ferunt libri omnes, in quibus opinionies ſuas diſſeminarunt, lata variis in Comitiiis ſuffragia, publicata in ſcholis ſcripta. Si duobus ſaltem viris æquibonique ſtudioſis inter ſex illos Inquiſitores ſedem dediſſent; licet vix paulo minùs ipſis conſtiſſet ſuæ conjurationis eventus (ut pore quatuor oppoſitis adverſus duos) illam tamen non ita ſuſpectam odioſamque feciſſent. At verò planum eſt, ne unum quidem admiſſum niſi omninò addiſtum ipſis, ita ut timuiſſe videantur, ne quis ſuæ in iudicando temeritatis propior teſtis exiſteret. Statuerant ſcilicet communi conſenſu notare ac deformare Epistolam, quæ ipſa per ſe nullum præbet eorum repre-

prehensioni locum; caliginem offundere rebus clarissimis; candidè simpliciterque dicta malignè interpretari; illa omnia dissimulare quæ faciunt ad purgandum eum quem accusant; è principio extra omne dubium posito falsissimas eruere consequentias, ut inde Scriptorem damnarent, non ex iis quæ reverà scripsit, at ex iis quæ ipsi affingunt infensi illius inimici; denique illi temerè tribuere vanum quemdam commentitiumque errorem, tum cum negari non potest ejus doctrinam esse verè Catholicam & Orthodoxam. Nulli libri sunt, ne sacros quidem ac probatissimos excipio, quos ejusmodi censuris notare facile non sit. Et hæc sunt arma tenebrarum, quibus hæretici vexare & commaculare solent quidquid sacra Ecclesiæ doctrina habet sanctum magis & inviolabile.

## X I X.

Quàm insolens & aliena sit à Facultatis moderatione & instituto inita hac in re ratio ac via, abundè declarabit sumptum ex ejus tabulariis nobile exemplum. Vir clarissimus Claudius Espencæus, qui palàm celebravit inviolatam S. Augustini auctoritatem in iis quæ Gratiam spectant, \* præcipuum licet Facultatis ætatisque suæ decus ac lumen, sævissimas odii & invidiæ tempestates habuit subeundas; propter doctrinam suam sæpius exagita-

tus est; molesta multa audist; tandem delecti sunt qui eam excuterent, deque eâ judicium ferrent. Sed priusquam iretur ulterius, quæsitum ab illo est, ut scripto patet, numquid causas haberet aliquas, cur ex illis judicibus quempiam vellet rejici: responditque vir ille, nullas sibi esse, & judices omnes æquos videri ac justos. Hæc tunc facere Facultas teneri se putavit supremâ & sacrà justitiæ lege. Quis ergo contendere audeat, illam debere nunc omninò aliam sequi viam, suoque ipsam instituto adversari, concessum singulis hominibus à natura jus violando? Cur in unum è suis Doctoribus alios nunc affectus induet, quàm solebat olim? Cur id Arnaldo denegabit, quod Espencæo esse ultro offerendum existimavit? Itane huic facta sit copia è suis judicibus repudiandi quos potuisset habere suspectos; ille cogetur eos accipere, quos nemo ignorat ipsi dudum infensissimos? Denique cum tunc monitus sit Espencæus, videret an esset aliquid quod judicibus exprobraret suis, etsi delecti fuerant viri sic omnem extra suspicionem positi, ut eorum probitatè ac sapientiam non potuerit ipse non laudare; quis ferat nunc exigi, non sine aperta odiosaque injuria, ut Arnaldus ultro se permittat eorùm hominum judicio, ad quos ejus causam privatim spectare ita patet,

\* Invidissimus post Apostolum gratiæ Defensor Augustinus. . . . Augustino tanto unique Dialectico & Theologo credamus, & quidem in hoc argumento, in quo ubi si quis unquam alius post Apostolum regnavit. *Claudius Espencæus in 1. ad Tim 16. Digress 10. & 11.*

ut eorum aliquos in Comitiiis propterea puduerit iudicum personam retinere.

X X.

Certissimum hoc juris naturalis principium, Debere nemini iudices dari eos quos accusatores habet & hostes, semper valuit in Ecclesiasticis iudiciis, non minus quàm in Civilibus. Id quidem probarent exempla bene multa; at omnium instar erunt illustriora duo, quæ confirmabimus duorum magni nominis Pontificum Decretis, quæ in Jure Canonico reperiuntur. In Theodoro legimus, Imperatorem Constantinum convocasse Concilium Casarea Palestinae, delusum scilicet artibus Episcoporum quorundam, qui cum malè essent in S. Athanasium animati, hanc potissimum urbem elegerant, ubi multos illi compererant esse inimicos. Sed drvinus Athanasius, inquit Theodoretus, cognita iudicum malà in se voluntate, Concilio non adfuit, ideòque Imperator aliud convocavit Tyri, Athanasio suspectam esse Casaream colligens propter Eusebium hujus urbis Episcopum. Hist. Eccles. lib. 1. c. 26.

Quod postea S. Chrysostomo contigit, id insigne magis ac dignum animadverti. Cum ei Theophilus Patriarcha Alexandrinus indixisset, sisteret se in Concilio quod ipse convocaverat, ibique diluaret imposita sibi crimina; his verbis respondit Chrysostomus: *Si quis proposuit contra me, vultisque veniam, manifestos*

*inimicos meos, quos mihi negligentia sua fecit infestos, conventu vestro primum abjicite. Sunt autem, quos ut suspectos renuo, Theophilus, quem & in Alexandria & Lycia dixisse certum est: In comitatum proficiscor, ut Joannem deponam. Id ex eo verum probatur; quòd adveniens neque congressus est mihi; neque communicavit. Qui ergò ante audientiam inimicus comprobatus est, quid post iudicium facturus putatur? Acacium itidem abjici postulo, qui dixit: Ego ipsi ollam condio. Quid autem de Severiano & Antiocho dicam, quorum facinorà seculi quoque theatra canunt? Itaque si me revera venire vultis, hos quatuor, si quidem iudices sunt, Concilio pellite; sin autem accusatores, eos ad iudicium sistite, ut sciam quo mihi ordine certandum sit: utrum quasi contra adversarios, an adversus iudices standum; omninoque non solum ad charitatem vestram, verum & ad omnem quoque universalem Synodum venire paratus sum. Scitote igitur, quòd si millies miserit ad me, nullum aliud responsum à me reportabitis. Omnes Concilii Episcopos sibi esse infensos non dicit Chrysostomus; de quatuor tantum queritur, nihilque aliud affert propter quod eos sibi iudices nolit, quàm quòdam ab illorum ore exceptos sermones, quibus ipsorum in se malevolentia patebat. Credit tamen per legem divinam & Ecclesiae regulas sibi licere, omnium*



aliorum iudicio sese non permittere, quamdiu inter iudices suos sedebunt quatuor illi Præsules, quos ferè tanquam accusatores suos intuetur. At nunc volunt Arnaldo iudices dari, non solum Doctores quatuor Sulpicianæ Societatis, in quam maximè scripta est Epistola illa quam Censurâ notare statuerunt, sed etiam ardentissimos infensissimosque ejus inimicos eidem Epistolæ excutiendæ præfici, sicque primum tenere inter iudices locum; tamen si certum sit, Censuram ab ipsis pendere ferè omnino, cum & reliquis Doctoribus plerique nihil aliud quàm subscribant Examinatorum sententiæ.

## X X I.

Quod Sanctorum exempla adstruunt, id Summi Pontifices Decretis suis confirmaverunt. Sancit Adrianus I. (Capitulum 34. a. 785.) ut, *Si quis judicem adversum sibi senjerit, vocem appellationis exhibeat, ut cum ei concessum fuerit, integro negotio apud alium judicem, amotis dilationibus, possit audiri.* Verùm hac de re nihil expressius aut efficacius reperiri potest, quàm Nicolai I. testimonium, quod ex ipsius ad Imperatorem Michaelent Epistola excerptum his verbis in Juris volumine legitur. *Quod suspecti & inimici iudices esse non debeant. & ipsa ratio distat, & plurimis probatur exemplis. Nam quid gratius & amabilius dare quis inimico potest, quàm si ei ad impetendum commiserit, quem laedere sortè voluerit? Quod pro-*

*videt Constantinopolitana Synodus Canonum suorum sexto dignoscitur prohibere capitulo. Et infra: Veniamus ergo ad sanctam Chalcedonensem Synodum, & quid nobis de Athanasio Parrhænorum Episcopo referat, audiamus. Is enim antistes tertio evocatus ad synodum, quia non occurrit, à Patriarcha suo canonicè condemnatus extiterat: sed solum quia, cum vocaretur ad Synodum, quod inimicus suus esset ipse qui judicabat, clamavit, à sancta Chalcedonensi synodo ad causas illatas sibi examinandas reservatur: & nisi denuò convincatur, recipere Ecclesiam propriam judicatur. Quod si Athanasius à Patriarcha suo depositus, quia de inimicitia ipsius conquestus est, iteratò ad iudicium renovandum dirigitur, & nisi manifesta sibi officiant crimina, sue reddi Ecclesiæ precipitur; quantò magis Ignatius, qui non à Patriarcha, sed ipse potius existens Patriarcha, minimè debuit Ecclesia propria (inimicis & suspectis iudicibus decernentibus) expoliari? Et paulò post: Veniat & facundissimus noster Papias Gelasius, hæreticorum expugnator fortissimus, & quod de Constantinopolitanis Episcopis more solito tunc ægrotantibus dixit, etiam nunc nobis edisserat. Quæro, inquit, tamen ab his, iudicium, quod prætendunt, ubinam possit agitari? An apud ipsos; ut iidem inimici sint & testes & iudices? Sed tali iudicio nec humana de-*  
*bent*



bent committi negotia, quanto minus divina, id est, ecclesiastica. Qui sapiens est, intelligat. Et revera hinc Justinianus Imperator pius legibus suis promulgasse dignoscitur dicens. Liceat ei qui suspectum judicem putat, antequam lis inchoetur, eum recusare, ut ad alium recurratur. Nam quodammodo naturale est suspectorum judicum insidias declinare, & inimicorum judicium semper velle refugere. Hinc S. Athanasius inimicorum sepe declinavit insidias: hinc S. Joannes Os-aureum concilii contra se congregati renuit intrare collegium. Nicol. I. Ep. 8. ad Mich. Imp. & apud Grat. causa 3. q. 5. c. 15. Si lectis eximiis hisce verbis; egregios istos Inquisitores consilii sui tam iniqui tamque odiosi non pudeat, sed sint ita perfrictæ frontis, ut velint sedere judices ejus Viri, in quem ipsos tot abhinc annis acerbunt odium conceptum habere tota novit Gallia; deposuisse eos profectò oportet, non eam dico reverentiam quæ Pontificum Decretis, Sanctorum exemplis, divinis humanisque legibus debetur, sed sensum omnem & humanitatis & honestatis.

## X X I I.

Præterea operæ pretium est animadvertere; Censuras Facultatis Parisiensis tantum hætenus, nec immerito; habuisse auctoritatis ac ponderis, quod illa doctrinæ capita, de quibus latæ sunt, excussa fuerint non præproperè & festinanter, at lentè cunctanterque, animis æquis &

integris, re maturè, sapienter, eruditèque expensâ; sicque confectæ illæ sint concordia Doctorum omnium, aut saltem ferè omnium consensu. Etenim de communi hominum sensu & judicio sapientum omnium pessimè sentiret is, qui Facultatem cernens sic distractam & divisam in præsentia controversia, si fortè in discipulos S. Augustini conjurata factio suffragiis aliquot vicisset, confectam ab illa Censuram pro legitima acceptum iri existimaret; præsertim si apertè pateret, nullas omnino leges, nullum servatum ordinem; cuncta odio & libidine gesta; delectos libro excutiendo publicos apertosque autoris inimicos; sexaginta & amplius Doctores Seculares, qui ab illegitimâ illa Actione provocarunt, & possunt adversariorum numerum æquare, in ferendis suffragiis victos cessasse, obrutos nempe Doctorum Regularium emendicato gregem, qui ultra numerum per Statuta Facultatis & Decreta Curie sic definitum; ut ad summum octo esse possint, legitimum in Comitibus suffragium ferendi jus non habent. Sapientes viri & æquæ rerum æstimatores de plusquam sexaginta Sorbonæ Doctoribus, qui sunt adversariis suis virtute, eruditione, fide; nequid amplius dicam, pares, non judicabunt, ut eos quasi fautores erroris ac hæresis habendos putent, quod numero suffragiorum victi sint, accedentibus scilicet quinque sexve Carmelitis, & decem circiter Franciscanis, qui ferè

solo nutu sententiam tulerint, Inquisitorumque judicio adhærere se dixerint simpliciter, re, quæ in controversiam veniebat, nullatenus expensâ, ac ne fortè quidem cognitâ.

## X X I I I

Atque hunc communem vel ferè communem consensum potissimum considerari in Sorbonæ Decretis, & ea longè aliter accipi, cum alios aliis superiores per factionem tantum exitisseprehenditur, ita certum est, ut qui aliquando in Facultatis Conclusionibus numero dominati sunt, nihil non moliti sint, & ad mendacia etiam confugerint, quò tale Comitiorum vitium tegetent. Contigit id quando Facultas adversus Regem Henricum III anno 1589 confecit Decretum illud, quo subditos à jurata Regi fide liberos solutosque declaravit. Notat Thuanus, clarissimus in suprema Curiâ Præses, publicatum fuisse hoc Decretum, veluti sancitum concordi omnium consensu, & nemine repugnante ex iis sexaginta Doctoribus qui adfuerant; cum tamen constet, addit ille Hist. lib 94. *Seniores, ipsamque adeò Decanum Joannem Fabrum, hominem antiqui moris, nec vulgari-ter inter eos eruditum, aliter sensisse, & valde juvenes à tam pernicioso consilio in præsens temerario, apud posteros infamiae pleno, dehortatum esse, ac censuisse, ut res integra ad Pontificem remitteretur.* Quod & censuerunt in ultimis hisce Comitibus Deca-

nus ac seniores Doctores. II, quorum tunc factio in Facultate prævaluit, ad apertum hoc & impudens mendacium profectò idèd tantum confugerunt, quòd necessarium visum sit ad firmandum Decretum illud suum, & ne qui audissent, tum diversas fuisse sententias, tum Decanum & Seniores majoris partis opinionioni adversatos, ultro existimarent forsitan meliorem partem à majori victam: quoniam, ut ait vetus magni nominis scriptor, sæpe in Comitibus publicis *major pars meliorem vicit.* Hoc ipsa Facultas agnovit deinde, quippe quæ Censuris bene multis damnaverit perniciosam illam doctrinam quam tot Jesuitæ in libris suis asserere tentaverunt, & à qua manaverat iniquum illud Decretum, Regum autoritati adèd exitiosum.

## X X I V.

Atque ut pateat, non semper habendam tantum rationem numeri Theologorum qui comprobant aut damnant doctrinam aliquam, cum vicissim alii non pauci eandem tuentur, sed sapius liberis integrisque animis esse necessariò ponderanda quæcumque utrimque afferuntur, audiamus quæ hæc de re præclara habet Gersonius, doctissimus Universitatis Parisiensis Cancellarius, & inter eos clarissimus quos illa Ecclesiæ dedit. *Lata est,* inquit 4 parte, de propositionibus ab Episcopo hæreticandis, *différentia inter artifices, sicut & inter Doctores Theologicos, prop-*

ter inaequalitatem exercitii in Theologia & ingenii diversitatem; aded quod duo vel tres debent aliquando majoris auctoritatis esse, quàm centum vel ducenti, praesertim si appareat causa depravationis in affectu, quae excæcat judicium rationis etiam circa prima principia moralia... Propterea debet Prælati, vel Papa, vel Concilium, considerare rationem & causas dicendi, magis quàm multitudinem dicentium.... Sicut pluries faciunt ipsi Commissarii facere requisiti, & quod ob hoc publicarentur deliberationes Magistrorum, suppressis nominibus eorum qui nollent nominari, ut fieret rationum ad invicem collatio. Deinde subjungit, Commissariis delectis in Concilio Constantiensis ad executiendam doctrinam quandam, de qua inter illius ætatis Theologos erat controversia, datum fuisse id consilii, scilicet cogendos magistrorum plurimos sententiæ suæ causas & momenta palàm declarare, ut fieret rationum ad invicem collatio, sicque veritas faciliùs innotesceret.

## X X V.

Tam prudens docti piique Gersonii monitum indicat quàm hodierna in controversia viam tenere oporteat, si una queratur veritas. M. Cornet, Le Moine, & alii quidam Doctores cum Jesuitis conjurati, Arnaldum criminantur quasi damnatas à S. Pontifice Propositiones renover; contra verò Arnaldus omnesque

discipuli S. Augustini contendunt hanc accusationem inde proficisci, quod Molinæ sectatores, Constitutionem S. Pontificis falsis interpretationibus pervertentes, privata dogmata recens procusa, atque, ut etiam Mariana Jesuita ait, *Hæsterna Ludovici Molinæ commenta*, pro fide totius Ecclesiæ venditant. Hac in contentione, quæ omninò Theologica est & de rebus ad Doctrinam pertinentibus, hæc in accusatione mutuà Doctorum qui & ejusdem corporis sunt, & pari jure possunt alienas invicem opiniones impugnare, nonne, si suus æquitati fervetur locus, hi & illi pariter audiendi sunt, ut rationum fiat ad invicem collatio. Id unum hodie postulat Arnaldus. Epistolam suam inquisitioni aut judicio subjici, nec refugit, nec timet. Inquisitorum impotens odium & judicum corruptas præjudiciis mentes formidat: quæ duo ipsi quoque SS. Patres ita formidaverunt, ut celeberrimos Conventus Episcoporum ac Patriarcharum, in quibus sui sedebant inimici, ne ingredi quidem dignati sint, licet aliunde parati causam ultrò suam defendere coram reliquis omnibus Orbis Christiani Episcopis. Nihil aliud sibi cum Divo Chrysostomo concedi flagitat Arnaldus, quàm quod ipsa etiam civilis justitia nemini unquam denegat: nempe ut insensû hostes sui judicum personam exuant, quam contra Divinum humanumque jus sibi vindicaverunt; accusa-

cusatorum tantum retineant, quam solam gerere possunt hac in controversia. Liceat quoque Arnaldo eorum nomina deferre, maximè verò Magistri le Moine, à quo Epistolam suam contendit ideò vehementer exagitari, quòd Doctrina S. Augustini in eà exposta convellat errores ac hæreses novas, quas ille in scriptis suis, quæ in eadem Epistolâ citantur, docuit, & quarum reum ipsum probare in se ultro recipit Arnaldus, si legitimus detur congressus, in quo coram sapientibus ac probatissimis viris, non suspectis, & neutrò inclinatis, hinc & inde verbis jactata scripto mandentur: (quod olim Divus Basilus Epist. 75. proposuit accusatoribus suis, Catholicis Episcopis, qui hæreses in ejus scriptis deprehensas prædicabant.) Tum tota Facultas, sicuti paucis abhinc annis ipsi propositum est per Actum publicum, \* judicium, si videbitur, ferre suum poterit, cum ii Doctores qui in Comitibus ferendi suffragii jus habent, quid in controversiam veniat, quid hi & illi verè sentiant, perspexerint penitus, diligenter excussis quæ ab utraque parte objecta fuerint & responsa. Nam, quemadmodum idem Basilus in eadem scribit Epistola, *oportet eum qui æquus & communis auditor fieri velit, non totum abduci à præoccupante in dicendo, sed expectare etiam responsum ejus qui accu-*

*satur, quò sic ex collatione utriusque sermonis veritas demonstretur.* Et postea: *Si verò circa fidem est error, demonstretur nobis Liber, rursus æquum & commune judicium considerat, legatur crimen, examinetur anne ob ignorantiam potius criminantis crimen esse videtur, quàm quòd ex natura sua condemnari mereatur id quod scriptum est. Multa enim bona non videntur esse talia his qui animi judicium non sincerum habent. Nam & æqualiter graves moles non æquales esse videntur, cum non æquale inter se momentum habuerint lances.*

## X X V I.

Spes est in ejusmodi colloquio, Deo juvante, patefactum iri ipsa luce clarius, quæcumque in Arnaldi Epistola reprehenduntur, nihil habere commune cum iis propositionibus quas à S. Pontifice meritò damnatas publicis scriptis jam declaratum est, atque etiamnum declaratur. Imò patebit Doctorem hunc nihil aliud quàm exposuisse Doctrinam S. Augustini ac sanctissimorum Pontificum ipsissimis illorum verbis, ita ut qui legere valeat, latinè intelligat, & sensum communem habeat, hic illicò judicet unam & eandem procul omni dubio esse doctrinam; sicque illam nequaquam posse damnari, nisi unâ damnetur ipse Augustinus & plurimi pariter Summi Pontifices, qui non solum lauda-

verunt

\* In Comitibus Facultatis 1. Decemb. 1649 per D. Coppin nomine 30 & amplius Doctorum.

verunt sensus sancti Gratiae Doctoris, sed eos etiam suis in libris docuerunt, ac Decretis confirmaverunt. Neque verò parùm commodè cecidit discipulis sanctissimi illius Doctoris, quòd novum hoc conflatum sit consilium cum Censurà notandi. Deponunt quippè nunc Molinistae larvam illam, sub qua hactenus delituerunt: & quoniam hodie non in negotio nulla jam est de Jansenio controversia, cujus in tempestivè movendae deinceps omnem ipsis praeipit locum altera hae Epistola, omnium oculis planum est, non jam Augustini interpretem oppugnari, sed Augustinum ipsum. Ejus quidem nomini, quae illorum indulgentia est, pepercerunt, nec eum inter haereticos proseripserunt; at per Innocentii X Constitutionem comparatum sibi jus credunt inter errores ac haereses reponendi probatissimos sanctissimi Doctoris sensus de Gratia, quotiescumque falsam aliquam, ineptam, insulsamque causam sibi finxerint dicendi, hanc esse doctrinam à S. Pontifice damnatam.

Hac profectò mente, temera-

rio ausu & non ferendo, Jesuitae Pictavienses, & Doctores aliquot istius Universitatis quos habent omnino sibi addictos, damnaverunt Censurà publica \* Doctrinam verè orthodoxam universae Scholae Sancti Thomae, adversam scilicet iis quae docet Molina de salute hominum per gratias, ut vocat sufficentes, quarum usus pendeat à libero arbitrio; damnaverunt, inquam, doctrinam hanc, sanctissimam sanè ac maximè Catholicam, quasi contrariam Bullae Innocentii X. Adedò verum est, hac Constitutione & Censurà peculiarium quinque Propositionum ipsis censeri damnata ea omnia, quae à suis commentis sunt aliena.

Verùm, dum S. Augustini doctrinam damnant, non semper inanem hanc ipsius nomini reverentiam habent, ut fingant ignorare se an ejus illa sit. Sapientius sanctissimum Doctorem palàm & ex professo impugnant: neque pudet praedicare illius sensus videri sibi impia quaedam & haeretica dogmata Summi Pontificis Constitutione damnata. Hoc nuper Aureliae Jesuita quidam, nomine *De Ville*, palàm ex cathedra

B 4

dra

\* Haec Censura Pictavis prodiit typis excusa, licet damnata per Cathedralis Ecclesiae Capitulum, Sede vacante. Censurae titulus hic inscriptus est: *Propositiones oblatae S. Theologiae Facultati Pictaviensi, mense Martio anni 1655. ut examinentur & debitum motu afficiantur.*

SECUNDA PROPOSITIO Theologia quae docet Deum velle salvare omnes homines, & vi hujusmodi voluntatis omnibus destinasse gratias sufficentes, quarum usus pendeat ex nostra libertate, humanis nostris cogitationibus ac sensibus longè magis accommodata est; sed haec ipsa est quam S. Augustinus in Pelagianis oppugnavit, quae S. Thomae Doctrinae est contraria, Semipelagianismo consona, & S. Scripturae & Conciliis directè opposita.

CENSURA Haec propositio est temeraria, Deo contumeliosa, scandalosa, & impetit Innocentii PP. X Constitutionem contra quinque Propositiones Jansenii.

dra declaravit die Dominicâ vigesima nona Augusti. Etenim ægrè ferens Sorbonicum Doctorem, die proximâ S. Augustino sacrâ concionantem, adhortatum fuisse sanctas Virgines, ut Confessiones, Soliloquia, & alia id genus sanctissimi sui Patris opuscula legerent, affirmare ausus est concionatorem hunc Apostolicæ Sedis fulmina profectò contemnere, idque tam insolenter, ut quicumque protervæ huic concioni adfuerant, hominis impudentiâ vehementer commoti atque offensi, rogarent invicem, num S. Augustinus nuper declaratus fuisset hæreticus. Hinc Calviniani Ministri \* occasi-  
 nem arripiunt insultandi Catholicis, & cum risu excipiendi quidquid è S. Augustino assertur ad tuendam Ecclesiæ fidem contra novas illorum hæreses. Contendunt quippe, quoniam Summus Pontifex, sicut in vulgus spargunt Jesuitæ, Augustinum damnavit circa ea quæ Gratiam spectant, qua in parte semper maximè valuit apud omnes ejus nomen ac auctoritas, perperam jam sibi opponi Sanctum hunc in controversiis de precibus profectis, de Sanctorum invocatione, de cultu Reliquiarum, de Missæ Sacrificio, de perpetuitate Ecclesiæ, de necessitate remanendi in Ecclesiæ Catholicæ Communione ad salutem consequendam, & de aliis ejusmodi

benemultis articulis fidei, quos nullus è SS. Patribus eâ vi astruit quâ maximus ille Doctor, cujus auctoritatem huc usque & Ecclesiæ filii sanctam habuerunt & formidaverunt inimici.

#### X X V I I.

Sed frustra sperant infensi illi hostes sanctissimi Gratix Doctoris, obruere se posse sanctam & verè Apostolicam ejus doctrinam. Illam per duodecim sæcula totius Orbis veneratus est ante exortas Molinæ opiniones, & ad finem usque mundi, quidquid illi fremant & moliantur, stabit inconcussa, nec avelli poterit ab Ecclesiæ Romanæ sinu, quæ se ejus vindicem ac patronam toties est professæ. Si ita dominaretur vis, ut adversus omne naturæ jus, sexaginta & amplius Doctoribus Sorbonicis eriperetur libertas conquerendi de tot injuriis tam iniquis, tam apertis, tam probrosis; si infensissimos Arnaldi inimicos, quos nemo ignorat stare cum iis qui quindecim abhinc annis machinantur illius perniciem, & palàm libellis typo excusis ejus exilium, sanguinem, vitam ipsam petunt, non puderet sedere velle ejus judices; si Censurâ tot adversantibus Doctoribus iniquè confectâ pondus aliquod addidissent suis in ejus Epistolam mendaciis ac contumeliis, forsitan Veritas his circumtectâ involucris minùs valeret apud simplices & indoctos;

ac

\* Ira Claudius, Calvinistici Ritûs tunc temporis apud Nemausienses Minister, declamavit Dominica 2. mensis Augusti anni 1674. ut retulit auricus testis, viâ quidam Ecclesiasticus.

at longè clarior eadem videretur & fortior viris vel talium rerum peritis, vel moderatis tantùm ac sapientibus. Hi nimirum judicarent, eam profectò causam pessimam esse ac proflus desperatam, quam rueri qui cupiunt, sanctissimas humanitatis ac justitiæ jura violent necesse est, dum volunt Doctoris Sorbonici famam & innocentiam pendere ex eorum judicio, quos ille acerbissimos sui hostes expertus est: oportere infusos profectò ac stolidè credulos existimari homines ab iis qui Decretum, adversantibus sexaginta Sorbonæ Doctoribus confectum, putarent debere accipi pro communi totius Sorbonæ sententia; quia nempe pars una, corrogatis undecumque Mendicantium Religiosorum suffragiis, numero fuerit aliquantum superior: Quotiescumque Theologi ejusdem corporis tam apertè ab invicem dissentiunt, ipsum corporis nomen, quod nullam per se autoritatem habet in conscientias, parùm movere animos, si fortè illud pars una adversus aliam velit adhibere: Licere tunc, juxta Gersonii monitum, non tam numerare suffragia Theologorum, quàm ea ponderare: Hodierna in controversiâ non debere mirum videri partem unam potuisse paulò pluribus suffragiis vincere, cum homines privati commodi spe & illecebris faciliè capiantur; partem verò alteram, satis per se numerosam, cò digniorem fide, quodd extra spem

omnem posita, uno veritatis & æquitatis tuendæ studio duci poterit: Perridiculum esse & à ratione proflus alienum iis qui asseveranter defendunt, duorum tantùm Theologorum vel Casuistarum consensu probabilem fieri opinionem, ita ut eam, etsi ab aliis benè multis damnatam, liceat cuique tutà conscientia sequi; iis, inquam, Doctores Sorbonicos plusquàm sexaginta non videri ejus esse momenti, ut quod credunt & apertè ostendunt esse doctrinam S. Augustini, id reddant saltem probabile, tantumdemque ad confirmandos suorum animos ponderis habeant, quantum haberet duorum Casuistarum auctoritas: Post editos in lucem tot libros tam doctos & ad probandam veritatem tam efficaces, quidquid æquorum virorum est non magni profectò momenti existimaturos ejusmodi Censuram, quæ quidem doctrinalis tantùm esset, non juridica, licet in ea conficienda servatæ diligenter fuissent omnes juris regulæ; eadem verò inanis est penitusque irrita, cum omni ex parte peccet: Denique eos qui ad artes tam iniquas & viris probis indignas confugiunt, palàm ostendere, longè sibi facilius esse habere ad manum quasi subsidiarios decem aut plures Franciscanos in Comitiiis numerum facturos, quàm libris eruditè diligenterque scriptis vindicare se ab erroribus ac hæresibus, quarum reos illos scripto probarunt adversarii, \*

iterum.

\* Adversus Alphonsum le Moine, in Apologia SS. Patrum.



iterumque vivâ voce probabunt, si fortè nova illa sua dogmata in legitimo congressu tueri audeant.

Sic profectò judicarent viri quotquot sunt sapientes & docti, si posset factio qualicumque tandem modo eripere, sicuti nefariè molitur, Doctori Sorbonico famam Catholici, quam habere debet vitâ ipsâ chariorem. At sperandum est futurum, ut Deus

Opt. Maximus, cujus Providentia servorum suorum innocentie semper invigilat, adesse pergat in posterum ei viro, sicut hæcenus adfuit; nec siturum ab hostibus suis fortasse impugnari Veritatem, ac per aliquod temporis punctum penè opprimi, nisi ut eadem majori cum laude victrix postea triumphet, ejusque vindices suis etiam pro illa tuenda laboribus coronentur.

## I I I.

## ANTONII ARNALDI EPISTOLA

## A D

Sacram Facultatem Parisiensem in Sorbona Congregandam 1 Decembris an. 1655.

*Venerando Domina Decano & Sapientissimis Viris S. Facultatis Parisiensis Doctoribus,*

**C**Um is non sim ego, SAPIENTISSIMI MAGISTRI NOSTRI, qui me errati omnis expertem vel credam ipse, vel ab aliis credi velim; numquam mihi animus fuit Facultatis Parisiensis, quam ut matrem veneror, & cui tot nominibus obstrictus sum, judicium defugere, modò ut ab naturali & æternâ lege, quæ Deus est, præscriptæ justæ & æquæ regulæ servarentur. Nemini verò dubium est, nihil esse ab omni æquitate magis alienum, quàm ut quisquam damnetur in auditus. Hinc in Actis Apostolorum nota illa Festi Proconsulis hominis

ethnici de Paulo accusato, à summis postea Pontificibus commemorata sententia: *Non est mos Romanis damnare aliquem hominem, priusquàm is qui accusatur locum defendendi habeat ad abluenda crimina.* Si non fuit ille mos ethnicæ justitiæ, multò minùs Ecclesiasticæ. Addo etiam, non est ille mos nostræ Facultatis, ut aliquot ab hinc annis in Ludovici Cellotii causâ luculenter ostendit. Supplex igitur à vobis postulo, quod jam scriptis ante aliquot dies ad Venerandum Dominum Decanum litteris significavi, ut priusquàm de

Epi-



Epistolâ meâ quidquam à vestro Ordine statuatur, quæ in illâ reprehensione digna visâ fuerint scripto mihi exhibeantur; quò vel ingenuè agnoscam, si in aliquo lapsus sum; vel sensum meum explanem, si quid à me obscurius dictum fuit; vel à SS. Patrum semitis nullatenus me aberrasse ostendam, si quid tanquam meum reprehensum fuerit, quod à purissimis illis Christianæ Theologiæ fontibus haustum fuisse demonstrare potuero. Ego verò grayem amplissimo Vestro

Ordini injuriam me facere existimarem, si tam æquæ postulationi quemquam vestrum restitutum esse arbitrarer, & id suis ne Facultas deneget metuerem, quod ultrò obtulit alienis, & quod ipsa vox naturæ, quod omnium legum & divinarum & humanarum oracula postulant. Faxit Christus æterna Veritas & Pax nostra, ut salvo semper Catholicæ veritatis deposito firma in nostro Ordine & verè Christiana pax æternùm vigeat.

E Portu-Regio Prid.  
Cal. Decembris an.  
Dom. 1655.

*Obsequentissimus Vester*  
ANTONIUS ARNALDUS,  
*Doctor & Socius Sor-*  
*bonicus.*

EPISTOLA ET SCRIPTUM  
**ANTONII ARNALDI**  
 DOCTORIS ET SOCII SORBONICI,

*Ad sacram Facultatem Parisiensem in Sorbona  
 Congregatam, die 7. Decembris an. 1655.*

Venerando Domino Decano, & Sapientissimis Viris  
 Sacrae Facultatis Theologiae Parisiensis Doctoribus,  
 Antonius Arnaldus Doctor ac Socius Sorbonicus.

**E**TSI vita mea ratio, quam à decem amplius annis, ad  
 eorum qui exilium & cadem meam, reclamante Aca-  
 demia, gementibus vobis, sapius libellis poposce-  
 runt, odia quodammodo lenienda, ab omni hominum fre-  
 quentiâ semotam duxi, ut publicam etiam in hoc negotio  
 lucem declinarem, me satis admonere videbatur; libenter  
 tamen in amplissimo confesso vestro coram adesse decrevissem,  
 si doctrinam meam in legitimâ disputatione, rationibus ultrò  
 citroque, tum voce tum scripto collatis, expendere atque il-  
 lustrare licuisset. Verum cum postremis comitiis statutum  
 acceperim, ut venirem in Conventum Facultatis, tantum  
 mentem meam sincerè ac simpliciter aperturus, non dis-  
 putaturus; non putavi me commodius huic decreto parere  
 posse, quàm si sensa mea vobis hoc scripto perspicuè repræ-  
 sentata exhiberem. Facile est enim chartam mortuam &  
 elinguem non nisi præfinitò loqui, & redarguenti non ob-  
 sistere; Doctorem autem Catholicum hæresis accusatum,  
 cui in hac causa ex mente SS. Patrum non solum defensio  
 licita, sed etiam silentium vetitum, ac patientia interdicta  
 est, coram reprehensoribus suis ab omni disputatione atque  
 ab objectis sibi criminibus propulsandis se abstinere, non  
 ita facile est. Neque enim satis videtur reus audiri, hoc  
 est

est, ut in Actis Apostolorum legitur, locum defendendi accipere ad abluenda crimina, cum ei nec disputare, nec crimina objecta diluere licet. Nota est enim perspicua illa juris & civilis & canonici sententia, qua \* Judicantem cuncta rimari decernit; & interrogandi, respondendi, objiciendi præberi ab eo patientiam jubet. Præterea angustum certè, præsertim in re tanta, mihi ad respondendum tempus præfinitum videtur, cum Francisco Garasso Jesuitæ ad sensa sua aperienda menses duo, mihi vix dies quatuor attribui sint. Nihilominus tamen quæ pro tam exiguo tempore ad illius præsertim Epistola mea loci, qui quæstionem juris complectitur, explanationem adnotare potui, ad vos missa precor ut benignè excipiat. In quibus quidem ita veritati illustranda studui, ut maxime brevitati studerem. Cuncta enim perstricta potius, quàm accuratius pertractata; & tamen clarissimis, ni fallor, ac certissimis testimoniis confirmata sunt. Vos igitur supplex oro & obtestor eodem animo, quo sinceram meam erga amplissimam Facultatem Matrem meam venerationem & obsequium priore jam Epistola testatus sum, ut hæc causa in qua Sacerdotis & Doctoris Catholici fama & existimatio, quam semper quantum licuit Ecclesia incolumem & illasam retinere studuit, appetitur, pro solita Facultatis nostræ moderatione, benignitate & gravitate perpendatur; quique me, indignum licet, sed memorem certè & gratum, tot jam beneficiis affecistis, vestra in me merita, vetera novis, & priora posterioribus cumuletis.

E Portu-Regio  
die 7. Decembris.

Obsequentissimus Vester  
ANTONIUS ARNALDUS,  
Doctör & Socius Sorbonicus.

Vene

*Venerando Domino Decano & Sapientissimis Viris  
S. Facultatis Theologiæ Parisiensis Doctoribus,  
Ant. Arnaldus Doct. & Socius Sorbonicus.*

**D**uo sunt tantum quæ in Epistola mea reprehenduntur, quorum alterum facti questionem spectat, alterum juris. A posteriore incipiam, utpote majoris multo momenti.

*Propositio quæ ad jus spectat.*

**C**ependant, \* *Monseigneur, cette grande vérité établie par l'Evangile & attestée par les Peres, qui nous montre un juste en la personne de saint Pierre, à qui la grace sans laquelle on ne peut rien, a manqué dans une occasion où l'on ne peut pas dire qu'il n'ait point péché, est devenue tout d'un coup l'hérésie de Calvin, si nous en croyons les disciples de Molina: page 226.*

Hanc propositionem, ut audio, hæreticam censent & Innocentii X Constitutioni contrariam.

Ego verò, cum bona Facultatis venia, quatuor hinc præstabo:

I. Ostendam (quod in priori ad Facultatem Epistola facturum me spopondi) in illa Propositione nihil meum esse, nihil quod à purissimis Christianæ Theologiæ fontibus haustum non fuerit.

II. Scrupulos omnes qui in

illa Propositione, quæ non mea est, sed Chrysostomi, aliquos movere possent, paucis excutiam.

III. Illam non hærescos modò, sed & erroris omnis expertem esse demonstrare conabor.

IV. Quantum à damnata per Innocentium X felicitis recordationis propositione distet, evidenter aperiam.

Quod quidem antequam præstem, hinc sincerè profiteor, quod & in Epistola mea sæpius feci, numquam in toto illo Scripto prolatisquæ à me SS. Patrum testimoniis eam fuisse mentem meam, ut Summi Pontificis Innocentii X Constitutionem ulla ex parte violarem, aut è damnatarum propositionum doctrinam quicquam adstruerem; verùm id mihi tantum consilii fuisse, ut Pontificiæ Constitutionis falsæ & adulterinæ interpretationi, quam privati nonnulli pro Constitutione ipsa obtrudere volebant, obviam irem, ex qua Molina novitatibus, pro fidei articulis furtim in Ecclesiam inductis, certum Catholicæ, Pontificiæ & Augustinianæ de gratia Christi doctrinæ excidium consequeretur.

S E C -

\* Interea, Vir Illustrissime, veritas magna hæc per Evangelium constituta & Patrum testimonio confirmata, quæ nobis in Beato Petro exhibet hominem justum, cui gratia, sine qua fieri nihil potest, in ea detuit occasione, in qua eum non peccasse dici non potest, statim evasit in Calvinianam hæresim, si Molinae sectatoribus fides habeatur.

## S E C T I O I.

*Propositionem illam auctori Epistola adscribi non debere, cum Patrum sit; & quidem ipsorum verbis expressam.*

**H**ic sanè mirari subit, ex omnibus Epistolæ meæ Propositionibus eam potissimum esse selectam, cui censoria nota eaque gravissima inureretur; quâ non alia tutior ac minùs violabilis; cum illam non meam, sed SS. Patrum esse clarissimè pateat.

En verba Chrysostomi, in eadem paginâ à me fideliter è Græco versâ: *La chute de S. Pierre ne lui arriva pas pour avoir été froid envers JESUS-CHRIST, mais parce que la grace lui manqua. Elle ne lui arriva pas tant par sa negligence, que parce que Dieu l'avoit abandonné, pour lui apprendre à ne s'élever pas au dessus de l'infirmité humaine, & pour faire connoître aux autres Apôtres, QUE SANS DIEU L'ON NE PEUT RIEN; ὅτι χωρὶς Θεοῦ οὐδὲν γίνεται διὰ τούτου.* Infra vero hæc eadem Chrysostomi verba repetens, aio: *Les Peres nous montrent un juste, en la personne de S. Pierre, à qui la Grace sans laquelle on ne peut rien a manqué.*

Quæro igitur à reprehensoribus meis, quid in illa ultima mea Propositione, quam ut hæreticam notant, à Chrysostomo expromptum non sit; aut quid inter hæc duo discriminis esse velint: *La Grace a manqué à S. Pierre, afin qu'on pût apprendre par son exemple que sans Dieu on ne peut rien; & quod illdem verbis, sed solūm*

*ordine transpositis, postea répète: La Grace sans laquelle on ne peut rien, a manqué à S. Pierre: An; cum utraque hæc Propositio expressis Chrysostomi verbis constet; prima eodem tenore; altera ordine paululùm immutato contextis, idè prima catholica, secunda hæretica censenda est; quasi sententiæ alicujus verbis paulùm inversis, sententia ipsa pervertatur, ac veritas in errorem commutetur.*

Neque verò eadem sententia; quam adèd graviter notant, minùs apertè Augustini est quàm Chrysostomi. En verba sanctissimi Doctoris serm. 124. de temp. in meâ ipsâ Epistolâ paulò antè laudata: *Quid est homo sine gratia Dei, nisi quod fuit Petrus cum negaret Christum? Et idè B. Petrum Dominus paululùm subdeseruit; ut in illo totum hominum genus posset agnoscere, nihil se sine Dei gratia pravalere. Qu'est-ce que l'homme sans la Grace de Dieu, sinon ce que fut S. Pierre lors qu'il renonça JESUS-CHRIST: Et c'est pour cette raison que Notre Seigneur abandonna S. Pierre pour un peu de tems, afin que tous les hommes pussent reconnoître par son exemple, qu'ils NE PEUVENT RIEN SANS LA GRACE DE DIEU.* Etiam atque etiam rogo ut mihi ostendere Censores non dedignentur, qui duo hæc diffè-

differant; alterum, quod Augustini est: *S. Pierre se trouva sans la Grace, afin que les hommes reconnussent par son exemple, qu'ils ne peuvent rien sans la Grace de Dieu*; alterum, quod ejusdem Augustini aliorumque Patrum sensa repetens ait: *Les Peres nous montrent un juste en la personne de S. Pierre, à qui la Grace sans laquelle les hommes ne peuvent rien à manqué*, Quomodo enim exemplo Petri gratia destituti homines agnoscere potuerunt, se nihil sine gratia Dei prævalere, nisi ea gratia Petrus destitutus fuerit, sine qua nihil homines possunt seu prævalent.

Neque id semel dixit Augustinus; sed cum alio in loco idem Petrum stare non potuisse affirmet, quia Dominus dicit, *Sine me nihil potestis facere*, manifestè idem tradit quod ego post Chry-

sostomum, Petro scilicet Gratiâ defuisse, sine qua teste Christo nihil facere possumus: Dicit ei Petrus, inquit serm. 127. de Temp. Etiam si oportuerit me mori tecum non te negabo. *Videte Fratres, responsionem discipuli, & intelligite dilectionis esse quod dixit. Sed quia per solum sui amoris studium, non addito etiam adjutorio Domini, voluit esse promissum; stare non potuit per hominem quod sub divinitate pendeat. Fuit quidem in voluntate, sed non fuit in virtute, sicut ipse Dominus dicit: Spiritus promptus est, caro autem infirma: & iterum, Sine me nihil potestis facere. Usque ad mortem promisit, & in timore negavit. Habuerat confessionem mirabilem, si habuisset in consummatione virtutem. Quid his verbis clarius? Quid ad meam Propositionem ab omni Censura vindicandam efficacius?*

## S E C T I O I I.

*Explanatur Propositio, & omnis offendiculi expers ostenditur.*

Cum gravissimis Patrum testimoniis invictissimè adstruat Petrum in tentatione positum propriæ infirmitati relictum esse; neque illud singulæ gratiæ donum à Deo consecutum fuisse, quo posset invicto adversus terrorem mortis animo Christum profiteri, hoc unum in mea Propositione reprehendi audio, quod ita omnem à Petro gratiam auferam, ut non modò gravissimam tentationem illam superare non potuerit, potestate nempe præ-

xima & expedita quæ per gratiam efficacem confertur; sed nullam omnino per gratiam actualem potentiam habuerit. Hoc enim aiunt iis significari verbis: *La Grace sans laquelle on ne peut rien, à manqué à S. Pierre.*

Verum cum hic Chrysostomi tantum verba exscribam, ut antea demonstravi, non me, sed Chrysostomum, spectat illa objectio.

Deinde paulò æquior quisque facile perspicit, cum de gratia loquens, velut epiphacti vice subjungo;

jungo, Gratia sine qua nihil possumus; *La Grace sans laquelle on ne peut rien*; exprimere me quod à Christo ipso dictum est, *Sine me nihil potestis facere*; & quod à 214. Episcopis in Concilio Africano definitum est: *Gratiâ Dei per Jesum-Christum Dominum nostrum*; non solum ad cognoscendam, verum etiam ad faciendam justitiam nos per actus singulos adjuvari; ita ut sine illa nihil vera sanctæque pietatis habere, cogitare, dicere, agere valeamus. Has verò de gratia loquendi formulas nemo nescit pro subjecta materia intelligi debere, & notare illud posse, ut ita dicam, quod proximum & expeditum Theologi appellant: ita si de oratione quis agens dicat, Fidelem orare non posse cum gratiâ destituitur sine qua nihil possumus; non inde sequitur; Fidelem istum ne eam quidem habere gratiam quâ credere possit & reverà credat, imò & quâ orare velit, parvâ & invalidâ, ut Augustinus loquitur, voluntate; sed solum non habere tunc efficacem illam & singularem orationis gratiam, sine qua nemo ut oportet reipsa orare potest.

Quare cum hic non de quavis gratia disputem, sed de illa tantum gratia efficaci quæ Petro necessaria erat, ut ex vero pietatis affectu tam gravem tentationem superare proximè posset; cum de illo dico, post Chrysostomum, defuisse ei gratiam sine qua nihil possumus; obviis & planis propositionis meæ sensus

est, defuisse ei gratiam illam, sine qua nihil poterat quod ad vincendam illam tentationem attingeret, hoc est, sine qua proximè & expeditè tentationem illam superare non poterat.

Cum enim sine gratiâ, ut cum scholâ loquar, generatim sumptâ nihil possumus, sine unoquoque gratiæ genere nihil possumus, proximè scilicet & expeditè, in iis ad quæ genus illud gratiæ necessarium est.

Qua de re insignis est Augustini locus in Epistola ad Sixtum: *Sicut, inquit, nemo rectè sapit, rectè intelligit, rectè consilio ad fortitudinem prævalet; nemo scienter pius est; vel piè sciens; nemo timore casto Deum timet, nisi acceperit Spiritum sapientiæ & intellectus, consilii & fortitudinis, scientiæ & pietatis, & timoris Dei; nec habet quisquam virtutem veram, charitatem fixeratam, continentiam religiosam; nisi per Spiritum virtutis, charitatis & continentie: ita sine spiritu fidei non est quisquam rectè crediturus; nec sine spiritu orationis salubriter oraturus: non quia tot sunt Spiritus; sed omnia hæc operatur unus atque idem Spiritus; dividens propriâ unicuique prout vult, quia Spiritus ubi vult spirat. Ubi videmus ab Augustino unicuique gratiæ, sive fidei, sive orationis, sive continentie, proprium effectum assignari, qui sine ea non habetur.*

Illustrissimum est etiam in eandem rem Leonis magni testimonium in ipsa Epistola laudatum. *Dicente, inquit, Discipulis*

*Domino, SINE ME NIHIL POTESTIS FACERE.... Et hac causa sanctis est tremendi atque metuendi, ne ipsis operibus pietatis elati deferantur ope gratia, & remaneant in infirmitate naturæ. Metuendum ergo sanctis est, ne si aliquantulum superbire cœperint, deferantur ope gratiæ, de qua dicit Christus, SINE ME NIHIL POTESTIS FACERE, & remaneant in infirmitate naturæ. Et tamen perspicacior quisque faciliè videt, non inde sequi sanctos in eo defertionis statu nihil prorsus facere posse, nequidem credere, nequidem sperare in Deum, nequidem voluntate parva & invalida ad bona pietatis opera aspirare, sed solum nihil posse quantum spectat ad illa pietatis opera reipsa peragenda, quorum causâ superbire cœperant, secundum piissimam S. Augustini sententiam lib. de Natura & grat. c. 28. *Deserit aliquantum Deus, unde superbis, ut scias non tuum sed ejus esse, & discas superbus non esse.**

Quare ut omnem ex verbis meis præter sensum meum intellectis, offendiculi occasionem præcidam, profiteor & declaro, cum dixi post Chrysostomum Petro gratiam defuisse sine qua nihil possumus, mihi in animo non fuisse omnem omnino interiorem & actualem à Petro gratiam amovere, cum eam tantum impugnandam susceperim, quam adversarii affirmabant ita omnibus semper adesse, ut nemini non suppeditet proximam & ex-

peditam ad tentationem superandam vim & potentiam, ita ut eâ instructus dici non possit tentationem superare non potuisse; quod tamen de Petro unanimi consensu tradunt Patres. Quare & in hoc loco & in aliis ubi de Petro ago, id tantum verbis meis expressum volui, defuisse tunc Petro gratiam efficacem quâ, ut se Christi discipulum profiteretur, debitumque ipsi etiam obiecto mortis periculo testimonium redderet, indigebat. Posito enim semel dogmate illo, cujus veritas Scripturarum oraculis, SS. Patrum autoritatibus & nobilissimorum etiam scholæ doctorum testimoniis confirmatur, gratiam, nimirum efficacem, vim quandam specialem certamque operis ut oportet efficiendi potestatem impertiri; quod quidem opus, sensu verissimo juxta vulgarem Scripturarum & SS. Patrum loquendi morem, sine illo gratiæ præsidio benè fieri nequit. Hujus, inquam, dogmatis veritate supposita, dixi in eundem sensum, B. Petrum cum efficacis gratiæ præsidio in tentatione caruerit, viribus etiam ad tentationem superandam idoneis caruisse; adeoque discipulum illum cum tunc esset infirmior, Dominum suum ad mortem usque sequi non potuisse. Quæ quidem sententia Christi sententiæ adtipulatur, ipsiusque & sensu & verbis planè consentit; cum Petrum suæ infirmitatis admonens ait: *Non potes me sequi modo.*



## S E C T I O I I I.

*Nihil videri in propositione probè intellecta, quod hærescos vel etiam erroris notari mereatur.*

**H**Æc fuit mea mens, is sensus in propositione ab Inquisitoribus notata, quem cum candidè, sincerè ac simpliciter aperuerim, nihil jam in ea, quantum existimo, censurâ dignum videri potest.

Tribus enim omnino partibus constat: prima est, Gratiam Petro defuisse cum tentatione pulsatus Christum negavit.

Secunda est, Petro defuisse gratiam sine qua nihil possumus, hoc est ut supra ostendi, sine qua propriæ infirmitati relictus gravissimam illam tentationem superare non poterat, potentiâ scilicet proximâ & expeditâ, quæ ab efficaci gratia est.

Tertia est, Petrum antequam in tentationem caderet, justum fuisse.

At nulla est ex his tribus Propositionis partibus, quam unanimi consensu Patres non tradiderint, ut qui ullam ex iis proscribere velit, omnium sæculorum traditionem convellat, necesse sit.

*De prima parte propositionis.*

**P**etro, cum negavit Christum, gratiam defuisse (efficacem nempe, ut ante dixi, ad vincendam reipsâ tentationem necessariam) eumque propriæ infirmitati fuisse à Deo derelictum,

ut humilior rediret ac doctior, summo consensu tradunt Patres.

Basiliius hom. 22. de Humilitate. *Si ne hoc quidem intelligis, quod gratiam affectus es, sed gratiam Dei præ nimia stupiditate propriam reputas virtutem, non es honoratior B. Petro Apostolo: neque enim Christum plus potes diligere quam ipse illum dilexit, ut & mori pro illo voluerit. Verùm quoniam arrogantius dixerat, Etsi omnes, &c. humana traditus est pusillanimitati, & prolapsus est in negationem, lapsus institutus ad pietatem.*

Chrysostomus hom. 71. in Joan. *Casus Petri non frigiditate, sed superni auxilii derelictu contigit.*

Idem homil. 32. in Epistolam ad Hebræos: *Illâ negatio non tantum erat socordia & negligentia, quam ex eo quod Deus eum deseruerat.*

Idem homil. 83. in Matth. Petrus, etsi bene animatus fuerat, divino tamen subtracto auxilio cecidit.

Victor Antiochenus in cap. 14. Marci: *Dominus nimiam illam, quam præ se ferebant Apostoli, audaciam animique fiduciam non nihil comprimere & castigare volens, Petrum quidem in trinam negationem prolabi, ceteros verò omnes per fugam dispergi passus est.*

Augustinus de Correptis & gratiis, cap. 9. *Quia David filius erat promissionis, non perditionis, expertus, Deo paululum derelictus, quid esset*  
*ipse,*

ipse. .... Hæc & vox Apostoli Petri esse potuit. Dixerat quippe in abundantia sua : Animam meam pro te ponam ; sibi festinando tribuens quod ei fuerat à Domino postea largiendum. Avertit ab illo faciem Dominus & factus est conturbatus.

Idem serm. 124. de Tempore. Quid est homo sine gratia Dei, nisi quod fuit Petrus cum negaret Christum. Et alibi : Non fuit illa Petri desertio, sed eruditio. Nisi desertus, non negaret ; nisi respectus, non fieret.

Theodoretus in Psal. 118. Sæpius divina gratia nonnullos ad breve tempus deserit, utilitatem illis hinc procurans. Sic magnus Elias derelictus cùm esset, in timiditatis afflicto incidit, & humane natura imbecillitatem didicit ; sed confestim divinam iterum nactus est gratiam. Sic D. Petrus negando prolapsus est, sed protinus Deus eum suffulsi.

Arnobius Junior in Psalm. 29. In voluntate sua Dominus præstat decori nostro virtutem : nam si averterit faciem suam, quantumvis amemus Dominum, non eum plus Petro amabimus. Etsi ei dicamus cum Petro : Etiam si oportuerit memori tecum non te negabo ; poterit nobis negandi eum evenire perfidia, si averterit se à nobis.

Theophylactus in Luc. cap. 22. Petrus parum à Domino relictus.

Multa alia possunt in eam rem afferri testimonia ; sed hæc sufficiunt, ut quivis perspicere possit, doctrinam à SS. Patribus & ab omnium sæculorum Doctoribus tantò consensu traditam à nullo

Theologo in dubium revocari posse, multò minùs erroris vel hæreseos damnari.

### De secunda parte Propositionis.

**P**etrum verò in hoc statu, hoc est, ut loquuntur Patres, à Deo ad horam desertum & propriæ relictum infirmitati, tam gravem tentationem non potuisse superare (quod de potentia proxima semper intelligi volo,) & Christum usque ad mortem sequi, (quæ secunda Propositionis pars est) non minùs apud Patres certum, & luculentissimis illorum testimoniis confirmatum. Pauca de multis afferam.

Hilarius in Matth. can. 22. Amarissimè flevit Petrus, recolens trepidationis culpam se nec admonitum potuisse vitare.

Idem in Psal. 52. Neganti Petro claves tamen regni colorum non ademit, quia cum per trepidationem obrepisset negatio ; voluntati tamen usque ad martyrium consistendi fides firma non dcerat ; sed aliud est nolle, & aliud non posse. Territus enim Petrus etsi per carnus sensum, responsionis NON POTUIT tenere constantiam, per fidem tamen animi statim flevit.

Chrysostomus, quem in Epistola autorem secutus sum, hom. 31. ad Hebr. Negatio Petri non tam erat foecordia & negligentia, quam ex eo quod Deus eum deseruerat, erudiens ut humanam sciret mensuram, & non repugnaret in qua delinamur à Magistro ; neque ejus quam

quàm aliorum essent elatieres spiri-  
tus, sed sciret quod ABSQUE DEO  
NIHIL POTEST FIERI, & quòd  
Nisi Dominus edificaverit domum  
frustra laborant qui aedificant eam.

Idem tom. 5. serm. 65. *Quam-*  
vis omnium robustissimi simus ac  
validissimi, si illius absit auxilium,  
ne mediocri quidem POTERIMUS ten-  
tationi resistere. Sed quid de nobis  
abjectis & vilibus loquor: licet Pau-  
lus sit aliquis, aut Petrus, licet Ja-  
cobus, subsidio cœlesti privatus facile  
vinquitur & supplantatur & concidi-  
tur.

Idem hom. 72. in Joan. Quid  
dicis, Petre? Dicenti NON POTES,  
te POSSE dicis? *Experientiâ* cognos-  
ces, NIHIL ESSE dilectionem tuam  
sine gratia divina. Unde constat  
hunc casum Jesum pro ipsius utili-  
tate permisisse. Nam cum assertionis  
sua fervore quodam non staret Pe-  
trus, non quidem impulsit ad ne-  
gandum, sed DESERTUM reliquit,  
ut suam ipse intelligeret imbecilli-  
tatem.

Augustinus verò sæpissimè hoc  
de Petro tradit. Serm. 106. de  
Diversi. cap. 1. Secutus est Domi-  
num passurum; sed tunc NON PO-  
TUIT sequi passurus.... Promisit se  
moriturum pro illo, & NON POTUIT  
nec cum illo. Plus enim ausus erat,  
quàm ejus CAPACITAS sustinebat;  
plus promiserat, quàm POTERAT.

Et serm. 124. de Tempore.  
Idè B. Petrum paululum Dominus  
subdeservit, ut in illo totum homi-  
num genus posset agnoscere NIHIL  
se sine gratia Dei PRÆVALERE. Et  
eodem serm. Quid homo sine Dei  
gratia POSSET, timor B. Petri cri-

denter ostendit. Et tract. 92. in  
Joan. *Quæ* (charitas plena scili-  
cet & magna gratia) Petro defuit  
quando mulieris ancilla interroga-  
tione perterritus, non potuit verum  
testimonium perhibere. Quod legi-  
tur in Breviario Rom. Feria 6.  
post Octavam Ascensionis.

Et de Gratia & libero arb. cap.  
17. *Charitatem* (magnam) A-  
postolus Petrus non habuit, quando  
timere Dominum ter negavit; &  
tamen quamvis parva & imperfe-  
cta non deerat, quando dicebat ad  
Dominum: Animam meam pro te  
ponam. Putabat enim se POSSE  
quod se velle sentiebat.

Mitto quod jam laudavi ex  
serm. 127. de Tempore.

Et ut à veteribus ad recentio-  
res transeam: Hugo à S. Victore  
in Ann. in Joan. Qui tantum cha-  
ritatem in proposito habent, sic vi-  
delicet ut proponant se prius mori  
velle, quàm Christum negare, cum  
perveniunt ad experimentum, defi-  
ciunt: non enim possunt perferre  
quod promiserunt, & sunt similes  
Petro, qui, ut dicit Hieronymus,  
erat quasi avis sine pennis, quando  
se pro Christo moriturum promisit.  
Avis enim sine pennis volare vult,  
sed NON POTEST.

Cardinalis Toletus in c. 13.  
Joannis: Permisi autem Dominus  
Petrum ad tempus cadere, ut non  
suis viribus, sed divina virtuti &  
gratia, quâ non juvante NECESSE  
est vinci & cadere, confidere disceret.

Illustris etiam viri doctissimi  
Guillelmi Estii, non quidem de  
Petro nominatim, sed de justo  
cadentē sententia, in illa verba

2. Paralip. c. 32. *Dereliquit eum Deus* (Ezechiam nempe sanctissimum Regem) *ut tentaretur & nota fierent omnia quæ erant in corde ejus.* ] *Hic locus ostendit, inquit Estius, Deo deferente, id est, gratiam non dante, hominem NON POSSE superare tentationem: non ita tamen, ut necessario in illud peccatum incidat ad quod tentatur; (fieri enim potest ut tentatio tentatione repellatur, sicut clavus clavo pellitur) sed ita ut ab ea salubriter & secundum Deum sine Dei gratia se expedire non possit.*

Sed omnium illustrissimum est Cardinalis Cajetani testimonium in Matth. c. 26, *Tunc cepit Petrus detestari & jurare. Considera & treme, b vir juste: Petrus, ipso Jesu attestante mundus, ac per hoc in charitate existens, sacramentis Corporis & Sanguinis Christi digne communicans, præmonitus de futura tentatione, paratus potius mori quam negare Christum, ad unius auxillæ vocem illum negavit, & successerè addidit perjurium. Quare hoc? Quia magna differentia est inter gratiam habitualem & illius usum; quia non sumus sufficientes ex nobis ad usum charitatis & gratiæ, quam habemus in anima infusam à Deo; sed egemus ad utendum illà continuo & gratuito Dei auxilio, quo quia caruit Petrus tunc, quia Deus reliquit Petrum tunc sibi ipsi predito charitate & gratia habituali, idè cecidit & perdidit charitatis gratiam. Sic Moyses, sic David cecidit.*

Non video quid clarius vel expressius dici possit. Quare si

nemo hæcenus nisi piam & orthodoxam doctrinam his in verbis totque aliis SS. Patrum testimoniis deprehendit, non arbitror æquum quidem videri posse, ut quod in aliis ut catholicum prædicatur, in me ut hæreticum arguatur. Id enim unum adstruo ego, quod illi clarissimè & constantissimè docent, Petrum nimirum à Deo ad tempus derelictum, vires idoneas, ut inquit Augustinus, ad superandam re ipsa tentationem non habuisse.

### *De tertia parte Propositionis.*

**R**eliqua est propositionis tertia pars, in qua suppono Petrum tunc cum tentatus est justum fuisse. Audio enim nonnullos, quò quicquid à Patribus de Petro sibi ipsi derelicto traditum est infringere possint, negare tunc Petrum justum fuisse; idèoque illius causam ad justos referri non oportere. Probant autem, ut accepi, Petrum tunc non fuisse justum, eo quod tria capitalia crimina ante commisisset. 1. Quod Christi verbis non acquieverit. 2. Quod cæteris se præposuerit. 3. Quod sibi arrogaverit id quod precibus à divina misericordia esset impetrandum.

Mirum profectò est Catholicos Doctores, quò clarissimorum Ecclesiæ Luminum explorata dogmata convellant, hujusmodi argumenti genus ab hæreticis & publicis Ecclesiæ Romanæ hostibus mutuari ausos, iisque telis certam SS. Patrum doctrinam impe-

impetere, quæ ab iis solis jactantur qui in Ecclesiæ Caput aperto Marte grassantur, & Petro Apostolorum Summo Primatus sui gloriam invidentes, in culpis ejus levioribus, & in nimia illa veri quidem, sed tamen infirmioris adhuc atque incautioris amoris audacia, horrenda quædam crimina & capitalia facinora commentum sunt.

Cum enim Magdeburgenses Petrum per omnia deprimere statuisent, horrendos ejus lapsus quindecim enumerant; eosque dicunt non sine consilio Spiritus sancti memoriæ traditos, ne Petro nimium tribueretur, quorum octavum esse volunt, (quod & nunc à nonnullis adversum me asseri audio) cum dixit, *Etiam si oportuerit me mori tecum, non te negabo.* Quid autem ad hæc Bellarminus? *Sed audi, inquit, Hieronymum in hunc locum: Non est temeritas neque mendacium; sed fides est Apostoli Petri & ardens affectus erga salvatorem. Audi Chrysostomum: Unde, inquit, id sibi accidit? Ex multo certè amore & multa voluntate, Itaque, aut nullus hic lapsus fuit, aut certè amoris & pietatis excessus fuit.*

Ea illa erat Bellarmini vox, iste sensus, cum Petri Sedisque Romanæ Primatum assereret. Nunc verò Catholicus Doctor hæreseos insinuat, non quòd Petro gratiam defuisse dixerit, sed quòd Petrum pro justo habuerit, neque cum acerrimis Apostolicæ Sedis inimicis horrendos illi lapsus adscribat, qui-

bus ante tentationem à gratia exciderit.

Neque me fugit Chrysostomum tria etiam peccata Petro adscribere, sed tria peccata, & ut ipse loquitur, *ἰγκλήματα*, hoc est, tria in quibus meritò reprehendatur: quam vocem à latino interprete criminum nomine minùs commodè redditam, siquidem criminis vox ex perpetuo ferè latinorum Patrum sensu usurpetur, nemo Græci sermonis gnarus inficiabitur. Græcam enim vocem *ἰγκλήματα* non tantum capitale flagitium, sed id omne de quo quis arguitur, quodque probro & vituperationi datur notare, querelas quoque & expostulationes significare, certissimum est.

Atque ut quisque optimus interpretes sui, illam ipsam nominis hujusce vim atque significationem liquidò confirmat idem Chrysostomus, qui illas Petri culpas, ut rectè notavit Bellarminus, ex multò erga Christum amore, tum multis in locis, tum in eadem illa homilia, profectas esse affirmat: quæ aliorum Patrum communis etiam sententiæ est.

Hilarius in Matth. can. 30. *Petrus pro fidei suæ calore respondet ceteris licet scandalizantibus, nunquam se scandalizaturum. In tantum enim & affectu & charitate Christi afferebatur, ut & imbecillitatem carnis suæ & fidem verborum Domini non intueretur, quasi verò dicta ejus efficienda non essent. Sed tam ille, quam ceteri, ne mortis*

quidem metu decessuros se de confessione neminis sui pollicentur. Ad omnem enim se ministerii constantiam intrepida fidei voluntate firmaverant.

Basilius de humilitate: Neque Christum plus potes diligere quam Petrus, qui usque adeo cum dilexit, ut pro eo mori voluerit.

Ambrosius in Luc. c. 22. Quid negavit Petrus? Quod promisit incantè. Devotionem consideravit, non respexit conditionem. Et pauld post addit: Error Petri doctrina justorum est, & titubatio Petri omnium petra est. Denique post commemoratum Petri lapsum continenter subiungit: Unde etiam lapsus Sanctorum utilis.

Hieronymus præter locum à Bellarmino notatum. Petrus ex ardore fidei promittebat; & salvator quasi Deus futura noverat.

Augustinus serm. 127. de Tempore: Nostis quid temere B. Petrus promiserit Christo; Etsi omnes, inquit, scandalizati fuerint in te, ego nunquam scandalizabor. Dominus qui noverat fragilitatem humanam, Amen, inquit, dico tibi, antequam gallus cantet, ter me negabis. Dicit ei B. Petrus: Etiam si oportuerit me mori tecum, non te negabo. Videte fratres responsionem discipuli; & intelligite dilectionis esse quod dixit.

Victor Antiochenus in cap. 14. Marci, Quando Christus Petri casum magis affirmabat, tanto Petrus certè prædictioni illius obnitens, fortiori pectore officium se suum deserturum negabat. At unde queso tanta vis animi præcedebat? Non

aliunde quam ab incensa charitate,

Arnobius Junior in Psal. 106. Ascendit Petrus usque ad caelos, dicens Domino, Etiam si oportuerit me tecum mori, non te negabo; descendit usque ad abyssos cum negat.

Petrus Damiani Cardinalis Ostiensis, & magnum Ecclesie Romanæ Lumen serm. 26. De Apostolis Petro & Paulo: De gradu dulcedinis ad sapientie gradum ascenderat Petrus Apostolus cum diceret, Animam meam pono pro te. Nihil sapientius neque fortius quam, Animam meam pono pro te; nihil insipientius neque debilius quam, Neque scio neque novi quid dicas. Professio jam diligebat dulciter, jam sapienter; sed utrumque perdidit, cum fortiter non dilexit, cum ad vocem muliercula Dominum & Magistrum celeriter abnegavit.

Hugo à S. Victore annotat. in Joan. Petrus, ex nimio charitatis affectu & ardore & se positurum animam & non negaturum pro morte promiserat; sed quia virtutem constantia cum hoc affectu non habebat, idcirco imminente periculo metu mortis defecit, & affectum charitatis, quem prius habuerat, amisit.

Dionysius Carthusianus: Hoc Petrus locutus est ex magnitudine fidei & fervoris, tamen incautè, non pensans propriam infirmitatem, & cæteris se fortiorem existimans.

D. Thomas 2. 2, Qu. 24. Art. 12. cum sibi objecisset, non videri D. Petrum charitatem amisisse cum negavit Christum, eo quod dicit Bernardus, Charitatem in Petro

Petro non fuisse extinctam, sed sopitam: Respondet. Ad 2. dicendum, quod charitas amittitur dupliciter. Uno modo directè, per actualem contentum: & hoc modo Petrus charitatem non amisit. Alio modo indirectè, quando committitur aliquid contrarium charitati propter aliquam passionem concupiscentie vel timoris. Et hoc modo Petrus contra charitatem faciens charitatem amisit, sed eam citò recuperavit.

D. Bonaventura in cap. 22. Lucæ. Qui, Petrus, dixit ei: Domine tecum paratus sum, & in carcerem, & in mortem ire: hoc verbum fuit amoris & fervoris; sed tamen hoc erat cujusdam presumptionis, quia illud promittit ad quod non sufficit, scilicet, quod paratus sit pro Christo, & cum Christo mori, cum sit opus perfectissima charitatis.

Gerfon Tract. de Passione Domini. Intuere S. Petrum. Quis credidisset aut ipse aut alius, quod à tali fiducia & charitate absque impugnatione cecidisset. Idem Tom. 2. De Cognitione peccatorum venialium & mortalium, Confid. 4. pag. 287. asserit presumptionem Petri fuisse tantum peccatum veniale.

Non hic repeto quæ ex Cardinale Cajetano superius attuli, ubi disertè tradit Petrum cecidisse, quia sibi licet charitate habituali pradiato relictus fuit.

Peccasse igitur aliquid Petrum, quod viribus suis nunquam tribuerit, & se cæteris prætulerit, cum Chrysostomo & Augustino non nego; crimen autem aut flagi-

tium admisisse in eo quod ex multo amore, fervore, fide, devotione commisit, cum iisdem Patribus planè nego.

Neque verò alia mens est omnium hujus ævi Interpretum, qui licet tria in Petro cum Chrysostomo reprehendant, ea tamen non crimina, ut nonnulli fingere non verentur, sed levioris cujusdam imprudentiæ audentiorisque amoris culpas fuisse attestantur.

Ceterum Petrus, ait Jansenius Gandav. in Concord. Evang. c. 133. ex magno erga Dominum amore alienum à se putans, ut Christi periclitantis jam causâ offendiculum pateretur: Etsi, inquit, scandalizati fuerint in te, ego nunquam scandalizabor; triplici nomine per indiscretionem peccans, quia scilicet Domino contradixit, & quia aliis sese prætulit, & quia de se nimis præsumsit, non attendens suam fragilitatem. Quoniam autem ex amore proficiscebatur hujusmodi assertio, non severè illum Dominus redarguit; quia tamen plus de se quàm de aliis præsumperat, magis etiam aliis scandalizandus prædicatur.

Joannes Hesselius in cap. 26. Matth. Respondens autem Petrus ait illi: Etsi omnes scandalizati fuerint in te, ego nunquam scandalizabor. Petrus, inquit Hilarius, in tantum & affectu & charitate Christi efferebatur, ut imbecillitatem carnis suæ, & fidem verborum Domini non contueretur, quasi dicta ejus efficienda non essent. Non ergo putandus est Petrus voluisse Christo dicere, quod falsum diceret, sed



*sed nimio Christi amore verba ejus non attendit, non putavit Christum prophetice istud dixisse. Sed nec mentitus est, nam sincere proponebat nunquam Christum derelinquere; putabat enim se posse quod se velle sentiebat, ut ait Aug. de Grat. & lib. arb. cap. 17.*

Sic Jesuita Menochius, sic Catholici omnes de Petro unanimi consensu pronuntiant. Alios aliter sensisse ostendant ii, qui cum Magdeburgensibus horrenda illa scelera Petro affingere non dubitant.

Sed nec pluribus Patrum testimoniis, nec longiori disputatione nobis utendum est, ut illam Petri confidentiam criminis excusemus. Ipsa Christi verba palam pronuntiant, quam perperam nonnulli jactitent Petrum tunc non fuisse justum, ne scilicet fateri cogantur, in Petro nobis ostendi justum cui in vehementi tentatione auxilium gratiæ ad eam vincendam necessarium negatum fuerit à Deo, ut non de se neque de viribus suis præsumere, sed in Deo suo confidere disceret.

Christus enim cum lavare pedes discipulorum inciperet, in hunc modum omnes alloquitur: *Qui lotus est, non indiget nisi ut pedes lavet. Vos autem mundi estis; sed non omnes. Sciebat enim quis esset eum traditurus.* Unde SS. Patres omnesque Scripturæ Interpretes constare plenissimè asseverant, discipulos omnes, uno Juda excepto, mundos & justos fuisse.

Enimverò postquam Petrus

tribus se, ut volunt, criminibus obligasset, imò & reliqui Apostoli mortale etiam facinus admisissent, si illis fides est, quandoquidem eadem quâ Petrus præsumptione, prædicenti Christo omnes scandalum passuros restiterunt discipuli, ut Matthæus significat his verbis: *Similiter & omnes dixerunt: nihilominus Christus iisdem ad omnes verbis utitur, quibus internam eorum munditiam designaret Joan. 15. v. 3. Et vos mundi estis propter sermonem meum quem locutus sum vobis. Et paulò post: Manete in me, & ego in vobis: Ubi apertè gratia sanctificans annotatur, quâ Christus in ipsorum cordibus habitabat.*

Neque verò temerè fuit, quod cum tunc Discipulis suis Christus diceret: *Et vos mundi estis;* non subjunxerit quod priùs fecerat: *Sed non omnes.* Exeunte quippe traditore nullus superfuerat non mundus, nullus non justus. Quamvis, ut hic ait Augustinus, nullus eorum esset, utpotè imperfectus, cujus maculæ magis ac magis non essent abluendæ. Jam vos mundi estis; Mundi scilicet, ait Augustinus, atque mundandi. Quis etenim in hac vita sic mundus, ut non sit magis magisque mundandus.

Disertè verò Dionysius Carthusianus: *Mundi, inquit, estis à labe peccati mortalis jam alieni, habentes oculum simplicem ordinatamque charitatem.*

Idem uno consensu docent recentiores omnes. Maldonatus Jesuita,



suita, cum illud de Christo: *Et vos mundi estis*, interpretatus esset de munditia & purgatione à peccatis, addit; *Non displicet quod à nonnullis est animadversum, Christum ad Juda defectionem allusisse, quasi dixerit: Cum iam Judas discesserit, qui scelere immundus erat, neminem inter eos manere immundum. Certè cum supra dixerit, Vos mundi estis, sed non omnes, hoc loco non addidit, sed non omnes, quia Judas non aderat,*

Cardinalis Toletus ejusdem Societatis in eundem Joannis locum: *Judas, inquit, resecus est ut palmes infructuosus; at undecim purgati sunt, utpote fugiferi. Tum verò explicans quomodo Deus justos purget: Resecat, inquit, Deus à justis quantum ad intellectum multas ignorantias &c. quantum ad affectum vanas cupiditates &c. Inter illa verò quæ à cœlesti Agricola resecanda in justis esse ait, ne illis sint impedimento, ponit vanam Petri reliquorumque Apostolorum confidentiam. Purgati sunt, inquit, à vana quadam confidentia, Nam Petro eorum*

*primo dictum est, Ter me negabis.*

Utroque verò antiquior Janfenius Gandavensis in Conc. Evangel. uno verbo eorum errorem confodit, qui Petrum cum tentaretur justum fuisse negant, ne gratiæ adjutorium justo defuisse fateri cogantur: *Jam vos mundi estis & purgati; & sublato ex vobis Juda proditore, palmite infrugifero, nemo est ex vobis jam immundus.*

Non potest igitur in controversiam revocari, quin Petrus tunc justus fuerit, cum timore magno perterritus præ carnis imbecillitate Christo cum paululum deferente, *Responsionis non potuit tenere constantiam*, ut ait Hilarius. Unde sequitur ab omni erroris & hæreseos labe immune esse, quod dixi in Epistola, In Petro justum demonstrari, cui in vehementi tentatione gratia illa defuerit, sine qua nihil fieri potest, hoc est, sine qua ad superandam illam tentationem vires idoneas non habebat per efficacem Christi gratiam & victricem delectationem demum sibi conferendas.

## S E C T I O I V.

*Propositionem Epistola à prima Propositione damnata  
toto cælo differre.*

**Q**UOD si illa Propositio, quæ in indiculo notata est, omnis hæreticæ pravitatis expers est, ut hætenus, quantum existimo, liquiddò demonstravi; nulla ratio finit, ut cum primà è damnatis ab Innocentio X Propositionibus

confundatur, quam uti temerariam, impiam, blasphemam, anathemate damnatam & hæreticam summus Pontifex proscripsit.

Et verò, si quis utramque inter se conferat, toto illas cælo  
differre

differre deprehendet. Prima propositio damnata, tota est de impossibilitate mandatorum; de qua nullum verbum in mea.

Asserit eadem damnata propositio, Quædam præcepta justis volentibus & conantibus secundum præsentem quas habent vires esse impossibilia, deesse quoque illis gratiam quâ possibilia fiant: quod absolute dictum, nullâque cum exceptione, quamcumque voluntatem complecti potest; ideoque sub literali significatione terminorum, Lutheranorum & Calvinistarum hæresim comprehendit, nunquam à justis mandata servari docentium, quæcumque illis ea servandi voluntas sit, *utrumque spiritu Dei adjuventur*, ait Calvinus. Hanc autem Calvini nefariam & divinæ gratiæ ac justificationi exitiabilem hæresim, tantum abest ut ulla Epistolæ meæ verba repræsentent, ut eam potius inter varios hæresiarachæ hujus errores, ab Apostolica Augustini de gratia Doctrinâ longè sejunctos, & ab Ecclesia anathemate perculsos, disertè proscripserim.

Accedit quod hæc eadem prima Propositio generatim atque universè asserit, Quædam justis volentibus impossibilia esse mandata, secundum præsentem quas habent vires: quæ si communi significatione, & ut sonant accipiantur, usitato more loquentium, iterum Calvini hæresim comprehendunt, quâ nimirum docuit, ab omni homine jure iis viribus quibus in præ-

senti vita instructus est, ad vires alterius vitæ collatis Dei, mandata impleri non posse. Nihil in mea Epistola est quod, vel maligna interpretatione, in hæreticum hunc sensum trahi possit.

Denique generatim damnata illa propositio asserit & indefinitè, Deesse quoque iis justis volentibus & conantibus gratiam, quæ mandata possibilia fiant, quod universè sumptum Calvini hæresim repræsentat, SS. Concilii Tridentini anathemate damnatam: *Si quis dixerit Dei præcepta homini, etiam justificato & sub gratia constituto, esse ad observandum impossibilia, anathema sit.* Summus quoque Pontifex cum primam Propositionem damnaret, clarè innuit non à se alio sensu acceptam; cum dicat Propositionem se damnare jam anathemate damnatam, nimirum in Concilio Tridentino; *Anathemate damnatam & hæreticam declaramus, & uti talem damnamus.* Certum est autem, etiam teste Bellarmino Cardinali, non aliud anathemate hoc Tridentino perculsum, quam quod hæretici asseriebant, numquam justis eam adesse gratiam quâ divina præcepta implere possent; sed quicquid agerent illi sanctius, id pro peccato, vel lethali, vel certè veniali, habendum esse. Nihil verò cum doctrina summorum Pontificum sanctorumque Patrum, quam epistola mea exhibuit, error impius commune habere potest, cum hoc solum Patres statuunt, quosdam justos ita aliquando

zentari, ut illis gratia ad superandam tentationem necessaria desit. Absit autem hæc à cuiusvis Theologi mente suspicio, ut putet sententiam à summo Pontifice erroris, impietatis, Calviniani anathematis notâ inultam, eandem esse cum veritate catholica, quam Romanorum Pontificum & SS. Patrum perpetuus consensus astruxit. Quam qui negat, non satis se ipse consulit, nec satis attendit, quid quotidie in Oratione Dominica dicat his verbis: *Ne nos inducas in tentationem*; id est, inquit Augustinus Ep. 157. c. 2. n. 5. *Ne nos inferri deferendo permittas*. Nam cum ex una parte nihil aliud his verbis postulemus, quam ut peccatorum tentationem superare possimus, sicut ait idem Doctor Epist. 177. n. 4. ex altera, nunquam tentatione vincitur quicumque sic orans exauditur. *Si quis enim*, ut inquit idem Augustinus Oper. imp. contra Julian. l. 1. c. 93. *exauditus fuerit in eo quod dicere iussi sumus, Ne nos inferas in tentationem, proculdubio nullâ decipietur insitiâ, nullâ cupiditate vincetur*. Ex quo manifestè concluditur iusto quem vis tentationis vicerit, efficacis gratiæ, quæ hac Oratione petitur vim illi non adfuisse quâ tentationem ejus præsidio re ipsa posset vincere. Prosper. Epigr. 48.

*In quo uno semper superat qui non superatur;*

*Quo dignante manum suldere, nemo cadit.*

Miror verò non parum, hanc mihi doctrinam crimini tribui,

quasi damnatam à summo Pontifice, & ab iis maximè reprehendi qui eam ipsam in Thesibus palàm in Sorbona ipsa propugnatis approbarunt. Cum enim Dominus Hallier Syndicatu fungetur, in Tentativæ Thesi, quæ 8. Jan. 1650. in Sorbona propugnata est, hanc ipsam doctrinam subscribendo comprobavit: *Non solum iusto, sed & fidei, præcepta impossibilia non sunt, nunquam etiam ulli fidei (F. infidei) impossibilia dici debent: Deus enim impossibilia non jubet. Aliquis tamen iustus non est aliquando ad præceptum servandum proximè, immediate & completè potens. Sana hæc est de Christi gratia efficaci doctrina, quam nemo erroris aut hæreseos rectè damnare potest*. Hactenus Thesis.

Thesis hæc à Dom. Hallier approbata tria asserit. 1. *Divina præcepta nec iusto nec fidei impossibilia dici debere, Deo impossibilia non jubente*. Hoc ipsum Pontifex primam propositionem damnando sancivit. Hoc & ego profiteor, neque in Epistola mea quicquam huic definitioni contrarium reperietur.

2. *Aliquos iustos non esse aliquando ad præceptum servandum proximè immediate & completè potentes*. Unde necessariò consequens est, ipso Domini Hallier, qui Thesim hanc approbavit, iudicio, propositiones has magno à se intervallo esse disjunctas: hanc nimirum, *Aliqua Dei mandata iusto esse impossibilia*: quod & in Thesi, & in Censura damna-

tur; & hanc alteram, *Aliquem justum non esse ad præceptum servandum proximè, immediatè, & completè potentem*: quod tunc locum tantum habere potest, cum gratia ad illud proximè & immediatè complendum necessaria deest. Nihil verò aliud habet Epistola, nihil scripsi, quàm justis aliquibus inter quotidiana pericula versantibus, non semper ad vincendas tentationes vim illam adesse, quam ea tantum largitur gratia quæ facit ut vincantur: Et hæc ipsa est vis immediata, proxima, & completa de qua in Thesi agitur. Quamobrem non video quâ ratione quod ex Patrum sententia dixi, de vi illâ proximâ quam gratia largitur; quæ quibusdam justis aliquando deest, cum eo confundi ullo pacto queat, quod in primâ Propositione de mandatorum impossibilitate damnatur.

3. Hanc doctrinam de gratia Christi efficaci, sine qua vis proxima deest quæ ad servanda mandata requiritur, sanam esse, nec à quoquam damnari posse erroris aut hæreseos. Ex quo efficitur Epistolam, quæ nihil aliud doceat quàm quod ipsa hæc Thesis doceat, nec erroneam, nec hæreticam judicari posse, ipso Domini Hallier judicio; & longè potiori jure ab ea propositione disjungendam, quam summus Pontifex hæreseos, impietatis & blasphemix damnavit.

Huic etiam doctrinæ subscript fit Dominus Grandin, cum esset Syndicus, in Thesi Tentativæ in

Sorbona propugnata die 19. Jan. anno 1651. Gratia illa per se efficax ita necessaria est, ut sine hac nullus unquam fidei, orationis, aut pietatis actus fiat, & voluntas nihil boni ad eternam vitam pertinentis velit & operetur. Illa dat completam & proximam potentiam ad bene agendum.

Si gratia efficax, secundum hanc Thesim à Domino Grandin approbatam, una ex parte ita necessaria est, ut sine hac nullus unquam fidei, orationis aut pietatis actus fiat; ex altera verò, proximam & completam potentiam dat ad bene agendum, nonne luce clarius est, justum qui gratia efficaci destitutus tentatione vincitur, non habuisse, ad illam superandam, potentiam illam proximam & completam, quæ à gratia efficace est. Non alio autem sensu, ut sæpius professus sum, intelligi volo quod è Patribus retuli, Petrum in præsumptionis poenam sibi relictum, non potuisse gravissimæ tentationi resistere.

Hæc sunt quæ super Juris Quæstione pro angustia temporis exarare mihi licuit: quæ vos etiam atque etiam rogo, ut benignis auribus & mentibus accipiatis. Quæ quamvis omnia, ni fallor, clarè à me ac liquidò explanata sunt; tamen si adversus hanc Epistolæ meæ propositionem quæ reprehenditur, aliquid etiam aliud obijciatur, supplex postulo à vobis, ut mihi significare & communicare non dedignemini.

Superest Quæstio facti, quam

in præcedenti occupatus pertrahere non potui, sed leviter tantum perstringere coactus sum. Pro re igitur impræsentiarum pauca dicam, quæ tamen quantum mihi persuadeo, ad hujus facti invidiam à me depellendam sufficient. Unum velim attendatis, si placet, totum illud defensionis genus non voluntatis fuisse, sed necessitatis. Qui enim post Constitutionem Innocentii X intra religiosum silentium continere me decreveram, meque etiam diutissimè reverà continui, non potui, Catholicus Sacerdos ac Theologus, intentatam mihi ab adversariis hæreseos calumniam tacitus prætermittere. Ea autem erat hominum cum quibus res agebatur importunitas, ut vellent me convictum hæreseos, nisi palàm ac publicè profiterer, Quinque illas propositiones damnatas totidem verbis in Jansenii Augustino reperiri. Ego verò, qui jam silere non poteram, ram iniquæ accusationis mole oppressus, sic tamen

scripsi, ut sua Constitutioni Apostolicæ reverentia facta rectaque remaneret, invidia omnis in adversarios redundaret, quos tantum hæc tam necessaria responsione repellerem, à contumeliâ Episcopis inferendâ, & facto, & animo alienissimus. Si à nobis pro fabricatis semper habitas dixi, de Illustrissimis Præsulibus nullatenus cogitabam, sed respiciebam ad ea tempora quæ Constitutionem Innocentii præcesserunt, ne quis adhuc iniquissimè diceret hanc à nobis usurpari cœptam esse responsionem, cum illas primùm Apostolica Sedes damnavit.

Hæc raptim, & eo tantum consilio, ne hanc defensionis partem penitus omisisse videar, quam, si tempus mihi à Facultate concedatur, ut ab ejus benignitate expecto, tam ab omni temeritatis suspitione immunem præstabo, quam me & anteaactæ vitæ ratio, & Scripta hætenus in lucem emissâ, Episcopalis dignitatis observantissimum demonstravêre,

## V.

## SCRIPTI PARS ALTERA.

Ad Sacram Facultatem Parisiensem, in Sorbona Congregatam, die 10. Decembris anni 1655.

*Venerando Domino Decano & Sapientissimis Viris  
Sacra Facultatis Theologia Parisiensis Doctoribus  
Ant. Arnaldus Doct. ac Socius Sorbonicus.*

**Q**UAM in Scripti mei ad vos missi priori parte, quæ juris & doctrinæ erat, audiendâ benignitatem mihi exhibuistis, Sapientissimi Viri; eandem & in posteriori, quæ tacti est, vos supplex oro ut mihi exhibere non dedignemini. Quod ut etiam præstetis facilius, eam quàm brevissimè fieri potest expediam. Atque ut in priori notatum Epistolæ meæ loeum ab omni, quantum reor, erroris aut hæreseos labe vindicavi; ita & in hac posteriori nonnulla Epistolæ meæ loca ab omni vel in Apostolicam Sedem, vel in Episcopalem Ordinem petulantiae ac temeritatis suspicione me vindicaturum, Deo juvante, confido.

## LOCUS PRIMUS.

Page 49.

„**P**ROBè intellexit Vir Præno-  
„bilis per ejusmodi proba-  
„tionem modestiæ ac moderatio-  
„nis suorum amicorum palàm fie-  
„ri, quod cum puram putamque  
„S. Augustini doctrinam defendis-  
„sent, non verò damnatas istas  
„propositiones, quas semper cen-  
„suerunt confictas ab illorum dog-  
„matum propugnatoribus, quæ  
„Augustinianis adversantur &c.

Quantum hic locus ab omni in summum Pontificem injuria sit alienus; clarissimum profectò esset, nisi quæ ad ipsius marginem adnotaram, disquisitoribus, cum eum exscriberent, rescare placuisset. Ibi enim mihi tantum in animo erat, ut breviter & quasi obiter uni è scriptoribus prioris Epistolæ meæ impugnatoribus responderem, qui S. Augustini discipulos doli cujusdam & fraudulentæ coarguit, quasi propositiones quinque, quas antea

\* Ce Seigneur a fort bien jugé, que cette épreuve de l'humilité, & de la moderation de ses amis justifioit, que n'a ant défendu que la pure doctrine de S. Augustin, & non ces propositions condamnées, qu'ils ont toujours regardées comme forgées par les partisans des sentimens contraires à ceux de ce grand Docteur.

tutabantur, tum demùm damnare cœperint, cùm eas primùm à summo Pontifice damnatas audire. Sic enim habet Autor ille in Libello, cui titulus est: *Lettre d'un Docteur Catholique à une Dame de condition: Depuis la publication de la Bulle, ils s'aviserent d'une autre désaite, pour effacer la persuasion & la creance commune qu'on avoit qu'ils étoient condamnés. Ils commencerent de dire que ces Propositions avoient été forgées à plaisir.*

Cùm igitur hanc fallaciæ suspicionem à S. Augustini, candoris amantissimi, discipulis propulsare conarer, verba hîc subiecta è libello quatuor annis ante Constitutionem edito, ad loci hujus marginem apposui, quibus quinque illas Propositiones, non demùm post Pontificiam Constitutionem, sed ubi primùm Sacræ Facultati oblatæ sunt, Domino Cornet ut earum autori attributas esse constaret. \* "Res S. Facultati in ultimis Comitiis per illius Syndicum proposita &c. "Hoc sibi in animum, proprio nutu, à nullo requisitus induxit, "ut nonnullas propositiones, quas vellet, quomodo vellet proprio Marte & Ingenio procuderet. Ita Libellus, cui titulus: Animadver-

siones in consilium à M. Nicolao Cornet, S. Facultatis Syndico initum in Comitiis 1. Julii habitis 1649. Parisiis excusæ ejusdem anni mense Augusto. Non ergo hîc agitur de re ullâ quæ ad summum Pontificem spectet: agitur de re privatâ, de re gestâ: Utrùm S. Augustini discipuli fraudulenter egerint, & quod antea tutabantur, postmodùm abjicere & condemnare cœperint, Crimen hoc, quod ipsis à scriptore illo intentatum fuerat, libelli ad marginem adscripti certissimâ autoritate revincitur. Nihil hoc ad debitam Sedi Apostolicæ reverentiam; nihil ad Constitutionem Pontificiam, quæ quatuor demùm post annis in lucem prodit. Si ergo, quid hîc dicatur, & cur dicatur, expendatur attentius, nemo quantum opinor, hoc in loco Pontificiam Majestatem, vel Illustrissimos Antistites minùs me coluisse atque observasse suspicabitur.

## LOCUS SECUNDUS.

Page 130.

† E Ccur ergo, inquiunt, gemina pro Jansenio Apologia conscripta fuit? Nimirùm, quia visum est interesse plurimū

D

&amp;

\* La proposition qui a été faite à la Faculté dans la dernière Assemblée par son Syndic, &c. Il s'est avisé de lui-même, sans en être requis de personne, de former de sa tête des propositions telles qu'il lui a plu. In Libello qui titulus, Considerations sur l'entreprise faite par M. Nicolas Cornet, Syndic de la Faculté de Theologie de Paris, en l'Assemblée du premier Juillet 1649. imprimées à Paris au mois d'Aout de la même année 1649.

† Mais pourquoi donc, disent-ils, a-t'on fait deux Apologies pour



„ & gloriæ Dei & honori Ecclesiæ,  
 „ ne certissima & inconcussa Au-  
 „ gustinianæ doctrinæ capita sub  
 „ Iansenii nomine pro impijs &  
 „ hæreticis dogmatibus, in publi-  
 „ cis Ecclesiarum pulpitis impunè  
 „ traduci sinerentur; ne eadem fi-  
 „ ctiorum Conciliorum anathe-  
 „ matibus, ineptis argumentis per  
 „ crassam Historiæ Ecclesiasticæ  
 „ ignorantiam confictis, autori-  
 „ tatibus Scripturæ vel in litera  
 „ falsatis, vel in sensu adulteratis  
 „ proscriberentur; ne demùm hæ-  
 „ reses erroresque plurimi Epif-  
 „ copo Catholico, ab iis alienissi-  
 „ mo, adscribi permetterentur.

Illas pro Iansenio Episcopo  
 Iprensi Apologias ad Pontificiæ  
 Constitutionis contemptum trahi,  
 mirum profectò videri potest.  
 Sunt enim octo & ampliùs annis  
 ante Constitutionem editæ; nec  
 in illis de propositionibus à Sede  
 Apostolicâ damnatis agitur, quæ  
 necdum Facultati oblata, multò  
 minùs Romæ damnatæ erant.  
 Præterea, quæ in illis Apologiis  
 tractantur, à præsentibus con-  
 troversis ferè aliena sunt; qualis  
 est immobilis gratuitæ prædesti-  
 nationis veritas, tot summorum  
 Pontificum, sanctorum Patrum,  
 & recentiorum etiam Theologo-

rum autoritatibus approbata.  
 Enimverò in Epistolâ meâ pro-  
 fessus sum, me nulli privato  
 Theologo, ut nec Iansenio esse  
 addictum; damnatasque proposi-  
 tiones quinque, ubicumque, sive  
 apud Iansenium, sive apud alterum  
 repertæ fuerint, ex animo  
 me condemnare. Ubi de divina  
 gratia agitur, inter cæteros Pa-  
 tres Augustino potissimùm adhæ-  
 rescere didici; ac ne ipsi quidem  
 ut Augustinus est ac privatus Do-  
 ctor, sed ut ab Ecclesiâ universâ,  
 & præsertim à Romanâ omnium  
 Matre & Principe, in hoc argu-  
 mento, cæteris omnibus Patri-  
 bus, perpetuâ Patrum, Conci-  
 liorum, ac Pontificum consen-  
 sione Prælatus est. Quæ igitur in  
 Epistola mea docui, ex Epistola  
 ipsa, non ex interposita aliunde  
 Iansenii, de quo non agitur, no-  
 minis invidiâ dijudicanda sunt.  
 Quare cùm locus iste de Apolo-  
 giis illis, neque ad summum  
 Pontificem, neque ad Pontificiam  
 Constitutionem, quæ tot postea  
 annis prodiiit, ullo modo perti-  
 neat; qui ipsum diligentius per-  
 spexerit, debitum certè Aposto-  
 licæ Sedi honorem ac reveren-  
 tiam in me, ni fallor, haud de-  
 siderabit.

## L O-

*Jansenius? Parce qu'on a crû qu'il y alloit de l'interêt de Dieu, & de l'honneur de l'Eglise, de ne pas souffrir que sous le nom de Jansenius, on fit passer en pleine chaire les plus constantes maximes de la doctrine céleste de S. Augustin, pour des impietéz & des heresies: qu'on les combatît par des Anathemes de faux Conciles, par des ignorances grossieres dans l'histoire Ecclesiastique, par des passages de l'Ecriture, ou falsifiéz dans les paroles, ou corrompus dans le sens: & qu'on imposât en plusieurs points des heresies & des erreurs à un Evêque qui a été très-éloigné de les enseigner.*



## LOCUS TERTIUS.

Page 149.

„\* **P** Ost tot Historiæ Ecclesiæ-  
 „sticæ exempla, quisquam-  
 „ne erit Vir Illustrissime, tam pa-  
 „rum æquus, tam ipsi rationi ad-  
 „versus, qui sibi facile persuadeat,  
 „ad hoc ut nonnulli Theologi pro  
 „hæreticis, excommunicatis & ab  
 „Ecclesiæ unitate segregatis ha-  
 „beantur, hoc unum sufficere,  
 „quod cum catholici cujusdam  
 „Scriptoris librum accuratè per-  
 „legerint, nec in eo invenerint  
 „propositiones nonnullas, ipsi post  
 „mortem adscriptas in prævia A-  
 „postolicæ Constitutionis exposi-  
 „tione, testari, prohibente con-  
 „scientia, non possunt easdem  
 „propositiones illo libro contine-

„ri. Quasi verò mera facti quæ-  
 „stio, cujus testes iudicesque sunt  
 „oculi, in articulis fidei censeri  
 „possit, quos certum est nisi reve-  
 „latione divina constare non pos-  
 „se: aut hæc justa causa sit crimi-  
 „nis hæreseos impingendi Theo-  
 „logis Catholicis, qui quidquid  
 „in ea Constitutione ad fidem  
 „pertinet ultrò amplectuntur,  
 „nec in eo quidem capite quod  
 „factum spectat opinioni suæ per-  
 „vicaciter adhærent, parati ab  
 „illa discedere, cum primùm ip-  
 „sorum oculis eadem propositio-  
 „nes in eo libro legendæ à quovis  
 „subjectæ fuerint. Quæ quidem  
 „res omnium facillima, si verè ex  
 „illo excerptæ propositiones;  
 „contra verò, omnium difficilli-  
 „ma ac etiam impossibilis, si re-

D 2

vera

\* *Après tous ces exemples de l'Histoire Ecclesiastique, se pourra-t'il trouver, Monseigneur, quelqu'un assez déraisonnable & assez injuste pour s'imaginer, que parce que des personnes ayant lû un livre avec soin, & n'y ayant point trouvé des propositions qui sont attribuées à un Auteur Catholique, après sa mort, dans l'exposé de la Constitution d'un Pape, ne peuvent déclarer contre leur conscience qu'elles s'y trouvent, quoi qu'en même tems il les condamnent en quelque livre qu'elles se trouvent; ce soit un prétexte suffisant de les traiter d'hérétiques, d'excommuniés, & de retrancher de l'unité de l'Eglise, comme si un point de fait, dont les yeux sont juges, pourroit être un point de foy, qui ne peut être établi que sur une revelation divine, & une cause légitime d'accuser d'hérésie des Theologiens Catholiques, qui embrassent tout ce qui concerne la foy dans cette Constitution, & qui dans ce point de fait même ne sont point opiniâtres, étant prêts de se rendre aussi-tôt qu'on leur aura fait lire ces propositions dans le livre d'où l'on dit qu'elles ont été tirées: ce qui doit être la chose du monde la plus facile, si elles en ont été véritablement tirées; comme au contraire, la plus difficile & même impossible, si elles n'y furent jamais. Et cependant quand on supposerait même qu'ils se trompent dans ce point de fait, n'est-il pas visible, Monseigneur, qu'on ne leur pourroit reprocher en aucune sorte d'être hérétiques, ou de blesser la foy de l'Eglise: mais seulement de n'avoir pas de si bons yeux, ou de n'entendre pas si bien le Latin, que ceux qui soutien- droient le contraire?*

vera nunquam in eo jacuerunt.  
 Sed enim hoc etiam supposito,  
 ipsos in hac facti quæstione opi-  
 nione sua falli, an non luce  
 meridiana clarius est, Vir Il-  
 lustrissime, ipsis propterea no-  
 tam hæresis nulla ratione inuri  
 posse, nec violatæ fidei Ecclesiæ  
 crimen impingi; sed hoc unum  
 obijci, ipsos non adeò perspicacibus oculis aut tanta linguæ latinx peritia pollere, quàm qui  
 aliter sentiunt.

Si temperantiam & moderationem, quam super Quinque Propositionum autore servare decreveram, perpetuò retinere licuisset, jam verba hæc mihi in Epistolâ meâ tutanda non essent, quæ à me nunquam scripta fuissent. Statueram enim, quod etiam multo tempore, & quamdiu licuit præstiti, quicquid de hac facti quæstione, vel à Christi Vicario, vel ab Illustrissimis Antistitibus dictum, atque expositum fuisset, perpetuâ religiosi silentii reverentiâ honorare. Verùm ab hoc tacendi consilio, quod voluntate susceperam, autorum nonnullorum vehementia & atrocitas, ipsa fidei atque innocentie meæ adversus eorum obrectationes defendendæ necessitas, vel invitum me ac reluctan-tem abduxere. Cum enim illi me, ut anathemate percussus, ab Ecclesia extorrem, & planè hæreticum ab omnibus habendum, libellis publicis infamarent, nisi quinque illas propositiones in Jansenii libro reperiri profiterer; ea illis respondere coactus sum,

quæ quamvis, nisi à sinceri animi candore discederem, aliter loqui non possem, multò magis tamen, si fas fuisset, reticere maluisssem. Quod si qua mihi inter scribendum vocula elapsa est, quæ à me adversus accusatorum meorum vim inconsultam, ad necessariam & me invito susceptam fidei meæ defensionem directæ, aliò, quò certè non cogitaram, trahi posse videatur; Illustrissimos Ecclesiæ Principes supplex orò atque obtestor, ne me propterea debitum, vel Pontificiæ Majestati, vel Episcopali dignitati cultum atque obsequium ulla in re, non dicam lædere, sed prætermittere voluisse existiment. Quam enim sincerè, atque ex animo Episcopalem semper Ordinem coluerim, quàmque ad sacram Ecclesiæ Hierarchiam non honorandam modò, sed & si per virium tenuitatem liceret, aliquo modo tuendam, propensus fuerim, satis opinor mea omnis antea acta vita declarat. Præterea tot nominibus Illustrissimorum Antistitum Ordini devinctus sum, tantamque à sacrâ illorum purpurâ & gravissimâ auctoritate, adversus nonnullorum Opusculorum meorum impugnatores, opem ac præsidium sum expertus, ut nisi in augustissimum eorum Collegium præcipuo quodam amore ac reverentia affectus essem, non modò pietatis ac religionis, sed & mei ipsius ac beneficiorum acceptorum non satis memor videri possem.

## LOCUS QUARTUS.

Page 152.

„**Q**ua verò æquitare istud  
 „possit asseri, hanc justam  
 „inurendæ alicui Catholico notæ  
 „hæreseos causam esse, quod vel  
 „dubitet, vel modesto se silentio  
 „contineat, vel reverenter refu-  
 „giat attestari aliquas propositio-  
 „nes, nonnulli Ecclesiæ Catho-  
 „licæ Episcopo in Pontificia Con-  
 „stitutione post mortem adscrip-  
 „tas, verè illius esse, quia nimi-  
 „rum Catholico illi librum Epif-  
 „copi accuratè legenti non oc-  
 „currerunt: præsertim cum idem  
 „ille suam conscientiam non pro-  
 „dere, aut oculorum suorum te-  
 „stimonio non reluctari conten-  
 „tus, in mæsa scilicet facti quæ-  
 „stione, ab omni circa ipsum  
 „factum contentione abstine-  
 „re paratissimus sit, ac etiam  
 „suum hunc sensum reverenti  
 „silentio obtegere: quo quidem  
 „obsequio nullum unquam reli-  
 „giosius in rebus facti exhibitum  
 „est Conciliis etiam œcumenicis.

Quæ ad loci præcedentis ex-

planationem dixi, hoc ipso Epi-  
 stolæ meæ loco, quantum exilti-  
 mo, illustrantur multum & con-  
 firmantur. Fidei enim meæ ad-  
 versus inconsideratorum scripto-  
 rum criminationes asserendæ ne-  
 cessitate compulsus, quam parçè  
 tamen ac moderatè locutus sim,  
 verba quæ hîc citantur luculen-  
 ter ostendunt. Quibus hîc à suo  
 corpore avulsis, ut ex ipsa con-  
 textus serie ac tenore sua lux ac  
 perspicuitas restituatur, aliqua  
 è superioribus hîc mihi repræ-  
 sentanda videntur.

† „Si enim Jesuitæ, qui pa-  
 „lâm asseruerunt Marcelli Ancy-  
 „rani libros, tametsi erroribus  
 „& hæresibus scatentes, approba-  
 „tos esse, ut fidei consonos, ab  
 „uno è Romanis Pontificibus &  
 „una œcumenica Synodo, nihilo  
 „minùs Catholici habentur: Si  
 „alii Jesuitæ, nonnullique ante  
 „ipsum Catholici contenderunt  
 „scriptorem aliquem, post mor-  
 „tem toto orbe damnatum, ab-  
 „solvî posse, ut de Origene scrip-  
 „sit S. Hieronymus: Si insuper  
 „postquam Concilium œcume-  
 „nicum sanxit, ut quicumque

D 3

Ori-

\* Avec qu'elle justice pourroit-on prétendre, que le doute, ou l'humble silen-  
 ce & la retenue d'un Catholique, à déclarer que des propositions qui sont attribuées,  
 dans la Constitution d'un Pape, à un Prelat de l'Eglise après sa mort, soient vé-  
 ritablement de lui, n'ayant pû les y trouver, soit un legitime prétexte de le trai-  
 ter d'hérétique, lors même que se contentant de ne pas agir contre sa conscience,  
 & contre le témoignage de ses yeux en un point de fait, il est résolu de s'abstenir  
 de toute contestation sur ce fait même, & d'y garder un silence respectueux,  
 qui est la plus grande soumission, qu'on doive aux Conciles même Œcumeniques  
 dans ces faits particuliers.

† Car si les Jesuites, qui ont soutenu que les livres de Marcel d'Angory, rem-  
 plis d'erreurs & d'heresies, ont été approuvez comme orthodoxes par un Pape &  
 par un Concile general, ne laissent pas d'être catholiques: si d'autres Jesuites &  
 divers auteurs Catholiques avant eux ont prétendu qu'on pouvoit absoudre un

„Origeni anathema nondixerint,  
 „anathemati ipsi subijciantur,  
 „non tamen catholici esse desie-  
 „runt qui libros hoc titulo insig-  
 „nitos scripserunt: *Origenes de-*  
*sensus, De Origenis salute*: Si quin-  
 „tum Concilium generale puta-  
 „vit damnari à se posse, ut impiam,  
 „Episcopi in Ecclesiæ sinu mor-  
 „tui Epistolam, sine ulla injuria  
 „Calchedonenſis Concilii œcu-  
 „menici, in quo eadem hæc Epi-  
 „stola coram universa Synodo le-  
 „cta fuerat, sine ulla ejusdem of-  
 „fensione vel censura: Si Pelagius  
 „Papa II. nihil Conciliorum œ-  
 „cumenicorum autoritati con-  
 „trarium protulit, cum de eodem  
 „argumento hæc scripsit: *Specia-*  
*lis Synodaliſium Conciliorum causa*  
 „est fides. Quidquid ergo præter fi-  
 „dem agitur, nihil obstat si ad judi-  
 „cium revocetur: Si Jesuitæ non-  
 „nulli aliique Theologi sibi lice-

„re putaverunt Theodoretī libros  
 „ut orthodoxos defendere, serva-  
 „to Catholico nomine, tametsi  
 „Episcopi illius, inter Ecclesiæ  
 „Græcæ proceres præstantissimi,  
 „libros ritè discussos post mor-  
 „tem ejus ut impios proſcripserit  
 „Concilium ex œcumenicis u-  
 „num: Si demum trium Conci-  
 „liorum generalium anathemata,  
 „duorumque Pontificum senten-  
 „tiæ, quibus Honorii Papæ Epi-  
 „stolæ post ejus mortem ut hære-  
 „ticæ damnatæ sunt, ipseque hæ-  
 „reticis annumeratus, non pro-  
 „hibuerunt ne tres Eminentissi-  
 „mi Ecclesiæ Romanæ Cardina-  
 „les, pluresque alii Theologi,  
 „integrum sibi esse putaverint,  
 „non personæ tantummodò il-  
 „lius Pontificis defensionem sus-  
 „cipere, sed ejus etiam Epistolæ  
 „ab omni errore puras asserere,  
 „&c.

Igitur

autent condamné depuis sa mort dans toute la terre, Toto orbe damnatum, comme saint Hierôme dit d'Origene: Et si encore qu'un Concile general ait dit: Anatheme à ceux qui n'anathematizeront pas Origene, ils n'ont point cessé d'être catholiques, pour avoir publié des livres qui portent pour titre, La défense d'Origene, Origenes defensus, & le salut d'Origene. Si le V. Concile general crut pouvoir condamner comme impie une lettre d'un Evêque mort catholique, sans faire tort au Concile œcumenique de Calcedoine, où cette même lettre avoit été lue publiquement sans avoir été marquée d'aucune censure. Et si le Pape Pelage II. n'a rien avancé de contraire à l'autorité des Conciles œcumeniques, lors qu'il a dit sur ce sujet: Specialis Synodaliſium Conciliorum causa est fides: Quidquid ergo præter fidem agitur, nihil obstat si ad judicium revocetur: Que la foy est le sujet particulier pour lequel on assemble les Conciles; c'est pourquoy tout ce qui s'y resout hors la foy, peut être examiné & jugé de nouveau. Si les Jesuites & d'autres Theologiens ont crû pouvoir, sans cesser d'être catholiques, soutenir comme orthodoxes les écrits de Theodoret, l'un des plus sçavans Evêques de l'Eglise Grecque, qu'un Concile general, tenu après sa mort, a condamné comme impies après les avoir examinés. Et si nonobstant les anathemes de trois Conciles generaux, & les condamnations de deux Papes, qui ont déclaré hérétiques les lettres du Pape Honoré après sa mort, & l'ont mis lui-même au nombre des hérétiques; trois Cardinaux & beaucoup d'autres Theologiens croient avoir droit de justifier, non seulement la perſonne de ce Pape, mais aussi ses lettres comme exemptes de toute erreur, &c.

Igitur Epistolæ meæ verba, ut cum istis quæ antecedunt connexa sunt, ita cum his legi ac dijudicari debent.

„ Qua verò æquitate istud possit  
 „ asserti, hanc iustam inurendæ ali-  
 „ cui catholico notæ hæreseos cau-  
 „ sam esse, quod vel dubitet, vel  
 „ modesto se silentio contineat, vel  
 „ reverenter refugiat attestari aliquas  
 „ propositiones, nonnulli Ecclesiæ  
 „ Catholicæ Episcopo in Pontificia  
 „ Constitutione post mortem ad-  
 „ scriptas, verè illius esse, quia ni-  
 „ mirum Catholico illi Librum E-  
 „ piscopi accuratè legenti non oc-  
 „ currerunt: præsertim cum idem  
 „ ille suam conscientiam non pro-  
 „ dere, aut oculorum suorum testi-  
 „ monium non reluctari contentus,  
 „ in mera scilicet facti quæstione,  
 „ ab omni circa ipsum factum istud  
 „ contentione abstinere paratissi-  
 „ mus sit, ac etiam suum hunc sen-  
 „ sum reverenti silentio obtegere:  
 „ quo quidem obsequio nullum un-  
 „ quam religiosius in rebus facti ex-  
 „ hibitum est Conciliis etiam œcu-  
 „ menicis.

Præterea, quod diligenter animadvertendum est, hic agitur tantum de illa juris Ecclesiastici quæstione: An qui debitet de facto aliquo in Pontificia Constitutione exposito, ob id unum censeretur debet hæreticus, & à Christi corpore segregatus. Negavi ego, tot exemplorum autoritate & omnium Theologorum consensione permotus. In re igitur ipsa nihil à me peccatum est, ac ne in verbis quidem; quæ

ut hic exhibentur, planè innoxia, & religiosæ modestiæ plena, quivis profectò facillè recognoscit.

Hæc ad ea quæ in Epistola mea notata sunt, quam candidissimè ac verissimè potui, si minùs diligenter, saltè pro temporis brevitate notavi. Vos autem, Sapientissimi Viri, supplex oro & obtestor, ut pro vestra pietate, eruditione, ac providentia, quæ à me sunt vobis representata, dispicere atque expendere dignamini. Non postulo ut propter me veritas lædatur; sed ut ne quodammodo in me læsa videatur. Nolite quæso sinere ut mihi criminis detur, quod sententias, ac verba mea, è sententiis ac verbis ipsis sanctorum Patrum exprimere conatus sim, quodque in re facti, de qua interdum dubitari posse omnes Theologi consentiunt, si quis dubitet, erroris aut hæreseos notà percelli non idèò debere docuerim. Mihi autem, ad sic modò Dei gratia, quicquid vel nunc vel olim accadat, & Petri Successorem Christi Vicarium, & Illustrissimos Ecclesiæ Præsules impensè observare ac venerari certissimum est. Christum verò, qui fons est omnis charitatis, rogo & deprecor, ut ipsius vos Spiritu regente, id in amplissimo confesui vestro decernatur, quod ad ipsius veritatis tutelam, ad animorum tranquillitatem atque concordiam, & ad nobilissimi Corporis vestri, cui me quamvis indignum ac debile membrum adsciscere dignati estis, honorem redundet & gloriam.

*Sic subscriptum*

ANTONIUS ARNALDUS,  
 Doctor ac Socius Sorbonicus.

# EPISTOLA

## ET ALTER APOLOGETICUS

### ANTONII ARNALDI

#### DOCTORIS ET SOCIÏ SORBONICI,

*Ad Sacram Facultatem Parisiensem in Sorbonâ  
Congregatam, die 17. Jan. an. 1656.*

## MONITUM

Ubicumque aio gratiam alicui deesse sine qua tentatio  
vinci non potest, de ea semper id potestate intelligi  
volo, ut sæpè significavi, quam proximam, imme-  
diatam, & expeditam Theologi appellant; & de eâ  
tentationis victoriâ quæ salubris sit & secundum Deum.

*Venerando Domino Decano & Sapientissimis Vi-  
ris S. Facultatis Parisiensis Doëtoribus.*

**P**ropositionem Epistola mea, qua juris & doctrina est,  
cùm in amplissimo cœtu vestro nunc primùm expen-  
dendam ac dijudicandam acceperim, Viri sapientissi-  
mi, hunc Apologeticum, in ejus defensionem à me conscrip-  
tum, vos oro atque obtestor ut benigne accipere dignemini.  
Reumenim audiri, & ea omnia quibus sublevari posset atten-  
di, cùm justitia humana præcipit, tum materna Ecclesiæ  
indulgentia etiam hostibus suis, nedum filiis, ultrò semper  
ac libens obtulit. Hanc igitur loci qui in epistola mea repre-  
henditur defensionem, si antequàm de doctrina ipsa statua-  
tur, ut vestra me benignitas sperare jubet, expendatis, om-  
nes illas quibus locus ille hætenus exagitatus est difficulta-

tes explanatas in ea, ni fallor, ac dissolutas reperietis. Cum enim nihil sit in propositione mea quod culpari queat, nisi vel verba vel sensus; intelligetis profectò, verba si reprehendantur, non mea, sed Clarissimorum Ecclesie Doctorum Chrysostomi & Augustini, è quibus ea mutuatus sum, verba reprehendi: si autem sensus arguatur, meum certè sensum, meam mentem, non ab alienis, sed à meipso solo, prater Deum, cordis atque intentionis mea teste atque interprete esse repetendam. Quare jam totum loci hujus epistolæ meæ judicium partim è SS. illorum Patrum autoritate, ubi verba mea, partim ex Apologetici hujus inspectione, ubi sensus meus continetur, pendeat necesse est. Cum enim in hac causa, non de persona, sed de una propositione meâ Facultas sententiam ferre decreverit; à doctrina quam ipsa propositio exhibet, ad alias controversias me deduci, prater omnem equitatem est. Declarationis præterea meæ, qua vel Summo Pontifici Christi Vicario, vel Illustrissimis Ecclesie Principibus quàm maximâ potui modestiâ atque animi submissione satisfacere curavi, rationem vos pro equitate ac benignitate vestra habituros spero, ac in cujusvis è Facultate nostra Doctoris potestate futurum, ut quid de ea sentiat, pro usitata semper in Comitibus nostris consuetudine pronuntiet. Si enim hominis qui incusatur vocem omnem, quâ se purgat, homines omnes, qui modò se homines, nedum Christianos ac Sacerdotes meminerunt, cum aliqua miseratione ac propensa voluntate suscipiunt, durius sanè & immisericordius videatur, si unius è fratribus vestris, etiam cum se quàm humillimè potest demittit, vox inaudita repudietur.

Obsequentissimus Vester

ANTONIUS ARNALDUS,  
Doctör ac Socius Sorbonicus.

Die 16. Januarii,  
An. S. 1656,

## ANTONII ARNALDI

DOCTORIS ET SOCIJ SORBONICI

## APOLOGETICUS ALTER,

*Ad Sacram Theologiæ Facultatem Parisiensem.*

**A**pologetico scripto ad loci unius, qui in Epistolâ meâ noratus fuerat, doctrinam illustrandam ac defendendam ad vos misso, VIRI SAPIENTISSIMI, existimaveram fore, quod & in hujusmodi fieri solet, ut Epistolæ meæ reprehensores, si à me dictis minùs assentirentur, rationes certè meas rationibus coarguere, & SS. Patrum testimonia à me allata vel aliter exponere, vel aliis impugnare, vel quoquomodo diluere, atque infirmare studerent.

Nunc verò aliud eos consilii cepisse, aliam planè viam instituisse accipio. Omissis enim quæ tractanda potissimùm & excutienda erant, nec Scripturarum oracula à me repræsentata advertere, nec sanctissimorum Ecclesiæ Doctorum placita attendere, ne dum perpendere dignati sunt. Quin & doctrinæ meæ argumenta à me producta, ipsi subterfugia appellare contenti, alia planè siluerunt, alia leviter tantùm perstrinxerunt, & à re quâ de agitur, ad aliena digressi sunt.

Ut igitur eundem Epistolæ meæ locum de integro tuear, tria hîc faciam. Primùm quidem commemoratis iis quæ illi vix, aut ne vix quidem attingenda putarunt, aperiâ eam, quæ ut vera & orthodoxa sponte confessi sunt. Deinde ex iis quæ vel silentio suo sibi ineluctabilia declaravêre, vel suâ sponte concessêre, ea quæ negant, certissimè consequi, planum facere ac demonstrare conabor. Denique locum illustrem Cardinalis Bellarmini de præceptorum impossibilitate per Tridentinam Synodum damnatâ, quem à me in priori scripto citatum Inquisitores falsi atguerunt, ab eorum reprehensione vindicabo.

## S E C T I O P R I M A.

*Quæ à Disquisitoribus vel de industriâ prætermissa sunt, vel leviter perstricta, vel ultro concessa, recensentur.*

## OBSERVATIO I.

**P**ropositionem in Indiculo notatam, non meam esse, sed

Chrysostomi & Augustini; & eam quidem ex illorum non sensibus modò, sed & verbis ipsis expressam,



sam, priori meo Scripto liquidò demonstravi. Reprehensores autem mei cum à me rogati essent, ut quâ in re sententia mea quam inculant, à Chrysostomi & Augustini sententiâ discreparer, aperire dignarentur, solum mihi silentium opposuerunt, ac de re tantâ, in quâ quæstionis cardo vertitur, tacere compulsi sunt.

Nôrant videlicet ea quæ planè similia sunt, sese dissimilia efficere non posse, nec in iis tergiversationi locum esse, quæ per se splendidissima sunt, atque oculorum ipsorum testimonio explorantur. Conferantur enim hæc tria inter se Epistolæ meæ loca, & ipsi oculi judicent num inter illa quicquam discriminis sit.

*Augustinus in Epistola laudatus, pag. 220.*

Quid est enim homo SINE GRATIA DEI, nisi quod fuit Petrus cum negaret Christum. Et ideo B. Petrum paululum Dominus subderuit, ut in illo totum hominum genus posset agnoscere, NIHIL SE SINE DEI

GRATIA PRÆVALERE.

*Chrysostomus in Epist. laudatus, pag. 226.*

Casus Petri non frigiditate, sed SUPERNI AUXILII DERELICTU CONTIGIT.... Illa negatio non tam erat socordiz & negligentiz, quàm ex eo quod eum Deus deseruerat, crudiens eum, ut humanam sciret mensuram..... Et sciet quod ABSQUE DEO NIHIL POTEST FIERI.

*Autor Epistolæ hæc eadem Patrum illorum verba repetens, pag. 226.*

SS. Patres nobis in B. Petro exhibent hominem justum, cui GRATIA SINE QUÀ NIHIL POSSUMUS, DEFUIT.

*Les Peres nous montrent un juste en la personne de S. Pierre, à qui LA GRACE SANS LAQUELLE ON NE PEUT RIEN A MANQUER.*

## OBSERVATIO II.

Quis sit sensus horum Epistolæ meæ verborum; *La grace sans laquelle on ne peut rien*, quàmque ex iis colligi minimè possit, Petrum omnis omnino gratiz quâ quicquam posset, expertem fuisse, jam cuivis, quantum opinor, manifestissimum est. Luculenter enim ostendi, cum de gratiâ loquens, post Chrysostomum & Augustinum, epitheti vice subjungo: *Gratia sine quâ nihil possumus*; exprimere me quod à Christo dictum est; *Sine me nihil potestis fa-*

*cere*; & quod à Cœlestino Pontifice in Epistolâ ad Gallos cap. 9. *Quia per illum aliquid possumus, sine quo nihil possumus*. Has verò loquendi formulas cum pro subiectâ materiâ intelligi debere nemo nesciat; neque hic de quavis gratiâ disputeim, sed de illâ tantum gratiâ efficaci quæ Petro necessaria erat, ut ex vero pietatis affectu tam gravem tentationem superare cum effectu posset; cum de illo dico post Chrysostomum, defuisse ei gratiam sine quâ nihil possumus, obvium & planum pro-

propositionis meæ sensum esse; defuisse ei gratiam illam, sine quâ nihil poterat, quod ad vincendam reipsâ tentationem illam attinet.

Facile enim videre est, iis in verbis involutam ejusmodi argumentationem latere: Sine gratiâ, teste Christo, nihil possumus: At, ex Chrysostomo, Augustino, cæterisque Patribus, Gratia Petro in tentatione defuit: Ergo Petrus, sibi ipsi relictus, tentationem superare non potuit; sive, ut ait Hilarius in Psal. 52. n. 12. *Responsionis non potuit tenere constantiam.* Quemadmodum si quis ita loqueretur: Christo confortante me, in quo secundum Apostolum, omnia possumus, ab illâ me tentatione expedivi; nemo sanus inde concluderet, eum qui sic loqueretur, quidvis agendi potestatem sibi arrogavisse, sed tantum illam tentationem superandi, eoque illum argumento usum. Omnia, teste Paulo, in eo possumus qui nos confortat: At in illâ tentatione Christus me confortavit: Ergo illius ope ab eâ me tentatione expedire potui.

Non igitur alia mihi mens sine calumniâ affingi potest; neque aliud quicquam ex verbis Chrysostomi & Augustini à me relatis concludi, quam quod me significare voluisse professus sum; Petrum scilicet, cum efficacia gratiæ præsidio in tentatione caruerit, viribus etiam ad tentationem superandam idoneis caruisse; adeoque discipulum illum, cum tunc esset infirmior, Dominum suum

usque ad mortem sequi non potuisse. Quæ quidem sententia, ut jam dixi, Christi sententiæ adstipulatur, ipsiusque & verbis & sensui planè consentit, cum Petrum suæ infirmitatis admonens ait: *Non potes me sequi modò.*

#### OBSERVATIO III.

Aded planam & expeditam propositionis meæ explicationem levi certè machina Inquisitores impugnavêre: Omni prorsus gratiâ Petrum me spoliare contendunt, seque id probare aiunt ex antecedentibus, ubi de infidelibus & excæcatis disputo, quos omni gratiâ destitutos fuisse existimo. Sed quis non miretur aded insolitam argumentandi rationem? Ubi de infidelibus ago, nullam prorsus in iis veram Christi gratiam agnosco. Fateor; neque id mirum, cum ab Augustino cæterisque Patribus didicerim, gratiam Dei per Christum piis & impiis, fidelibus & infidelibus minimè esse communem. Ergo idem de Petro fidei, pio, iusto sentio, cum ei post Chrysostomum eam gratiam in tentatione defuisse aio, sine quâ nihil possumus. Quis viros graves ita differere posse existimaret? Quis enim nesciat vitium esse in ratiocinando vel maximum, cum quis ex uno genere transit ad alterum, quodque in uno eoque diverso valet, hoc ipso valere etiam contendar in altero.

Sed ad unum, inquit, eundemque scopum universa illa conspirant. Neque id nego, sed sua quodque ratione. Hoc nempe

Anna-

Annati pronunciatum , quod pro Catholico dogmate venditabat , oppugnandum susceperam :

\* „Gratiam interiorẽ voluntati „nostræ necessariam , ut id possit „velle quod ipsi à Deo præcipitur , nunquam illi deesse in ea „occasione in qua peccat. Huc igitur tendit quicquid vel de infidelibus , vel de exccæcatis , vel de Judæis , vel etiam de justis dixi , neque aliud ex omnibus illis exemplis colligi volui , quàm falsum esse quod tam audacter Annatus affirmaverat , neque negari posse , quin desit nonnumquam honoris ea gratia quâ possit facere quod Deus jubet in eâ ipsâ occasione , in quâ peccat. Atqui nemo non videt ad id probandum nequaquam requiri ut Petrus omnis omnino gratiæ expers fuerit , sed solum ut in eâ occasione in quâ peccavit , ejus gratiæ expers fuerit , sine quâ tentationem superare non poterat.

Quare Inquisitorum illa reprehensio , justam mihi de iis expositulandi materiam præbet. Jam enim video quo consilio propositionem meam mutilaverint , & ab illâ ea rescuerint quæ continenter , & ne ullo quidem com-

mate interposito attexta clarissimè ostendebant , quæ de Petro dixi , ad unam illam Annati sententiam , quam ipsi tutari ausi non sunt , evertendam referri , non autem ad ullum dogma stabilendum , multò minùs ad damnatarum ab Innocentio Propositionum , quas & ipse me toties damnare professus sum , primam defendendam , quod tamen mihi per calumniam tam apertè iniquâ affingere non dubitant. En integer Epistolæ meæ locus. † „Interea , Vir Illustrissime , veritas „magna hæc , per Evangelium „constituta & Patrum testimonio „confirmata , quæ nobis in B. Petro exhibet hominem justum , „cui gratia sine qua nihil possumus , in ea defuit occasione in „qua cum non peccasse , dici non „potest , statim evasit in Calvinianam hæresim , si qua fides „Molinæ sectatoribus , qui istud „asserere non verentur ; Ex iis „doctrinæ capitibus , quæ ab omnibus Theologis unanimi consensu propugnantur , nec ab aliis „quàm à Calvinii discipulis vocantur in dubium , unum istud „esse , *Quod gratia interior nulli* „non adest homini in iis occasionibus

in

\* *Que la grace interieure qui est necessaire à notre volonté , afin qu'elle puisse vouloir ce que Dieu exige d'elle , ne lui manque jamais dans l'occasion où elle pèche.*

† *Cependant , Monseigneur , cette grande vérité établie par l'Evangile , & attestée par les Peres , qui nous montre un juste en la personne de S. Pierre , à qui la grace sans laquelle on ne peut rien , a manqué dans une occasion où l'on ne peut pas dire qu'il n'ait point péché , est devenue tout d'un coup l'hérésie de Calvin. si nous en croions les disciples de Molina , qui ne craignent point de dire ; Que ce point , sçavoir que la grace interieure ne manque jamais à l'homme dans toutes les occasions où il ne peut faire sans son aide ce que Dieu commande , est un de ceux dont généralement tous les Theologiens Catholiques tombent d'accord , & qui ne sont contestez que par les Calvinistes.*

„in quibus sine illius adjutorio Dei  
„praeceptum implere non potest.

Quo consilio in Indiculo suo post hæc verba substituerint, *les disciples de Molina*, neque sequentia addiderint, ipsi jam manifestum fecêre; ut scilicet in alienos sensus propositionem meam facilius traherent, cum si integram illam exhibuissent, nemo non vidisset, quod de Petro omnis omnino gratiæ experti mihi adscribunt, à proposito meo alienissimum fuisse, cum adversus Annatum id unum contenderem, Petrum in eâ occasione in quâ peccavit, eâ gratiâ fuisse destitutum, per quam tentationem illam superare posset.

Quod si ex antecedentibus mentem meam expiscari lubebar, quantò potiùs attendere debuissent quod de ipso Petro dixi, p. 218. \* „Si credere necesse est, „S. Petrum, qui utique justus „erat, tunc cum ex mortis metu „tentatus est, per interiores „actualesque motus, OMNI illa „gratia instructum fuisse, quæ illi „necessaria erat, ut posset tentationem superare, Christum- „que Dominum ad mortem us- „que sequi; quamvis idem Christus, qui Veritas ipsa est, illi „denuntiasset, Quod nec ipsum „confiteri, nec pro ipso mori tunc „temporis poterat: *Non potes*

„me sequi modò.

Nonne hic locus evidenter demonstrat, non mihi mentem fuisse, cum de Petri lapsu loquor, omnem omnino gratiam etiam actualem & interiorem ab illo amovere, sed tantummodo adversus Annatum ostendere, non omnem Petro in illâ tentatione gratiam adfuisse, quæ ipsi necessaria erat, ut tentationem superare posset: *Qu'il n'avoit pas alors TOUTE LA GRACE qui lui étoit nécessaire pour pouvoir vaincre cette tentation.*

Constat ergo, & ex ipsâ verborum meorum serie ac tenore clarissimè liquet, hunc unum & germanum esse orationis meæ sensum; alterum autem qui mihi affingitur, in eam non nisi aliunde per calumniam accersitum invehi posse.

#### OBSERVATIO IV.

Cum in meâ propositione ad hunc modum expositâ nihil esse docuerim quod à SS. Patribus traditum non sit, Inquisitorum erat ad hæc tot & tanta SS. Patrum testimonia respondere, si censuram suam tueri vellent. Quod cum non fecerint, sed ne tentaverint quidem, ut qui ea clariora esse perspicerent, quàm ut ullis nebulis possent obscurari, pro confesso iterum habendum est, eam illos Propositionem hæ-  
rescos

\* *Si on est obligé de croire que S. Pierre, qui étoit juste, étant tenté par la frayeur de la mort, a eu par des mouvemens intérieurs & actuels, TOUTE LA GRACE QUI LUI ÉTOIT NÉCESSAIRE, pour pouvoir vaincre cette tentation, & suivre JESUS-CHRIST jusqu'à la mort, quoi que JESUS-CHRIST, qui est la Vérité même, lui eût déclaré: Qu'il ne pouvoit alors le confesser & mourir pour lui: Non potes me sequi modò.*

rescos notare, quæ certam & exploratam apud SS. Patres & auctores omnes Catholicos doctrinam complectatur. Quod quale sit, & quàm Christianæ fidei exitiale, nemo scienter pius aut piè sciens est, ut Augustini verbis utar, qui cum dolore & gemitu non perspiciat.

## OBSERVATIO V.

Inrer cætera verò maximè observandum est, ante Scripti mei editionem reprehensores Epistolæ præcipuum accusationis suæ firmamentum in eo collocasse, quòd justum in Petro demonstrari dixerim cui gratia defuerit, cum contra illi summâ animi contentione affirmarent, Petrum antequam tentaretur, à justitiâ excidisse, ut qui se tribus criminibus antea obstrinxisset. Ubi verò tertia hæc propositionis meæ pars ita solidè confirmata est, & omnis generis testimoniorum vi roborata, ut nullus jam cavillationi locus superesset; ex eo magna illa quam antea præ se ferebat de Petri criminibus designandis confidentia jacuit repente & obmutuit. Veriti sunt enim, ne qui Petri successoris Constitutionem tuendam suscepisse existimari volunt, si in levioribus Petri culpis horrendas prolapsiones & immania quædam scelera comminisci pergerent, Magdeburgensium, Ecclesiæ & Apostolicæ Sedis hostium, improvidam temeritatem æmulari viderentur.

Unus tantùm ex iis inventus est, qui Petri, ut me premere,

deprimendi non omnino abjecto consilio, duobus me Joannis locis fraudulentè abusum fuisse criminatus est. In priori enim, inquit, *Christus Apostolos quidem mundos vocat, sed ante præsumptionem Petri; in posteriori autem mundos vocat, sed solius fidei munditiâ.* Verùm quòd in priori illo loco fraudulentæ me coarguit, quasi quòd Christus ante præsumptionem Petri dixerit, post eam dictum significare voluerim, ab ejus reprehensione ad oculorum omnium, latinè modò scientium, fidele testimonium provoco. Ideò enim ut ex solâ verborum meorum lectione clarissimum est, prioris illius loci in quo ante illam Petri jactantiam Apostoli mundi dicuntur, mentionem feci, ut altero mox citato in quo post illam Petri præfidentis culpam, Apostoli nihilominus mundi pronuntiantur, quam Petro primùm ut ceteris Apostolis munditiâ Christus attribuerat, eam etiam post leviolem illam culpam perseverasse in eo, & ab eodem Christo commendatam fuisse probarem. Ideò in secundo loco commemorando hæc verba de industriâ apposui: *Postquam Petrus tribus, ut volunt, se criminibus obstrinxisset, imò & reliqui Apostoli mortale etiam facinus admisissent, si illis fides est.* Igitur ex toto orationis meæ contextu, hæc mea mens, hæc argumentatio perspicuè elucet: Christus Petrum & Apostolos ante nimiam illam confidentiam mundos dicit, eosdem post illam mundos de integro pro-

pronuntiat: Priorem igitur munditiam subsequens, quæ addeò gravis fingitur, culpa non sustulit; cum eam ipsam, postquam admissa est, ejusdem munditiæ repetita testificatio subsequuta sit.

Quod autem ait hunc secundum Christi locum de solâ fidei munditiâ explicari debere, si de fide mortuâ id intelligat, quasi Petrus & reliqui Apostoli charitatem, quam antea habuerant, nimîâ suâ præfidentiâ jam amisissent; Christus ipse mentem suam minimè sic exponi sinit, cum ibidem addat: *Manete in me, & ego in vobis. Ego sum vitis, vos palmites. Manete in dilectione meâ. Ego vos dixi amicos, &c.* Quæ quidem omnia planissimè demonstrant, abscisso Judâ palmitè infrugifero, reliquos Apostolos, Christo veræ Viti, tamquam vivos palmites junctos fuisse, neque per solam fidem mortuam, sed etiam per dilectionem, & charitatem, licet minùs perfectam & multùm illi imparem, quæ ipsis postea per adventum Spiritus sancti conferenda erat.

Sed ab istâ interpretatione, si minùs aliorum, præceptoris certè sui Doctoris Angelici, & clarissimi inter suos Cardinalis Cajetani autoritate deterreri debuit: Quorum alter (*D. Thom. 2. 2. q. 24. art. 12.*) Petrum, cum negavit Christum, *charitatem amisisse*, quam proinde habebat; & eam citò recuperasse, disertè asserit: Alter vero (*Cajet. in Matt. c. 26.*) Petrum idèò cecidisse, & perdidisse *charitatis gratiam*, quia *Deum eum*

*reliquerat sibi ipsi pradio charitate & gratia habituali.*

His testimoniis addi potest eximius Augustini locus, *De Symbol. ad Catech. l. 2. c. 6.* qui justum labentem in Petri Christum negantis personâ demonstrari, iisdem planè, quibus in Epistolâ meâ usus sum verbis expressit. *Tunc latro confitebatur, ait, quando Petrus turbabatur. Tunc iste agnovit, quando ille negavit: Sed nunquid quia Dominus acquisivit latronem, Petrum perdidit negatorem? Absit, absit. Agebat mysterium, qui fundebat pretium, IN PETRO DEMONSTRANS, NON IN SE QUEM QUAM JUSTUM debere præsumere; in latrone, nullum impium conversum posse perire. Timeat bonus, ne pereat per superbiam (quæ scilicet in causâ sit, cur Dei gratiâ non adiutus in peccatum ruat, uti Petro contigit) non desperet malus de multâ malitiâ.*

#### OBSERVATIO VI.

Et si fundatissima Augustini de gratiâ doctrina, quam *Romana Ecclesia Præsules, Præsulumque conventus aliorum, ratam & catholicam esse judicarunt*, ut fatetur etiam Jesuita Petavius *Dog. Theol. tom. 1. lib. 9. c. 6.* satis ipsa se gravissimâ Ecclesiæ autoritate tueatur, gratulandum tamen Inquisitoribus nostris, quod eam ipsi ultrò agnoverint ab omni erroris suspitione liberam, imò & se gaudere dixerint, quod etiam S. Augustini doctrina securè dormiat inter medios cleros, & facta testaque sit, & quod habuerit Innocentium I. quarto sæculo (s. dicere debuerit.

buerunt) sui defensorum; Innocentium autem X. hoc sæculo vindicem à Wiclephi & Lutheri hæresi. Fixum ergo ratumque sit, Inquisitoribus ipsis arduentibus, quod ab Augustino positum & decretum esse constiterit, nulli censuræ obnoxium esse posse.

## OBSERVATIO VII.

Neque minùs honorificè de S. Thomæ doctrinâ locuti sunt. Agnoverunt enim cum Patre Annato, quæ à sancti Thomæ discipulis de divinâ gratiâ hætenus tradita sunt, per Pontificiam Constitutionem minimè esse damnata; neque minùs quàm antea cultus ea tueri liberum esse.

## OBSERVATIO VIII.

Utrò etiam professi sunt optimam eam esse doctrinam, quæ cum Augustino sanctisque Patribus, & universâ S. Thomæ scholâ, victricem, & per se efficacem Christi gratiam ad singulos pietatis actus necessariam esse contendit.

## OBSERVATIO IX.

Nec abnuerunt etiam erroris omnis expertem esse eorum sententiam, qui post Augustinum, teste ipso D. Perciret, Judæos ad vetus testamentum pertinentes, excæcatos, induratos, infideles, omni gratiâ carere affirmant. Hæc enim prolematicè in scholis disputari, primus illorum Inquisitorum disertè agnovit.

## OBSERVATIO X.

Cùm ad Theses in priori Scripto laudatas, quarum altera à D. Hallier, altera à D. Grandin tum Synodis subscriptæ sunt & appro-

bata, nihil Inquisitores repouerint; manifestum omnibus esse debet, doctrinam in iis contentam, & in Sorbona publicè propugnatam, ab omni erroris aut hæreseos suspitione liberam esse: ex quâ quid conficiatur, postea videbimus.

## OBSERVATIO XI.

Quæ autem hîc animadvertenda notavimus, ex Doctissimi Cardinalis Perronii duabus eximiis, & ad dijudicandas fidei controversias perutilibus regulis concludere libet. Prima hæc est: *Ut doctrina aliqua à SS. Patribus pro Catholica & orthodoxa universim tradita esse dicatur, eam in omnibus Patrum monumentis reperiri minimè necesse est. Neque enim omnes scripsere de omnibus, nec omnium ad nos Scripta pervenere: verùm doctrina alicujus pro catholicâ habenda id erit certissimum indicium, cum regionis cujusque clarissimi Patres ad confirmandam eam consentiunt; nec quisquam, nisi deterioris ac suspectioris vote, ab eâ dissenserit.* Sic B. Augustinus adversus Pelagianos, undecim; sic Synodus Ephesina adversus Nestorium, decem Patribus iisque illustribus in doctrinam unam conspirantibus in medium adductis, universæ Ecclesiæ fidem communem, & prioris ævi consensum sese repræsentasse judicavit. Igitur quod à magni nominis Patribus, in variis Christiani orbis regionibus ita assertum fuerit, ut nemo nisi notatus ab Ecclesiâ dissenserit, id pro universâ & catholicâ doctrinâ habetur oportet. Hætenus Perronius in Epistola ad Calaubon. Observ. 5.



## OBSERVATIO XII.

Altera est ejusdem Cardinalis regula, quam adversus heterodoxos Ecclesiæ Catholicæ nomine his verbis proponit: *Sancti Patres locis iis quæ ad tuendam doctrinam nostram proferimus, quod nos asserimus disertè asserunt; locum vero quo id quod docemus disertè negent, adversarii nostri ne unum quidem asserere possunt. Verùm ex aliis locis, aliqua tantùm velut confectione inferunt, quæ apud equum tribunal ne audienda quidem putarentur. Quis*

*enim non videat quàm sit iniquum, ut expressas Patrum perspicuâque sententias, iis quæ è nonnullis eorum vobis perperam intellectis & expositis per consecutionem colligantur, evertere studias; cùm in ejusmodi argumentandi genere paralogismus & suus aliquis plerumque lateat. Valet id quidem ut sanctos illos Doctores reos peragas, & quasi incautos in disputando, atque à se ipsis discrepantes incuses, non autem ut eos pro judicibus, eorumque placita pro ratis & inviolatis habeas. Ibid. in fine Epistolæ.*

## S E C T I O II.

*Propositio in Indiculo notata, omnis erroris ac hæreseos expers demonstratur.*

**P**Ræmissis iis quæ Disquisitores vel tacitè vel expressè, hoc est vel nihil obloquendo, vel sponte confitendo pro veris & catholicis habenda declararunt; jam propositionem quam notant, omni vel erroris vel hæreseos suspicionem vacare, multis & iis quidem clarissimis, ni fallor, atque invictissimis argumentis demonstratur.

## PRIMA DEMONSTRATIO.

*Ex eo petita quod propositio non sit Auctoris Epistolæ, sed Chrysostomi & Augustini.*

Qui scriptorem Theologum eo tantùm nomine hæreseos accusant, quòd primariorum Ecclesiæ Doctorum sententiam ipsorum verbis sincerè ac fideliter retulerit, neque causari possunt

sententiam illam ab exscriptore vel in verbis vel in sensu corruptam fuisse, non in alios quàm in ipsos Ecclesiæ Catholicæ Magistros censuræ suæ fulmen intorquent.

Luce autem clarius constat Propositionem, quam damnandam Inquisitores susceperunt, non meam esse, sed Augustini & Chrysostomi, ut in priori Scripto ita manifestè demonstratum est, ut contrarium adstruere ne tentaverint quidem reprehensores mei.

Ergo non me, sed ipsa Ecclesiæ lumina hæreseos damnare moliantur. Quâ autoritate, ipsi viderint. Ego certè, ut invictissimi olim gratiæ defensoris verbis utar, *me in hoc periculo mittere omnino non audeo, quia cum tantis ac tam sanctis viris, non rixam, sed pacem*



pacem & qualemcumque partem habere desidero. Cæsar. Arel. in causa Contumeliosi in Conc. Gall. Tom. p. 235.

#### SECUNDA DEMONSTRATIO.

*Ex communi Patrum doctrinâ.*

A Concilio Tridentino sess. 4. gravissimè prohibetur, *Ne quis contra unanimum consensum Patrum ipsam Scripturam sacram interpretari audeat.* Ex certissimâ verò Perro-  
nii regulâ, de quâ superius egimus, Sect. I. Observ. II. Satis magnum est unanimitas Patrum consensûs argumentum, cum præcipui è Patribus in regionibus diffitis doctrinam aliquam tradunt, neque ullus alicujus in Ecclesiâ autoritatis contrarium sensit.

At in priori Scripto Apolog. I. Sect. 3. (hîc pag. 35.) liquidò demonstratum est, præcipuos è Patribus Orientalis & Occidentalis Ecclesiæ, dum Scripturas de Petri lapsu interpretantur, disertè docere; Petrum in illâ tentatione sibi ipsi relictum fuisse; humana traditum esse pusillanimitati; divino sibi subtrahendo auxilio ceidisse; Domino faciem ab illo avertente fuisse turbatum; divinam gratiam ad breve tempus illum deseruisse; casum illius non frigiditate, sed superni auxilii derelictu contigisse; responsionis non potuisse tenere constantiam; non potuisse verum testimonium perhibere; experienciâ cognovisse nihil esse dilectionem suam sine gratiâ divinâ; expertum esse quòd a'sque Deo nihil potest fieri; timore suo ostendisse quid

homo possit sine gratiâ divinâ; in illo totum genus hominum agnovisse, nihil se sine Dei gratiâ prævalere; & plurima hujusmodi. Neque ullum è Patribus adversarii vel proferunt vel proferre possunt qui contrarium docuerit.

Non potest igitur illa doctrina sine insigni temeritate & aperto Tridentini Concilii contemptu hæreseos insimulari.

#### TERTIA DEMONSTRATIO.

*Ex autoritate sancti Thomæ.*

Cum doctrinam in B. Thomæ scholis traditam ab omni erroris suspitione reprehensores mei liberaverint, concludo ego & , ni fallor, evidentissimè demonstro; quod in me arguunt, omnis erroris expers ipsorum judicio esse debere, cum ab ipso D. Thomæ apertè traditum sit.

Si de auxilio efficaci dictum à Christo est, *Sine me nihil potestis facere*, cum nemo inficiari possit defuisse tum Petro, cum à tentatione victus est, auxilium Dei efficax quo illam vinceret; nemo etiam negare potest, quin verè & catholicè à Chrysostomo & Augustino, me referente, dictum fuerit, defuisse tum Petro gratiam sine quâ nihil possumus.

At disertè docet S. Thomas de motione divinâ, seu auxilio Dei interiùs moventis, quod efficax esse, & effectum illum infallibiliter habere, ad quem à Deo ordinatur, perpetuò docet, ut I. 2. q. 112. a. 3. (a) Et q. 10. art. 4.

E 2

ad

(a) Preparatio gratiæ considerari potest secundum quod est à Deo movente, & habet necessitatem ad id ad quod ordinatur à Deo, non quidem coactionis, sed infallibilitatis, quia intentio Dei deficere non potest, secundum quod Augustinus dicit lib. de Prædest. SS. *Quod per beneficia Dei certissimè lib. rantur quicumque li-*

ad 3. (b) Et in quæst. disputat. qu. 6. de Elect. hum. ad 3. (c) de illâ, inquam, motione divina manifestè docet, sine eâ, teste Christo, nihil homines posse: *Dicendum*, inquit 1. 2. q. 109. a. 6. quod nihil homo potest suere nisi à Deo moveatur, secundum illud Joannis 15. Sine me nihil potestis facere.

Ergo verè & catholicè secundum D. Thomam à me dictum est post Chrysost. & August. Gratiam sine quâ nihil possumus Petro defuisse; etsi nihil aliud iis verbis Patres illi significare voluerint, ut antea notavi, quàm defuisse tum Petro efficacem illam & singularem Christi gratiam, sine quâ tam gravem tentationem superare non poterat: quia nihil homo potest, nisi à Deo moveatur.

#### QUARTA DEMONSTRATIO.

*Ex possibilitate præceptorum per illam propositionem minimè lesâ.*

Cum par fuisset ut Inquisitores ad luculentissima Patrum testimonia responderent, ipsi contra ad pervagata & à proposito aliena eorumdem Patrum de possibilitate præceptorum loca digressi sunt; sed quàm irritò conatu, ex superius posita doctissimi Perro-nii regulâ facilè demonstrare est.

Cum enim Patres disertè multisque in locis aliquid asserunt, qui contrarium eis affingere velit, alia loca proferat necesse est, qui-

bus disertè illud negetur. Sin verò ea tantum testimonia asserat, è quibus per fallaces consecutiones elicere tentet, quod Patrum sententiis claris ipsorumque verbis expressum convellat, apud æquum tribunal ne audiendus quidem esset, inquit eruditissimus Cardinalis.

Sic se res habet in præsentī negotio. Plurima loca SS. Patrum attuli, in quibus quod ego assero disertè asserunt: *Petrum* nempe *gratiâ destitutum non potuisse verum testimonium perhibere*. Quid contra adversarii? An vel eorumdem vel aliorum Patrum testimonia proferunt, quibus contra affirmetur, *Petrum à Deo minimè desertum fuisse*, sed divinæ gratiæ sultum præsidio se ad mortem pro Christo subeundam offerre potuisse? Ne unum quidem. Quid igitur? Quod SS. Patres docent de mandatorum divinatorum possibilitate, ad id valere volunt, ut quod disertè iidem Patres pronuntiant de Petro gratiâ destituto, hæreticum censeatur. Hęcine tolerandum argumentandi genus, vel apud æquum tribunal audiendum? Imò quis non videat, sano quemque iudicio præditum sic contra argumentari debere.

Iidem Patres, qui docent Deum nemini impossibilia præcipere, docent Petrum à Deo detertum

cere-

berantur. Unde si ex intentione Dei moventis est, ut homo cujus cor movet, gratiam consequatur, infallibiliter ipsam consequitur, secundum illud Joan 6. *Omnis qui auditus & didicit, venit ad me.*

(b) Dicendum quod si Deus movet voluntatem ad aliquid, impossibile est huic positioni, quod voluntas ad illud non moveatur; non tamen est impossibile simpliciter. Unde non sequitur, quod voluntas à Deo ex necessitate moveatur.

(c) Deus immutabiliter movet voluntatem propter efficaciam virtutis moventis, quæ deficere non potest.

ceteris hominibus documento fuisse, nihil se sine divinâ gratiâ prævalere. Nisi ergo sapientissimos illos viros pro stultissimis habeas, qui à se ipsis turpiter dissentirent, duo illa de mandatorum possibilitate & Petri desertione, pro dissentaneis habere non potes; nec nisi per calumniam quod Patres de priori dixerint, eò trahere, ut quod iidem de posteriori dixerunt, hærescos accuses.

#### QUINTA DEMONSTRATIO.

*Ex eo quòd Inquisitores fassi sunt problematicè in scholis disputari, An infideles omni prorsus gratiâ careant.*

Omnia veterum Patrum de præceptorum possibilitate testimonia quibus Inquisitores confici putant, sine hæresi dici non posse, alicui interdum justo eam gratiam deesse, quâ destitutus urgente tentatione præceptum implere non possit, ad omnes omnino homines pertinent, etiam impios & infideles. Universi enim Patres dicunt, nemini Deum impossibilia jubere, sive, id non præcipere quod sit humanæ impossibile voluntati. De Conc. Tridentino non loquor quod de justis speciatim loquitur. De illo enim in tertiâ Apologetici hujus sectione uberius dicemus.

Atqui licet ex eorum Patrum sententiâ omnibus hominibus, adeoque impiis & infidelibus mandata Dei impossibilia non sint, nihilominus tamen problematicè in scholis disputatur (Inquisitorum ipsa verba sunt) an infideles

ullam gratiam habeant per quam præcepta servare possint.

Ergo generalia illa de possibilitate præceptorum Patrum testimonia, quæ non minùs ad infideles quàm ad justos pertinent, minimè probare possunt in errorem vel hæresim eum incurrere, qui dicat alicui interdum justo eam deesse gratiam sine quâ ab urgente contra præceptum tentatione salubriter & secundùm Deum se expedire nequeat. Nihilque à vero magis alienum, quàm quod Inquisitorum antiquissimus confidentissimè asseruit; idem esse scilicet dicere, *Gratiam non dari aliquibus sine qua non possunt observare Dei mandata, & ducere, illa mandata esse impossibilia.*

Vidit hoc Eruditissimus Sylvius magni inter recentiores Thomistas nominis Theologus, dum hac ratione negat gratiam sufficientem ad explicandam divinorum mandatorum possibilitatem quicquam conducere, tum quod ea sine efficaci ad ea servanda non sufficit, tum etiam quia semper non datur, & tamen semper homines quamdiu hanc vitam degunt possunt præcepta servare. *Sive detur*, inquit in 1. 2. q. 109. a. 4. p. 723. *aliqua gratia quantum est sufficiens & non efficax, sive non detur, ea secundùm rei veritatem est impertinens ad salvandum quòd homo possit divina mandata servare. Partim quia, ut ipse illa servet, ea gratia non sufficit; sed oportet quòd etiam adsit gratia efficax, quæ & à solo Deo pendet & gratis seu sine merito tribuitur: partim*

quia, juxta communem sententiam gratia sufficiens non semper datur, & tamen homines viatores semper possunt divina mandata servare, ac per consequens etiam tunc quando non habent gratiam sufficientem. Ergo ut observatio mandatorum dicatur esse possibilis, non est necesse venire eò ut dicatur, quòd habeant gratiam sufficientem.

**SEXTA DEMONSTRATIO.**  
*Ex Gratia per se efficacis ad singulos actus necessitate.*

Gratiam per se efficacem ad singulos pietatis actus esse necessariam, docent omnes S. Thomæ discipuli, eamque doctrinam non modò ab omni hæreseos labe intactam, sed & optimam esse Inquisitores agnoverunt. Hinc verò nullo negotio invictissimè ostendi potest, cùm Petrus gratiâ efficaci ad vincendam tentationem necessariâ caruerit, tentationem superare minimè potuisse.

Principium enim est lumine ipso naturali notissimum, & à S. Thomâ plurimis locis 1. p. q. 41. a. 2. ad 5. 2. q. 58. a. 8. ad 2. & q. 141. a. 6. ad 2. 3. p. q. 1. a. 2. c. & q. 46. a. 1. c. & 84. a. 5. c. traditum: *Id necessarium esse ad aliquem finem obtinendum, sine quo ille finis obtineri non potest; vel simpliciter, si sit simpliciter necessarium; vel convenienter, si sit tantum secundum quid necessarium, hoc est utile.* Jam pridem verò damnati sunt Pelagiani, eò quòd dicent Gratiâ Dei nos indigere, non ut simpliciter, sed ut *facilius* mandata servaremus. Ergo si Gratia per se efficax ea est, uti certè

est secundum universos S. Thomæ discipulos, quam ad mandata servanda superandasque tentationes necessariam esse Patres sanxerunt, non ad *facilius* tantum, ut aiebant Pelagiani, sed simpliciter ad mandata servanda tentationesque vincendas necessaria est.

Adeoque ex ipsâ necessarij definitione, sine gratiâ efficaci, quâ sine dubio Petrus caruit, nec mandata servari nec tentationes vinci possunt.

Vidit hoc argumentum quantum valeret Inquisitorum solertissimus, cujus vim ut eluderet, confugit primò ad fucum ac fallaciam; deinde, ut cum Augustino loquar, ad acumen quoddam, sed vitreum, quod lucet veri similitudine, sed frangitur veritate. Primùm enim respondit docere quidem Thomistas omnes, Gratiam efficacem ad mandata servanda necessariam esse, eamque optimam esse doctrinam; in hæresim tamen incurrere qui illam teneat, nisi addat, quod iridem omnes Thomistæ docent, ita gratiam efficacem ad mandata servanda necessariam esse, ut tamen sine eâ servari possint etiam completè proximè & expeditè.

Egregia sanè & expedita, modò ut sit solida & vera responsio. Si autem in re facti, quæ mutari nullo modo potest, amplissimo Ordini per indignam hominem probò fallaciam illuditur; quis non miretur vel levitatem responsionis, vel confidentiam respondentis? Fateor enim Didacum Alvarezium nonnullòsque ejus sequaces

ita

ita necessariam ad singulos actus gratiam existimasse, ut tamen sine eâ præcepta divina proximè & completè servari posse crediderint. Sed pernego, & falsissimum esse contendo, Thomistas omnes in eâ esse sententiâ. Contrâ enim plurimi sentiunt, & sine gratiâ efficaci proximè & expeditè præcepta servari posse negant. Princeps enim omnium S. Thomas 1. 2. q. 109. cùm variis in articulis hujus quæstionis, tùm præsertim

9. disertè negat, *hominem etiam justificatum posse per seipsum operari bonum & vitare peccatum, absque novo auxilio Dei ipsum moventis, dirigentis, & protegentis.* Quod quidem auxilium efficax esse secundum S. Thomam, nemo inficiari potest. Idemque docent è veteribus Theologis qui illum consecuti sunt (a) Bradwardinus, (b) Ariminensis, (c) Capreolus: E recentioribus (d) Cajetanus, (e) Lovanienſis Facultas univer-

E 4

fa,

(a) Postquàm in præcedentibus est ostensum, nullum tentatum solius liberi arbitrii viribus sine gratiâ, vel cum gratiâ quantacumque, absque alio Dei auxilio speciali POSSÊ tentationem aliquam superare; restat consequenter inquirere, quod sit illud auxilium quo tentati omnia superant tentamenta, & sine quo in omnibus superantur..... Voluntas ergo divina est illud auxilium, sine quo tentatus quilibet superatur, & per quod tentatus quilibet superans efficaciter superat tentamentum, *De causâ Dei lib. 2. c. 5.*

(b) Ex istis puto satis patere, quòd etiam veri justi, & in gratiâ existentes, ut in tentationibus fortiter resistent & in peccatum non cadant, indigent adhuc speciali auxilio Dei & sine illo non POSSENT resistere quin caderent in peccatum. *In 2. dist. 28. q. 2. art. 2. De auxilio enim efficaci loqui, quod non omnibus datur, ex toto articulo patet.*

(c) Non solum juvat Deus ad bonum velle partialiter cœfficiendo, qui est modus communis quo concurrat ad cujuslibet agentis creati effectum quemlibet; sed etiam quodam modo speciali, videlicet faciendo ipsam voluntatem partialiter concurrere, ita quòd ipsa voluntas partialiter concausat applicata, & quasi instrumentaliter mota à Deo ad sic partialiter concausandum: in quâ tamen motione ipsa non necessitatur, sed instrumentum liberum existens, in cujus potestate est sequi motionem agentis, juvatur *ita ut agat ea, quæ non sic adjuta nequaquam agere potuisset.* Et hoc est illud adjutorium speciale, sine quo dicimus nos nihili boni velle aut facere. *Lib. 2. Sent. Dist. 28. q. 1. art. 3. fol. 256. & seq. Ut plura alia in eandem sententiam.*

(d) Hinc habes, quòd non solum credere est donum Dei, sed etiam posse credere est divinæ gratiæ, quàmvis posse credere potentia remota, naturæ sit rationalis. Ex hoc enim quòd homo rationalis est naturæ, potentiam habet intellectus & voluntatis, quibus potest credere, sed non nisi ex gratuito Dei auxilio appropinquit ad hoc ut fidei possit hære Christianæ. *In cap. 10. Joan. v. 39. Videri potest & in Matt. c. 26. & in Comm. in 1. 2. quæst. 109.*

(e) Aliud autem est posse, in quo tam magnæ insunt vires per sufficientem gratiæ præparationem, ut satis sit ad agendum. Per quam quidem gratiam non jam solum ipsum posse, verum etiam agere adjuvatur. *In Justificat. Censura pag. 131.*

sa, itémque (f) Duaccensis, (g) Estius, (h) Cumel, (i) alij Thomistæ à Ledesma laudati, (l) Sylvius, alique, quorum testimonia quædam repræsentavi, plura relaturus, si necesse sit.

Alterum commentum est, nos in hac argumentatione conclusionem elicere è duobus principiis, quorum alterum è Molinæ scholâ repetamus; nimirum, *Non potest fieri actus pietatis sine gratiâ ad illum efficiendum necessariâ*; alterum è Thomistis, nimirum: *At gratia efficax ad singulos pietatus actus ne-*

*cessaria est.* Unde concludimus: *Ergo nihil eorum, quæ ad pietatem pertinent, sine gratiâ efficaci facere possumus*: quod hæresim Inquisitor ille esse contendit; posse enim hæresim concludi ex duobus principiis ex diversâ Theologorum scholâ repetitis, ut si quis ita argumentaretur: Secundum Thomistas existentiam humanam Christus non suscepit. At secundum alios Theologos existentia à naturâ non distinguitur. Ergo Christus non suscepit naturam humanam.

Sed

(f) Singularis Christi gratia non omnibus est communis, & tamen omnibus ad conversionem & salutem est necessaria.... Neque infidelis quicumque credere potest, nisi per gratiam quâ cor ejus ex infidelitate ad fidem mutetur. *Cens. Assert. 14.* lata anno 1588.

(g) Omnis hujusmodi possibilitas, quoniam ab actu separata esse potest, consistit absque initio bonæ voluntatis & justitiæ; SINE QUO TAMEN INITIO NON CONSISTIT EA QUÆ PROPRIE VOCATUR GRATIA CHRISTI, quemadmodum August. docet lib. de Nat. & Gratiâ cap. 42. Etenim gratia Christi (quod in sequentibus plenius ostendendum est) non est communis bonis & malis, sed bonos discernit à malis: uti compluribus locis docet Augustinus, bonitatis nomine etiam primæ bonæ voluntatis initia comprehendens. *In 2. Sent. dist. 26. §. 1. Qui & plurima alia passim habet in eandem sententiam.*

(h) Qui caret efficaciter auxilii gratiæ Dei, non habet omninò immediatam & proximiorē virtutem & potentiam ad operandum, quia hanc præstat efficax Dei gratia: sufficiens verò auxilium præstat quidem vim potentix, non quidem omninò proximam cum ultimâ actualitate, sed minùs proximam, seu quasi mediatam; vel minùs immediatam & incompletam, seu inadæquatam. *Pag. 251. ad 1. 2.*

(i) Alii verò Discipuli D. Thomæ qui docent, quod auxilium efficax prædeterminans voluntatem tenet se ex parte actus primi, tanquam constituens illum in ultimâ actualitate & in ultimo complemento ad operandum de quo supra diximus, debent dicere quod hoc auxilium aliquo modo pertinet ad auxilium sufficiens, tanquam ultimum complementum & ultima actualitas ipsius. Unde auxilium sufficiens non est completum & consummatum, nisi per auxilium efficax & prædeterminans. Itaque secundum istam sententiam non datur auxilium sufficiens completum & consummatum, antequàm sit conjunctum auxilio efficaci, quod prædeterminat voluntatem. *In tractatu de auxiliis quest. unica art. 11.*

(l) *In 1. 2. quest. 109. q. 4. p. 723.*

Sed falsa sunt omnia quibus hæc comparatio nititur. 1. Enim qui hoc Disquisitionis argumento Christum naturam humanam minimè suscepisse probare vellet, non alio quam hujusce solius argumentationis præsidio fretus, infandam adstrueret hæresim, quæ omnium Scripturarum, Patrum, Conciliorum autoritate subvertitur. Tùm demùm igitur valeret & æqua esset comparatio, si nos non alio quàm hujusce argumenti præsidio nixi statueremus, sine gratiâ efficaci nihil boni, quod ad veram pietatem & justitiam pertinet, effici posse. Atqui contra omnino se res habet. Quàmvis enim doctrina, quam tuemur, argumento etiam isto probetur, non tamen ejus solius autoritate nititur. Autor ejus, Scriptura divina est. Autores ejus, sancti sunt Patres, qui id semper dixere quod dicimus; ac sine gratiâ quâ fit ut faciamus, nos boni quicquam efficere non posse, apertissimè professi sunt. Docebant enim quod à Christo ipso didicerant, ubi Joannis 6. sic loquitur. *Nemo potest venire ad me nisi pater meus traxerit eum: Et iterum, Nemo potest venire ad me nisi fuerit ei datum à Patre meo.*

2. In exemplo illo à Disquisitione proposito nihil mirum si principia duo composita hæresim pariant, cùm principia illa planè pugnantia sint atque contraria. Quid enim contrarium magis quàm illa duo: Naturam humanam susceptam à Christo, non existentiam naturæ humanæ,

quod Thomistis placet: Et, Existentiam naturæ humanæ à naturâ humanâ non distingui, quod alii Theologi docent. Quis autem duo hæc principia à me connexa, non dicam secum pugnantia, sed vel disparia ac dissimilia causari audeat: *Nihil effici potest sine eo quod est necessarium ad illud efficiendum; &, Gratiâ efficax ad singulos actus necessaria est.* Si igitur gemina illa principia cognata inter se ac probè connexa, & prætereà verissima sunt; quid ex iis nisi verum consequi potest? Quod autem Disquisitor ille proscribere vult ut hæreticum, ipso fatente è duobus illis principiis, quorum alterum non è Molinæ scholâ, ut ille ait, sed omninò naturæ lumine innotescit, alterum ab ipso, ut doctrina optima, est commendatum, necessariò consequitur. Igitur quod ut hæreticum proscribere vult, non potest esse nisi verissimum.

3. Falsum est nos duo illa principia è diversis scholis, unum è Molinæ, alterum è B. Thomæ scholâ mutuari. Utrumque nobis B. Thomæ schola suppeditat. Quamquàm primum confirmemus interdum ex iis ipsis quæ Molinæ discipuli pro veris habent. Quàmvis enim nonnulli è recentioribus Thomistis, quod B. Thomæ doctrinam in vulgus quasi plausibiliorem efficerent, Alvarezio primo duce atque autore, fateri noluerint, sine gratiâ efficaci bonum fieri minimè posse; fuit hæc tamen B. Thomæ cetera ac perpetua sententia. Hinc ille id quod



quod non tantum utile est, sed simpliciter necessarium (qualis est, fatentibus Thomistis omnibus, gratia efficax ad actus pietatis) generatim ita definit, *Id sine quo aliquid esse non potest*; speciatim verò motionem divinam, quæ ipsi gratia efficax est, docet esse gratiam illam de quâ Christus ait: *Sine me nihil potestis facere*. Ita loquitur Angelicus Doctor, ita veteres omnes ejus discipuli ante Alvarezium & post Alvarezium plurimi locuti sunt. Quin & ipse Alvarezius quique eum sequuntur, etsi aliquantulum verbis discrepent, in re nihilominus ipsâ consentiunt. Quantamcumque enim potentiam, etiam proximam & expeditam, ad bene agendum & ad superandas tentationes attribuant homini efficaci gratiâ destituto; fatentur tamen non magis fieri posse, ut re ipsâ bene agat & tentationem superet, quam ut securis acuta & ad secandum idonea reipsâ secet, quamdiu ab artifice non movetur; vel ut oculi quantumvis sani & perspicaces reipsâ videant, quamdiu lumine non illustrantur. At ex communi omnium hominum sensu, rectè dicitur securis, quantumvis acuta, secare non posse, nisi ab artifice moveatur; vel oculi, quantumvis sani, videre non posse, nisi lumen præsto sit. Ergo in ipsâ Alvarezii sententiâ, quicquid sit de potentia proximâ quam adesse vult homini qui auxilium efficax non habet, cum tamen fateatur non minùs hominem indigere auxilio illo efficaci ut re ipsâ agat, quam

securis, artificis motione ut secet, aut oculi, lumine ut videant; rectè secundum communem apud omnes homines vocum acceptionem, de homine cui efficax gratia defuit, dici potest, cum tentationem superare non potuisse sine eâ gratiâ quâ necessariò indigebat, ut eam reipsâ superaret.

Quare Disquisitionis hujus responsio, arguta quidem, sed plane expers veri, fundamento ipsius quod falsitate implicabatur cadente, corrui. Frustraque eum causatum liquet, doctrinam duobus principiis è duplici eadèmq; diversâ Theologiæ scholâ repetitis innixam, hæresim posse conficere, cum hanc quam tuemur principiis & per se certissimis & inter se affinis atque connexis, & ab eadem B. Thomæ schola deductis, fultam esse clarissimè pateat.

#### SEPTIMA DEMONSTRATIO.

*Ex Thomistis per Innocentii X. Constitutionem, uti fatentur adversarii, minimè condemnati.*

Haftenus adversarii ultrò agnoverunt, eos omnes Theologos quos B. Thomæ vestigiis studiosius inhaerentes vulgò Thomistas, in scholis appellant, per Innocentii X. Constitutionem minimè condemnatos fuisse. Quod quidem omnium disertissimè fateatur Annatus, qui Pontificem eas controversias, uti antea erant, intactas reliquisse, de quibus ante Jansenium in Catholicis Theologorum scholis disceptabatur. Hoc ergo posito septima sit nota



stra Demonstratio.

Fas est, annuentibus adversariis nostris, salvâ Innocentianæ Constitutionis autoritate, ea tueri quæ ante Jansenium in Thomistarum scholis palàm & publicè magni nominis Theologi asseruere.

At quod in notata Propositione, quæ Chrysostomi est & Augustini, hæreseos arguitur, Petrum scilicet, vel aliquem alium justum, Gratiâ efficaci ad superandam tentationem necessariâ ad tempus destitutum, tentationem superare non potuisse, docent ii omnes ex Thomistis, qui & gratiam efficacem ad omnes & singulos pietatis actus necessariam censent, & sine eâ nihil quod ad pietatem perrineat, fieri posse profitentur: ut sunt, post S. Thomam, ii omnes quos ante citavimus, tum antiquiores, tum recentiores; & speciatim Cajeranus Cardinalis in Matth. c. 26. qui *justos ad gratiæ habitualis usum ex se ipsis sufficientes esse negat, sine continuo gratuito Dei auxilio; quo quia caruit Petrus, ideò cecidit & perdidit charitatis gratiam*: & Eruditissimus Estius qui exemplo piissimi regis Ezechiz clarum esse ait, *Deo deserente, hoc est gratiam non dante, hominem (etiam justum qualis erat Ezechias) non posse superare tentationem, hoc est salubriter & secundum Deum se ab illâ expedire.* Comm. in Paral. c. 32. v. 31.

Non potest igitur sine manifestissimâ & iniquissimâ personarum acceptione in Propositione Chrysostomi & Augustini, quæ à me tantummodò refertur, id hæ-

reseos damnari, quod ab illis præstantissimis Theologis, quos ab Innocentio X. minimè damnatos fuisse adversarii ipsi ultro fatentur palàm & publicè, nemine expositulante, traditum est.

OCTAVA DEMONSTRATIO.  
*Ex eâ doctrinâ quam Inquisitorum unus in scholis Sorbonicis docuit.*

Accepi Inquisitorum unum antequam diceret, ita esse præfatum, ut animum nullâ in me malevolentia suffusum, imò & erga me propensio rem præ se ferret. Sed mirum sanè videri possit, quòd istius in me benevolentiz non satis memor, præter multa atrocità ab illo uno in me dicta, continuò in hanc vocem erupit, *Heresim me inducere conari, & eam quidem heresim quâ nulla unquam deterior, nulla pestilentior, non modò in Ecclesiam invela est, sed etiam unquam invehi possit.* Qui talem se gerit, & cum amicus haberi vult, qualis erit si quandò oderit? Verùm doctrinam meam dum ille perit, suam graviter appetiisse facillè demonstro.

Nam qui docet non aliam à Deo dari gratiam, quâ vel bonum operari, vel peccatorum tentationes superare possimus, quàm per se efficacem; is necessariò fateri debet justum qui à tentatione vincitur, ac proinde gratiâ efficaci ad superandam tentationem necessaria caruit, tentationem superare non potuisse.

At id Scriptis suis, dum in scholis Sorbonicis Professionis Regiæ munere fungeretur, Inquisitor

fitor ille semper docuit, *Gratiam scilicet operandi semper esse efficacem, & sine illâ gratiâ efficaci vel tentationes superari vel mandata servari non posse.*

Ergo vel pestilentissimâ hæreseos labe discipulos suos tum infecit, vel jam pro pestilentissimâ hæresi haberi vult, quod ipse, nisi omnem pudorem abjecit, se in scholis Sorbonicis docuisse diffiteri non potest.

Respondebit ille, sat scio, Petrum reverâ à Deo derelictum tentationem superare non potuisse; verum id ei accidisse in præsumptionis suæ poenam, ut ipsi à me laudati testantur Patres. Fateor id quidem; sed quid ad Epistolam? Contendit autor Epistolæ, post Chrysostomum & Augustinum, *Petro gratiam sine quâ nihil possumus, id est sine quâ tentationem superare non poterat, defuisse.* Queritur an hæc propositio hæretica sit, an verò orthodoxa. Quis verò ita mente captus est, ut non videat, propositionis hujus veritatem non infirmare, sed contra magis statuere, qui non modò Petro gratiam defuisse agnoscit, sed quare defuerit exponit. Eo enim verius est & certius illam Petro defuisse, quo magis ostenditur non sine causâ eam illi defuisse. Ut si quis multos etiam baptizatos damnatum iri contenderet, nonne ineptiret prorsus, qui hoc argueret erroris, eo quod nemo baptizatus damnandus sit, nisi qui ob peccata damnari meruerit; Neque enim tum baptizatos multos damnari negaret, sed causam

cur damnarentur assertet. Quare liciterum argumentum contexo.

Non negat Epistola (quod autor Epistolæ lubentissimè agnoscit) idèò Petro gratiam defuisse, quia de suis viribus nimium præsumserit, sed id unum, post Augustinum & Chrysostomum, affirmat, Petro gratiam defuisse, sine quâ nihil possumus. hoc est, sine quâ tentationem illam superare non poterat, quamcumque tandem ob causam ea Petro defuerit: de quo non erat tunc querendi locus, cum id solùm adversus Annatum probandum suscepisset, pro Catholico dogmate habendum non esse, uti ille contendebat: *Quod gratia interior & actualis voluntati nostræ necessaria, ut possit velle quod ipsi à Deo præcipitur, nunquam illi deest in ea occasione in qua peccat.* Petro verò gratiam defuisse sine quâ tentationem superare non poterat, verissimum esse agnoscit Inquisitorum ille in autorem Epistolæ acerbissimus: & quod addit, Petro id accidisse in præsumptionis suæ poenam, adeò propositionem illam non infirmat, ut potius confirmet. Quâ ergo fronte pro pestilentissimâ hæresi haberi vult, quod ipsemet pro verissimo agnoscit.

Recurreret fortassis ad Molinianam illam suam, & libero subjectam arbitrio, orationis gratiam, quam B. Petro non defuisse causabitur. Sed ut omittam, commentitiam illam Inquisitoris Doctrinam de duplici & planè diverso in unâ eademque Christi gratiâ, gra-

tiz genere, operandi scilicet & orandi, quorum illud per se semper efficax sit, hoc verò liberæ subditum voluntati, cujus pro nutu effectum habeat, vel non habeat, inane esse figmentum, catholicorum Theologorum auribus hæctenus inauditum, & in quo explicando Inquisitor ille altitudinem gratiæ nesciens, absurdas planè atque improbables fabulas texuit: ut, inquam, id omit- tam, quicquid de hoc statuas, ad propositionem meam minimè spe- ctat. Non enim in eâ agitur de orationis, sed de operationis gra- tiâ, quam semper esse efficacem Disquisitor ille agnoscit. Neque enim quæritur, an B. Petrus orare potuerit, sed an tentationem su- perare. Non potuisse fatetur, cum gratiâ efficaci caruerit, quâ solâ ex illius sententiâ tentationes su- perari possunt. Ergo propo- sitionem meam quæ id solùm asserit, pro catholicâ habere debet; quic- quid interim de orationis gratiâ statuere ipsi libuerit, de quâ nunc non disputo.

An eò iterum regressurus est, ut in iis vocibus, *la grace, sans la- quelle on ne peut rien, a manqué à saint Pierre*, universum pestilen- tissimæ illius hæreseos venenum colloceat? Sed, ut omit- tam pesti- lentissimas illas voces non meas esse, sed Chrysostomi & Augusti- ni, ut sæpius demonstratum est; quâ animi æquitate & candore in re gravissimâ ad levem illam ca- villationem confugere potest, quam & superiori Scripto, & ite- rum in hujus priori sectione deje-

ci? Clarissimè enim ostendi, ver- ba illa Epicheti loco gratiæ adjun- cta, *Gratia sine quâ nihil possumus*, pro subjecta materia intelligi de- bere, adeoque nihil aliud me post Chrysostomum & Augustinum significare voluisse, quàm Petro detuissè gratiam illam, sine quâ tentationem illam superare non poterat, quia sine Gratiâ, teste ipso Christo, nihil possumus. Ne- que de hac re jam ampliùs dispu- tationi locus esse potest. Cùm enim Facultas decreverit, ut can- didè ac sincerè mentem meam ex- plicarem, post sinceram illam propositionis meæ explicationem Facultati ipsi exhibitam, non alius sine aperta calumnia affingi potest propositioni meæ sensus, quàm quem ego genuinum esse ostendi. Quare cùm in illo sensu ex In- quisitoris illius de quo nunc lo- quor doctrinâ, nihil sit quod me- ritò reprehendi queat, vereri pro- fectò debet, ne dum eum censurâ pergit inurere, præjudicio potius quàm judicio, & animi quodam affectu, quàm rationis ductu, mo- veri videatur.

Mitto Inquisitoris illius vocem adversus gratuitam Dei gratiam atrocem & non ferendam, Non posse scilicet Deum denegare gra- tiam justo & amico suo, absque injustitiâ & crudelitate. Ergo cru- delitatem & injustitiam Deo scripserunt Patres omnes, qui Deum Petro justo & amico suo gratiam denegasse uno ore asse- runt? Sed nihil mirum adversus Dei gratiam tale effatum ex ejus ore produisse, qui in scholis Sor- bonicis

bonicis palàm & publicè docere non erubuit, *Deum gratiam suam* (non iustis modò, sed omnibus omnino hominibus quantumvis impiis & sceleratis) *ex iustitiâ largiri, cum precipit aliquid, quod sine gratiâ fieri nequit.* Quâ non aliam esse posse gratiâ Dei gratiâ magis exitialem doctrinam, coram æquis iudicibus demonstraturum me spondeo. Interim huic perspicuo & intolerando errori sanctissimam Augustini vocem opposuisse sufficiat: *Gratia Dei non erit gratia ullo modo, nisi fuerit gratuita omni modo.* De Pec. Orig. c. 24.

#### NONA DEMONSTRATIO.

*Ex desertione iustorum ad tempus, quam unus Inquisitorum agnovit.*

Duplex in meâ de Petro à Deo deserto propositione peccatum Inquisitorum ultimus annotavit: 1. *Quia non fuit intentio Christi Petrum omnino deserere, sed ad tempus, ut humilior resurgeret.* 2. *Quia non sisto in solo Petro, sed argumentor ex Petro ad omnes iustos; & quidem non de desertione ad tempus, sed ad perditionem eternam, cum iusti multi si deseruntur, deserantur ad damnationem, cum scilicet non resurgunt.* At ex duplici illo peccato nullum in Propositione mea peccatum esse perspicuè demonstrari potest.

Non peccat enim, Inquisitoris illius iudicio, qui iustos aliquos interdum ad tempus à Deo deferi agnoscit, ut ex ipso suo lapsu humiliores redeant & doctiores.

At id unum propositio asserit;

neque mihi sine manifestissima calumnia affingi potest, quòd ex Petro argumentatus sim ad omnes iustos. Modò enim vel unus iustus aliquando fuerit, qui instar Petri à Deo deserti ut humilior rediret ac doctior, eâ gratiâ ad horam caruerit, quâ ingruentem tentationem superare possit, salva est mea propositio.

Ergo ex Inquisitoris illius sententia, nullum est in mea propositione peccatum, nisi ad alienos sensus detorqueatur.

Quo autem nitatur Inquisitor ille fundamento, ut iustos à Deo deferi posse concedat, modò sint postea per divinam gratiam à lapsu suo erigendi, aliter neget, inquirere non est hujus loci. Monendus tantum obiter est, ne hæc sua sententia ad Calvinistarum hæresim aliquantulum accedat, qui numquam iustos ita à Deo deferi aiunt, quin tandem aliquando ad eum sint reversuri, quod à Conc. Trid. damnatum est Sess. 6. c. 12. dum negat de iustificato sine errore dici posse, quod aut amplius peccare non possit, aut si peccaverit certum sibi resipiscenciam promittere debeat.

#### DECIMA DEMONSTRATIO.

*Ex Thesibus in Sorbonâ propugnatis A. 1650. & 1652.*

Secundum illas Theses à Dominis Hallier & Grandin approbatas & in Sorbona publicè propugnatas, nullo expositulante vel conquerente, ita mandata Dei iustis omnibus possibilia sunt, ut tamen gratia effluat, quæ non semper iustis datur, proximam & comple-

nam ad bene agendum potentiam conferat, & aliquis interdum justus ad præceptum servandum proximè, immediatè & completè potens non sit.

Atqui ex propositione in Indiculo notata nihil aliud sequitur, quàm Petrum efficaci gratiâ destitutum, ad superandam tentationem proximè, immediatè, completè potentem non fuisse.

## S E C T I O I I I.

*De vero Tridentini Anathematis in prima propositionis damnatione memorati sensu, ex Cardinalis Bellarmini sententiâ.*

CUM Innocentius X. primam Propositionem proscribat ut jam anathemate damnatam, omnesque consentiant ad Tridentinum anathema Pontificem alludere, quo percellitur qui dixerit, Dei præcepta homini etiam justificato & sub gratiâ constituto esse ad observandum impossibilia; manifestum est primam propositionem in eo sensu à Pontifice acceptam, qui illâ Tridentini Concilii sanctione damnatus est.

Dixi verò in priori Scripto, certum esse, etiam teste Cardinali Bellarmino, non aliud anathemate hoc Tridentino percussum, quàm quod hæretici asserabant; numquam justis eam adesse gratiam quâ divina præcepta implere possent, sed quicquid agerent illi sanctius, id pro peccato vel lethali, vel certè veniali habendum esse.

Viderunt Inquisitores quantum id suæ causæ officeret; itaque Bellarminum falsò à me cita-

Ergo nihil est in illa propositione quod vel erroris vel hæreseos notari mereatur. Ad illam verò doctrinam sic approbatam & publicè propugnatam respiciens in priori Apologetico, dixi sectione 2. Propositionem meam notare illud posse quod proximum & expeditum Theologi appellant.

tum esse conquesti sunt, negaruntque ab illo Tridentinum Canonem de præceptorum impossibilitate in eo quem dixi sensu acceptum: Bellarminum enim diversis capitibus & separatim egisse de duabus illis hæresibus, de impossibilitate scilicet generali præceptorum, & de ejusmodi peccatorum sermone quæ semper occurrunt in observatione mandatorum, quæ tamen duo, inquebant, confundere volunt adversarii.

Ego verò hæc duo non confundo, sed tamquam duo unius ejusdemque hæresis membra connexa atque implicita, quorum unum propter alterum ab hæreticis asseratur, & utrumque ad unum eundemque controversiæ statum pertineat, à Bellarmino confutata fuisse contendo. Quod ut melius percipiatur, quædam observanda sunt.

Primum est, Numquam Lutheranos & Calvinistas, dum de præ-

præceptorum impossibilitate ea disputant, quam Synodus Tridentina damnavit, eam quæstionem movisse, An alicui justo interdum ea gratia desit quæ ipsi ad servandum præceptum necessaria erar, & quam aliis justis Deus largitur; sed de omnibus omnino justis semper disputasse, An scilicet ullus sit, quàmvis sanctus, qui præcepta divina verè & coram Deo servare possit.

Secundum est, Non illâ eos ratione præceptorum impossibilitatem adstruere, quòd negent homines abstinere posse à facinoribus & flagitiis quæ lege divinâ vetantur, ut sunt homicidia, adulteria, furta, sed tantum quòd ea sit ex peccato, quod etiam in baptizatis manere aiunt, licet non imputetur, mentis depravatio, ut omnes animi motus, etiam dum à spiritu agitur, quatenus ex homine sunt, corrupti sint & infecti; ita ut nullum inde proficisci possit opus, quod non justam opprobrii mercedem mereatur; addeque non posse illis operibus, coram Deo malis & pravis, licet coram hominibus bona & laudabilia censeantur, legi divinæ satisfieri.

Terrium est, Duplicem distinguere posse præceptorum divinatorum possibilitatem; unam meram, puram, & ab effectu separatam, qualis est etiam in iis qui præcepta apertè transgrediuntur, ut cum de Davide in adulterium lapso dicitur, possibile ei fuisse de adulterio non committendo præceptum. Altera est possibilitas cum

effectu, ut Augustinus appellat de Nat. & Grat. c. 42. quæ iis tantum justis competit, qui in justiciâ perseverant, & ita legem divinam servare possunt, ut & reipsâ servant.

Quæritur ergo de quo possibilitatis genere intelligenda sint ea quæ Tridentina Synodus de præceptorum possibilitate adversus Lutheranos definit sess. 6. cap. 11. & can. 18. Si enim de priori, ne sic quidem adversus nos facit, cum agnoscamus etiam iis justis qui interdum labuntur, possibilea fuisse illa mandata quæ non servant.

Sed si, teste Bellarmino, de posteriori tantum agat, hoc est, si id unum adversus Heterodoxos, qui legem divinam ita impossibilem esse volunt, ut à nemine, quantumvis justo, verè & coram Deo servari possit, ut certissimum Ecclesiæ Catholicæ dogma definit, non esse justis impossibilia mandata divina, cum à multis justis reipsâ impleantur; quam in me falsi accusationem de Bellarmino malè citato intulerunt, in ipsos redundabit, neque ulli dubium erit, quin secundum Cardinalis Bellarmini sententiam, Tridentinus Canon de præceptorum impossibilitate male prorsus in eos contorqueatur, qui tria hæc statuunt:

Primum est, Justos piè viuentes præcepta divina implere posse, & reipsâ implere, quod negant Heterodoxi, quos Tridentina Synodus condemnavit.

Secundum est, Illis etiam justis qui peccant, possibilea fuisse  
illa

illa ipsa præcepta quæ transgrediuntur, non eâ tantùm possibilitate, quæ ex SS. Patrum doctrinâ impiis & infidelibus per naturam competit, sed eâ quam justis confert *donum gratuitum naturæ superadditum*, quo justî ad non peccandum adjuvantur, ut docet S. Thomas 1. 2. q. 109. a. 2. 6. 9. &c. etsi ex eodem Angelico Doctore, ulterius indigeant auxilio Dei animam interius moventis, dirigentis, & protegentis.

Tertium est, Non omnes justos per quotidianum adjutorium Dei perseverantiam bonæ conversationis accipere, cum aliqui in bonâ conversatione non perseverent; quam tamen perseverantiam bonæ conversationis qui non accipit, etsi baptismatis gratiâ renovatus, ex Cælestini I. definitione in Ep. ad Gall. cap. 6. ad superandas diaboli insidias, & ad evitandas carnis concupiscentias idoneus non est: seu, quod idem est, nonnullis interdum justis in tentatione deesse illud auxilium Dei interius moventis, dirigentis & protegentis, sine quo, ex ejusdem Angelici Doctoris sententiâ, ingruentes tentationes superare non possunt. 1. 2. q. 109. a. 9.

Paulo igitur accuratiùs inspicimus quid hac de re Bellarminus scripserit.

## I.

Quàm falsò adversarii iactaverint Bellarminum de impossibilitate præceptorum, & de peccati fermento quod omnibus justorum operibus adhæreat, tanquam de duabus hæresibus omnino diversis egisse, patet 1. ex clarissi-

mis Bellarmini verbis, dum quæstiones omnes quæ super hac materiâ iinter catholicos & hæreticos disceptantur, breviter exponit in Præf. l. 4. de Justif. qui est de iustitia operum. De iustitia, inquit, actuali, sive operum, quatuor sunt quæstiones: una de necessitate, altera de veritate, tertia de merito, quarta de perfectione. Dissidemus enim ab hæreticis huius temporis, primum, An sint hominibus justificatis opera necessaria ad salutem, &c. deinde dissidemus de ipsâ veritate iustitiæ actualis, id est, Utrum opera justorum sint verè iusta, ita ut coram Dei iudicio comparere audeant: CUM QUÆSTIONE COINCIDIT ILLA, possitne homo justus legem divinam ita implere, ut in eo opere peccatum nullum admittat. Quis posthac de Bellarmini sententiâ altercare queat? Non solum enim illam quæstionem, Utrum opera justorum sint verè iusta, cum illâ quæstione, Possitne homo justus legem divinam implere, COINCIDERE disertè profitetur; contra quàm Inquisitores statuere veritatem non sunt; verùm etiam illam ipsam postremam quæstionem, de divinæ legis possibilitatè, ita exprimit, ut nullus dubitandi locus esse possit, quin quod à Tridentinâ Synodo definitum est, à præsentî controversiâ omnino sit alienum. Is enim ex Bellarmino, & unicus & verus catholicos inter & hæreticos controversiæ, de quâ Tridentini Patres pronuntiaverunt, status, Possitne homo justus legem divinam ita implere, ut in eo



operare peccatum nullum admittat. Nullus autem est catholicus qui heterodoxis id negantibus anathema non dicat. Ex Bellarmini ergo mente, Concilii Tridentini autoritate graviter abutuntur, qui ea illius decreta quibus nefarium illum hæreticorum errorem jugulavit, eò trahere volunt, ut quod docent omnes Patres de nonnullis justis, quibus interdum Deus, pro judiciorum suorum inscrutabili altitudine, efficaces illas vires non subministrat, quibus ingruentem aliquam tentationem superare queant, pro hæresi habeatur.

## I I.

Neque minùs aperta sunt quæ tradit Bellarminus, dum quæstionem ipsam tractaturus, in quo ea sita sit, his verbis explicat lib. 4. de Justif. cap. 10. *Sequitur altera quæstio de justitia actuali, quæ est de veritate justitiæ actualis, sive operum. Est autem hic controversia status, utrum homines justificati & gratia Dei adjuvante, possint ita legem divinam implere, ut opera ipsorum non modò non sint appellanda peccata, sed etiam verè ac propriè justa dici mereantur. Et quidem hæretici hujus temporis partem negantem defendunt: docent enim legem divinam esse planè impossibilem homini etiam justo, & inde colligunt nullam esse in nobis veram actualem justitiam, sed omnia opera justorum esse mortalia peccata ex natura sua. Ita Lutherus, Calvinus, Philippus, &c.*

Cui post hæc verba dubium esse potest, quin Bellarminus non

pro diversis & dissentaneis hæresibus habuerit, ut Inquisitores asserere non dubitarunt, quod hæretici docent de impossibilitate præceptorum, & de omnibus justorum operibus peccato aliquo infectis, sed pro unâ eademque hæresi cujus hæc duo membra sint; & unum quidem ex altero religatum: cum non aliam ob causam hæretici doceant cuius justo divinam legem impossibilem esse, quàm quia illa ipsa justorum opera, quibus coram hominibus Dei legem observare videntur, ita in se polluta & impura esse existiment, ut iis coram Deo divinæ legi nequaquàm satisfiat.

## I I I.

Neque minùs id clarè patet ex ratione quam affert ut probet Kemnitium errare circa divinæ legis possibilitatem, etsi verbo fateri videretur legem Dei per gratiam posse servari. Kemnitius, inquit, in examine Concilii, more suo fraudulenter agens, videtur admittere legem Dei per gratiam posse servari, modò non addatur perfectiè... Ubi si existimaret Kemnitius non posse legem impleri ita perfectè, ut justus in tota vita non admiserent operibus bonis ulla peccata venialia, nobiscum sentiret & cum ipso Concilio, ut patet ex illo ipso cap. 9. sess. 6. Sed non hoc sensu ille negat perfectionem operibus justorum; sed quia cum cæteris seclariis censet, non posse ita legem impleri, ut opus simpliciter justum appellari queat. Imperfectam enim dicit esse nostram observantiam legis, quia judicat eam contaminatam & immundam, unde ap-  
probat



probat dictum Lutheri, quod omnia opera justorum sint vere peccata.

Quid istis verbis manifestius affecti potest? Non aliunde enim probat Bellarminus Kemnitium à Catholicis dissentire circa possibilitatem divinæ legis, quàm quia cum Luthero sentiebat omnia justorum opera esse peccata. Quem pudendum & exitialem errorem si abjiceret, non alia ejus esset quàm Tridentini Concilii hæc de sententia sess. 6. c. 11. Hinc verò perspicuè sequitur

1. Non pro duabus diversis hæresibus hæc duo Bellarminum habuisse, sed ultimum illud de omnibus justorum operibus peccato infectis considerari voluisse, tanquam ex quo prior error de præceptorum divinorum impossibilitate penderet.

2. Ex sententia Bellarmini de ea tantum præceptorum possibilitate Synodum Tridentinam egisse, quæ cum effectu conjuncta sit, & per quam justî, qui per quotidianum Dei adjutorium perseverantiam bonæ conversationis accipiunt, legem divinam reipsâ servant, licet non ita perfectè, ut in tota vita non admisceant operibus ulla peccata venialia. Non possunt igitur ex Bellarmini mente ad aliam & planè diversam quæstionem Tridentinæ sanctiones sine calumnia detorqueri.

#### I V.

Postea verò separatis capitibus agit de impossibilitate divinæ legis, & de justorum operibus omnibus peccato infectis (ut & Tridentinum Conc. duobus diversis

capitibus ea duo damnavit) sed ita tamen ut semper prius ad posterius Bellarminus referat, neque de pura & mera possibilitate legis sollicitus sit, sed de ea quæ cum effectu conjuncta est. Neque enim quærit, quomodo possibilis lex sit iis qui eam transgrediuntur; sed, an sint justî qui eam implere possint, & re ipsâ impleant: An verò, quod hæretici jactabant, nemo quantumvis justus eam implere possit, & ei observandæ sanctissimi quique impares sint. Id verò evidenter ostendunt argumenta omnia quæ ex divinis literis reperit eodem libro cap. 10. *Prolamus*, inquit, *legem Dei esse possibilem, primò iis testimoniis quibus utitur Conc. Trident. sess. 6. cap. 11. quæ non solum possibilia, sed etiam facilia testantur esse mandata. Matth. 11. Fugum meum suave est; & onus meum leve. & 1. Joan. 5. Et mandata eius gravia non sunt. Quibus autem mandata Dei gravia non sunt, nisi eis qui ex charitatis affectu servant. Omnia quisque* (inquit Augustinus de Nat. & Grat. cap. 69.) *sunt facilia charitati, cui uni sarcina Christi levis est; aut ea una est sarcina ipsa quæ levis est. Conversus ergo (ut ibidem S. Doctor) ad dominum Deum suum ex toto corde suo & ex tota anima sua, mandatum Dei non habebit grave. Quomodo est enim grave, cum sit dilectionis mandatum. Aut enim quisque non diligit, & idèò grave est; aut diligit, & grave esse non potest.*

In eo verò sensu hæc Scripturæ testimonia à Bellarmino accepta

esse, quæ sequuntur perspicuè demonstrant. Post allatam enim & confutatam Calvini responsionem: *Domini autem*, inquit, & *Apostoli verba indicant, legem Dei esse jugum quod facile portatur, & mandata ejus non esse gravia, sed parvo negotio custodiri, quod evidentius expressit David sub metaphora via, cum ait: Viam mandatorum tuorum cucurri cum dilatasti cor meum; & Apostolus ad Philipp. Omnia possum in eo qui me confortat. Ubi vides dilatationem cordis per infusam charitatem & gratiam Domini confortantem, efficere ut mandata facile serventur. Quod multo ante futurum prædixit Ezechiel. cap. 36. cum ait: Spiritum meum ponam in medio vestri, & faciam ut in præceptis meis ambuletis & judicia mea custodiat.*

Et erit quisquam adeò pervicax & obstinatus, qui non agnoscat Bellarminum nullatenus agere de possibilitate præceptorum, quæ illis competat qui ea non observant, sed de illa tantùm possibilitate cum effectu conjunctâ, quæ ad eos solùm pertinet qui ea reipsâ implent, qui jugum Christi portant, & qui dilatato corde viam mandatorum currunt, cum per gratiam novi Testamenti ab Ezechiele prædictam Deus in iis facit, ut in præceptis ejus ambulent, & judicia ejus custodiant?

## V.

Neque minùs perspicua sunt quæ mox addit adversùs hæreticos divinæ legis impossibilitatem impugnantes. "Et hoc idem con-

firmant loca quæ illi contra adducunt. Nam *Christus liberavit nos de maledictō legis quia fecit ut mandatum implemus; & Nulla damnatio est his qui sunt in Christo*, non quia non imputatur prævaricatio, sed quia non secundum carnem ambulat; & quia per gratiam Dei fit, ut justificatio legis impleatur in ipsis, ut ibidem subjungit Apostolus. Quid hoc ad justos qui interdum labuntur? An verum est iis prævaricationem non imputari? Imò id ipsum est quod refellit Bellarminus. Non ergo de alia possibilitate legis agit quàm de illa per quam ita impleri possit, ut re ipsâ impleatur.

## V I.

Secundò, inquit Bellarminus, probatur ex testimoniis quæ docent mandata servari ab his qui diligunt, &c. At cerè debemus & possumus diligere Deum & proximum, alioqui non possumus esse Christi discipuli, &c. nec possemus unquam amici Christi fieri, si non possemus diligere, &c.

Post allatam verò Calvini & Kemnitii responsionem; Eum scilicet qui diligit, legem implere; sed neminem esse qui diligit sicut oportet ut præcepto divino satisfiat: Respondet, Dilectionem quidem imperfectam esse, quia potest crescere, posse tamen esse tam perfectam, ut præcepto divino satisfiat. Nam in primis, inquit, non possemus esse Christi discipuli & amici, nisi hoc præceptum dilectionis implemus. Valdè autem absurdum est, neminem esse posse Christi discipulum vel ami-

*Ann.* Nota NEMINEM. Hinc enim perspicuè patet, eam esse autore Bellarmino circa præceptorum impossibilitatem hæreticorum sententiam à Synodo Tridentina damnatam, per quam statuatur, *Neminem esse in hac vita, qui etiam per auxilium Dei & spiritum gratiæ & charitatis in justificatione insu- sum, legem implere possit.* Quid verò hic error impius cum SS. Pa- trum doctrinâ de Petro vel ali- quo alio iusto à Deo ad tempus nonnunquam sibi ipsi relicto, commune habere potest?

## V I I.

*Tertiò probatur, inquit idem; ex testimoniis qua docent aliquos ser- vasse mandata, ac præcipuè de dile- ctione ex toto corde & non concupif- cendo, &c.* Et post plurima San- ctorum exempla commemorata: *Hubemus igitur, inquit, multos servasse legem Dei: ex quo eviden- ter sequitur, ut non sit impossibilis.*

Quid hoc argumento infir- mius, iundò insulsius, si proban- dum suscepisset, ut volunt ad- versarii, neminem unquam ju- stum esse cui præcepti implendi per sufficientem gratiam plena semper & expedita facultas non sit? Quis enim hunc paralogis- mum ferat, non modò homine docto, sed vel puero, qui ali- quem rationis usum habeat, in- dignissimum? Abraham, Moyses, Samuel, Helias, Helisæus, Isaias, alii Prophetæ, Apostoli, & inter cæteros Paulus, legem Dei serva- verunt: ergo nemini unquam ju- sto in quacumque tentatione gra- tia actualis & interior deest, &c.

quam proximè & expeditè legem Dei possit implere. Quis ita de- sipiat, ut hoc sapiat? Argumen- tari istud est, an nugari? Quis verò Bellarminum pro Ecclesia Catholica adversus hæreticos præliantem tam inepto sophisma- te usum existimet? Contra verò statue, quod res est, Bellarmi- num Lutheranorum hæresim de præceptorum impossibilitate à Concilio Tridentino damnatam in eo reposuisse, uti re verâ in eo posita fuit, Quòd neminem quan- tumvis justum & divinæ gratiæ præsidio fultum esse dicerent, qui Dei legem servare posset. Invi- ctè prorsus hanc hæresim hoc ar- gumento confodit: Abraham, Moyses, Samuel, &c. legem Dei servaverunt, falsum igitur est eam ita esse impossibilem, ut ne- mo justorum sit qui eam servare possit.

## V I I I.

Verùm quod addit, manifestiùs adhuc ostendit, ita Bellarminum separatis capitibus agere de im- possibilitate legis ab Heterodoxis assertâ & à Tridentino damnatâ, & de errore illo quo existimant omnia justorum opera verè esse peccata, ut tamen illa duo tan- quam inter se omnino connexa considerari voluerit, & quorum unum propter alterum ab hæreti- cis asseratur: *Neque, inquit, ad hoc argumentum (ex justorum qui legem servaverunt exemplo re- petitum) applicari potest communis Lutheranorum solutio, quòd SS. Pa- tres mandata servasse dicantur, tum propter inchoatam obedientiam, tum*

*propter non imputationem Dei. Non enim diu potest absolute implere mandatum, sed potius absolute prævaricari, qui tam imperfectè illud servat, ut peccet mortaliter, & dignus sit, propter illud opus, odio & irâ Dei & supplicio sempiterno. Scriptura autem dicit illos absolute servasse, imò etiam toto corde servasse, &c.*

Vides ut Bellarminus divinæ legis impossibilitatem, quam Lutherani & Calvinistæ asseruerunt, & quam Tridentina Synodus damnavit, semper in eo reponat, quod nemo justorum dici possit absolute implere mandatum, cum omnium sanctissimj tam imperfectè illud servant, ut peccent mortaliter, & digni sint etiam propter illa opera, quibus legem divinam servare videntur, odio & irâ Dei & supplicio sempiterno.

## I X.

Verissimum igitur est, quod in priori Apologetico à me scripto, falsitatis & mendacii, velut suscepto ab ipsis consilio parùm commodum, Inquisitores arguerunt: Certum esse scilicet, etiam teste Cardinale Bellarmino, non aliud Tridentino de præceptorum impossibilitate anathemate perculsum, quam quod hæretici assererant, nunquam justis eam adesse gratiam, quâ præcepta divina implere possent; sed quicquid agerent illi sanctius, id pro peccato vel leibali, vel certe veniali habendum esse: quod erat demonstrandum.

Ex quo ulterius duo maximi momenti consuetaria sunt: Primum est, autore Bellarmino,

quem qui sequatur, hæreticum opinor non dicent esse adversarii, Tridentinum Canonem de impossibilitate præceptorum ad præsentem controversiam minimè pertinere.

Alterum est: Cum Innocentius X. præceptorum impossibilitatem, quam in prima propositione ut hæreticam & impiam proscripsit, jam anathemate damnatam esse, à Synodo nempe Tridentinâ, declaraverit, in Pontificiam Constitutionem non offendere, nisi qui damnatam propositionem tueatur, quocumque id prætextu faciat, vel aliis verbis eam præceptorum impossibilitatem adstruat, quam autore Bellarmino Tridentina Synodus profligavit. Eam verò à præsentī controversiâ omnino esse alienam, liquidò nisi fallor & evidenter ostendi.

## X.

Neque verò tantam lucem obscurare possunt quæ contra Inquisitores objecere. Negant primò, quæ Synodus de præceptorum impossibilitate damnavit, ad eum errorem pertinere quem Heterodoxi hoc demum posteriori seculo induxerunt de omnibus justorum operibus peccato infectis, cum illam de præceptorum impossibilitate hæresim dicat Synodus à Patribus esse damnatam. Non autem illam damnasent Patres antequam esset.

Sed quis non perspicit quàm inane sit istud argumentum? Errorem enim de præceptorum impossibilitate Patres damnaverunt,

non quia ulli reverâ essent hæreci qui illum tuerentur, sed quia Pelagiani Catholicis illum affingebant: quam calumniam ut SS. Patres à se amoverent, meritò errorem illum anathemate damnaverunt, docueruntque possibilia esse mandata, quia *certum est nos ea servare si volumus*; etsi tunc solum tantum velimus, quantum sufficit ut volendo faciamus (ut inquit Aug. ad hanc ipsam Pelagianorum criminationem respondens lib. de Grat. & lib. arb. cap. 16.) *cùm ille facit ut faciamus, præbendo vires efficacissimas voluntati, qui dixit, Faciam ut in justificationibus meis ambuletis, & iudicia mea observetis & faciatis.* Quod cùm Lutherani & Calvinistæ negare ausi essent, & hanc Christi gratiæ injuriam facere non dubitarent, ut ne quidem ejus ope ab ullo justo lex Dei servari posset, meritò Concilium Tridentinum adversùs illorum hæresim ea profert SS. Patrum testimonia, quibus illi ad Pelagianorum calumniam retundendam pridem sanxerant, præcepta Dei non esse impossibilia, quia qui jubet dat quod jubet, cum adjurat ut faciat cui jubet, & tantum dat voluntatem, quanta sufficit ad implenda mandata, ut inquit idem Augustinus cap. 15. & 16.

Verùm, inquiunt iterum, iis argumentis Synodus Tridentina præceptorum possibilitatem adversùs Lutheranos adstruit, quæ ad illorum errorem de omnibus justorum operibus peccato infectis nihil prorsus faciunt, ut cùm

ait, *Deum sua gratia semel justifi. atos non deserere, nisi ab eis prius deseratur.*

At quæro ab eis ubi didicerint verba illa Concilii, quæ afferunt, ad præceptorum possibilitatem adstruendam referri, quo nihil à veritate magis alienum. Multa namque in hoc c. 11. sess. 6. Concilium docet. Primum enim de præceptorum possibilitate agit adversùs Lutheranos & Calvinistas, & ita quidem ut eam semper stabiliat & confirmet quæ cum effectu conjuncta sit, & quæ ad justos tùm demùm pertineat, cùm piè viventes à viâ mandatorum non declinant. En verba Concilii omnibus suâ luce perspicua, nisi alienâ interpretatione obscurentur: *Nemo autem, quantumvis justificatus, liberum se esse ab observatione mandatorum putare delect* (quod hæretici contendebant, hoc pravo sensu intelligentes quod à Paulo dictum est, *Christum nos liberasse de maledictio legis*, eò quòd, ut falsò existimant, importabilis esset, & ei observandæ nullus unquam par fuisset aut esse posset.) *Nemo temerariâ illâ & à Patribus sub anathemate prohibitâ voce uti, Dei præcepta homini justificato ad observandum esse impossibilia. Nam Deus impossibilia non jubet; sed jubendo monet, & facere quod possis, & petere quod non possis, & adjurat ut possis, cujus mandata gravia non sunt, cujus jugum suave est & onus leve. Qui enim sunt filii Dei, Christum diligunt; qui autem diligunt eum, ut ipsemet testatur, servant sermones ejus: quod utique*

utique cum divino auxilio præstare possunt.

Hactenus Concilium de præceptorum impossibilitate adversus Heterodoxos, qui impio errore ita impossibilia esse præcepta Dei jactaverant, ut à nemine etiam per Dei gratiam servari possent, adeoque justificatos ab eorum observatione esse liberos, ne si illorum salus à præceptorum observatione penderet, salvari numquam possent. Quos Concilium iis rationibus & Scripturæ testimoniis redarguit, quæ, ut jam ex Bellarmino vidimus, non eos justos spectent, qui præcepta divina transgressi à justitiâ excidunt, sed eos qui gratiâ adjuvante divinâ ea reipsa servant, cum in eis Deus per singularem suam misericordiam facit, *primum quidem ut in facilibus agant quod possunt*: deinde *ut in difficilibus petant quod nondum possunt*; tantam scilicet ab illo voluntatem implorantes, quanta sufficit ad implendum mandata; denique ut inspiratâ sibi per eandem gratiam magnâ illâ & robustâ voluntate, divina mandata implere possint, cum plenè perfectèque voluerint. Si sunt quibus præcepta divina gravia non sunt, quia diligenti dilectionis mandatum grave esse non potest, ut præclare docet Augustinus de Grat. & lib. Arb. c. 15. & 16. De Nat. & Grat. c. 69. Quibus jugum Christi suave est & onus leve, quia Charitati

Christi sarcina levis est: Qui denique Christum diligentes Christi sermones servant: *Quod utique, inquit Concilium, cum divino auxilio præstare possunt*, contra quam hæretici impiè contendebant, neminem esse arbitrati, quantumvis justum, qui etiam cum divino auxilio Christum diligere sicut oportet ut legi divinæ satisfiat, & ejus mandata servare possit.

Hactenus igitur, ut jam dixi, pestilentem illam Lutheranorum & Calvinistarum de præceptorum impossibilitate hæresim Synodus Tridentina profligavit. In iis verò quæ sequuntur, explicat tantum Synodus quo pacto à justis præcepta servantur. Fatetur enim non ita perfectè ab illis ea servari, quin bonis illorum operibus peccata venialia admisceantur, sed quæ talia non sint, ut propterea desinant esse justî, quò referenda sunt quæ Inquisitores attulere tamquam pro adstruendâ præceptorum possibilitate dicta, quod à vero alienissimum est. *Dens namque suâ gratiâ semel justificatos non deserit, nisi ab eis prius deseratur.* Sensus enim est ex gravissimorum Theologorum sententiâ, præsertim de scholâ D. Thomæ, *Deum suâ gratiâ semel justificatos non deserere, justitiam habitualement per quam justî sunt ab eis subtrahendo, nisi ab eis prius deseratur* per mortale peccatum. Ita locum hunc Concilii explicant (a) Medi-

(a) Sciendum est quod quando dicunt SS. Patres & approbant sacra Concilia, Deum suâ gratiâ semel justificatum non deserere, nisi prius ab eo deseratur, explanatio est de gratiâ justificante. Numquam enim gratiam justificantem auferat ab homine, nisi propter peccatum mortale. *Adrianus in 1. q. 109. 4. 10. in resp. ad 3. object. contra 4. Propos.*

na, (b) Estius, (c) Alvarez, (d) Nugno, (e) Nazarius, (f) Ledesma, (g) Sylvius, & alii passim quos nemo sanus propter hanc explicationem, sine ingenti temeritate, hæreseos aut erroris insimulare aufit.

Et certè ad gratiam sufficientem, quæ omnibus semper detur, hæc Concilii verba torqueri non posse, vel hinc manifestè patet, quòd talis illa sit quæ neminem deserat, neque umquam non præsto sit, quantumvis homo per peccata etiam atrocía Deum deseruerit. Quare si de illâ stabilendâ Synodus cogitasset, à quo longè abfuit, minimè dicere debuisset, *Deum suâ gratiâ semel justificatos non deserere, nisi ab eis prius deferatur*; sed contra potiùs, Deum suâ illâ gratiâ sufficienti semel justificatos, (imò vel facinorosissimos) numquam deserere, quantumvis ille ab eis deferatur.

Depulsis ergo leviusculis illis Inquisitorum objectionibus, nulli jam dubium esse potest, quin Lutheranorum & Calvinistarum error de præceptorum impossibilitate à Tridentinâ Synodo anathemate damnatus, is sit quem Car-

dinalis Bellarminus his verbis explicat, *non posse justum legem divinam ita implere, ut in eo opere peccatum nullum admittat*. Adedque Tridentinas eâ de re sanctiones contra Concilii mentem & scopum eò detorqueri non posse, ut quod iidem Tridentini Patres affirmant sess. 6. c. 12. *Justum in acceptâ justitiâ perseverare non posse sine auxilio speciali*, ac proinde non omnibus justis communi, quod in eâdem sess. c. 13. *magnum perseverantia munus* appellant, non inter sanctissima fidei dogmata, uti est, sed inter pestilentissimas hæreses recensetur.

## X I.

Ex his omnibus, ni fallor, abundè patet, quantum à Concilii Tridentini mente exerrent, qui propositionem, non meam, sed SS. Patrum, illius sacræ Synodi definitionibus adversari sibi falsò persuasere. Unum tamen hîc addere visum est ejusdem Illustrissimi Cardinalis locum, quo invictissimè demonstratur, unicum adversariorum fundamentum quo ex malè intellectis Concilii Tridentini Decretis, in clarissima Patrum doctrina hæreses reperitæ sibi videntur, per seipsum ruerè.

(b) Nec tamen si justus derelinquatur à Deo, ut sit in omnibus qui non perseverant, idèò falsum erit quod dicunt Patres Concilii, Deum suâ gratiâ semel justificatos non deserere, nisi ab eis prius deferatur: hoc enim dictum est de gratiâ justificante, ut ex ipsius verbis patet: atque hunc sensum habet, Numquam Deus gratiam justificantem aufert ab homine, neque amicitiz renunciat, nisi propter peccatum ejus mortale, nam mortale peccatum est quod gratiam expellit & amicitiam dissolvit. *Estim in 2. dist. 26. § 43 ad 5.*

(c) *Alvarez de Auxiliis lib. II. disput. 110. num. 19.*

(d) *Nugno in 3. par. qu. 62. art. 5.*

(e) *Nazarius in 1. part. qu. 23. art. 5.*

(f) *Ledesma de Auxil. art. 12. ad 7.*

(g) *Sylvius in Comment. in 1. part. ad quæst. 23. art. 5.*



ruere. Quæ enim sibi invicem adversari & repugnare existimant, *Aliqui* scilicet homini mandatum semper esse possibile, & tamen non semper habere hominem illum gratiam Dei sine quâ mandatum illud reipsâ servare non potest, docebit eos Eruditissimus Cardinalis & Adversariis nostris minimè suspectus, neutiquam repugnare, sed optimè inter se cohærere, si rectè & Theologicè perpendantur.

Cùm enim duo hæc statuisset (de Grat. & lib. Arb. lib. 6. c. 15.) Primum, Gratiam excitantem internam necessariò præcedere debere hominis conversionem, sive ab infidelitate ad fidem, sive à peccato ad justitiam; Alterum, Auxilium Dei necessarium ad conversionem, non adesse peccatoribus omnibus momentis, sed certis temporibus; hanc sibi ipsi objectionem proponit.

Obijciunt aliqui: Si semper requiritur excitatio præveniens, non igitur in potestate hominis erit conversio: non enim excitatio illa est in hominis potestate. Respondeo conversionem semper esse in potestate liberi arbitrii, quoniam potest semper converti quando voluerit: Id enim dicitur esse in potestate, ut *August.* definit lib. de spiritu & litterâ cap. 31. & lib. 5. de Civit. Dei cap. 10. quod adest quando volumus, & quando nolumus non adest. Quo sensu admittit *August.* ibid. fidem esse in potestate liberi arbitrii; quia credit homo si vult, & si vult non credit. Caterum ipsum velle credere, aut converti, non potest homo habere nisi per gratiam prævenientem acceperit

ut possit. Neque est in potestate hominis, ut Deus illum vocet atque excitet. Alioquin non diceret *Apostolus* 2. ad *Timoth.* 2. Ne quando det eis Deus poenitentiam, & convertantur à diaboli laqueis.

Hic unicus Bellarmini locus funditus evertit quicquid ab adversariis meis hætenus allatum est, quo probarent propositionem meam meritò se hærescos incusare. Hæc enim solâ argumentatione uruntur:

*A Conciliis definitum est, præcepta Dei semper justis esse possible.*

At si deest interdum alicui justo gratia sine quâ præceptum servare non potest, non erit ei tunc præceptum illud possibile.

Ergo sine hæresi dici non potest, deesse interdum alicui justo gratiam sine qua præceptum aliquod servare non potest.

Quàm falsa sit autem hæc illatio, jam cuivis, ut opinor, perspicuum est.

Primum enim, etsi duæ primæ propositiones veræ essent, non tamen interim concludi posset, hæreticum esse quod inde conficitur; cùm ea quæ per viam argumentationis ex Ecclesiæ definitionibus eliciuntur, errores ad summum esse, non hæreses, Theologi vulgò doceant.

Deinde, propositionem hujus argumenti falsâ Concilii Tridentini interpretatione niti, supra liquidò demonstratum est; etsi alias negari non debeat, præcepta Dei semper justis esse possible.

Denique assumptionem, ex quâ pendet conclusionis veritas, omnino



nino falsam esse, egregia illa & planè Augustiniana, quam supra attulimus, Bellarmini doctrina evidenter ostendit.

Si enim sufficit peccatori, ut ipsius conversio semper in ejus potestate esse dicatur, quòd potest semper converti quando voluerit, quia ex Augustino id dicitur esse in potestate, quod adest quando volumus, & quando nolumus non adest; multò magis sufficiet justo, ut mandata Dei ei possibile esse dicantur, quòd ea observat quando vult, non observat quando non vult.

Atqui ex Bellarmino, id sufficit peccatori ut ejus conversio semper in ejus potestate esse dicatur; etsi ipsum velle converti non possit homo habere, nisi per gratiam prævenientem acceperit ut possit, neque sit in potestate hominis, ut Deus illum vocet atque excitet.

Ergo multo magis id sufficiet justo, ut verè dicantur mandata Dei semper illi esse possibile; etsi fieri nequeat, ut ipsum velle ea servare, quantum sufficit ut volendo faciat, in eo sit nisi per gratiam efficacem, quæ non semper omnibus justis datur.

Dixi multò magis id competere justo, quàm peccatori. Non enim ea tantum ratione præcepta Dei justo possibile sunt, quia potest ea servare si vult, juxta doctrinam S. Augustini de eo quod in potestate nostra esse dicitur; verum etiam quia per spiritum gratiæ & charitatis sibi in justificatione infusum, veram & interiorem

habet ad ea servanda potentiam, etsi ex doctrina SS. Patrum & Conciliorum, ulteriùs indigeat eà gratiâ, quæ ad singulos actus datur, sive efficaci illo *Des interioris animam moventis auxilio*, sine quo, ut expressè ait S. Thomas, mandata servare, & in accepta justitia perseverare non potest.

Hinc fit, ut de justo auxilio efficaci in aliquâ tentatione destituto rectè dicatur, & potuisse eum illam tentationem superare, & non potuisse; potuit enim quantum ad potentiam illam quam gratia in justificatione accepta cuivis justo suppeditat; non potuit verò, quia non habuit ea omnia quibus indigebat ut hæc potentia in actum suum exiret, sicut loquuntur Theologi.

Quâ de re illustrissimus est Cardinalis Cajetani locus in 1. 2. qu. 119. art. 1. *Quemadmodum*, inquit, *stant hæc duo simul: Homo habet potentiam visivam qua potest videre; & Homo non potest ex sola illa visiva potentia videre, quoniam sine extrinseco lumine nunquam hæc potentia exhibit in actum: ita in proposito, quia gratia est quâ homo est potens elicere operationem bonam, & resistere inurssionibus tentationum, & continuare in hoc, quod est perseverare; idèò homo justus donatus dicitur dono quo hæc potest; sed quia gratia habitualis NON POTEST exercere hos actus simpliciter, quando oportet, ubi oportet, &c. idèò dicitur quod hæc sola gratia sine speciali auxilio.* (quod paulò post non omnibus justis dari disertè affirmat) *NON POTEST hæc simpliciter.*

Id ipsum verò est quod Concilium Tridentinum sess. 6. c. 22. sub anathemate sancivit; dum eum jubet esse anathema qui dixerit, *Justificatum sine speciali auxilio Dei in acceptâ justitiâ perseverare posse*. Justus autem in acceptâ justitiâ tamdiu perseverat, quandiu legem Dei religiosè observat.

In quamcunque ergo reprehensores mei partem accipiant quod à Concilio Tridentino definitum est, *Homini justificato & sub gratiâ constituto præcepta Dei impossibilia non esse*; at non efficient, quin idem Concilium sanxerit, hominem justificatum in accepta justitiâ, hoc est, in religiosa mandatorum observatione sine auxilio, non communi, sed speciali perseverare non posse. Quare si hæc duo inter se pugnant, ut perperam arbitrantur, sancta Synodus à se ipsâ dissidet; quo nihil in eam ab ipsis hæreticis contumeliosius dici potest. Si non pugnant; definant mihi objicere Tridentini Concilii de præceptorum possibilitate doctrinam, quandoquidem cum illa optimè cohæret quod SS. Patres docent, deesse nonnumquam alicui justo speciale illud auxilium sine quo in præceptorum Dei observatione perseverare non potest.

### CONCLUSIO.

His demonstrationibus & argumentis in toto hoc Scripto prolatis iisque firmis, ni fallor, & perspicuis, ab Epistolæ meæ

propositione notatâ, omnis quantum existimo erroris, nedum hæreseos labes aut suspicio propulsatur. Ea verò paucis complecti libuit, quo qui me reprehendunt & faciliùs ea caperent, & me sicubi eis exerrare videor, in viam Christianâ mente & charitate reducerent. Ego id pressius & præcisius scribendi genus, tum usitato Theologorum mori aptius, tum ipsorum etiam studio & affectui congruentius fore putavi. Sanctorum enim Patrum autoritates non magni à se fieri, cum eas in priori meo Scripto expendendo intactas præterierint, satis ipsi sua sponte professi sunt. Nec verò à re ipsâ de quâ agitur, quâvis ipsi extraneis eam quæstionibus involvere & aliò digredi tentaverint, avelli me unquam ac distrahi passus sum. Malè enim SS. Patrum, quorum doctrinam in Epistola mea proposui, honori consulere, si ipsorum propositionis defensione omisâ ad aliena diverterem. Non enim jam agitur de iis quæ reprehensores mei sentire me prædicant; agitur de eo quod in Epistolâ meâ senserim, & à Patribus haustum exscripserim. Id ante omnia disceptetur, id dijudicetur necesse est. Si quid in sensibus meis habent quod præterea reprehendant, altera disceptatio est, alterum iudicium. Quod si ipsis æquâ lege, voce & scripto rationes vicissim conferre coram & congregari placeat, doctrinam me meam contra illorum reprehensiones Deo juvante facilè cuivis me probaturum

turum esse confido.

Si quid ramen ad explanandam mentem meam, & pacem in Facultate nostrâ conciliandam, à me præterea desideretur, id ego & præstare diligenter, & studiosè amplecti paratus sum. Neque enim ego in hanc concertationem meâ sponte prodii, sed assiduis hominum, alios ex aliis in me libellos edentium clamoribus ed compulsus sum, ut quod voluntate refugiebam, necessitate susciperem. Sicut enim illi postquam in animum induxi scribere, scriptiorem meam; ita & antea cum silere constituissem, silentium meum in invidiam, & occultæ perfidiæ suspicionem adducere conati sunt. Ut ergo à principio ab omni penitus contentionis studio abhorruî; ita & nunc diffidiis præcidendis, quantum in me erit, omni operâ inserviam. Veritas enim est amica pacis, sed ejus pacis quæ sit amica non inimica veritatis. Quare salvâ & incolumi summorum Pontificum,

Conciliorum, SS. Patrum ac præcipuè B. Augustini & B. Thomæ de Gratiâ Christi doctrinâ, quicquid ad sancientiam pacem ex æquo & vero propositum fuerit, libenter amplectar. Quod si in SS. Patrum testimoniis vel citandis vel explanandis aliquid forrasse à me humano errore peccatum esset, & emendare paratus essem; & cum qui me à lapsu revocaret, præclarè de me meritum ducerem. Si autem in locis illis, quæ ad sententiæ in Epistola mea notatæ defensionem è cœlestibus illis ac divinis Ecclesiæ Magistris exprompsi, nihil est quo fides vel interpretatio mea culpari queat, supplex vos oro atque obtestor, SAPIENTISSIMI VIRI, ne exemplo in posterum sanè periculoso quicquam adversum me gravius statuatur, quod in Epistola illa sacris eorum vestigiis adhærescere studui, quorum discipuli esse debemus, ut aliorum Doctores esse possimus.

Sic subscriptum,

ANTONIUS ARNALDUS,  
Doctor ac Socius Sorbonicus.

Die 17. Januarii,  
An. S. 1656.

# PROPOSITIONES

## THEOLOGICÆ DUÆ,

De quibus hodie maximè disputatur, clarissimè demonstratæ.

**O**Mnibus omnia se factam clamat Apostolica Charitas, & ut omnes lucrificeret, gaudere se cum gaudentibus, flere cum flentibus. Nec minùs multos Christiana Veritas induit vultus, quò variè affectis hominum animis procliviùs influat. Sic apud Sanctos Patres, in quorum scriptis purissima relucet, nunc acriori oratione vitia & hareses exagitat, nunc dialogorum familiaritate sese insinuat, nunc Poëtica deliciis delinit animos, nec populares etiam cantilenas subire refugit.\* Animadverto autem hoc tempore non paucos esse, quos veritas nuda & inornata delectet, & qui verborum apparatu fucum sibi fieri metuant. Alios autem qui cavillationibus quibusdam & calumniis, vim perpetuæ orationis eludant. Cur non igitur utrisque sese veritas attemperet, atque istis quidem nuda veritatis studiosis sese nudam offerat; & istorum tenebras & offucias ea luce discutiat quâ nullam humana ratio clariorem aut certiore invenit. Hoc ego consilio Theologicas propositiones duas, de quibus hoc tempore summa contentione disputatur, clarissimis demonstrationibus probare tentavi. Quod si, ut spero, consecutus sum, nihilque est in iis quod non ex certis concessisque principiis certa que consecutionis lege eliciatur, fateatur necesse est qui in posterum refragari audeat, non minùs gravem se humana rationi, quàm divine fidei injuriam inferre. Adeò fides & ratio, quæ ab eodem aterni luminis fonte derivantur, sic arctè inter se coherent & connexæ sunt, ut illa violari non possit, quin hac quoque pariter violetur.

\* Psal. Abeced. S. Aug.

## PROPOSITIO THEOLOGICA PRIOR DEMONSTRANDA.

*Deest interdum alicui justo gratia sine qua nec tentationem superare potest in ea occasione in qua peccat, nec orare sicut oportet ad obtinendam à Deo gratiam contra illam tentationem.*

### ASSUMTUM THEOLOGICUM I.

**D**ecet interdum alicui justo gratia efficax, tum quâ tentationem vincat, tum quâ oret sicut oportet ad obtinendam à Deo gratiam adversus tentationem. Alioquin nullus umquam justus à tentatione vinceretur, vel orare negligeret pro obtinenda adversus tentationem gratia.

### ASSUMTUM THEOLOG. II.

Gratia efficax ad singulos pietatis actus justo necessaria est; adeoque & ad superandam tentationem, & ad orandum sicut oportet pro obtinenda adversus tentationem gratia, cum oratio non infimum inter pietatis actus locum obtineat. Ita ad unum omnes S. Thomæ discipuli, & Eruditissimus Pontifex Clemens VIII. in Scripto quod Parisiis habetur propria ipsius manu subsignatum. Imò & ipsi Theologi qui ab illa propositione dissentiunt quam demonstrandam suscepimus, doctrinam istam de gratiæ efficacia ad singulos actus necessitate, doctrinam optimam esse professi sunt.

### ASSUMTUM THEOL. III.

Gratia efficax ad singulos pietatis actus necessaria est, non solum ut *suaviliter* fiant, ut aiebant

Pelagiani jam dudum ab Ecclesia eam ob rem damnati, sed ut absolute & simpliciter fiant: adeoque non est tantum convenienter & secundum quid necessaria, hoc est utilis, sed est simpliciter & absolute necessaria.

### AXIOMA PER SE NOTUM.

Definitio & definitum æquè latè patent. Seu

Definitio & definitum converruntur. Seu

Definitum substitutum in locum definitionis, & definitio in locum definiti, non mutant sensum propositionis, reliquis vocibus manentibus.

### COROLLARIUM.

Itaque, si duæ propositiones hoc solo discrimine discrepant, ut quod in altera per definitionem, in altera per definitum exprimitur, reliquis propositionis vocibus manentibus; prout altera vera est aut falsa, aut hæretica aut orthodoxa, altera quoque aut vera erit aut falsa, aut hæretica aut orthodoxa.

### EXEMPLUM.

Si verbi gratia hæc vox *fratres* nihil aliud denotet quam *iisdem parentibus genitos*: ita ut hæc vox *fratres* sit definitum, illa vero verba;

ba, *iisdem parentibus geniti*, sit definitio; dico ambas has Propositiones:

I. *Petrus & Paulus sunt iisdem parentibus geniti*:

II. *Petrus & Paulus sunt fratres*: esse simul aut veras aut falsas; nec fieri posse ut altera vera, altera falsa sit.

DEFINITIO I. *non posse*.

*Aliquem non posse* dico, cum potentia quantumvis ad agendum statuatur instructa, in actum prodire nequit, undecumque id accidat; etsi interim in alio sensu, eoque proprio & apud homines usitato verè dici queat, *hominem illum posse*, quod secundum hanc definitionem verè etiam *non posse* dicitur.

Exemplum. Qui sanos habet oculos, si in tenebris est verè dicitur *videre non posse*, quia facultas videndi, quantumvis sana, sine lumine in actum prodire nequit; etsi interim quod ad videndi facultatem attinet, veram habeat videndi potentiam, secundum quam verè dicitur *posse videre*.

DEFINITIO II. *NECESSARIUM*.

Necessarium illud dicitur sine quo res nullo modo potest esse, sicut cibus est necessarius ad conservationem vitæ humanæ; & illud est simpliciter necessarium.

Vel sine quo res convenienter esse non potest; sicut equus est necessarius ad iter; & illud est tantum secundum quid necessarium seu utile. Ita S. Thomas plurimis in locis. I. p. q. 41. a. 2. ad 5. & 2. 2. q. 58. a. 8. ad 2. Et q. 141. a. 6. ad 2. Et 3. p. q. 1. a. 2.

c. & q. 46. a. 1. c. & q. 84. a. 5. c.

Nos verò hîc *necessarium* appellamus quod est *simpliciter necessarium*, secundum id quod dictum est in Assumpto Theol. 3. Quare *necessarium* est definitum.

Id verò, *sine quo aliquid esse non potest*, est definitio.

Huius verò definitionis generalis, casus illi particulares sunt. Gratiâ justo necessariam, vel ad vincendam tentationem, vel ad orandum sicut oportet pro obtinenda à Deo gratia contra tentationem, voco, sine qua iustus non potest, vel tentationem superare vel orare sicut oportet, &c.

Ita ut *gratia ad superandam tentationem vel ad orandum sicut oportet justo necessaria*, sit definitum.

Gratia verò, *sine qua iustus non potest, vel tentationem superare, vel orare sicut oportet*, sit definitio.

COROLLARIUM.

Ex axiom. & defin. præcedenti sequitur ambas has propositiones.

I. *Aliui justo deest gratia ad superandam tentationem, vel ad orandum sicut oportet necessaria*:

II. *Aliui justo deest gratia sine qua non potest, vel tentationem superare, vel orare sicut oportet, esse simul veras aut falsas, hæreticas aut orthodoxas*.

Etenim duæ istæ propositiones, hoc solo discrimine discrepant, ut quod in altera per definitum, in altera per definitionem exprimitur, reliquis verbis manentibus, nempe *deest aliui justo*. Sed propositiones omnes in quibus ea conditio est, sunt simul aut veræ aut falsæ, &c. Ergo, &c.

PRO.

PROPOSITIONIS

DEMONSTRANDÆ PARS I.

*Deest interdum alicui iusto gratia sine qua tentationem superare non potest in ea occasione in qua peccat.*

PROBATUR

Ex corollario præcedenti, si verum est deesse alicui gratiam ad superandam tentationem necessariam, verum est etiam deesse illi gratiam sine qua tentationem superare non potest.

At deest interdum alicui iusto gratia efficax ad superandam tentationem necessaria in ea occasione in qua peccat, ex assumptis 1. & 2.

Ergo deest interdum alicui iusto gratia sine qua tentationem superare non potest in ea occasione in qua peccat. Quod erat demonstrandum.

PROPOSITIONIS

DEMONSTRANDÆ PARS ALTERA.

*Deest interdum alicui iusto gratia sine qua orare non potest sicut oportet ad obtinendam à Deo gratiam contra tentationem in occasione in qua peccat.*

Probatur eodem modo. Deest enim interdum alicui iusto gra-

tia efficax necessaria ad orandum sicut oportet in ea occasione in qua peccat. Ergo substituendo definitionem in locum definiti, deest interdum alicui gratia sine qua orare non potest sicut oportet, &c.

MONITUM.

Cum his demonstrationibus concludo non posse interdum aliquem iustum, vel superare tentationem, vel orare sicut oportet, id semper intelligi volo secundum definitionem prius datam *non posse*; adeoque id non impedit quin iusti omnes per donum gratuitum naturæ superadditum, quo natura corrupta sanatur & sanata elevatur ad operandum bonum vite æternæ meritorium, ut docet S. Thomas 1. 2. q. 109. a. 2. 3. &c. possint & orare sicut oportet, & peccatum vitare, & mandata servare quantum ad sufficientiam operativæ virtutis; etsi ulterius indigeant auxilio Dei interioris moventis, dirigentis & protegentis: quod non omnibus iustis semper adest, & sine quo tamen, ut idem docet eadem qu. art. 9. & 10. illa omnia reipsa præstare iusti non possunt, illo scilicet ultimo & completo, quem definivimus, possibili-  
sibilitatis modo.

## PROPOSITIO THEOLOGICA

POSTERIOR CLARISSIME DEMONSTRATA.

Non semper habent iusti omnes gratiam interiorē actūalem ad vitandum peccatum in ea occasione in qua peccant.

*Definitiones vocum præcipuarum quibus utimur in hac propositione demonstranda.*

## DEFINITIO I.

**C**ogitationem voco quemvis actum intellectus, sive deliberatum, sive indeliberatum.

## DEFINITIO II.

Volitionem voco quemvis actum voluntatis, sive deliberatum, sive indeliberatum.

## DEFINITIO III.

Gratiam voco misericordiam Dei, per quam hominem iuvat in iis quæ ad pietatem pertinent; sive per exteriora adminicula, qualia sunt prædicatio verbi divini, miracula, exempla, sacramenta; sive per interiora, qualia sunt gratia sanctificans, virtutum habitus, bonæ inspirationes.

## DEFINITIO IV.

Gratiam interiorē voco misericordiam Dei, per quam interiorius hominem iuvat in iis quæ ad pietatem pertinent, sive per dona habitualia, sive per auxilia actualia.

## DEFINITIO V.

Gratiam interiorē actūalem voco misericordiam Dei, per quam interiorius motum mentis operatur in iis quæ ad pietatem pertinent. Ita D. Thomas de ver.

q. 24. art. 14. Pro duplici verò mentis facultate, intellectu & voluntate, duplex etiam est gratia actualis. Itaque

## DEFINITIO VI.

Gratiam actūalem intellectus voco misericordiam Dei, per quam interiorius piam cogitationem in intellectu operatur.

## DEFINITIO VII.

Gratiam actūalem voluntatis voco misericordiam Dei, per quam interiorius piam volitionem in voluntate operatur.

## M O N I T U M.

Non hîc disputo, an Deus piam cogitationem & piam volitionem immediatè per se ipsum in voluntate operetur, an verò median-  
tibus tantum quibusdam qualitatibus transitoriis, ut recentioribus Thomistis visum est; sed sufficit mihi, piam cogitationem & piam volitionem in gratiæ actualis conceptu ita contineri, ut cum hæc adsunt, gratia actualis sit, & sine his esse non possit; neque fieri queat quin, substituendo definitionem in locum definiti, duæ illæ Propositiones

I. *Homo non habet piam cogitationem*



## *De gratia ad vitandum peccatum necessaria. 99*

*tionem vel piam volitionem circa aliquod objectum:*

II. *Homo non habet gratiam actualem circa aliquod objectum; sint simul veræ aut simul falsæ.*

### DEFINITIO VIII.

Peccatum voco, dictum, factum, concupitum contra legem æternam. Ita Aug. l. 22. contra Faustum c. 27. Qua definitione omnia peccata tam mortalia quàm venialia comprehendo.

### DEFINITIO IX.

Peccare per ignorantiam voco, cum quis planè nesciens aliquid esse peccatum, sine ullo conscientie scrupulo aliquid facit quod non debet facere: ut cum Judæi etiam leves ob causas repudium dicebant uxoribus; Ethnici verò plerique liberos recens natos vel exponebant, vel etiam occidi jubebant, ibi sibi licitum esse arbitrati.

### DEFINITIO X.

Peccare per conscientiam erroneam voco, cum quis illud facit, quod non solum non credit esse peccatum, sed firmiter credit esse opus maximè honestum, Deoque ipsi gratissimum; ita ut non solum quis putet se non peccare cum illud facit, sed contra se peccaturum si non faceret; ut cum Judæi Apostolos persequendo existimabant, Christo ipso teste, obsequium se præstare Deo. Qua de re Bern. ep. 77. ad Hug. c. 4. *Si ignorantiam numquam peccatur, quid ergo causamur adversus occisores Apostolorum, quandoquidem non solum malum esse nesciunt interficere illos, sed insuper quo-*

*que id faciendo arbitrati sunt obsequium se præstare Deo?*

### DEFINITIO XI.

Peccare per ignorantiam, subreptionem, & inconsiderantiam voco, cum quis inter peccandum nullo modo cogitat id quod facit æquum sit an iniquum; etsi fortasse, si animum adverteret, non ignoraret illud sibi minimè esse faciendum. Ut enim recte docet Aug. de Trin. l. 10. c. 5. *Aliud est rem non nosse, aliud de re non cogitare. Neque enim, inquit, multarum doctrinarum peritum ignorare grammaticam dicimus, cum eam non cogitat, quia de medicina arte tunc cogitat; sive, ut ait S. Thomas 1. 2. q. 77. a. 2. Nihil prohibet aliquid sciri in habitu, quod tamen actu non consideratur. Plena est hominum vita talibus peccatis quæ per subreptionem & incogitantiam fiunt.*

### DEFINITIO XII.

Peccare per passionem voco, cum ille qui est in passione constitutus, ut docet S. Thomas 1. 2. q. 77. a. 2. non considerat in particulari & in actu, id quod scit in universali & in habitu; puta intemperantiam in cibo esse fugiendam, in quantum passio impedit talem considerationem. Sic peccare Aristoteles docet eos quos incontinentes vocat l. 7. Ethicor. c. 3. & post eum S. Thomas loco cit.

### DEFINITIO XIII.

Peccare per malitiam voco, quando quis sciens & volens inordinata voluntate, plus diligit aliquid bonum temporale, puta divitias & voluptatem, quàm ordi-

nem rationis, vel legis divinæ, vel charitatem Dei. *Cum enim malum nihil aliud sit quàm privatio alicuius boni; per hoc quòd quis scienter vult dispendium pati in aliquo spiritualium bonorum, ut potiatur aliquo temporali bono, dicitur ex certa malitia vel industria peccare, quasi scienter malum eligens.* Ita S. Thomas 1. 2. q. 78. a. 1.

## COROLLARIUM I.

Peccata per ignorantiam & peccata per conscientiam erroneam ad unum genus referri possunt, quod universim dicitur, peccare per ignorantiam. In eo enim conveniunt, quòd absit à mente peccantis cognitio rei faciendæ, tum universalis & in habitu, tum particularis & in actu. Peccata verò per incogitantiam & peccata per passionem ad unum itidem genus pertinent, quod peccare per infirmitatem dicitur. In eo enim conveniunt & à prioribus discrepant, quòd habeat qui per incogitantiam & passionem peccat, cognitionem rei faciendæ in universali & in habitu, non habeat verò, interim dum peccat, in particulari & in actu: quod aliter vocatur consideratio seu animadversio.

## COROLLARIUM II.

Peccata omnia secundum causas interiores considerata ad illa tria genera reduci possunt, ignorantia, infirmitatis, & malitiæ: estque illa divisio in suo genere adæquata. Ita S. Th. 1. 2. q. 76. & 78. a. 1.

## DEFINITIO XIV.

Vitare peccatum voco, ab aliquo peccato quod periculum est

ne admittatur ita abstinere, ut non aliqua prava cupiditate id facias, sicut clavus clavo pellitur, sed ex pio in Deum affectu.

## DEFINITIO XV.

Gratiam actualem ad vitandum peccatum voco, quâ homo juvatur ad vitandum peccatum.

## DEFINITIO XVI.

Juvati homo dicitur ad vitandum peccatum, vel ex parte intellectus per inspirationem piæ cogitationis, vel ex parte voluntatis per inspirationem piæ volitionis, cum per alterutram removeatur id quod ex parte intellectus, vel ex parte voluntatis, animam impedit ne moveatur ad abstinendum à peccato.

## ASSUMTUM THEOL. GENERALE.

Ignorantia ex parte intellectus, per quam fit *ut lateat* aliquid esse peccatum, vel etiam certo creditur non esse peccatum, & infirmitas ex parte voluntatis, per quam fit *ut non delectet*, vel facere bonum, vel à peccato abstinere, *vitia sunt quæ impediunt animam, ne moveatur ad faciendum opus bonum, vel ab opere malo abstinendum.* Ex Aug. 1. 2. de pecc. mer. c. 17.

COROLLARIUM ex hoc assumpto  
Def. 16.

Tum demum homo dicitur habere gratiam actualem quâ juvatur ad vitandum peccatum, vel ex parte intellectus, vel ex parte voluntatis, cum per inspirationem piæ cogitationis *innotescit ei quod latebat*, vel per inspirationem piæ volitionis *suave fit ei quod*

## *De gratia ad vitandum peccatum necessaria.* 101

*non delectabat; ut etiam tradit ibid. S. Aug. his verbis: Ut autem innotescat quod latebat & suave fiat quod non delectabat, gratia Dei est quæ hominum adjurat voluntates.*

### A X I O M A T A

*Vel naturaliter nota, vel præcedentium definitionum manifestè consecutaria.*

#### A X I O M A I.

Qui nullam habet cogitationem nullamque volitionem circa aliquod objectum, puta de vitando peccato, non habet piam cogitationem vel piam volitionem circa illud objectum.

#### A X I O M A I I.

*Nihil volitum quin præcognitum.* Unde manifestè sequitur eum qui nullam habet cogitationem circa aliquod objectum, nullam etiam circa illud objectum volitionem habere, ac proinde nec piam.

#### C O R O L L A R I U M.

Qui nullam habet cogitationem de vitando peccato, nullam habet etiam gratiam actualem ad vitandum peccatum. Id manifestè sequitur ex duobus præcedentibus Axiomatibus, & ex definitione gratiæ actualis. Qui enim nullam habet cogitationem de vitando peccato, nullam habet circa vitandum peccatum piam cogitationem vel piam volitionem. Habere autem gratiam actualem est habere piam cogitationem vel piam volitionem sibi à Deo inspiratam. Ergo qui nullam habet cogitationem de vitando peccato, nullam etiam habet gratiam actualem ad vitandum peccatum.

#### A X I O M A I I I.

Qui peccavit per ignorantiam sive simplicem sive erroneam ac proinde ex def. 9. & 10. neque sciens neque cogitans se peccare. Item qui peccavit per incogitantiam nullo modo advertens se peccare, vel per passionem eo modo quo dictum est in def. 12. hoc est actu solum considerans quod libebat, non quod licebat, in his omnibus casibus qui peccavit, nullam habuit cogitationem de vitando peccato: quod in duobus prioribus ne in universali quidem & in habitu cogitavit esse peccatum, in duobus verò posterioribus cogitavit quidem in universali & in habitu, sed in particulari & in actu non consideravit nec cogitavit esse peccatum. Unde patet contra hypothesim pugnare, quod talis habuisse dicatur piam cogitationem de vitando peccato.

#### C O R O L L A R I U M I.

Ergo nec gratiam actualem habuit ad vitandum peccatum, ex Coroll. Axiom. 2.

#### C O R O L L A R I U M I I.

Multo etiam minus talis dici potest, in his omnibus casibus habuisse gratiam actualem quâ juvetur ad vitandum peccatum, secundum def. 16. & ejus Corollarium, hoc est inspirationem piæ cogitationis, per quam ei innotuerit quod latebat, & inspirationem piæ volitionis per quam ei suave factum sit quod non delectabat. Supponimus enim ei nihil de novo innotuisse, quod eum ante lateret, & nihil ei suave factum esse quod ante eum non delecta-

ret: quia sublata cogitatione circa aliquod objectum, tollitur actualis notitia in intellectu & actualis delectatio in voluntate circa illud objectum.

**ASSUMTA THEOLOGICA**  
*Ex precedentibus clara, vel experientia notissima.*

**ASSUMTUM I.**

Iusti interdum peccant vel ex ignorantia sive simplici sive cum errore coniuncta; vel ex infirmitate, hoc est per incogitantiam & passionem. Probatur ex divisione peccatorum in peccata ex ignorantia, ex passione, & malitia. Nemo enim dixerit justos nunquam peccare nisi ex certa malitia: ergo peccant interdum vel ex ignorantia, vel ex passione. Sed de uno quoque speciatim agere, non abs re erit. Ergo sit

**ASSUMTUM II.**

Iusti interdum peccant per ignorantiam, secundum definit. 9. Hinc Aug. l. de Spir. & litt. c. ult. *In multis offendimus omnes, dum peccamus Deo, quem diligimus, placere vel non displicere quod facimus; & postea per Scripturam ejus, sive certa & perspicua ratione commoniti cum didicerimus quod ei non placeat, poenitendo deprecamur ut ignoscat. Plena humana vita est documentis talibus.* Et lib. 6. in Jul. c. 16. *Omnis reatu omnium malorum caret baptizatus, non omnibus malis. Numquid caret ignorantia malo, per quod a nescientibus innumera perpetrantur mala?*

**EXEMPLA.** Petrus, cum à Paulo reprehensus est, quod non rectè

ambularet ad Evangelii veritatem, qui certè non cogitabat tum se peccare.

Fabiola, quæ vivente marito alium duxit, qui persuaserat sibi, inquit Hieronymus in ejus Epitaphio, & putabat à se virum jure dimissum, nec Evangelii vigorem noverat, in quo nulendi universa causatio, virgentibus viris, sœminis amputatur, dum multa diaboli vitat vulnera, unum incauta vulnus accepit. Quod peccatum lethale fuisse tum ejus natura indicat, tum Hieronymus, qui naufragium eam fecisse per culpam hanc significat, nec nisi per publicam poenitentiam ad Ecclesiæ Communionem admissam fuisse.

Libellatici, qui libellos magistratibus offerebant, vel à magistratibus recipiebant, quibus sacrificasse videri poterant, quos S. Cyprianus in Ep. ad Anton. id fecisse testatur, quod existimantes sibi satis esse quod non sacrificavissent, errore decepti erant.

Multi sunt qui, dispensationibus sine idonea causa obtentis, plena securitate faciunt quod eis facere non licet; quos tamen, secundum sapientiores Theologos, illæ dispensationes sine idonea causa concessæ à peccato coram Deo non eximunt.

Pueri multi, præfetti rustici, parentum vel pastorum incuriâ in summa Christianæ pietatis ignorantia educati, partim plerumque in baptismo innocentiam perdunt iis peccatis quæ peccata esse nesciunt; nihil verò minùs norunt quàm adversus ingruentes

tentationes, Dei gratiam esse implorandam.

ASSUMTUM III.

Peccant interdum iusti per conscientiam erroneam, secundum quod dictum est in defin. 10. Quales sunt boni alioquin viri, qui habent zelum, sed non secundum conscientiam.

EXEMPLA. Multi ex Judæis ad Christum conversis improvido legis zelo ducti, Gentiles cogeant judaizare, eo ipso obsequium se præstare Deo arbitrati, cum tamen peccarent, ut docet Paulus.

S. Cyprianus, cum anabaptismus totis animi viribus tueretur, & ob hanc causam commotior in Stephanum Papam insurgeret. *Quam tamen, inquit August. in candidissimo pectore maculam sanguis pro Christo effusus absterxit.*

ASSUMTUM IV.

Iusti interdum peccant per incogitantiam, inconsiderantiam, subreptionem. Hinc iusti omnes cum Davide ad Deum quotidie clamant: *Delicta quis intelligit! Ab occultis meis munda me, Domine.* Hinc omnes Sacerdotes in sanctissimo Missæ sacrificio veraciter & humiliter se illud offerre dicunt, *pro innumerabilibus peccatis & negligentis & offensionis suis*; quod profectò intelligi solum potest de peccatis quæ incogitantibus excidunt.

Huc etiam referri debet, vel ad superiora, quod parum interest, quod docet Chrysost. hom. 11. in 1. ad Corinth. *Ideo Paulum de seipso dixisse: Nihil mihi conscius sum, sed non in hoc justificatus*

*sum; eo quod in iis peccare potuisset, quæ peccata esse ignorasset.* Et quod ait Hom. 6. in Matth. *Nos in die iudicii puniendos, non ob ea solum quæ peccata fuisse cognovimus, sed ob ea etiam quæ non novimus.* Exemplum refert supervacaneum est, cum ea quisque ex seipso petere possit. Nullus enim est qui non quotidie experiatur in multis se peccare, quæ inter peccandum nullo modo advertit, sed postea tantum cum conscientiam diligentius excutit.

ASSUMTUM V.

Peccant interdum iusti ex passione ad eum modum qui notatus est in Defin. 12. quæ est S. Thomæ; cum *qui est in passione constitutus non considerat actum & in particulari id quod facit, sibi non esse faciendum; licet id noverit in universali & in habitu.*

Sic iusti naturâ iracundi multa faciunt per iram, quæ irâ durante iustissima sibi videntur, quorum tamen postea maxime eos pœnit. Facile potest contingere, ut qui blasphemandi consuetudinem contraxit, etsi ad Deum conversus præsertim in conversionis initio, si ab irâ corripitur, in blasphemiarum verba cum scandalo prorumpat.

Ardentior in amicos vel propinquos affectus, ita plerumque excæcat viros alioquin bonos, ut eorum causâ ea sine peccato se facere certò credant, quæ sine peccato fieri nullatenus possunt; ut cum viri pietatis opinione spectabiles ex redditibus Ecclesiasticis, quæ sunt patrimonia pauperum,

propinquos ditant, vel Ecclesiasticas dignitates non dignioribus, sed amicis & propinquis suis conferunt, etiam plerumque indignis.

## PROPOSITIO

DEMONSTRANDA.

*Non semper habent iusti omnes gratiam interiorem actualem ad vitandum peccatum in ea occasione in qua peccant.*

Aliqui iusti interdum peccant vel per ignorantiam, vel per conscientiam erroneam, vel per incogitantiam, vel per passionem; *ex assumtu superioribus.*

At qui sic peccant non habent gratiam actualem ad vitandum peccatum in ea occasione in qua peccant; *ex axiomatis.*

Ergo non semper habent iusti omnes gratiam interiorem actualem ad vitandum peccatum in ea occasione in qua peccant. *Quod erat demonstrandum.*

## PROPOSITIONES

*Conseclariae duae.*

### PROPOSITIO I.

Nihil prohibet alicui interdum iusto deesse gratiam actualem ad vitandum peccatum in ea occasione in qua peccat mortaliter & à iustitia excidit.

Probatur. Nihil prohibet ea peccata, quae à iustis per ignorantiam vel per passionem quandoque committuntur, esse interdum peccata mortalia, ut patet exemplo Fabiolae, Libellatorum, &

illorum qui ex carnali in propinquos affectu, Ecclesiae bona sublevandae pauperum inopiae destinata in divites effundunt: eorum denique puerorum qui malè educati, per ignorantiam in peccata mortalia labuntur.

At in eiusmodi peccatis, quae qui committunt, vel nesciunt propter ignorantiam, vel non advertunt propter passionem se peccare, non adesse peccantibus gratiam actualem in ea occasione in qua peccant, demonstratum est.

Ergo nihil prohibet alicui interdum iusto deesse gratiam actualem ad vitandum peccatum in ea occasione in qua peccat mortaliter, & à iustitia excidit. *Quod erat demonstrandum.*

### PROPOSITIO II.

Non semper adest iustis gratia actualis ad obtinendam à Deo gratiam contra tentationem peccati in ea occasione in qua peccant, cum deest illis gratia actualis ad vincendum illud peccatum.

Probatur. Cogitatio de obvianda à Deo gratia contra tentationem peccati, non potest esse sine aliqua cogitatione de vitando peccato.

At in superioribus demonstratum est, iustos interdum peccare, etiam mortaliter, sine ulla cogitatione de vitando peccato, & tum non habere gratiam actualem ad vitandum peccatum.

Peccant ergo interdum iusti sine ulla cogitatione de obvianda à Deo gratia contra tentationem peccati.

At qui nullam habet cogitationem

tionem de obtinenda à Deo gratia contra tentationem peccati, non habet gratiam actualem pro obtinenda illa gratia, ut ex dictis de gratia actuali ad vitandum peccatum facile colligere est.

Ergo non semper adest iustis gratia actualis ad obtinendam à Deo gratiam contra tentationem peccati in ea occasione in qua peccant, cum deest illis gratia actualis ad vincendum illud peccatum. *Quod erat demonstrandum.*

A L I T E R.

Pueri post baptismum apud fideles educati, vel etiam apud Christianos, sed parentum incuria de Christianæ pietatis officiis nihil prorsus edocti, quales nimium multi sunt, præsertim in agris, ut supra dictum est, dum primo lethali peccato iustitiam in baptismo partam amittunt, nihil minùs cogitant, quàm de Dei gratia adversùs tentationem imploranda, cum supponamus, quod nimium sæpe cōtingit, prorsus eos nescire, gratià Dei se adversùs peccati tentationes indigere.

At, ex principiis supra positis, qui peccavit nullam prorsus habens cogitationem de gratia Dei imploranda, non habuit gratiam actualem pro imploranda Dei gratia.

Ergo potest contingere ut iustus mortaliter peccet nullam habens gratiam actualem, vel ad vitandum peccatum, vel ad gratiam Dei implorandam. *Quod erat demonstrandum.*

O B J E C T I O.

*Adversùs demonstratæ Propositionis præcipuum fundamentum.*

Hoc unum objici posse Vir doctissimus existimavit: Justum quidem qui peccat, vel per ignorantiam simplicem, vel per conscientiam erroneam, vel per incogitantiam, vel per passionem, non habere dum peccat piam cogitationem de vitando eo peccato, quod esse peccatum vel ignorat vel non cogitat; nihil tamen obflare quin habeat piam cogitationem de vitando generatim peccato, adeoque gratiam actualem.

R E S P O N S I O.

Respondeo I. Unumquemque suà ipsius experiencià notum habere, sæpe à nobis peccari præcipuè per subreptionem & incogitantiam, & interdum per passionem, sine ulla cogitatione de vitando peccato, sive generatim, sive in particulari.

Respondeo II. Non hîc quæri, An iustus qui peccat habeat semper aliquam gratiam actualem, necne; sed, An habeat gratiam actualem ad vitandum peccatum quod committit. Nemo enim, verbi gratià, negare potest quin S. Petrus, cum Antiochiæ se à gentilibus ad Christum conversis subtraheret, multas habuerit pias cogitationes, puta Judæos suæ curæ præcipuè esse commissos, ac proinde illorum infirmitati sibi esse consulendum. Sed quæritur, Utrum habuerit illam piam cogitationem & piam volitionem quibus à peccato illo retraheretur. In his enim consistit gratia actualis

lis ad vitandum peccatum. Non habuisse autem manifestum est, quia supponimus Deum, ut illius exemplo pastores omnes humilitatem doceret, subtraxisse illi ad tempus veritatis lumen quo perspiceret id quod à Paulo didicit, non rectè se ambulare ad Evangelii veritatem, & reprehensione dignum esse quod sibi laude dignum videbatur. Unde doctissimus Pontifex Gelasius B. Petro imbellem inscitiam attribueret non veretur.

Quare dum aliquis peccat per conscientiam erroneam, quamvis cogitationem haberet de vitando generatim peccato, illa tamen cogitatio nequaquam dici posset gratia actualis ad vitandum peccatum: quia quamdiu homo conscientiam illam erroneam habet, non solum non juvatur ad vitandum peccatum illa cogitatione de vitando generatim peccato, sed potiùs per illam ad faciendum id quod peccatum esse nescit magis impellitur. Ut enim docet S. Thomas. 1. 2. q. 76. a. 1. *Conferens de agendis utitur quodam syllogismo, cujus conclusio est iudicium, seu electio, vel operatio. Actiones autem in singularibus*

*sunt. Unde conclusio Syllogismi operativi est singularis. Singularis autem propositio non concluditur ex universali, nisi mediante aliqua propositione singulari.* Itaque cum illa cogitatio de peccato generatim vitando non possit menti præstare nisi propositionem illam universalem: *Omne peccatum est vitandum; ut homo juvetur per illam ad vitandum peccatum oportet ut assumat: At quod mihi nunc faciendum occurrit, est peccatum.* Unde concludet: *Ergo vitandum est.*

Sin verò per conscientiam erroneam ita dispositus sit, ut non modò non existimet id quod faciendum occurrit esse peccatum, sed contra certò credat se peccaturum si non faceret, luce clarius est tunc ita conclusurum:

*Omne peccatum est fugiendum.*

*Atqui peccarem, nisi facerem id quod faciendum occurrit; puta nisi ego Saulus potestate mihi à principibus data uterer ad persequendos Christianos legis inimicos.*

*Ergo hoc mihi faciendum est.*

Ubi vides in illo casu cogitationem de vitando generatim peccato officere potiùs, quàm juvare, ad vitandum peccatum.



## VIII.

VERA S. THOMÆ  
DE GRATIA SUFFICIENTE ET EFFICACI  
*Doctrina dilucidè explanata.*

Autore ANTONIO ARNALDO Doctore  
& Socio Sorbonico.

## P R Æ F A T I O.

**E**cclésiastica Veritatis fons unus, Deus: unus alveus, sacra & incorrupta Traditio, ab Apostoli, seu scripto, seu voce, ad successores & discipulos, ab illis ad Patres, à Patribus ad nos propagata. Hoc unum Ecclesie præsidium adversus perduelles, quod qui vel in uno capite convellit totam ille Ecclesiam labeſcit, ac fidem nudam & inermem hostibus præbet impunè calcandam. Nihil ergo necesse videbatur propositionem ab Augustino & Chrysostomo traditam, à me tantum relata, ac cæterorum Patrum consensione, nemine reclamante, munitam, adjectu insuper scholæ Doctorum calculis asserere. Pessimè enim de Ecclesia mereatur, qui Patres satim idoneos veritatis testes non habeat, quam non habemus nisi per illos. Sed tamen, quoniam S. Thomam numquam à Patrum autoritate distraximus, ipsiusque doctrinam præcipuo quodam studio secuti semper & venerati sumus, faciendum duximus, ut scholæ Principem Ecclesie Principibus adjungeremus, quò totius Ecclesie una fides, unus sensus una demum vox appareat. Simul nonnullis obsequendum fuit, apud quos parum tuta est antiqua veritas, nisi sub scholæ nomine & tamquam præsidio deliteſcat. & aliis resistendum, qui cum S. Thomam vereri se fingant, ejus doctrinam sub alieno nomine incessere, & tristioribus notis inurere nihil verentur. Id igitur nobis hac in scriptione propositum est, Angelici Doctoris mentem ac sensum ipsius verbis expressum sincerè & explanatè Theologorum proprio & scholastico plane more omnium oculis subicere, quò simul illud diluceſcat Epistola meæ propositionem, tot calumniis vexatam, nihil omnino ab illius doctrinâ esse disjunctam, neque damnari posse, quin S. Thoma pariter damnato, tota ipsius Theologia funditus corruat. Cæterum, si qua & Christiano, & Sacerdoti fides, sanctissimè confirmo, non alio sensu hanc propositionem aut scriptam unquam à me aut intellectam, quam eo quem omnibus S. Thoma principiis consentire, perspicuè, ni fallor, jamjam ostensurus sum.

V E R A

V E R A S. T H O M Æ  
DE GRATIA SUFFICIENTE ET EFFICACI  
*Doctrina dilucidè explanata.*

A R T I C U L U S P R I M U S.

*Duplex auxilium gratiæ: Habituale donum, & auxilium Dei moventis.*

**E**X doctrina S. Thomæ duplex est auxilium gratiæ Dei. Primum est auxilium Dei hominem moventis ad bene agendum; alterum est habituale donum, naturæ divinitus inditum; sive, ut aliter vocat, Virtus gratuita virtuti naturæ superaddita. *Gratia*, inquit S. Th. 1. 2. qu. 111. art. 2. in c. dupliciter potest intelligi: Uno modo, divinum auxilium quo nos movet ad bene volendum & agendum; alio modo, habituale donum nobis divinitus inditum. Et qu. 112. art. 1. *Gratia* dicitur dupliciter: quandoque quidem, ipsum habituale donum Dei; quandoque autem, auxilium Dei moventis animam ad bonum. Et qu. 110. art.

2. in c. *In eo*, inquit, qui dicitur gratiam habere, significatur esse quidam effectus gratuite Dei voluntatis. Dictum est autem supra, quod dupliciter ex gratuitâ Dei voluntate homo adjuvetur. Uno modo, in quantum anima hominis movetur à Deo ad aliquid cognoscendum, vel volendum, vel agendum: & hoc modo ipse gratuitus effectus in homine non est qualitas, sed motus quidam anime. Aliter enim moventis in moto est motus. Alio modo adjuvatur homo ex gratuitâ Dei voluntate secundum quod aliquod habituale donum à Deo anime infunditur. Multis aliis locis duplex illud auxilium gratiæ Dei distinguit S. Thomas, ut qu. 109. art. 2. 3. 4. 6. 9. 10.

A R T I C U L U S I I.

*Vox gratiæ apud S. Thomam pro habituali dono sumi solita.*

**C**Um absolutè gratiam nominat S. Thomas, non illud prius Dei moventis auxilium, sed hoc posterius habituale donum solet intelligere. Unde nil mirum si quod Patres sine gratia fieri posse negant, id ipse sine gratiâ

fieri posse interdum asserat. Patres enim nomine gratiæ sine qua nihil fieri posse docent, inspirationem bonæ voluntatis, sive auxilium Dei interiùs moventis intelligunt, sine quo ipse D. Thomas fatetur nihil boni ab homine fieri posse.

posse. Ipse verò gratiam justificantem intelligit, sine qua multa benè à peccatoribus fieri possunt, cum per auxilium Spiritus sancti nondum inhabitantis sed moventis adjuvantur. En locus egregius, quo hæc omnia explanantur & confirmantur, De Ver. qu. 24. art. 14. *Ad bonum quod est supra naturam humanam constat liberum arbitrium non posse sine gratia: quia cum per ejusmodi bonum homo vitam æternam mereatur, constat quod si-*

*ne gratia homo mereri non potest. Unde si gratiam velimus dicere, non aliquod habituale donum, sed ipsam misericordiam Dei, per quam interiorius motum mentis operatur, & exteriora ordinat ad hominis salutem; sic nec ullum bonum homo potest facere sine gratia Dei, sed communiter loquentes utuntur nomine gratiæ pro aliquo dono habituali justificante. Quare de hac gratia quod est donum habituale, prius videndum est quid doceat S. Thomas.*

## A R T I C U L U S I I I.

### *Quid sit Gratia habitualis.*

**G**RATIA pro habituali dono accepta ex S. Thoma est qualitas supernaturalis anime justificatorum à Deo infusa, ut suaviter & promptè ab ipso ad æternum bonum consequendum moveantur. Ita D. Thomas 1. 2. qu. 110. art. 2. in c. Cujus rei hanc affert rationem. Non est, inquit, conveniens, quòd Deus minùs provideat his quos diligit ad supernaturale bonum habendum, quàm creaturis quas diligit ad naturale bonum habendum. Creaturis autem naturalibus sic providet, ut non solum moveat eas ad actus naturales, sed etiam largiatur eis formas & virtutes quasdam quæ sunt principia actuum, ut secundùm se ipsas inclinentur ad hujusmodi motus. Et sic motus, quibus à Deo moventur, fiunt creaturis connaturales & faciles secundùm illud Sap. 8. Et disponit omnia suaviter. Multò igitur magis illis quos movet ad consequendum bonum supernaturale æternum, infundit aliquas formas seu qua-

litates supernaturales, secundùm quas suaviter & promptè ab ipso moveantur ad bonum æternum consequendum. Et sic donum gratiæ qualitas quadam est.

Hoc loco observes & colligas, quod in rebus naturalibus formæ virtutesque naturales efficiunt & præstant, id in justificatis ad actus supernaturales gratiam habitualement præstare. Ergo, ut illæ sunt actuum naturalium principium, & quamdam afferunt ad suos quæque actus propensionem, sic gratia habitualis principium est actuum supernaturalium, & ad ejusmodi actus propensos efficit justificatos; nec tamen illi motus in iis sunt, nisi quatenus à Deo moventur, cum ideò illa forma seu qualitas in iis sit, non ut per se ipsi se moveant, sed ut promptè ac suaviter à Deo moveantur ad bonum æternum consequendum. Id ex sequentibus magis etiam dilucesset.

## ARTICULUS IV.

*Gratia habitualis naturam sanat, elevat, dat posse mandata implere, & peccata vitare.*

**A**uxilium illud gratiæ in dono habituali situm quatuor in justis efficit. Primò enim naturam hominis corruptam sanat. Unde D. Thomæ *Gratia sanans* sæpe dicitur. In hoc enim præcipue natura nostra peccato corrupta est, quod homo secundum appetitum voluntatis rationalis propter corruptionem nature sequitur bonum privatum, hoc est, omnia ad seipsum refert, non ad Deum, nisi sanetur per gratiam Dei, ut inquit idem qu. 109. art. 3. Per gratiam verò justificantem mens habitualiter subditur Deo, & in eo constituit finem suæ voluntatis, ut docet ead. qu. art. 8.

Secundò naturam elevat ad producenda opera vitam æternam promerentia. *Vita enim æterna*, inquit eadem qu. art. 5. est finis excedens proportionem nature humane. Et ideo homo per sua naturalia non potest producere opera meritória, proportionata vitæ æternæ, sed ad hoc excitatur altior virtus, quæ est virtus gratiæ, hoc est, virtus superaddita virtuti nature, quâ voce justificantem gratiam semper intelligit.

Tertiò dat homini ut possit implere omnia legis præcepta. Primò enim docet S. Thomas sine gratia justificante omnibus præceptis neminem satisfacere posse, non quòd is qui gratia justifican-

te caret, nullo non in actu præcepta violet, sed quòd fieri non possit, quin subinde in aliquas præcepti prævaricationes incidat, ut ampliùs explicabitur ubi de quarto effectu. Deinde qu. 106. art. 1. cum dixisset legem novam esse principaliter ipsam gratiam Spiritus sancti in corde fidelium scriptam, quibus verbis gratiam habitualement apertè notat, mox addit in responsione ad secundum: *Aliquid est inditum homini quod superadditum per gratiæ donum. Et hoc modo lex nova est indita homini non solum indicans quid sit faciendum, sed etiam adjuvans ad implendum.* Ubi manifestè docet gratiam habitualement, sive superadditum illud gratiæ donum ad implenda legis mandata nos adjuvare, adeoque per illam nos ea servare posse.

Quartò dat omnibus justis ut possint ab omnibus mortalibus peccatis abstinere. Id clarè docet in conclusione articuli 8. ejusd. quæst. 109. *Homo*, inquit, in statu nature corrupte peccata mortalia & singula & omnia; venialia autem singula, sed non omnia, vitare potest, si est natura per gratiam infusam reparata; alias enim ne mortalia quidem omnia, præsertim longo tempore, vitare potest. Id verò sic explicat in corpore articuli.

*Antequam hominis ratio, in qua est*

est peccatum mortale, repareretur per gratiam iustificantem, potest singula peccata mortalia vitare, & secundum aliquod tempus; quia non est necesse quod continuo peccet in actu, sed quod diu maneat absque peccato mortali, esse non potest. Unde & Gregorius dicit super *Eccl.* quod peccatum quod mox per penitentiam non deletur, suo pondere ad aliud trahit. Et huius ratio est, quia sicut rationi subdi debet inferior appetitus, etiam ratio subdi debet Deo, & in ipso constituere finem suam voluntatis. Per finem autem oportet quod regulentur omnes actus humani.....Cum enim homo non habet cor suum firmatum in Deo, ut pro nullo bono consequendo vel malo vitando ab eo separari vellet, occurrunt multa, propter quae consequenda vel vitanda homo recedit à Deo, contemnendo praecepta ipsius, & ita peccat mortaliter, praecipue quia in repentinis homo operatur secundum finem praconceptum, & secundum habitum praexistentem, ut Philosophus dicit in 3. *Ethic.* quamvis in praemeditatione rationis homo possit aliquid agere praeter ordinem finis praconcepti, & praeter inclinationem habitus. Sed quia homo non potest semper esse in tali praemeditatione, non potest contingere ut diu permaneat, quin operetur secundum consequentiam voluntatis deordinata, à Deo, nisi citò per gratiam ad debitum ordinem repareretur. Haecenus S. Thomas. Ubi notandum de sola habituali gratia illum loqui, & tamen disertè docere hominem posse & singula & omnia peccata mortalia vitare

cum natura est per gratiam infusam, hoc est habitualem, reparata. Unde etiam qu. 106. art. 2. ad 2. *Gratiam novi Testamenti* (quam infusam & naturae inditam Spiritus Sancti Gratiam esse docet) *auxilium de se sufficiens ad non peccandum* vocat. *Et si*, inquit, *Gratia novi Testamenti hominem adjuvet ad non peccandum, non tamen ita confirmat in bono, ut homo peccare non possit. Hoc enim pertinet ad statum gloriae. Et ideo si quis post acceptam gratiam novi Testamenti peccaverit, majori poena est dignus, tamquam maioribus beneficiis ingratus, & auxilio sibi dato, hoc est gratia in justificatione accepta, non utens; nec tamen propter hoc dicitur quod lex nova iram operatur, quia quantum est de se sufficiens auxilium dat ad non peccandum.* Quibus in verbis qui gratiam actualem sufficientem invenisse se iactant, ad ipsum potius S. Thomae locum remittendi sunt, quam studiosè in tam aperta fallacia refellendi: cum ipse titulus articuli: *Utrum lex nova iustificet*, & saepius repetita vox *gratia Spiritus sancti interioris data, & legis in corde scripta*, quibus verbis donum habituale iustificans semper designat S. Thomas, non aliam hoc loco gratiam intelligi satis ostendant. Id etiam ex eo patet quod pro eodem sumit S. Thomas, auxilio sibi dato non uti, & post acceptam gratiam peccare, quod posterius ad gratiam iustificantem haud dubiè pertinet. Deinde nusquam ait S. Thomas de auxilio Dei moventis

tis nos eo uti vel non uti; cum illud auxilium nihil aliud sit, ut infra ostendemus, quàm misericordia Dei quæ bonam ipsam voluntatem, per quam cæteris rebus, & potissimum habitibus utimur, in nobis operatur. Habituum verò maximè proprium est ex S. Thomæ, ut qui eos habet, iis utatur, vel non utatur, prout voluerit. Unde & *habitus*, inquit 1. 2. q. 78. art. 2. *definitur, quo quis utitur cum voluerit*: quod & alibi sæpissimè docet. Denique quod ait ibid. *Gratiam novi Testamenti, etsi adjuvet hominem ad non peccandum, non tamen ita confirmare in bono, ut homo peccare non possit*; hoc enim pertinet ad statum gloriæ, manifestò demonstrat de gratia habituali id esse intelligendum. Loquitur enim de gratiâ, quæ hominem constituit in certo statu, cujusmodi est illa quæ

homo in statu gloriæ in bono confirmatur: at hæc habitualis est ex S. Thomæ. Nec verò de auxilio Dei moventis rectè dici potest, illud in bono non confirmare. Nam si ita intelligas, auxilium illud non in perpetuum confirmare in bono, ridiculum est & superfluum, quia auxilium istud non est aliquid permanens; si verò intelligas auxilium istud non summovere peccatum quatenus datur, contrarium esset S. Thomæ, qui disertè alibi radit, nimirum 2. 2. q. 24. art. 11. *Si consideretur charitas ex parte Spiritus sancti moventis animam ad diligendum Deum, ex hac parte charitatem impeccabilitatem habere ex virtute Spiritus sancti, qui infallibiliter operatur quodcumque voluerit*: quorum verborum sensum infra explicabimus.

## A R T I C U L U S V.

*Cujusmodi sit ea potestas mandata implendi & peccata vitandi, quam dat gratia habitualis.*

**E**X superioribus patet, justis omnibus mandata divina possibilia esse longè potiori ratione quàm possibilia sint peccatoribus. Ex sanctorum enim Patrum doctrinâ, nulli prorsus homini quantumvis impio & scelerato mandata divina impossibilia sunt, quia possunt omnes homines ea servare si velint, etiam si ut velint præparanda sit voluntas à Domino. Ex Sancto enim Augustino in potestate nostra id esse dicitur

*quod sit si volumus, & si nolumus non sit. Certum est verò, ut idem inquit, nos mandata servare si volumus, modò plenè & integrè velimus. Verùm non eâ tantum ratione præcepta omnia justis omnibus possibilia sunt, sed præter eâ, quia per virtutem gratuitam naturæ superadditam, & in ipsâ justificatione acceptam possunt ea servare, quatenus ea gratia in suo genere, hoc est in genere habitualis doni, sufficienter adjuvat*

adjuvat ad non peccandum, *quantum ad sufficientiam operativam virtutis*, ut loquitur sanctus Doctor de integræ naturæ potestate ad operandum bonum naturæ proportionatum 1. 2. qu. 109. art. 2. etsi illud operari non possit *sine auxilio Dei moventis*, ut ibidem disertè tradit. Est enim Gratia habitualis, ex S. Thoma, virtus superaddita naturæ, cuius eadem est vis & efficientia in statu naturæ corruptæ ad opera æternam vitam promerentia, quæ virtutis naturalis erat in statu naturæ integræ ad opera naturæ suæ pro-

portionata. Ut hæc *posse* largiebatur, sic etiam illa. Ut hæc indigebat Dei moventis auxilio, sic item illa. Non ergo alia ratione gratia habitualis dicitur auxilium de se sufficiens ad non peccandum vel ad mandata servanda, quàm quia dat homini *posse quantum ad sufficientiam operativam virtutis*; nec indiget homo, ut id re ipsa præstet, alia sibi indita operativa virtute, hoc est alio habituali dono, etsi ulterius indigeat auxilio Dei moventis, ut accuratius etiam ex S. Doctore demonstrandum est.

## A R T I C U L U S VI.

*Non potest iustum operari bonum & vitare peccatum sine novo auxilio Dei moventis.*

**I**DEM enim D. Thomas, qui docet gratiam habitualemente esse auxilium de se sufficiens ad non peccandum, & posse hominem cuius natura per gratiam infusam reparata est, ab omnibus peccatis mortalibus abstinere & à singulis venialibus, non minus clarè docet hominem, quamvis iustificatum, non posse operari bonum & vitare peccatum sine novo auxilio gratiæ ipsum interiorius moventis, hoc est, sine altero illo gratiæ genere quod ab habituali dono distinguit, cum sæpe ait: *Gratiam dupliciter posse intelligi: uno modo, auxilium divinum quo nos movet ad volendum & agendum; alio modo, habituale donum nobis divinitus inditum.*

Querit enim S. Thomas qu.

109. art. 9. *Utrum ille qui consecutus est gratiam, per seipsum possit operari bonum & vitare peccatum absque auxilio gratiæ.* Ita verò respondet: *Cum nullum agens secundum agat nisi in virtute primi, sitque caro spiritui perpetuo rebellis, non potest homo, licet jam gratiam consecutus, per seipsum operari bonum & vitare peccatum absque novo auxilio gratiæ Dei ipsum moventis, dirigentis, & protegentis, quamvis alia habitualis gratia ad hoc ei necessaria non sit.* Quod magis explicans in corpore articuli:

*Dicendum, inquit, quod, sicut supra dictum est, homo ad rectè agendum dupliciter auxilio Dei indiget: uno quidem modo, quantum ad aliud quod habituale donum per quod natura humana corrupta sanetur, &*

etiam sanata elevetur ad operanda opera meritoria vite æternæ, quæ excedunt proportionem naturæ. Alio modo, indiget homo auxilio gratiæ, ut à Deo moveatur ad agendum.

Quantum igitur ad primum auxilii modum, homo in gratia existens non indiget alio auxilio gratiæ quasi aliquo alio habitu infuso; indiget tamen auxilio gratiæ secundum alium modum, ut scilicet à Deo moveatur ad rectè agendum: & hoc propter duo. Primum quidem ratione generali propter hoc quod, sicut supra dictum est, nulla res creata potest in quocumque actum prodire, nisi virtute motionis divini: secundò ratione speciali propter conditionem status humane naturæ, quæ quidem licet per gratiam sanetur quantum ad mentem; remanet tamen in ea corruptio & infectio quantum ad carnem, per quam servit legi peccati, ut dicitur ad Rom. 7. Remanet etiam quedam ignorantie obscuritas in intellectu, secundum quam, ut dicitur etiam Rom. 8. Quid oremus sicut oportet, nescimus. Propter varios enim rerum eventus, & quia nos ipsos non perfectè cognoscimus, non possumus ad plenum scire quid nobis expediat, secundum illud Sap. 9. Cogitationes mortalium timidæ, & in cer-

tz providentiæ nostræ. Et ideo necesse est nobis, ut à Deo dirigamur & protegamiur, qui omnia novit & omnia potest. Et propter hoc etiam renatis in filios Dei per gratiam convenit dicere: Et ne nos inducas in tentationem; & Fiat voluntas tua sicut in cælo & in terra, & cetera quæ in Oratione Dominica continentur ad hoc pertinentia.

Cum verò sibi objecisset: Per gratiam Spiritus sanctus in nobis habitat. Sed Spiritus sanctus cum sit omnipotens, sufficiens est ut nos inducat ad bene operandum & nos à peccato custodiat. Ergo homo gratiam consecutus potest utrumque prædictorum absque alio auxilio gratiæ: ita respondet, ut apertè doceat non sufficere iusto, ut bonum operetur & vitet peccatum, quod Spiritus in eo habitet per gratiam justificantem; sed præterea requiri, ut novo & speciali auxilio à Spiritu sancto moveatur ad rectè agendum. Ad secundum, inquit, dicendum, quod operatio Spiritus sancti, quæ nos movet & protegit, non circumscribitur per effectum habitualis doni quod in nobis causat; sed præter hunc effectum, nos movet & protegit simul cum Patre & Filio.

## A R T I C U L U S VII.

*Indiget iustus ad perseverandum, ut perseverantia ei à Deo detur.*

EODEM nixus fundamento quærit iterum S. Thomas art. sequenti: Utrum homo in gratia constitutus indigeat auxilio gra-

tia ad perseverandum; & concludit, hominem etiam in gratia constitutum indigere ut ei perseverantia à Deo detur. Et rursus: Indiget,



get, inquit, homo in gratia constitutus ad hoc ut usque ad finem vite sue in gratia perseveret, non quidem alia aliqua habituali gratia, sed speciali quodam divino auxilio contra tentationum impulsus illum protegente, sicut ex precedenti questione apparet, hoc est, articulo precedenti, in quo docuerat hominem justificatum non posse per se ipsum operari bonum & vitare peccatum absque novo auxilio Dei ipsi moventis, dirigentis, & protegentis. Et ideo postquam est aliquis justificatus per gratiam, necesse habet à Deo petere prædictum perseverantiae donum, ut scilicet custodiatur à malo usque ad finem vite. Multis enim datur gratia, quibus non datur perseverare in gratia. Quæst. verò 114. art. 9. docet: Perseverantiam vite non cadere sub merito, quia dependet solum ex mo-

tione divina, quæ est principium omnis meriti. Sed Dem, inquit, gratis perseverantia donum largitur cuicumque illud largitur. Ubi quidem agnoscit, perseverantiam orando impetrari. Verum id non impedit quin gratis detur, quia non minus pendet ex motione divina, ut quis perseverantiam assiduis precibus à Deo postulet, adeoque, sic petat, quomodo & quantum res tanta petenda est. Unde Augustinus lib. De dono perseverantiae c. 14. cum propter perseverandum à Domino dictum fuisse commemorasset: Oportet semper orare, & non deficere; continuo subjunxit: Audiunt hæc & faciunt quibus datum est; non autem faciunt, si ve audiant, si ve non audiant, quibus non est datum,..... quorum alterum ad misericordiam, alterum ad iudicium pertinet.

## ARTICULUS VIII.

*Potest semper justus, & aliquando non potest, diverso sensu. Aptissima in eam rem Augustini comparatio.*

CERTA ergo & fixa sunt hæc duo S. Thomæ doctrinæ capita. Primò, justificatos omnes per gratiam in justificatione acceptam posse vitare omnia peccata mortalia, ac proinde in gratia perseverare & tentationes vincere quibus à gratia exciderent, quantum scilicet ad sufficientiam operativæ virtutis, quia scilicet ad omnia illa præstanda non indigent ulla alia virtute sibi indita, quæ sit actuum illorum principium.

Secundò, etsi rectè dicatur justus illa omnia per gratiam justificantem posse, ut supra vidimus, certum est tamen ipsum præter auxilium habituale, indigere insuper novo & speciali auxilio Dei ipsum moventis, si ve quo non potest per se ipsum operari bonum & vitare peccatum; adeoque nec perseverare in gratia, nec tentationum impulsus superare; quemadmodum recentiores Thomistæ dicunt, per gratiam sufficientem actualem hominem posse, & ta-

men indigere gratia efficaci.

Huic doctrinæ tum illustrandæ tum confirmandæ nullum apertius exemplum est, quàm quo utitur S. Augustinus in ps. 34. ubi cum ostendisset animam iusti à regio vate frameam Dei appellari, hac ipsa comparatione egregiè demonstrat, animam iusti quantumvis gratiæ donis ornatam ad rectè agendum imbecilem prorsus esse ac invalidam, nisi efficaciter à Deo moveatur. *Frameam Dei*, inquit, *dixit animam suam. Apprehendis enim animam meam & debellas inimicos meos. Et quid est anima nostra, quamvis splendida, quamvis producta, quamvis acuta, quamvis uncta, quamvis luce sapientia & coruscationis vibrata? Quid est ipsa anima nostra, aut quid potest, nisi Deus illam teneat & pugnet de illa? Nam qualiter optime facta framea, si non habeat bellatorem, jacet. Animæ iustæ ad bene agendum & mandata servanda eadem ratio est quæ splendidi, acuti, uncti ensis ad*

vulnerandum. Quamobrem ut ille ensis, si vulnerandi virtutem spectes, rectè dicitur posse vulnerare, simillimè animam iusti benè operari & mandata servare posse rectè dixeris, si virtutem supernaturalem spectes propriæ & nativæ virtuti superadditam, quam in justificatione accepit, quæ ex se apta est ad illos effectus producendos. Sed quemadmodum ille ensis ad vulnerandum aptus, nec vulnerabit, nec etiam vulnerare poterit, nisi bellatoris manu stringatur; ita anima nostra, quantumvis gratiæ donis instructa, quid est, aut quid potest, nisi Deus illam teneat & pugnet de illa, hoc est, nisi novo & speciali auxilio ad rectè agendum à Deo moveatur?

Sed jam videndum est quodnam sit auxilium illud Dei moventis, cuius efficaciam, quos ad actus sit necessarium, seu quænam ea sint quæ sine illo auxilio facere non possumus.

## A R T I C U L U S IX.

*Quid sit auxilium Dei moventis. Numquam est sine actu vel intellectu vel voluntatis.*

**A**uxilium gratiæ, quod ab habituali dono distinguit S. Thomas, ab ipso definitur, De verit. qu. 24. ar. 14. *Misericordia Dei per quam interius motum mentis operatur. Ubi duo designantur: alterum in Deo, nempe ejus misericordia, seu dilectio & gratuita voluntas; alterum in homine,*

*nempe motus ille mentis quem illa misericordia interius operatur. Ut enim docet D. Thomas qu. 110. art. 1. in concl. Cum diligere sit velle alteri bonum, Dei-que voluntas rerum sit causa, certum est gratiam seu dilectionem Dei semper aliquid (nempe id quod ei vult) in anima ejus quem diligit efficere.*

*efficere.* Quod repetens articulo sequenti universim docet, sicut jam vidimus, Cum aliquis dicitur gratiam Dei habere, semper significari esse in eo quemdam effectum gratuite Dei voluntatis. Unde concludit, Quantum ad illud gratia genus, secundum quod anima hominis movetur à Deo ad aliquid cognoscendum, vel volendum, vel agendum, gratuitum illum effectum in homine non esse qualitatem, sed motum quemdam anima. Actio enim moventis in moto est motus.

Quibus verbis manifestè docet non aliter Deum per gratiam illam (quam actualem Theologi appellant) ad cognoscendum vel

volendum animam movere, quam quia per gratuitam suam dilectionem & voluntatem, quæ est causa rerum, motus ipsos cognoscendi & amandi, sive, quod idem est, cognitionem & amorem interiùs in mente operatur. Unde ulteriùs sequitur, neminem moveri à Deo per auxilium gratiæ ad cognoscendum & amandum, nisi qui cognoscit & amat: Actio enim moventis in moto motus est. Hæc duo igitur inter se pugnant; Deum movere ad amandum, & hominem non amare; sive, Deum motum amoris in homine operari, & non esse in homine motum amoris.

## A R T I C U L U S X.

*In quo consistat auxilium Dei moventis, ex divisione gratiæ in operantem & cooperantem maximè illustratur.*

**E**A verò S. Thomæ doctrina maximè illustratur ex divisione gratiæ in operantem & cooperantem, quam 1.2. qu. 111. art. 2. ex Augustino affert de Grat. & lib. arb. cap. 17. Cooperando Deus in nobis perficit quod operando incipit, quia ipse ut velimus operatur incipiens, qui volentibus cooperatur perficiens; & ab Apostolo ipso traditam esse confirmat his verbis: Deus est qui operatur in vobis & velle & perficere. Hanc verò gratiæ divisionem, dum ad illud gratiæ auxilium quo nos movet Deus refertur, ita explicat S. Thomas: Operatio aliujus effectus non attribuitur mobili, sed moventi. In illo ergo effectus in quo mens nostra mota

est & non movens, solus autem Deus movens, operatio Deo attribuitur: & secundum hoc dicitur gratia operans. In illo autem effectus in quo mens nostra & movet & movetur, operatio non solum attribuitur Deo, sed etiam anima: & secundum hoc dicitur gratia cooperans. Est autem in nobis duplex actus: primus quidem interior voluntatis; & quantum ad istum actum voluntas se habet ut mota, Deus autem ut movens; & præsertim cum voluntas incipit bonum velle, quæ priùs malum volebat. Et idèò secundum quod Deus movet humanam mentem ad hunc actum, dicitur gratia operans. Alius autem actus est exterior, qui cum à voluntate imperetur,

consequens est ut ad hunc actum operatio attribatur voluntati. Et quia etiam ad hunc actum Deus nos adjuvat, & interius confirmando voluntatem ut ad actum perveniat, & exterius facultatem operandi præbendo, respectu huiusmodi actus dicitur Gratia cooperans. Unde post præmissa verba subdit Augustinus: *Ut autem velimus, operatur: cum autem volumus, ut perficiamus nobis cooperatur.* Quibus addi potest quod ibidem addit Augustinus: *Tamen sine illo, vel operante ut velimus, vel cooperante cum volumus, ad bona pietatis opera nihil valemus.* Ubi tria advertenda sunt. Primum est, divisionem illam ne vitiosa sit, adæquatam esse oportere, hoc est nullum esse Dei moventis auxilium, quod non sit vel operans vel cooperans. At ex D. Thoma, Gratia dicitur operans, cum Deus in voluntate actum interiorem bonæ voluntatis operatur, præsertim cum voluntas incipit bonum velle: cooperans verò, cum ad actum exteriorem, qui à voluntate imperatur, hominem adjuvat, tum interius confirmando voluntatem ut ad actum perveniat, tum exterius facultatem operandi præbendo. Ergo nullum est Dei moventis auxilium, (sive gratia actualis, ut alii vulgo Theologi appellant) sine initio vel incremento bonæ voluntatis. Unde etiam D. Aug. de Grar. & lib. arb. c. 15. *Semper est in nobis voluntas libera, sed non semper est bona. Gratia verò Dei semper est bona, & per hanc fit ut sit homo bonæ voluntatis, qui prius*

*fuit voluntatis malæ (quod ad gratiam operantem pertinet.) Per hanc etiam fit ut ipsa bona voluntas, quæ jam esse cæpit, augeatur, & tam magna fiat, ut possit implere divina mandata quæ voluerit, cum valde perfectèque voluerit. Quod gratiæ cooperantis est.*

Alterum est quod ex priori sequitur, actum illum voluntatis quem gratia operans sive cooperans in nobis operatur, esse actum verè liberum. Non enim nisi per actus verè liberos homo simpliciter & absolutè dici potest bonum velle, qui prius malum volebat; sive, esse bonæ voluntatis, qui prius fuit voluntatis malæ; in quo sita est, ex S. Thoma & S. Augustino, gratia operans: vel, habere magnam & perfectam divinam mandata implendi voluntatem, per quam ea possit implere; in quo item sita est gratia cooperans. Unde fit ut ii omnes de quibus dici nequit, *bonam voluntatem quæ in eis esse cæperat, ita auctam fuisse, ut valde perfectèque velint divina implere mandata, per gratiam cooperantem adjuti fuisse* dici non possint. De quibus verò dici nunquam potuit, *eos fuisse voluntatis bonæ, sive habuisse saltem initium aliquod pie voluntatis, nunquam etiam dici possit eos per gratiam operantem à Deo fuisse adjuutos. Et tamen, ut inquit Augustinus, sine illo vel operante ut velimus, vel cooperante cum volumus, ad bona pietatis opera nihil valemus: recipi scilicet & effectivè.*

Tertium est, ita D. Thomam agnoscere interiorem actum bonæ

nz voluntatis esse in nobis divi-  
nz gratiæ effectum, ut dicere  
non vereatur, operationem illum  
Deo attribui, quia quantum ad  
istum actum quo voluntas bonum  
vult, præsertim cum incipit illud  
velle, mens nostra mota est & non  
movens; solus autem Deus movens:  
non quod voluntas non agat (re-  
pugnant enim hæc inter se, volun-  
tatem velle, & non agere) sed  
quia non agit, nisi quantum à  
Deo agitur, ex illo Apostoli: Quot-

quot spiritu Dei aguntur, hi sunt fi-  
lii Dei. Quod expendens Aug.  
de Gestis Pelagii cap. 3. Procul-  
dubio, inquit, plus est agi, quam  
regi. Qui enim regitur aliquid agit,  
& ideo regitur, ut rectè agat. Qui  
autem agitur, agere aliquid ipse  
vix intelligitur. Et tamen tantum  
præstat voluntatibus nostris gra-  
tia Salvatoris, ut non dubitet  
Apostolus dicere: Quotquot spi-  
ritu Dei aguntur, hi sunt Filii  
Dei.

## A R T I C U L U S X I.

*Auxilium Dei moventis semper efficax illius effectus ad quem  
à Deo ordinatur.*

**H**inc verò manifestè patet  
auxilium illud Dei homi-  
nem moventis (præter quod nul-  
lam aliam S. Thomas gratiam  
agnoscit nisi habitualement, & sine  
quo docet justum non posse ope-  
rari bonum & vitare peccatum)  
in sententia Doctoris Angelici,  
semper esse efficax & infallibile,  
quantum ad id ad quod ordina-  
tur à Deo. Id enim evidenter se-  
quitur. Primum quidem ex illius  
auxilii definitione, quam tradit,  
De Verit. qu. 24. art. 14. *Misericor-  
dia Dei per quam interior motum  
mentis operatur.* Ut enim jam dixi-  
mus, fieri non potest ut Deus  
moveat hominem ad agnoscen-  
dum & amandum, motum ipsum

mentis, hoc est, cognitionem &  
amorem in ipso operando, quin  
sit in eo cognitio & amor. Ergo  
auxilium illud semper efficax est,  
sive, numquam eo effectui caret  
ad quem à Deo ordinatur. Nul-  
lius enim Deus frustra misereatur,  
ut inquit Augustinus lib. 2. ad  
Simpl. qu. 2. *neque dici potest,  
frustra Deum misereri, nisi nos reli-  
mus. Si enim Deus misereatur, etiam  
volumus: ad eandem quippe mise-  
ricordiam pertinet, ut velimus.* Deus  
est enim qui operatur in nobis &  
velle & operari pro bona volun-  
tate. Ubi satis ostendit Apostolus  
etiam ipsam bonam voluntatem in  
nobis operante Deo fieri.

## ARTICULUS XII.

*Ex dilectione Dei, quæ semper in homine efficit id quod ei vult Deus, eadem divinæ motionis efficacia demonstratur.*

**N**EC minus apertè illud demonstratur ex Theologico illo axioma quod S. Thomas qu. 110. art. 1. ut certissimum statuit, quodque in dubium revocari non potest, nisi ab eo qui de divina voluntate indignissimè sentit: *Cum diligere, inquit, sit velle alteri bonum, Deique voluntas rerum sit causa, certum est gratiam seu dilectionem Dei semper aliquid (nempe id quod ei vult) in anima ejus quem diligit, efficere.* Primum enim generatim explicat, quid sit illud quod gratia in homine quem Deus diligit, semper efficit. Deinde pro duplici gratiæ genere, actuali & habituali, duplicem in homine gratuitæ Dei voluntatis effectum esse asserit. Ac generatim quidem docet, in quocumque gratiæ genere quiddam esse supernaturale in homine à Deo proveniens, quo homo trahitur ad participationem divini boni. Patet enim, inquit, quod quamlibet Dei dilectionem sequitur aliquod bonum in creatura causatum, & secundum huiusmodi boni differentiam, differens consideratur dilectio Dei ad creaturam. Una quidem communis, secundum quam diligit omnia quæ sunt, ut dicitur Sap. 11. secundum quam esse naturale reus creatis largitur. Alia autem dilectio est specialis, secundum quam trahit creaturam rationalem supra conditionem naturæ,

ad participationem divini boni; & secundum hanc dilectionem dicitur aliquem diligere simpliciter, quia secundum hanc dilectionem vult Deus simpliciter creature bonum æternum, quod est ipse. Sic igitur per hoc quod dicitur homo gratiam habere, significatur quiddam supernaturale in homine à Deo proveniens. Hinc jam perspicimus, ad veram Dei gratiam id solum esse referendum quod hominem trahit ad participationem divini boni, quod est ipse Deus. Unde consequens est, in iis qui penitus Deum ignorant; quamdiu in illa ignorantia versantur, nullos esse veræ gratiæ motus, quia homo ad Deum non trahitur nisi per cognitionem & amorem, imò neque per cognitionem solam, si sit omni amore destituta.

Est ergo semper in eo qui dicitur gratiam habere, quiddam supernaturale quo trahitur ad Deum, sed diversum pro duplici gratiæ genere, ut articulo sequenti his verbis explicat: *In eo qui dicitur gratiam Dei habere, significatur esse quidam effectus gratuite Dei voluntatis.* Dicitur est autem, quod dupliciter ex gratuita Dei voluntate homo adjuvatur; uno modo in quantum anima hominis movetur à Deo ad aliquid cognoscendum, vel volendum, vel agendum. Et hoc modo ipse gratuitus effectus in homine non est qualitas, sed mo-

*in quidam anima. Actus enim moventis in moto est motus. Numquam igitur gratuita Dei voluntate homo adjuvatur cum movetur ad aliquid cognoscendum vel volendum vel agendum, quin sit in homine, non qualitas aliqua, ut præter S. Thomæ mentem aliqui sentiunt, sed motus ipse cognitionis, vel voluntatis, vel actionis, ad quem Deus movet; ac proinde quin homo cognoscat, vel velit, vel agat.*

Deinde non solum dicit S. Thomas, *Gratiam seu dilectionem* (quæ ad quodcumque genus gratiæ pertinet) *semper aliquid in anima ejus quem diligit, efficere*; sed disertè docet quid sit illud quod semper efficit, nempe, inquit, *quod ei vult*. Ergo non solum qualiscumque motus est in homine

quem Deus per spiritum suum movet; sed ille ipse motus, sive actus animi ad quem vult Deus illum movere, semper in ipso efficitur. Quare si Deus velit aliquem movere ad actum charitatis, sive ad amandum Deum, infallibiliter ille amat Deum: si quem velit movere ad orandum, infallibiliter ille orat: si quem velit movere ad divitiarum contemptum, infallibiliter ille divitias contemnit: si quem velit movere ad eleemosynam largiendam, infallibiliter ille eleemosynam largitur: *Gratia enim sive misericordia & dilectio Dei, per quam homines movet ad rectè agendum, semper aliquid, nempe ID QUOD EI VULT, in anima ejus quem diligit, efficit.*

## A R T I C U L U S X I I I.

*Habet illud auxilium necessitatem ad id ad quod ordinatur à Deo, non quidem coactionis, sed infallibilitatis.*

**V**ERUM non id solum sequitur ex principiis à S. Thomas positis; sed illud ipsum disertè docet 1. 2. qu. 112. art. 3. *Potest, inquit, preparatio ad gratiam (habitualement) dupliciter considerari. Uno quidem modo secundum quod est à libero arbitrio, & secundum hoc nullam necessitatem habet ad gratia consecutionem, quia donum gratia (habitualis) excedit omnem preparationem virtutis humane. Alio modo potest considerari secundum quod est à Deo movente; & tunc habet necessitatem ad id ad quod ordinatur*

*à Deo, non quidem coactionis, sed infallibilitatis; quia intentio Dei deficere non potest: secundum quod Augustinus dicit in libro de Predestinatione Sanctorum, quod per beneficia Dei certissime liberantur quicumque liberantur. Unde si ex intentione Dei moventis est, quod homo cujus cor movet gratiam consequatur, infallibiliter ipsam consequitur, secundum illud Joam. 6. Omnis qui audit à Patre & didicit, venit ad me. Si is cujus cor movet Deus, infallibiliter gratiam consequitur, cum ex intentione Dei*

Dei est ut illam consequatur; proculdubio etiam consentit, nec abjicit divinam motionem: nam si non consentiret, non utique gratiam consequeretur. Itaque non de sola consecutione gratiæ, sed de quocumque actu pietatis similiter dicere possumus, Si ex intentione Dei moventis est, ut

homo cujus cor movet, mandatum aliquod servet, ut ingruentem tentationem vincat, ut peccatum aliquod vitet, ut in justitia perseveret, infallibiliter mandatum servabit, tentationem vincet, vitabit peccatum, in justitia perseverabit; quia intentio Dei deficere non potest.

#### A R T I C U L U S X I V.

*Infallibiliter Deum diligit, quem movet Spiritus sanctus ad diligendum Deum.*

**I**llustris etiam in eam rem locus est 2. 2. qu. 24. art. 11. ubi quærit: *Utrum charitas semel habita possit amitti.* Sic enim respondet, ut apertè doceat, ita efficax esse Dei moventis auxilium, ut licet charitas vix, considerata ex parte subjecti quod est *vertibile secundum arbitrii libertatem*, amitti possit, & reipsa interdum amittatur; quia non ita replet totam potentialitatem subjecti sui, ut semper actu feratur in Deum (unde quando actu in Deum non fertur, potest aliquid occurrere per quod charitas amittatur) fieri tamen non possit ut amittatur, considerata ex parte Spiritus sancti moventis animam ad diligendum Deum; hoc est, quando & quamdiu Spiritus sanctus movet animam ad diligendum Deum: quia cum infallibiliter operetur quodcumque voluerit, impossibile est ut velit movere aliquem ad actum charitatis, & ut ipse charitatem amittat peccando. Sed sanctum

ipsum egregiè prorsus & divinè eà de re loquentem audiamus. *Respondeo dicendum, quod per charitatem Spiritus sanctus in nobis habitat. Tripliciter ergo possumus considerare charitatem. Uno modo ex parte Spiritus sancti moventis animam ad diligendum Deum: & ex hac parte charitas impeccabilitatem habet ex virtute Spiritus sancti, qui infallibiliter operatur quodcumque voluerit. Unde impossibile est hæc duo simul esse vera; quod Spiritus sanctus velit aliquem movere ad actum charitatis, & quod ipse charitatem amittat peccando. Nam donum perseverantia computatur inter beneficia Dei quibus certissimè liberantur quicumque liberantur, ut August. dicit in libro de Prædest. Sanct. Alio modo potest considerari charitas secundum propriam rationem. Et sic charitas non potest aliquid, nisi id quod pertinet ad charitatis rationem. Unde charitas nullo modo potest peccare, sicut nec calor potest infrigidare, sicut etiam injustitia non potest bonum facere,*



ut August. dicit De Serm. Dom. in monte.

Tertio modo potest considerari charitas ex parte subiecti quod est vertibile secundum arbitrii libertatem..... Sic ergo charitas patrie, quia replet totam potentialitatem rationalis mentis, in quantum scilicet omnis actualis motus ejus fertur in Deum, inamissibiliter habetur. Charitas autem via non sic replet potentialitatem sui subiecti, quia non semper actu fertur in Deum. Unde quando actu in Deum non fertur, potest aliquid occurrere per quod charitas amittatur.

Cum verò sibi objecisset quod dicitur 1. Joan. 3. Omnis qui natus est ex Deo, peccatum non facit: quia semen ipsius in eo manet, & non potest peccare; ita respondet. Ad primum dicendum, quod autoritas illa loquitur secundum potestatem Spiritus sancti, cujus conservatione à peccato immunes redduntur quos ipse movet quantum ipse voluerit.

Atque hinc duo colligas. 1. Quòd mens iusti urgente peccati occasione actu feratur in Deum, satis non esse ut Spiritus sanctus in ipsa per charitatem habitet, sed necessarium esse ut Spiritus sanctus actu moveat animam ad diligendum Deum, quod non semper facit, sed tunc solum cum ipse voluerit, cujus conservatione à peccato immunes redduntur, quos ipse movet quantum ipse voluerit.

Alterum est, beneficia Dei non ex scientia media habere quod efficacia sint, sive quod iis certissime liberentur quicumque liberantur, ut Molina nuper commentus est, sed ex virtute Spiritus sancti, qui infallibiliter operatur quodcumque voluerit: ita ut charitas ex hac parte impeccabilitatem habeat; quia impossibile est hæc duo simul esse vera, quòd Spiritus sanctus velit movere aliquem ad actum charitatis, & quòd ipse charitatem amittat peccando.

## ARTICULUS XV.

*Prima diversitas, cur ampliorem alter altero gratiam consequatur ex Deo variè movente.*

**A** Deò verò auxilium illud Dei moventis semper efficax esse agnoscit S. Thomas, ut non aliunde repetendum censeat, Tum quòd ex duobus qui gratiam justificantem consequuntur, unus ampliorem gratiam quàm alter consequatur, tum quòd ex duobus qui ad habitualement gratiam se præparant, alter ita per-

fectè ad eam se præparet, ut illam statim consequatur; alter verò imperfectiùs quàm ut statim iustificetur.

Quod ad primum enim spectat, id evidenter docet qu. 112. art. 4. ubi quærit: *Utrum gratia major sit in uno quàm in alio. Ex parte,* inquit, *subiecti gratia potest suscipere magis vel minus, pro-*

ut scilicet unus perfectius illustratur à lumine gratiæ, quàm alius. Cujus diversitatis ratio quidem est aliqua ex parte preparantis se ad gratiam. Qui enim magis se ad gratiam præparat, pleniorē gratiam accipit. Sed ex hac parte non potest accipi prima ratio hujus diversitatis, quia preparatio ad gratiam non est hominis, nisi in quantum liberum arbitrium ejus preparatur à Deo. Unde prima causa hujus diversitatis accipiendus est ex parte ipsius Dei, qui diversimode suæ gratiæ dona dispensat ad hoc quòd ex diversis gradibus pulchritudo & perfectio Ecclesiæ consurgat, sicut etiam diversos gradus rerum instituit, ut esset universum perfectum.

Fateretur ergo S. Thomas alterum altero pleniorē gratiam accipere, quia se magis ad gratiam præparat. Negat tamen ex hac parte primam hujus diversitatis rationem esse repetendam. Unde ergo? Ex parte ipsius Dei, qui diversimodè gratiæ suæ dona dispensat. Non quòd non det ampliorē gratiam magis se ad gratiam præparanti; sed quia ipsa præparatio, tam ut sit, quàm ut major vel minor sit, à divina Spiritus sancti cor nostrum variè prout voluerit moventis operatione pendet. Unde fit ut cui vult Deus ampliorē gratiam dare, majorem in libero ejus arbitrio præparationem ipse faciat, cui major illa gratia tribuatur.

Idem docet de charitate habituali, quæ vel ipsa est gratia sanctificans, vel secundum S. Tho-

mam perpetua gratiæ sanctificantis comes, 2. 2. qu. 24. art. 3. ubi quærit, *Utrum Charitas infundatur secundum capacitatem naturalium.* Quantitas, inquit, charitatis non dependet ex conditione nature, vel ex capacitate naturalis virtutis; sed solum ex voluntate Spiritus Sancti distribuentis sua dona prout vult. Quo pacto verò? Nonne charitas habitualis eò major infunditur, quòd quis magis ad eam se præparat? Ita est: sed hæc ipsa major vel minor præparatio pendet à Spiritu Sancto movente humanam mentem vel plus vel minus, ut ipsi placuerit. Cum enim sibi objecisset illud Matth. 25. *Quod dedit unicuique secundum propriam virtutem.* Ad primum, inquit, dicendum, quòd illa virtus secundum quam sua dona Deus dat unicuique, est dispositio, vel preparatio præcedens, sive conatus gratiam accipientis. Sed hanc etiam dispositionem vel conatum prevenit Spiritus Sanctus movens mentem hominis vel plus vel minus secundum suam voluntatem.

Quid contra hanc sanctissimam, Augustinianam, Apostolicamque doctrinam afferre possunt ij, qui conatum liberi arbitrii se ad gratiam præparantis vel gemendo, vel orando, vel se ad Deum supplici pietate convertendo, non omnipotentis Spiritus illius virtuti, qui ubi vult, quando vult, & quantum vult spirat, sed sufficienti suæ gratiæ adscribunt, quæ nusquam non præsto sit, & cu-

jus effectus non modò major vel minor, sed vel aliquis, vel nullus sit pro nutu voluntatis humanæ?

A R T I C U L U S X V I.

*Quod ad gratiam alter perfectè se præparet, alter minùs perfectè, ex vario Dei moventis auxilio repetendum.*

**N**Eque minùs divinæ operationis efficaciam probat, quod jam diximus à S. Thoma doceri, ab ejusdem divini auxilii varietate esse repetendum; quòd alter ita perfectè ad gratiam habitualemente se præparet, ut illam statim consequatur; alter verò imperfectiùs quàm ut statim à peccato resurgat. Eximia sunt quæ in eam rem affert qu. 112. art. 2. ubi quærit: *Utrum requiratur aliqua preparatio & dispositio ad gratiam ex parte hominis.* Primum enim egregiè prorsus ostendit, nullam in homine esse posse ad gratiam preparationem, quam Deus ipse non faciat. Gratia, inquit, dicitur dupliciter, quandoque quidem ipsam habituale donum Dei; quandoque autem auxilium Dei moventis animam ad bonum. Primo igitur modo accipiendò gratiam, præexigitur ad gratiam aliqua gratiæ preparatio, quia nulla forma potest esse nisi in materia disposita. Sed si loquamur de gratia secundum quod significat auxilium Dei moventis ad bonum, sic nulla preparatio requiritur ex parte hominis quasi præveniens auxilium divinum; sed potiùs quacumque preparatio in homine esse potest, est ex auxilio Dei moventis animam ad bonum. Et secundum hoc ipse bonus motus

liberi arbitrii, quo quis preparatur ad donum gratiæ suscipiendum, est actus liberi arbitrii moti à Deo. Et quantum ad hoc, dicitur homo se preparare; secundum illud Prov. 16. *Hominis est preparare animum.* Et est principaliter à Deo movente liberum arbitrium. Et secundum hoc dicitur à Deo voluntas hominis preparari, & à Domino gressus hominis dirigi. Quæ quidem Scripturæ loca apud S. Augustinum, ceterosque Patres, ipsumque S. Thomam, efficax gratiæ auxilium semper significant. Voluntatem enim præparari, idem illis est, ac ipsum velle in nobis Deum operari, ut ait Apostolus, seu per Sancti Spiritus infusionem & operationem in nobis fieri ut velimus, uti loquitur altera Synodus Arausicana can. 4. Si vero à Domino gressus hominis diriguntur, profectò viam ejus volet, ut David ipse testatur. Sin, ut inquit Augustinus lib. 2. op. ult. in Jul. cap. 234. non ab illo diriguntur, hominem viam Dei non volet, etsi jubeat lex ut velit.

Itaque jam perspicimus quæcumque in homine esse potest preparatio ad gratiam, esse ex auxilio Dei moventis ad bonum: sive, ut in Conclusionem loquitur S. Thomas, ad illud moventis Dei auxilium

auxilium sequi. Sed præterea docet in Responsione ad secundum, præparationem illam esse perfectam vel imperfectam, prout est à Deo, vel statim movente ad perfectum bonum, vel movente tantum ad aliquod bonum non tamen perfectum; quod divini auxilii efficacitatem maximè commendat, & vel cæcis perspicuamfacit.

Cum homo, inquit, ad gratiam se preparare non possit, nisi Deo eum præveniente & movente ad bonum; non refert utrum subito & paulatim aliquis ad perfectam præparationem perveniat. Dicitur enim

*Ecl. 11.* Facile est in oculis Dei subito honestare pauperem. Cōtingit autem quandoque, quòd Deus movet hominem ad aliquod bonum, non tamen perfectum; & talis præparatio præcedit gratiam. Sed quandoque statim perfectè movet ipsum ad bonum, & subito gratiam homo accipit, secundum illud Joan. 6. Omnis qui audit à Patre & didicit, venit ad me: & ita contigit Paulo; quia subito cum esset in progressu peccati, perfectè motum est cor ejus à Deo, audiendo & addiscendo, & veniendo. Et ideo subito est gratiam consecutus.

## ARTICULUS XVII.

*Quanam ratione auxilio Dei aliquando resistatur, etsi semper efficax sit ex S. Thomæ.*

**N**ULLI ergo dubium est, quin ex S. Thomæ doctrina auxilium Dei moventis, sine quo justus bonum operari non potest & vitare peccatum, ita efficax sit, ut non modò semper illum effectum habeat ad quem à Deo ordinatur, sed & tantum habeat, hoc est magis vel minus perfectum, prout ille vult, de quo ait August. De pecc. meritis & rem. l. 2. cap. 5. *Cur illum adjuret, illum non adjuret, illum tantum, illum autem non tantum, illum isto, istum illo modo, penes ipsum est & æquitatis tam secreta ratio & excellentia potestatis.*

Atque hinc etiam patet, quo sensu omne auxilium Dei moventis (præter quod nullum aliud gratiæ donum agnoscit S. Tho-

mas, nisi habituale) semper efficax sit: & tamen hæc doctrinâ illæsa & minimè convulsâ, & verè & catholicè dici possit & debeat, in statu naturæ lapsæ gratiæ interiori aliquando resisti. Dei enim moventis auxilium, quod unum naturâ est, duplex ratione statui potest. Alterum, quo bona & perfectâ voluntas à Deo inspiratur, & quo homo bonum opus vult ac reipsâ implet, & Dei mandatum magna & plenâ voluntate observat. Tum verò, etsi dissentire potest homo si velit, numquam tamen dissentit: absit enim ut aliud velit, quàm quod cum velle vult qui tantam tunc ei voluntatem misericorditer donat, quanta sufficit ad implenda mandata, ut ait Augustinus

gustinus, De Gra. & lib. arb. cap. 15. Tale est perseverantiæ donum, per quod omnes quibus datur, infallibiliter perseverant: tametsi dissentire possint, si velint, quod Tridentina fœcit Synodus: quamvis ut non dissentire velint, eodem illo perseverantiæ dono perficitur: ut ait Petavius Theol. Dogm. Tom. 1. lib. 9. p. 602.

Alterum Dei moventis auxilium est, quo bona, sed nondum plena & perfecta voluntas à Deo datur, & quo homo certi boni operis faciendi, & certi peccati vitandi voluntatem habet, sed imperfectiorem. Huic auxilio homo resistit cum bonum opus recipere non implet, in quantum renitente concupiscentiâ, quæ majori delectatione voluntatem à bono opere retrahit, & ad peccandum allicit, gratiæ motibus non consentit. Tunc igitur auxilium illud & efficax est, quod ad illum effectum attinet ad quem ex Dei intentione ordinatur: quia tum, ut inquit S. Thomas, non aliud vult Deus, quam movere hominem illum ad aliquod bonum, non tamen perfectum. Et nihilominus illi resistitur quod ad illum effectum spectat, quem suâ vi & naturâ respicit, opus scilicet bonum reipsâ implendum. Duplex enim in illo auxilio distinguendus effectus est. Alter, ad quem ex intentione Dei; alter, ad quem ex naturâ suâ refertur. Hoc effectui caret sæpe gratia, illo non item. Rem totam exemplum illustrabit. Cum peccatorem Deus ad poenitentiam & conversionem

excitat, numquam est illa excitatio, si sit (ut supponimus) ex vera Dei gratia, sine aliquo initio piæ voluntatis, quæ pia voluntas eò ex naturâ suâ tendit, ut eum à mortifera peccati delectatione retrahat. Neque tamen semper tanta est, ut effectum illum habeat, resistente sibi altera voluntate, quâ peccator pravis suis cupiditatibus adstrictus est. Hanc carnis & spiritus pugnam diu perpeßus Augustinus divinè in Confessionibus expressit lib. 8. c. 5. *Suspiratam ligatus, non ferro alieno, sed mea ferrea voluntate. Velle meum tenebat inimicus, & inde mihi catenam fecerat, & constrinxerat me. Voluntas autem nova, quæ mihi esse cœperat, ut te gratis colerem, fruique te vellem, Deus, sola certa jocunditas, nondum erat idonea superare priorem vetustate roboratam. Ita duæ voluntates meæ, una vetus, alia nova; illa carnalis, illa spiritualis, confligebant inter se, atque discordando dissipabant animam meam.* Et paulò infra: *Ego autem adhuc terrâ, obligatus militare tibi recusabam.* Efficax ergo tum erat Dei Augustinum moventis auxilium; & tamen illi Augustinus resistebat. Efficax erat, quia omnem habebat effectum ad quem à Deo ordinabatur, inspirationem nempe illius novæ & spiritualis voluntatis quæ in Augustino esse cœperat, ut Deum gratis coleret. Et tamen illi Augustinus resistebat; quia nova illa voluntas nondum erat idonea superare priorem vetustate roboratam. Adeoque non habebat effectum quem ex natura sua

sua respiciebat, plenam scilicet conversionem, quam in ejus corde operari nondum ille proposuerat, qui operatur omnia secundum propositum voluntatis suæ. Ita omnes vulgò S. Thomæ discipuli divini auxilii efficaciam intelligunt. Patentur enim, etiam illud auxilium quod sufficiens appellant, efficax esse ad id ad quod mittit illud Deus; non enim redit ad eum vacuum: sed non semper esse efficax ad peccatoris conversionem. Idque probant ex illo Isaïæ 53. *Sic erit verbum meum quod egredietur de ore meo. Non revertetur ad me vacuum, sed faciet quaecumque volui, & prosperabitur in his ad quæ misi illud.* Quibus verbis, inquit, significatur vocationem internam, quæ Deus alloquitur animam, vacuam non esse & sine fructu, sed semper in homine habere aliquem effectum, illum videlicet quem Deus efficaciter vult ut habeat.

Neque verò illam gratiæ & concupiscentiæ pugnam, & ejusmodi pugnam in qua gratiæ suavisitas noxiam peccati delectationem non superet, sed potius superetur, in peccatoribus solum, non etiam in justis reperiri credideris. Quàm multi enim multos sentiunt ejusmodi motus & imperfectas voluntates ad certa bona opera facienda, & ad certa peccata fugienda, quibus ipsi non obsequuntur, resistente concupiscentiâ, quæ majori delectatione voluntatem ad peccatum & discordiam allicit.

Hoc & S. Thomas numquam diffitetur, & S. Augustinus aper-

tè docet. Nonnullis enim locis justos aliquando nullam habere dicit delectationem, nullo Dei auxilio adjuvari. Sed aliis etiam locis ostendit esse nonnumquam in justis aliquam delectationem, aliquod Dei auxilium, minus tamen & invalidius, quàm ut vitando peccato, vel bono operi peragendo sufficiat. Aliis verò utrumque complectitur, & modò minorem, modò nullam justos habere delectationem asserit. Idcirco, inquit lib. 2. de pec. mer. & rem. c. 17. *quisque nostrum bonum opus suscipere, agere, implere, nunc scit, nunc nescit, nunc delectatur, nunc non delectatur.* Et paulò superius, cum generatim omnium peccatorum fontem aperiret: *Nolunt, inquit, homines facere quod justum est, sive quia latet an bonum sit, sive quia non delectat.* Ecce quosdam dicit non delectari. At idem quosdam nonnumquam delectari quidem, sed minùs delectari, minùsque adjuvari, quàm ad peccatum vitandum sufficiat. Scio, inquit ibidem, *ad correptionem meam pertinere, quòd minùs abs te adjuvor, ut perfectè dirigantur gressus mei.* Et cap. 19. *Idcirco etiam Sanctos & fideles suos in aliquibus vitiis tardius sanat, ut eos minùs quàm implenda omni ex parte justitiæ sufficit, delectet bonum.*

Sed numquam istud clariùs tradit, quàm cum utrumque complectitur, ut lib. 6. Op. ult. contr. Jul. c. 41. *Nechujus, inquit, concupiscentiæ reatus, nisi in renascentibus solvitur, ut eo post absolutio-*  
nem non inquinetur, nisi qui ei ad  
perpe-

*perpetrandum opus malum, spiritui adversus eam vel non concupiscente vel non fortius concupiscente, consentit.*

Unus ille S. Augustini locus hæc duo planissimè demonstrat. Primum, aliquando Spiritui sancto interiùs moventi verè resisti, cum scilicet non fortius concupiscit, cum validiorem concupiscentiam offendit. *Quod enim, ut ait Augustinus in Epist. ad Gal. amplius nos delectat, secundùm id operemur necesse est.* Alterum, non in omnibus peccatis venialibus & mortalibus adesse justo gratiam actualem, id est, pium voluntatis motum quo retrahatur à peccato. Disertè enim Augustinus affirmat non in omnibus peccatis spiritum concupiscere, hoc est, pia desideria, pios motus non excitare.

Verùm si nulla alia autoritas suppeteret, nullum tamen arbitror, dummodò se ipse audiat & quid loquatur intelligat, affirmare posse, in omnibus peccatis

gratiam actualem adesse. Quis enim huic propositioni velit subscribere, Numquam se vel incoquantia, vel errore, vel ignorantia, vel subitis & occultis cupiditatis illecebris deliquisse, quin simul in animo adesset divinitus immissa peccati cognitio, & illius vitandi desiderium. Hoc si lingua proferat, reclamabit conscientia; nisi fortè ad illam recurrendum erit ineptiam, quam nuper quidam excogitarunt, ut cogitationes quasdam esse dicerent de quibus non cogiteretur, & (quo nihil absurdius fingi potest) quemque reum esse, quòd istis cogitationibus quas non advertit, non consenserit. Horum insulsiatatem meritò explodit Cardinalis Bellarminus, De Grat. & lib. arb. l. 2. cap. 6. ubi ait, fieri non posse ut bona cogitatio bonumque propositum divinitus nobis immissum non sentiatur à nobis, cum non solum sit in nobis, sed etiam à nobis.

## A R T I C U L U S X V I I I.

*Auxilium Dei moventis ad omne prorsus bonum necessarium est; nullaue sine illo ad gratiam quantumvis imperfecta præparatio.*

**P**orro videndum est, quænam sint ea quæ sine auxilio illo facere non possumus. Verùm ex dictis patet ad omnia omnino verè bona opera, sive peccatorum, sive justificatorum, sive vitam æternam mereantur, sive secus, auxilium illud necessarium esse. Jam enim vidimus S. Thomam apertè asserentem De Ver. qu. 24.

art. 14. *Quod si gratiam Dei velimus dicere, non aliquod habituale donum, sed ipsam misericordiam Dei per quam interiùs motum mentis operatur & exteriora ordinat ad hominis salutem, sic non modò bonum vitæ æternæ meritorium, sed nec ullum prorsus bonum homo potest facere sine gratia Dei.*

Deinde nulla esse potest in  
I homine

homine ad gratiam præparatio, etiam imperfecta, nisi per illud Dei moventis auxilium 1. 2. qu. 112. a. 2. Unde manifestum est cognitionem infirmitatis suæ, desiderium sanitatis, invocationem medici, & reliqua similia quæ generali orationis nomine comprehenduntur, cum ad justificationem præparent, non posse in

nobis esse, nisi per auxilium Dei moventis, & quidem efficax. Ad hoc enim ut Deus gratiam infundat anime, inquit S. Doctor ibid. ad 3. nulla præparatio exigitur quam ipse non faciat. Exigit verò Deus ab homine justificando, ut infirmitatem suam agnoscat, & medicum invocet. Ergo hanc in eo præparationem ipse facit.

## A R T I C U L U S XIX.

*Sine motione Dei non potest homo aliquid velle. Illa verò duplex. Altera universalis, altera specialis per gratiam.*

**P**Ræterea, ut probet S. Thomas hominem indigere, tum ad verum cognoscendum, tum ad faciendum bonum, auxilio Dei moventis, hac ratione utitur quæ quodcumque bonum & quemcumque actum comprehendat 1. 2. q. 109. a. 1. *Quantumcumque natura aliqua corporalis vel spiritalis penatur perfecta, non potest in suum actum procedere, nisi moveatur à Deo.* Et art. 9. *Indiget justus novo auxilio gratiæ, ut scilicet à Deo moveatur ad rectè agendum.* Et hoc propter duo: primò quidem ratione generali propter hoc quòd, sicut dictum est, nulla res creata potest in quemcumque actum procedere, nisi virtute motionis divine.

Obiter tamen advertendum est discrimen quod S. Thomas statuit inter modum, quo Deus movet homines cum malè agunt, & cum quo illos movet ad rectè agendum per auxilium gratiæ. Cum enim 1. 2. qu. 9. a. 6. sibi objecisset: *Deus non est causa nisi*

*bonorum; si ergo à solo Deo voluntas moveretur, nunquam moveretur ad malum; ita respondet: Ad 3. dicendum, quòd Deus movet voluntatem hominis sicut universalis motor ad universale objectum voluntatis, quod est bonum. Et sine hac universali motione homo non potest aliquid velle; sed homo per rationem determinat se ad volendum hoc vel illud quod est verè bonum, vel apparens bonum. Sed tamen interdum movet Deus specialiter aliquos ad aliquid determinatè volendum quod est bonum, sicut in his quos movet per gratiam, ut infra dicitur.*

Egregia prorsus distinctio, neque vulgò satis perpensa, ex qua duo maximi momenti consequuntur. Primum est, omnes quidem homines à Deo moveri tanquam ab universali motore ad universale objectum voluntatis quod est bonum, hoc est, ad bonum generatim sumptum; sed non omnes homines à Deo moveri per

gra,



gratiam. Expresse enim affirmat, non omnes & semper, sed specialiter, & interdum, & aliquos tantum à Deo moveri per gratiam: quod prorsus destruit novam & sancto Thomæ inauditam de gratia sufficiente omnibus communi sententiam.

Alterum est, fieri quidem posse, ut peccent homines etiam cum à Deo moventur, sed tùm solùm cum moventur motione tantum universalis ad universale objectum voluntatis, quod est bonum: non verò cum moventur per gratiam. Cum enim solvendum suscepisset quod sibi objecerat, *Si homo à Deo moveretur, numquam peccaturum, quia non est Deus causa nisi bonorum, nihil causæ fuit cur distingueret duplicem motionem Dei, alteram universalem, alteram specialem per gratiam, nisi ut indicaret, fieri quidem posse ut peccent homines qui à Deo moventur cum moventur univer-*

sali tantum motione, non peccare autem eos quatenus moventur per gratiam, quia tum moventur à Deo ad aliquid determinatè volendum, quod est verè bonum. Intentio verò Dei deficere non potest, ut semper docet S. Thomas; neque aliter de Deo sentire fas est, si modò meminerimus, non ob aliud, ut inquit Aug. in Ench. c. 96. eum veraciter omnipotentem vocari, nisi quia quicquid vult potest, nec voluntate cujuscumque creature voluntatis omnipotentis impeditur effectus. Quamvis enim is qui infirmam tantum à Deo voluntatem accepit, ob concupiscentiæ validioris renisum peccare possit, ut supra vidimus; tamen si peccet, alia voluntate peccabit, cui Deus non aliter cooperatur, nisi ut universalis motor, non eâ, licet imperfectâ, quam inserit gratia, quæ semper id efficit ad quod Dei voluntate refertur.

## A R T I C U L U S X X.

*De auxilio Dei moventis intelligendum quod ait Christus: Sine me nihil potestis facere.*

**D**Enique sanctus Thomas expresse tradit dictum illud Christi: *Sine me nihil potestis facere*; de auxilio Dei moventis intelligi debere. Quæstione enim 109. art. 6. ubi quærit: *Utrum homo possit se ipsum ad gratiam habituales preparare per seipsum absque exteriori auxilio gratiæ, distertè respondet: Non posse hominem per seipsum preparari ad divi-*

*na gratia lumen suscipiendum, sed gratuito Dei interius moventis bonumque propositum inspirantis auxilio indigere.* Et in responsione ad primum non minus apertè docet, præcipi quidem homini ut se ad Deum convertiat, quia conversio hominis ad Deum fit per liberum arbitrium; sed liberum arbitrium ad Deum converti non posse, nisi Deo ipsum ad se convertente, secundum

secundum illud Hierem. 31. *Converte me, & converterar.*

Cum verò sibi objecisset: *Homo se ad gratiam preparat faciendo quod in se est, quia si homo facit quod in se est, Deus ei non denegat gratiam. Dicitur enim Matth. 7. quod Deus dat spiritum bonum petentibus se. Sed illud in nobis esse dicitur quod est in nostra potestate. Ergo videtur quod in nostra potestate sit constitutum ut nos ad gratiam preparamus: ad hoc ita respondet. Ad 2. dicendum, quod nihil potest homo facere nisi à Deo moveatur secundum illud Joan. 15. Sine me nihil potestis facere. Et ideo cum di-*

*citur homo facere quod in se est, dicitur hoc esse in potestate hominis, secundum quod est motus à Deo. Ubi vides S. Thomam concedere quidem Deum dare Spiritum bonum petentibus se; negare tamen propterea in nostra potestate constitutum esse, ut nos ad gratiam preparamus; quia illud ipsum, quod est Spiritum bonum à Deo petere, non est in potestate nostra, nisi per gratuitum Dei moventis auxilium illa petendi voluntas nobis inspiretur, eo quod nihil homo facere possit, nisi à Deo moveatur secundum illud Joan. 15. Sine me nihil potestis facere.*

## A R T I C U L U S XXI.

*Sine auxilio Dei moventis non modò homo non agit, sed nequidem agere potest.*

**A**Tque hinc evidenter liquet ex S. Thoma, uti etiam ex S. Augustino, efficax Dei moventis auxilium, sive gratiam bonæ voluntatis effectricem, ita necessariam esse ad piè agendum, ut sine illa non modò homo non agat, sed nequidem agere possit. Sic enim illi post Christum ubique loquuntur: neque solum aiunt, animam gratiæ donis instructam piè numquam agere, sed etiam *agere non posse*, nisi Deus illam teneat, moveat, & velut frameam utatur ad debellandos ipsius animæ hostes, tentationes scilicet & concupiscentias, quibus ad peccandum sollicitatur: *Quid est*, inquit Augustinus in Psalm. 34. *anima nostra, aut*

*QUID POTEST, nisi Deus eam teneat & pugnet de illâ? NIHIL POTEST homo facere*, inquit S. Th. *nisi à Deo moveatur, secundum illud Joan. 15. Sine me nihil potestis facere.*

Neque aliter loqui potuerunt, nisi à communi omnium hominum loquendi more vellent discedere. Nemo enim negaverit qui communes & in omnium animis impressas rerum motiones consulere velit, si aliquod auxilium ad quidpiam efficiendum homini necessarium sit, rectè dici, hominem qui eo auxilio careat, illud efficere non posse. Hæc est enim ipsa necessarij definitio, sæpius à S. Thoma tradita: ut id necessarium dicatur, SINE QUO ALIQUID

ALICQUID ESSE NON POTEST, sicut  
cibus est necessarius ad conservatio-  
nem humane vite: vel per quod  
melius pervenitur ad finem, sicut  
equus est necessarius ad iter, 3. p.  
qu. 1. art. 2.

Farentur autem omnes auxi-  
lium Dei moventis, quod sem-  
per efficax esse ostendimus, non  
esse tantum necessarium ad omne  
opus pium, sicut equus est ne-  
cessarius ad iter, ut nempe fa-  
cilius fiat (hoc enim *facilius* jam-  
pridem in Pelagianis damnavit  
Ecclesia) sed ut simpliciter & ab-  
solutè fiat. Si ergo loco nominis  
necessarium, ipsa rei per nomen

significatæ definitio adhibeatur,  
ut faciendum monet Aristoteles  
6. Topic. & alibi ad cavillationes  
detegendas, manifestum erit idem  
prorsus esse; Auxilium Dei mo-  
ventis, & quidem efficax, ad om-  
nem actum pium etiam justo ne-  
cessarium esse, ut fatentur om-  
nes S. Thomæ discipuli; Et, Ni-  
hil posse justum, quod ad piè  
agendum attinet, sine efficaci Dei  
moventis auxilio: etsi per illud  
non posse, non excludatur vera &  
interior ad agendum potentia;  
sed illud solum posse Molinia-  
num, quod complectitur omnia  
ad agendum necessaria.

## ARTICULUS XXII.

*Cur justis interdum gratia efficax non detur, in ipsis causa est,  
non in Deo.*

CUM ex S. Thoma liquidò de-  
monstraverimus, ad omnem  
pietatis actum, & ad quamcum-  
que præparationem etiam imper-  
fectam ad gratiam, necessarium  
esse auxilium illud, quo Deus  
ita cor movet, ut in eo infalli-  
biliter operetur quodcumque vo-  
luerit; manifestum est, justum  
qui tentatione vincitur, non ha-  
buisse omnem gratiam ad supe-  
randam tentationem necessariam,  
alioquin illà non vinceretur.  
Quod etiam ex eo patet, quòd  
gratia ad tentationem superan-  
dam necessaria ea sit, quam justì  
à Deo quotidie postulant cum  
dicunt: *Et ne nos inducas in ten-  
tationem*, ut docet S. Thomas  
1. 2. qu. 109. art. 9. *Necesse est,*

inquit, nobis ut à Deo dirigamur  
& protegamur, qui omnia novit &  
omnia potest. Et propter hoc & re-  
natis in filios Dei per gratiam con-  
venit dicere: *Et ne nos inducas in  
tentationem.* Qui autem, inquit  
Augustinus lib. 1. Oper. Ult. in  
Jul. c. 93. exauditus fueris in eo  
quod dicere jussi sumus: *Ne nos in-  
feras in tentationem; proinde ubi  
nulla decipietur inscitia, nulla cu-  
pitudine vincetur.* Verum quia vi-  
ros alioquin bonos, sed divinæ  
gratiæ altitudinem religiosâ ani-  
mi demissione venerari haud as-  
suetos, multa hinc movere solent;  
illorum scrupulis quomodo oc-  
currendum sit ex S. Augustini  
& S. Thomæ doctrina paucis ape-  
riam.

## Q U Æ S T I O I.

Si ergo quæras 1. Utrum Deo imputari debeat, quod justus gratiâ efficaci destitutus in tentatione cecidit;

Respondendum: Absit. *Homines enim peccant* (ut inquit D. Thom. lib. 3. cont. Gent. c. 162.) *per hoc quod deviant à Deo, qui est ultimus finis. Cum autem omne agens agat ad proprium finem & sibi convenientem, impossibile est quod Deo agente aliqui avertantur ab ultimo fine qui Deus est. Impossibile igitur est quod Deus aliquos peccare faciat.* Et 1. 2. qu. 79. art. 1. *Non potest Deus directè esse causa peccati, quia non potest sibi vel aliis esse causa discedendi ab ordine qui est in ipsum: similiter etiam neque indirectè. Contingit enim quod Deus aliquibus non præbet auxilium ad evitandum peccatum: quod si præberet, non peccarent. Sed hoc totum facit secundum ordinem sue sapientia & justitia, cum ipse sit sapientia & justitia. Unde non imputatur ei quod alius peccet, sicut causa peccati: sicut gubernator non ducitur causa submerisionis navis, ex hoc quod non gubernat navem, nisi quando subtrahit gubernationem POTENS ET DEBENS gubernare. Et sic patet quod Deus nullomodo est causa peccati.*

## Q U Æ S T I O II.

Si quæras 2. cur aliquando iusto gratia efficax ad superandam tentationem necessaria à Deo non datur;

Respondeo, huiusce rei causam plerumque ex orandi negligentia repetendam. Victoria enim

adversus tentationes orantibus sicut oportet à Deo promissa merito illi non datur, qui eam precibus suis à Deo impetrare non curat, sive ob socordiam, sive ob inanem in seipso confidentiam; uti contigit Beato Petro. *Per solum enim liberum arbitrium* (inquit Augustinus serm. 124. de temp) *non addito etiam Dei adiutorio, promiserat se pro Domino moriturum. Sed quid est homo sine gratia Dei, nisi quod fuit Petrus cum negavit Christum?* Omnino, fatentibus etiam adversariis, culpa venialis, qualis fuit præsumptio S. Petri, sufficit ut Deus gratiam suam efficacem etiam ad peccatum mortale vitandum necessariam iusto interdictum, pro iudiciorum suorum inscrutabili profunditate, denegat; uti S. Petro denegavit. Quare cum nemo hic absque peccato, ut à Conciliis definitum est, neque tanta ulli Sanctorum, nisi ex speciali Dei privilegio, quemadmodum de B. Virgine tenet Ecclesia, inquit Concilium Tridentinum, gratia conferatur, ut non quotidie necesse habeat peccatorum veniam à Deo postulare, manifestum est neminem esse qui non humiliter agnoscere debeat pro merito peccatorum suorum se posse à Deo derelinqui, adeoque ne id fiat, cum regio vate identidem exclamare: *Adjutor meus esto, ne derelinquas me.* Omnibus enim veraciter humilibus habenda semper est præ oculis egregia Richardi Victorini hac de re sententia: *De statu inter hom.* p. 1. cap.

cap. 22. Gratia quam homo semel accepit ante peccatum, iuste subtrahi non potuit: quam etsi præter meritum acceperat, sine culpa tamen amittere non debebat. Nunc autem OMNI HORA POTEST IUSTE SUBTRAHI, QUIA NUMQUAM POTEST HOMO SINE CULPA INVENTRI.

### QUESTIO III.

Quod si pressius quæras 3. cur gratia efficax ad orandum necessaria iusto aliquando non detur. Spiritus enim est (ut inquit S. Thomas 2. 2. qu. 83. art. 5.) qui in hoc adiuvat infirmitatem nostram, quod inspirando sancta desideria rectè postulare nos facit;

Respondeo. Si de primâ orandi negligentia sermo sit, non potest dici gratiam efficacem ad orandum necessariam idèo iusto qui orare neglexit defuisse, quod orare neglexerit. Plurimi certè ex D. Thomæ discipulis ut reprobationem, ita & permissionem primi peccati, sive negationem gratiæ efficacis, necessariæ ad primum peccatum mortale vitandum, ex nulla hominis culpâ, sed ex sola Dei voluntate repetunt. Cui sententiæ adhæret vir doctissimus ex Societate Jesu Tiphanius in lib. De Ordine cap. 52. cui titulus est. Reprobationem non omnino ex prævisis demeritis esse, sed ex Dei voluntate. Primum enim, ut Predestinationem, sic reprobationem duplicem esse ait. Unam internam & æternam, ex parte Dei reprobandis: Alteram externam, temporalem & ex parte effectuum, in ipsis reprobis. Hæc verò, inquit, est carentia gratiæ efficacis

& necessaria ad evitandum peccatum mortale, cum pœna æterna pro eo infligenda. Deinde verò duplicem distingui ait, Theologis reprobationem internam: Unam negativam: Alteram positivam. Illa est permissio peccati, seu negatio gratiæ efficacis (& necessaria ad evitandum peccatum, ut ante dixerat) sive ex antecedenti aliquo reprobi peccato, SIVE EX NULLO. Hæc verò est ipsa Dei ordinatio ac voluntas pœnæ infligenda, sive æternæ sive temporalis, pro peccato sive originali, sive actuali reprobi. Prior (quæ est negatio gratiæ efficacis) negativa dicitur, non quod sit in Deo mera negatio actus: Est enim positiva permissio peccati, seu VOLITIO NON DANDI PRÆDICTAM GRATIAM EFFICACEM: sed, quod sit negatio objecti, id est, ipsius gratiæ efficacis. Et in fine capituli. Quam, inquit, reprobationem voluntati divine adscribit S. Thomas, non propterea vult Deum ullum reprobare reprobatione positiva, sine suo aliquo peccato vel originali vel actuali; sed solum vult reprobationem negativam (quam supra dixit esse positivam ex parte actus divinæ voluntatis) id est negationem gratiæ efficacis, quâ peccatum vitaret, esse ex simplici Dei voluntate. Idem docet Erius in 1. sent. Dist. 41. §. 18. post Bartholomæum Medinam. Quod Deus, inquit, permittat hominem vel Angelum cadere in peccatum quo Deum deserit, videlicet non præbendo auxilium efficax ne cadat, hoc non habet causam in ipsis. Mirum profecto est hanc doctrinam, quæ

negationem gratiæ efficacis ex sola Dei voluntate reperit, in Catholicorum scholis, & apud ipsos Jesuitas innoxie doceri; Augustinianam verò hac de re sententiam, longè mitiorem, per summam calumniam impietatis & hæreseos accusari. Generatim enim docet S. Augustinus, quòd homines gratiâ non adjuventur, in ipsis causam esse, non in Deo. Sic enim ait lib. 2. de Pecc. mer. & rem. c. 17. *Ignorantia & infirmitas vitia sunt quæ impediunt voluntatem, ne moveatur ad faciendum opus bonum, vel ab opere malo abstinendum. Ut autem innotescat quod latebat, & suave fiat quod non delectabat, gratia Dei est quæ hominum adjuvat voluntates: quâ ut non adjuventur, in ipsis causa est, non in Deo, siue damnandi predestinati sint propter iniquitatem superbiæ, siue contra ipsam suam superbiâ judicandi & erudiendi, si filii sint misericordiæ.*

#### QUÆSTIO IV.

Si quæras 4. quidnam sit illa superbiâ, quæ in causa est cur homines à Deo non adjuventur;

Respondeo, non esse necessariò peccatum superbiæ; quia de illo ipso peccato superbiæ quæri posset, cur Deus ad illud vitandum gratiam efficacem non dederit. Neque etiam dici potest, primam in justo gratiæ efficacis denegationem inde oriri, quòd alicui gratiæ sufficienti consentire neglexerit. Consentire enim gratiæ sufficienti, quæcumque tandem illa sit, actus est voluntatis bonus & pius. Ad illum igitur

consensum necessaria est gratia efficax, cum in sententia S. Thomæ & ejus scholæ ad omnem actum pium necessaria illa sit. Quæro ergo de illâ gratiâ efficaci quæ necessaria est ad assentiendum gratiæ sufficienti, cur Deus illam justo non dederit. Ubi manifestum est, non minùs ridiculum fore qui respondeat, idèò justo gratiam illam efficacem ad assensum illum necessariam, Deum non dedisse, quia justus gratiæ sufficienti non assensit, quàm qui tempore eclypsis interrogatus, cur sol terram non illuminet, hujusce rei hanc esse causam dicat, quòd terra tenebris cooperta sit.

Dicendum igitur superbiæ vocem duobus modis sumi solere. Primum quidem pro peccato, hoc est actu superbiæ: deinde verò pro vitio, hoc est, pravâ & ex peccato saltem originali relietâ ad superbiendum propensione. Cum ergo dicit Augustinus, superbiâ in causa esse cur homines Dei gratiâ non adjuventur, vel ad bonum opus faciendum, vel ab opere malo abstinendum, non de actuali superbiæ peccato id semper intelligi voluit, quia, ut jam diximus, de ipso illo superbiæ peccato quæri posset, cur ad illud vitandum gratiam efficacem Deus non dederit; sed de superbiæ vitio omnibus hominibus innato, & quod sæpè testatur ne in ipsis quidem sanctis quamdiu hic vivunt perfectè umquam aboleri. Sic se ipse explicat in eodem lib. 2. de Pecc.

Pecc. mer. & rem. c. 19. Cum enim primi hominis inobedientiam ex superbia & appetitu propriæ potestatis ortum duxisse ostendisset; Cum hoc, inquit, voluit homo, sine difficultate noluisse. Secutum est autem ex debita iusta pœna tale vitium, ut jam molestum esset obedire iustitiæ. Quod vitium nisi adiuvante gratiâ superetur, ad iustitiam nemo convertitur; quod ad peccatores spectat: nisi operante gratiâ sanetur, iustitiæ pace nemo perficitur: quod ad iustos pertinet.

Imò verò, ad illud superbiz vitium convincendum & sanandum alia in sanctis ipsis vitia à Deo relinqui, ibidem tradit. Idcirco etiam sanctos & fideles suos in aliquibus vitiis tardius sanat.... Nec in eo ipso vult nos damnabiles esse, sed humiles, commendans nobis eandem gratiam suam, ne facilitatem in omnibus assecuti, nostrum putemus esse quod ejus est. Qui error multum est religioni pietatique contrarius. Nec ideo tamen in eisdem vitiis nobis permanendum esse existimemus, sed adversus ipsam maximè SUPERBIAM, propter quam in eis humiliamur, & nos vigilanter conemur, & ipsum deprecemur ardentius, simul intelligentes & quod sic conamur, & quod sic deprecemur, dono illius nos habere.

#### QUÆSTIO V.

Si quæras, cum in omnibus iustis sit illud superbiz vitium magis vel minus, sed raletamen quod in causâ esse possit cur homines per gratiam efficacem ad quædam pietatis opera, vel quæ-

dam peccata viranda non adjuventur, cur huic potius quam alteri gratiam suam Deus aliquando deneget;

Respondeo, quòd uni det, misericordiz esse; quòd alteri non det, iustitiæ: cur verò uni potius quam alteri, ad inscrutabilia Dei judicia pertinere. Ita Augustinus eodem in loco. Quod vitium nisi adiuvante gratiâ superetur, ad iustitiam nemo convertitur. Nisi operante gratiâ sanetur, iustitiæ pace nemo perficitur. Cujus autem gratiâ vincitur & sanatur, nisi illius cui dicitur: *Converte nos Deus sanitatum nostrarum. Quod & si facit, misericordiâ facit. Quibus autem non facit, iudicio non facit.*

Atque id ipsum est quod docet S. Thomas in Comment. Epist. ad Hebr. in illa Pauli verba: *Contemplantur ne quis desit gratia Dei.* Gratia, inquit, nulli deest, sed omnibus quantum in se est se communicat, sicut nec sol deest oculis cæcis. Quibus verbis nihil aliud significat S. Thomas nisi Deum numquam spontanea abdicatione quæ nullam in homine causam habeat, gratiam subtrahere, sed hominibus sine peccato & vitio consideratis & gratiam & gloriam velle voluntate antecedenti, seu bonitate creatoris, ut ait Ecclesia Lugdunensis in libro de tribus Epistolis. Sed ne quis verba supradicta S. Thomæ in Pelagiano sensu acciperet, ut multi faciunt, atque hinc concluderet, quòd unus gratiæ quantum in se est se communicanti impedimentum præstet, non autem alter, ex libe-

liberi arbitrii nutu pendere, hunc sensum, ut Pelagianam hæresim, sequentibus verbis summovet. Sed contrà, quia si gratia non datur ex operibus, sed tantum ex hoc quòd aliquis non ponit obstaculum: ergo habere gratiam dependet ex solo libero arbitrio, & non ex electione Dei: quod est error Pelagii. Respondeo: Dicendum est quòd hoc ipsum, quòd aliquis non ponit obstaculum, ex gratia procedit. Unde si aliquis ponat, & tamen moveatur cor ejus ad removendum illud, (scilicet ut ponere desinat) hoc est ex dono gratia Dei vocanti per misericordiam suam. .... Quòd ergo à quibusdam removeretur istud obstaculum, hoc est ex misericordia Dei: quòd autem non removeretur, hoc est ex justitia ejus.

Omnino verò præclara est vox S. Prosperi in Resp. ad Object. 14. Vinc. quidquid hætenus diximus paucis complectens. Cur illum, inquit, (de justis loquitur) Deus retimeat, illum non retimeat, nec possibile est comprehendere, nec licitum vestigare: cum scire sufficiat, & ab illo esse quòd statuitur, & non ab illo esse quòd ruitur.

#### QUASTIO VI.

Si quæras 6. num semper justitiæ Dei adscribi debeat, quòd gratiam efficacem alicui interdum justo denegat, unde sequatur justii lapsus vel venialis vel mortalis;

Respondeo, idem prorsus hîc dici debere ac de excacatione, quæ cum generaliùs sumitur, omnem gratiæ efficacis ad vitandum mortale peccatum necessa-

riæ negationem comprehendit. De eâ verò sic sumptâ ita S. Thomas 1. 2. quæst. 79. art. 4. Excacatio, inquit, est quoddam præambulum ad peccatum: peccatum autem ad duo ordinatur. Ad unum quidem per se, scilicet ad damnationem: ad aliud autem ex divinâ misericordia vel providentia, scilicet ad sanationem, in quantum Deus permittit aliquos cadere in peccatum, ut peccatum suum agnoscere humilientur & convertantur; sicut Augustinus dicit in lib. de nat. & grat. Unde & excacatio ex sui natura ordinatur ad damnationem ejus qui excacatur (propter quòd ponitur etiam reprobationis effectus) sed ex divina misericordia excacatio ad tempus ordinatur medicinaliter ad salutem eorum qui excacantur. Sed hæc misericordia non omnibus impenditur excacatis, sed prædestinatis solum, quibus omnia cooperantur in bonum, sicut dicitur Rom. 8. Unde quantum ad quosdam, excacatio ordinatur ad sanationem; quantum autem ad alios, ad damnationem: ut Aug. dicit in 3. De Quæst. Evang.

#### QUASTIO VII.

Si quæras denique, num aliquod præceptum alicui interdum justo, vel etiam peccatori impossibile dici debeat;

Respondeo in sententiâ Sancti Thomæ multum differre, justum aliquem interdum non posse præceptum aliquod implere, vel tentationem superare: & præceptum illud vel tentationis victoriam esse justo impossibilia. Agnoscit enim sanctus Doctor 1. 2. qu. 109. art. 9.



non posse hominem, licet jam gratiam consecutus sit, per seipsum operari bonum, & vitare peccatum, absque novo auxilio Dei ipsum moventis; dirigentis, & protegentis contra tentationum impulsus. Quo auxilio cum semper Deus efficiat in homine id quod ei vult, ut supra ostendimus, hoc est, motum ipsum voluntatis quo tentatio repellitur, si ad vincendam tentationem à Deo datur, manifestum est illud auxilium ad tentationem superandam necessarium justis illis non adfuisse qui à tentatione superati sunt.

Unde etiam fateatur S. Thomas homines ad multa teneri quæ præstare non possunt sine illo gratiæ auxilio, quod non omnibus datur. Si, inquit 2. 2. qu. 2. art. 5. in potestate hominis esse dicatur aliquid excluso auxilio gratiæ, sic ad multa tenetur homo ad quæ non potest sine gratia reparante, sicut ad diligendum Deum & proximum, & similiter ad credendum articulos fidei. Sed tamen hoc potest cum auxilio gratiæ: quod quidem auxilium quibuscumque divinitus datur, misericorditer datur; quibus autem non datur, ex justitia non datur, in pœnam præcedentis peccati, & saltem originalis peccati, ut Aug. dicit in lib. de Corrept. & grat.

Neque tamen inde concludas præceptum diligendi Deum esse unquam homini impossibile, vel tentationis victoriam justo alicui, ut S. Petro, impossibilem fuisse: vox enim impossibilis absolute usurpata durius sonat, idque si-

gnificat, ex S. Thoma, quod nullo modo facere possumus, nequidem alterius auxilio adjuti: cum difficile tantum dicatur, quod cum propriis viribus facere non possumus, possumus tamen cum alterius auxilio.

Egregius est in eam rem locus 1. p. qu. 62. art. 2. ad 2. *Difficile*, inquit, est quod transcendit potentiam: sed hoc contigit esse dupliciter. Uno modo, quia transcendit potentiam secundum suum naturalem ordinem: & tum si ad hoc possit pervenire aliquo auxilio, dicitur DIFFICILE; si autem nullo modo, dicitur IMPOSSIBILE, sicut impossibile est hominem volare. Alio modo transcendit aliquid potentiam, non secundum ordinem naturalem potentie, sed propter aliquod impedimentum potentie adiunctum. . . . . Converteri autem ad beatitudinem ultimam, homini quidem est difficile, & quia est supra naturam, & quia habet impedimentum ex corruptione corporis & infelitione peccati. Sed Angelo est difficile propter hoc solum quod est supernaturale.

Non debet igitur absolute dici præceptum aliquod justo vel peccatori impossibile esse, quia ex S. Thoma impossibile illud significat id ad quod nullo modo pervenire possumus, nequidem cum alterius auxilio, sicut impossibile est homini volare. Quo sensu Lutherani & Calvinitæ præcepta Dei etiam justis impossibilia esse docent, quia scilicet nefarie sentiunt, justos omnes, utcumque Spiritu Dei in hac vita adjuventur, nullum unquam Dei præceptum

ceptum ita servare, quin in eo ipso opere peccatum admittant, quo rei essent æternæ damnationis, nisi hanc eis noxam misericorditer Deus condonaret.

Quod si ex S. Thomæ peccatoribus quidem mandata Dei impossibilia dici debent, multò

minùs iustis, qui per spiritum gratiæ & charitatis sibi in justificatione infusum veram & interiorem habent ad ea servanda potentiam, adeoque semper possunt ea servare, *quantum ad sufficientiam operativæ virtutis*, ut superius diximus.

## A R T I C U L U S XXIII.

*Universa S. Thomæ de gratiæ doctrina ad septem capita revocatur.*

**U**Niversa igitur S. Thomæ de gratia doctrina ad hæc septem capita revocari potest.

1. Non nisi duplex gratiæ sive divini auxilii genus agnoscit S. Thomas; alterum quod est habituale donum nobis divinitus inditum; alterum quod est auxilium Dei animam moventis ad bonum. Semper enim ait gratiam dupliciter intelligi, nunquam tripliciter. Et id novies repetit in illis quæst. 1. 2. in quibus de gratia agit qu. 109. a. 2. 3. 4. 6. 9. 10. & qu. 110. a. 1. & qu. 111. a. 2. & qu. 112. a. 1.

2. Iusti omnes per prius auxilium gratiæ, quod est habituale donum nobis divinitus inditum, mandata servare, & omnia peccata mortalia vitare, ac singula venialia, & proinde in iustitia perseverare possunt 1. 2. qu. 109. art. 8. quantum ad sufficientiam operativæ virtutis, quia ut hoc præstent non indigent nova alia virtute sibi à Deo indita. Ib. a. 9.

3. Iusti nihilominus indigent ulterius posterioris gratiæ genere, seu novo & speciali Dei mo-

ventis, dirigentis & protegentis auxilio, sine quo bonum operari & peccatum vitare non possunt. Ib. a. 9. neque contra tentationum impulsus firmiter stare & perseverare. Ib. a. 10.

4. Auxilium illud Dei moventis semper est efficax & infallibile secundum id ad quod à Deo ordinatur. Qu. 112. art. 3. quia auxilium illud nihil est aliud quam *misericordia Dei per quam interius motum mentis operatur*, De ver. qu. 24. art. 14. *Misericordia autem, seu gratia & dilectio Dei, semper efficit aliquid in anima ejus quem diligit, nempe id quod ei vult.* qu. 110. art. 1. Et proinde quantum ad illud auxilii genus semper efficit in eo quem mover, motum illum ipsum ad quem eum vult movere. Ib. art. 2. hoc est amorem, si vult movere ad amandum; orandi effectum, si vult movere ad orandum; infirmitatis cognitionem, si vult movere ad id cognoscendum.

5. Et si auxilium omne Dei moventis semper efficax sit alicujus effectus, ejus nempe ad quem efficien-

efficiendum divina voluntate destinatur, ut fatentur omnes S. Thomæ discipuli; ei tamen interdum resistitur, respectu alterius effectus ad quem ex natura sua refertur. Ut cum peccatorem Deus ad piè vivendum excitat, efficit quidem semper illa gratia, ut secundum mensuram donationis Christi aliquam habeat ille peccator piè vivendi voluntatem: qua ratione gratia illa efficax est. Sed non semper tanta est illa voluntas, etiam per gratiam inspirata, ut resistentem sibi peccati delectationem superet, & ad piam vitam peccatorem reipsa perducat: qua ratione illi resistitur.

6. Tam necessarium est ad bene agendum efficax illud Dei moventis auxilium, ut *sine illo homo non possit ullum facere bonum*: De verit. qu. 24. a. 14. Neque ullo modo quantumvis imperfectè se ad gratiam præparare: qu. 112. a. 2. Et de illo intelligendum quod dixit Christus Joan. 15. *Sine me nihil potestis facere*: qu. 109. art. 6. Unde rectè appellari potest, Gratia sine qua nihil possumus.

7. Horum omnium consecrarium est, hæc duo quæ inter se pugnare videntur, neque tamen vera pugnant, si probè intelligantur, verè & catholicè dici.

Alterum est: Numquam deesse justo ulli gratiam per quam mandata servare & tentationes superare possit. Alterum est: Deesse interdum alicui justo gratiam, sine qua non potest reipsa & *effective* mandata servare & tentationes superare. Utrumque enim verum est: quia gratiæ vox, ut sæpissimè ait S. Doctor, dupliciter usurpatur, tum pro habituali dono naturæ superaddito, tum pro auxilio Dei moventis.

Prius ergo verum est, quia numquam deest justo quamdiu justus manet, gratuitum illud donum quo verè mandata servare & tentationes superare potest.

Posterius etiam non minùs verum, quia negari non potest quin aliquando desit alicui justo auxilium illud Dei moventis quod tale est, ut sine illo justus bonum operari & tentationes superare reipsa non possit, & semper effectum illum habeat ad quem à Deo ordinatur. Unde si justus aliquis vel non oravit, vel tentationem aliquam non superavit, certum est non adfuisse ei auxilium Dei moventis quo indigebat vel ad orandum vel ad tentationem illam reipsa superandam.

## ARTICULUS XXIV.

*Explicatur propositio secundum doctrinam S. Thomæ.*

Augustinus in Epistola laudatus. p. 220.

Chrysostomus in Epistola laudatus  
p. 225.

Autor Epistolæ hæc eadem Patrum illorum verba repetens p. 226.

Quid est homo SINE GRATIA Dei, nisi quod fuit Petrus cum negaret Christum. Ideò Beatum Petrum Dominus paululum subdeferuit, ut in illo totum humanum genus posset agnosceie, NIHIL SE SINE DEI GRATIA PRÆVALERE. Idem de Symbol. ad Catech. l. 2. c. 6. IN PETRO DEMONSTRANS non in se quemquam justum debere præsumere.

Casus Petri, non frigiditate, sed SUPERNI AUXILII DERELICTU contigit. Non tam erat socordix & negligentix, quàm ex eo quod Deus eum DESERUERAT, erudiens eum ut humanam sciret mensuram, & non repugnaret iis quæ dicebantur à Magistro, neque ejus quàm aliorum essent elationes spiritus, sed sciret quod ABSQUE DEO NIHIL POTEST FIERI.

Patres nobis Justum in Petro demonstrât, cui gratia sine qua nihil possumus in ea occasione defuit, in qua eum non peccasse dici non potest.

Ex his, quæ apud S. Thomam luce clariora sunt, nemo est qui non videat, hanc Epistolæ meæ propositionem ita illius doctrinæ consentaneam esse, ut neutra damnari vel absolvi possit, quin altera pariter vel damnetur vel absolvatur.

Cum enim dixi post sanctos Patres Augustinum & Chrysostomum, *Justum nobis in Petro demonstrari cui gratia sine qua nihil possumus, in tentatione defuit*, declaro me his verbis, *Gratia sine qua nihil possumus*, LA GRACE

SANS LAQUELLE ON NE PEUT RIEN, non comprehendisse gratiam omnem qua omnia præcepta Deiabilia fiunt. Agnosco enim istam gratiam esse in omnibus justis hominibus, & singulariter in S. Petro fuisse, id est, ei non defuisse cum in tentatione positus Christum negavit. Est enim illa gratia quâ mandata Deiabilia fiunt, donum illud gratuitum, sive auxilium gratiæ per modum habitualis doni, quo justî omnes, & singulariter S. Petrus, ad observanda omnia

nia mandata Dei, & vitanda quæcumque peccata mortalia, divinitus adjuvantur; estque auxilium de se sufficiens ad non peccandum, ut loquitur S. Thomas. Sic tamen ut homo justus, præter gratiam illam quâ omnia præcepta Dei ei possibile sunt, ulterius indigeat auxilio gratiæ Dei hominem interius moventis ad operandum, & ad mandata servanda.

De isto igitur posteriori auxilio gratiæ declaro propositionem meam, quæ sanctorum Patrum est Augustini & Chrysostomi, intelligendam esse. Gratia enim quæ quibusdam justis aliquando deest, & singulariter S. Petro defuit secundum doctrinam sanctorum Patrum, est omnino illud auxilium gratiæ Dei hominem ad rectè vivendum, ad vincendas tentationes, vitanda peccata mortalia, & observanda præcepta interius moventis.

Hujusmodi auxilium appellavi, *Gratiam sine qua nihil possumus*, post SS. Patres, qui semper ita loquuntur, non quidem eo animo ut excluderem à S. Petro gratiam illam quâ præcepta Dei justis possibile sunt, sed quia præter illam gratiam quam in omnibus hominibus justis esse agnosco, homo secundum doctrinam SS. Patrum & S. Thomæ, ulterius indiget isto auxilio gratiæ Dei animam interius moventis ad bene agendum. Unde S. Thomas de isto speciatim auxilio loquens docet, quod nihil homo potest

facere, nisi moveatur à Deo secundum illud Joan. 15. *Sine me nihil potestis facere*: qu. 109. art. 6. ad 2. Nihil ergo habet propositio ab Augustino & Chrysostomo scripta, à me tantum descripta, quod à S. Thomæ doctrina verbisque discrepet. Imò nihil habet S. Thomas quod ab illorum Patrum mente dissideat. Convenit planè Filio cum Patribus, Discipulo & Interpreti cum Magistris. Necessè est ergo, aut absoluto eo ipsi absolvantur, aut damnatis iis ipse damnetur. Neque hoc nesciunt reprehensores mei. Cum enim antequam Censura concluderetur, nonnulli etiam ex iis quos in mei damnationem notæ omnibus causæ compulerunt, obnixè postulassent, ut disertè perscriberetur, nihil auctoritatis hæc Censurâ S. Thomæ doctrinæ detrahi, non neglecta solum rogatio est, sed etiam cum risu repudiata. Nec immeritò. Probè enim intelligebant viri acuti & perspicaces, si doctrinam quam è Patribus attuleram salvâ S. Thomæ doctrinâ damnarent, idem se acturos ac si eandem doctrinam damnarent pariter & absolverent. Interim tamen quoad possunt dissimulant, nequedum audent palàm & apertè Doctorem Angelicum impietatis & hæreses accusare. Sed frustra ejus nomini parcitur ab iis qui Sanctorum Patrum doctrinâ, à qua suam studiosissimè hausit, abjectâ atque proscriptâ, fidem & placita ipsius verbo honorant, re  
pro

proscindunt ac dedecorant. Recusat ipse honorem hujusmodi, contumeliosum sibi, funestum Patribus, Ecclesiæ luctuosum. Ac meritò adversus simulatos illos nominis & existimationis ipsius patronos & vindices, hanc

in simili causa sanctis Patribus ad Augustino tributam vocem usurpet : *Tolerabilius dente maledicta nomina concideretis nostra, quam fidem nostram, cujus merito in caelo nomina scripta sunt nostra.* Lib. 1. in Jul. c. 4.

I X.

## I N S T R U M E N T U M

S E U

Libellus Contestatorius 27. Januarii anni 1656. denuntiatus  
Sapientissimis Viris Decano, Syndico & Scribæ Facul-  
tatis Theologiæ Parisiensis, nomine

S A P I E N T I S S I M I

D. ANTONII ARNALDI

DOCTORIS SORBONICI.

*Adversus Censuram jam proconsam & mox publicandam.*

**H**Ac die coram subsignatis  
Regiis Notariis publico-  
rum instrumentorum Cu-  
stodibus, in ædibus unius ex  
istis nomine Gallois, stitit se Ma-  
gister ANTONIUS ARNALDUS Pres-  
byter, Doctor Theologus è Do-  
mo ac Societate Sorbonica, qui  
solutum quidem domicilium ha-  
bet in Portus-Regii Monasterio  
Campestri propè Caprosiam, in  
præsenti verò Parisiis commora-  
tur; qui dixit & denunciavit:  
Licet hætenus plures habuerit  
causas conquerendi de modo quo  
adversus ipsum actum est in Exa-  
mine Alterius suæ Epistolæ 10.  
Julii 1655. scriptæ; quam pu-  
blicam facere compulsus est ad  
refutandos complures Libellos  
in lucem emissos contra Primam  
suam Epistolam de rebus gestis  
erga nonnullum è Primariis Au-  
læ Proceribus in quadam Pari-

siensis Civitatis Parochia: in eo  
videlicet quod Magistri, illius  
Epistolæ examini præpositi, sic  
inhumanè ac durè se habuerunt,  
ut perstiterint in usurpanda ju-  
diciis persona; post rejectionem  
rejectionisque causas ipsis con-  
querentis nomine ritè significa-  
tas: Quodd nonnulli Doctores,  
Sulpicianæ Societatis alumni,  
contra quos dicta Epistola scripta  
est, & alii plures qui agendi ra-  
tionem ac disciplinam in eadem  
Epistola notatam impetitamque  
approbarunt, & in ea sunt in-  
dicati, Comitibus Sorbonicis inter-  
fuerunt, & adversus ipsum tu-  
lerunt suffragia, seque in sua ip-  
sorum causa, contra naturalis  
etiam æquitatis leges, pro judi-  
cibus habuerunt: Quod nulla  
ratione satisfactum est postula-  
tionibus antiquiorum Doctorum,  
qui ad illustrandam Facti quæ-

K

Rionem

tionem instanter flagitarunt, ut pro antiquo Facultatis usu ac consuetudine ipsis Epistolæ excerpta porrigerentur, necessaria ut suum de illa iudicium substruere possent: Quod ex primariis Doctoribus nonnulli gravibus comminationibus usi sunt cum ut illarum postulationum ratio haberetur instantius requisitum est: Quod cum ad sacram Theologiæ facultatem ipse misisset Declarationem seu satisfactionis Libellum propria manu signatum, quo deliberationum Comitialium status aliò transferbatur, nullatenus obtineri potuit, ut quid quisque Doctorum de illa opinaretur in medium proferre posset cum eadem Facultati oblata est, quantumlibet instaret unus ex antiquioribus illis Doctoribus, ut ferendis suffragiis locus daretur; imò quod nec permissum est de illa disceptationem institui post emissâ collectaque vota circa Facti quæstionem, quemadmodum promissum prius fuerat. Quod, ut Censura præcipitanter procuderetur, & Doctorum cuilibet post auditas aliorum rationes ac momenta auferretur Facultas à concepta sententia resciliendi & oblatam satisfactionem amplectendi, in quod propensos se plurimi significabāt; Magister Dionysius Guyart Syndicus, cum ex officio debuisset coram toto consensu, ut moris est, numerare suffragia super Majoris Bedelli ac Scribæ Facultatis serinio, ac eadem alta voce legere, uti post sex hebdomadarum deli-

berationem necessarium prorsus erat, & reverà postulatam fuerat à plurimis Doctoribus, quibus Syndici fides hac in occasione suspecta erat, idem Syndicus è sua pera foliolum extulit in quo Doctorum suffragia numeravit, quos in tres ipse classes distribuit, de quorum discrimine & numero solum se ipse iudicem & arbitrum constituit, & quidem fide tam parùm sincera, ut Doctores non pauci palàm & aperta fronte adversus ipsum contenderint plures quàm unum & septuaginta Doctores propositionem ab omni censura absolvisse, Syndico è contrario affirmante non plures fuisse; quin & cum eidem objectum fuisset coram omnibus, plura ab ipso numerata esse suffragia, quàm Doctores Comitibus ac deliberationibus interfuissent, hanc insimulationem aliter diluere non potuit, quàm repouendo solos illos à se minùs accuratè numeratos esse, qui neutri parti adhæserant: Quod cum nulla ferri potuerit censura in Quæstionem facti, quia à tertia suffragiorum parte, secundùm antiquum Facultatis usum, decreta non fuerat, etiam computatis iis Mendicantium Ordinum Religiosis qui statum ac legitimum numerum excedebant, quorum omnium suffragia à Syndico numerata sunt, contra obnitentibus & Facultatis ipsius statutis & Decretis Parisiensis Senatus, & interposita nuper intercessionem in geminis Facultatis Comitibus; cum revera nulla fuerit pronuntiata



nuntiata Censura, his solummodo verbis à Sap. Dom. Ludovico Messier Decano prolatis, *Ego concludo*, nullisque aliis adjectis, quamvis à pluribus Doctoribus ut quid concluderet apertè diceret, sæpius esset interpellatus, repetitis his vocibus : *Quid concludis?* nihilominus tamen descriptam ac confectam esse audiit nescio quam Censuræ conclusionem in Magistri Alphonsi le Moine, adversariorum suorum Primarii, cubiculo: Dixit igitur & denunciavit, licet habuerit hactenus plures conquerendi causas quarum non paucas silentio premit, velut denegationem testimoniorum à pluribus Doctoribus requisitorum, impedimenta injecta interpellationesque, quibus frequentissimè intercisi sunt eorum sermones ac suffragia qui quæstionem facti ab omni censuræ nota immunem esse demonstrabant: Colloquiorum pacificorum rejectam petitionem, tam erga ipsum, cui nimirum hæc imposita conditio, ut ad Comitia nec collaturus nec ad objecta responsurus veniret, quàm erga plures alios Doctores qui amicam istiusmodi disceptationem instanter iniri postularunt ad plenam controversarum quæstionum elucidationem; nihilominus tam multiplices querelarum causas dissimulare se hactenus maluisse pro sua adversus S. Facultatem reverentia sueque pacis studio. Verùm audiit, cum ad examen quæstionis de Jure, die 18. hujus mensis initum, procederetur, se per immanem

calumniam accusatum esse, tantquam in sua illa Epistola defendisset hæresim à Concilio Tridentino & Constitutione Innocentii PP. X. damnatam, nimirum Mandata Dei esse justis impossibilia, licet hanc hæresim semper ipse in omnibus suis scriptis damnaverit, sincerèque adhuc damnet: cum autem Facultati offerri curasset, per unum ex antiquioribus Doctoribus, scriptum quoddam quo doctrinæ suæ sinceritas circa quæstionem examinandam facilius poterat innotescere, permissum non esse ut illud coram Facultate legeretur, nec ut ullus Doctor ad idem discutendum, ac de eo ad Facultatem referendum designaretur, quantumvis instanter istud postularet is à quo scriptum illud Facultati oblatum fuerat Conquerentis nomine: Post quatuor confessus, in quibus cuique sententiam suam dicenti liberum fuit tamdiu disserere, quàm ipse necessarium censuit ad illam optimè constituendam, accidisse, ut dum quidam Doctor plura exponenda haberet pro defensione notatæ propositionis, prolixiusque demonstraret illam esse S. Thomæ doctrinæ omnino conformem, sæpè sæpius ejus orationem variis oblocutionibus interruptam fuisse, quamvis nihil non necessarium proferret: imò ipsi confessui finem impositum integrâ horâ citius quàm fieri solitum erat, ne rationes sensuum suorum depromere ille sineretur: quin & die lunæ ultima plures Doctores,

cum vix mediam à se dicendorum partem attigissent, jubente Viro præpotente, coactos cætera silentio premere, ac dicendi finem facere; quod quidem ita factum obtentu prætensæ cujusdam Conclusionis decima septima hujus mensis die conditæ, quâ vetitum ne cui ultra dimidiam horam loqui fas esset, quamvis ejusmodi Conclusioni multi Doctores intercessissent, ut hætenus inauditæ, omnium Societatum bene ordinarum moribus nominatimque S. Facultatis statutis contrariæ & suffragiorum libertati inimicæ, ac revera in nullo è quatuor prioribus confessibus observatæ, uti nec observari debet, cum in hoc tanti momenti negotio, in quo de fidei capite agitur, non ritè ac sufficienter istud possit discuti, nisi cuilibet Doctorum qui suam de illo sententiam dicturi sunt plena relinquatur libertas omnia ex Scriptura, Patribus, aliisque locis Theologicis congerendi argumenta, quibus sensa sua comprobare voluerint, quod non modicum temporis spatium requirit. Cum autem Doctores plurimi hanc suffragiorum suorum rationes latè exponendi libertatem creptam sibi intuentes, ab his Facultatis confessibus frequentandis abstinerint, & ad illos convenire ab hesternâ die cessaverint, idem M. Antonius Arnaldus, testatus prius palàm, ut hac publica declaratione testatur, sibi ratum fixumque esse nunquam à fide Catholica, Apostolica & Romana dis-

cedere, in qua videlicet semper vixit, semperque quoad vixit Ecclesiæ & Apostolicæ Sedi per omnia obtemperare, ut semper hætenus obtemperavit, Declaravit Declaratque se pro legitimo Facultatis Conventu non posse illum agnoscere in quo nulla Theologis relinquitur libertas suorum sensuum sententiarumque rationes exponendi; in quo insuper tot alia occurrunt capitalia contra juris ordinem moresque Facultatis vitia. His igitur rationibus aliisque suo tempore & loco declarandis nixus, contestando Denuntiat se pro nullo habiturum quidquid illic actum est vel deinceps agatur, & contra id omne se sibi provisurum eo modò & tempore quæ rebus suis accommoda judicaverit: quorum omnium testimonium ut sibi ab iisdem Notariis subministraretur requisivit, qui & istud ipsum instrumentum eidem hunc in finem ultro concesserunt, eidem olim profuturum prout temporis & loci ratio tulerit: utque idem quibus oportuerit significari possit, hujus latorem Procuratorem suum constituit, & ad id facultatem necessariam indulgit. Id omne ita declaratum, requisitum, contestatumque fuit in ædibus ejusdem Gallon qui è dictis Notariis unus est, anno 1656. die 26. Januarii post meridiem, hujusque instrumenti autographum, apud eundem Notarium Gallon relictum, idem M. Antonius Arnaldus subsignavit. *Subscriptum erat* LE CARON & GALLOIS.

Anno 1656. die 27. Januarii horâ circiter octavâ matutinâ, requirente M. ANTONIO ARNALDO Presbytero Doctore Theologo & Socio Sorbonico supra nominato, superscriptum Declarationis & Contestationis instrumentum per me subsignatum Apparitorem Accensum virgatum in Castellana Parisiorum Curia fuit exhibitum, ac ritè significatum venerandis Decano & Doctoribus S. Facultatis Theologiae Parisiensis, pro ipsdem alloquendo Mag. Ludovicum Messier ejusdem Facultatis Decanum, inventum in Sorbona ad januam Aula in qua ejusdem Facultatis Comitia celebrari solent, & Magistrum Philippum Bourrot ejusdem

Facultatis Magnum Bedellum & Scribam, apud Sorbonam pariter inventum; item & in domo Magistri Dionysii Guzart ejusdem Facultatis Syndicum in Collegio Becodiano, alloquendo illius vice ejusdem Collegii Janitorem, ut iidem DD. Decanus, Syndicus & Scriba ignorantiam non possint obtendere, & illa omnia ad ejusdem Facultatis Doctores referant: quorum supra nominatorum unicuique exemplar tam supra scripti instrumenti, Declarationis & Contestationis, quam hujusce denuuntiationis, traditum à me fuit, Testibus Joanne Petit, Jacobo l'Abbé aliisque. Signatum

BIERMAN.

# CENSURA

## SACRÆ FACULTATIS

### THEOLOGICÆ

#### PARISIENSIS,

*Lata in Libellum, cui titulus est: Seconde Lettre de Monsieur Arnauld Docteur de Sorbonne, à un Duc & Pair de France, pour servir de réponse à plusieurs écrits qui ont été publiez contre sa premiere Lettre, sur ce qui est arrivé à un Seigneur de la Cour dans une Paroisse de Paris. A Paris 1655.*

**C**Um ante menses aliquot Magister Antonius Arnauld Doctor Sorbonicus Gallicè scripsisset, atque in vulgus edidisset Epistolam quamdam, hoc titulo: *Seconde Lettre de Monsieur Arnauld Docteur de Sorbonne, à un Duc & Pair de France, pour servir de réponse à plusieurs écrits, qui ont été publiez contre sa premiere Lettre, sur ce qui est arrivé à un Seigneur de la Cour dans une Paroisse de Paris. A Paris 1655.* Magister Dionysius Guyart Syndicus quartâ mensis Novembris ejusdem anni 1655. in Comitibus Generalibus Sacræ Facultatis Theologicæ Parisiensis apud Sorbonam post Missam, ut moris est, de Spiritu Sancto celebratam, dixit istâ in Epistolâ à viris doctis & piis quædam notari, quæ tum Summi Pontificis & Episcoporum auctoritati adversarentur, tum etiam cum fide Catholica & decretis Facultatis

pugnarent. Cui rei ut maturè ac seriò provideret Facultas, Epistolæ illius legendæ & examinandæ curam commisit sexè sapientissimis Magistris Nostreis, unâ cum Dominis Decano & Syndico. Qui quidem, cum per mensem Novembrem eam in rem sedulò & diligenter incubuissent, atque inter se diu ac multum contulissent, primâ die mensis Decembris ejusdem anni 1655. in Generalibus Comitibus ut supra, Facultati retulerunt illâ in Epistolâ, inter alia reprehensione dignissima, ea se præsertim observasse, quæ perspicuitatis & compendii causâ reduci posse viderentur ad duo capita, sive ad duas quæstiones vel propositiones; quarum altera diceretur facti, altera juris: priorémque illam his contineri verbis,

Pagina 49. *Ce Seigneur a fort bien jugé, que cette épreuve de l'humilité & de la moderation de ses*

amis justifioit, que n'ayant défendu que la pure doctrine de S. Augustin, & non des Propositions condamnées, qu'ils ont toujours regardées comme forgées par les partisans des sentimens contraires à ceux de ce grand Docteur.

Pagina 130. Mais pourquoi donc, disent-ils, a-t-on fait deux Apologies pour Jansenius ? Parce qu'on a cru qu'il y alloit de l'intérêt de Dieu, & de l'honneur de l'Eglise, de ne pas souffrir que sous le nom de Jansenius on fit passer en pleine chaire les plus constantes maximes de la doctrine celeste de S. Augustin, pour des impietéz & des heresies : qu'on les combatit par des anathemes de faux Conciles, par des ignorances grossieres dans l'Histoire Ecclesiastique, par des passages de l'Ecriture, ou falsifiéz dans les paroles, ou corrompus dans le sens : & qu'on imposât en plusieurs points des heresies & des erreurs à un Evêque qui a été très-éloigné de les enseigner.

Pagina 149. Après tous ces exemples de l'Histoire Ecclesiastique, se pourra-t-il trouver, MONSEIGNEUR, quelqu'un assez déraisonnable & assez injuste pour s'imaginer, que parce que des personnes aiant lû un livre avec soin, & n'y aiant point trouvé des propositions qui sont attribuées à un Auteur Catholique après sa mort dans l'exposé de la Constitution d'un Pape, ne peuvent déclarer contre leur conscience qu'elles s'y trouvent, quoi qu'en même-tems ils les condamnent en quelque livre qu'elles se trouvent, ce soit un prétexte suffisant de les traiter d'he-

retiques, d'excommuniéz, & de retrambez de l'unité de l'Eglise : comme si un point de fait dont les yeux sont juges, pouvoit être un point de Foy, qui ne peut être établi que sur une revelation divine ; & une cause legitime d'accuser d'heresie des Theologiens Catholiques, qui embrassent tout ce qui concerne la Foy dans cette Constitution, & qui dans ce point de fait même ne sont point opiniâtres, étant prêts de se rendre aussi-tôt qu'on leur aura fait lire ces Propositions dans le livre, d'où l'on dit qu'elles ont été tirées : ce qui doit être la chose du monde la plus facile, si elles en ont été véritablement tirées : comme au contraire, la plus difficile, & même impossible, si elles n'y furent jamais. Et cependant quand on supposeroit même qu'ils se trompent dans ce point de fait, n'est-il pas visible, MONSEIGNEUR, qu'on ne leur pourroit reprocher en aucune sorte d'être heretiques, ou de blesser la Foy de l'Eglise : mais seulement de n'avoir pas de si bons yeux, ou de n'entendre pas si bien le Latin, que ceux qui soutiendroient le contraire ?

Pagina 152. Avec qu'elle justice pourroit-on prétendre, que le doute, ou l'humble silence & la retenue d'un Catholique, à déclarer que des propositions qui sont attribuées dans la Constitution d'un Pape, à un Prelat de l'Eglise après sa mort, soient véritablement de lui, n'ayant pû les y trouver, soit un legitime prétexte de le traiter d'heretique, lors même que se contentant de ne pas agir contre sa conscience, & contre le témoignage de ses yeux en

un point de fait, il est resolu de s'abstenir de toute contestation sur ce fait même, & d'y garder une sî- tence respectueuse, qui est la plus grande soumission qu'on doive aux Conciles même Oecumeniques, dans ces faits particuliers.

Hanc autem posteriorem hâc potissimum periodo comprehendi.

Pagina 226. Cependant, MON- SEIGNEUR, cette grande verité éta- blie par l'Evangile, & attestée par les Peres, qui nous montre un ju- ste en la personne de S. Pierre, à qui la grace, sans laquelle on ne peut rien, a manqué dans une oc- casion, où l'on ne peut pas dire qu'il n'ait point péché, est devenue tout d'un coup l'heresie de Calvin, si nous en croions les disciples de Mo- lina.

Quibus auditis, Sacra Facul- tas de re totâ per duos menses integros, habitis ferè quotidie apud eandem Sorbonam solem- nibus Comitiiis, deliberavit; & post accuratam disquisitionem, tandem decrevit priorem illam quæstionem sive propositionem, quæ est facti, esse TEMERARIAM, SCANDALOSAM, INJURIOSAM SUM- MO PONTIFICI ET EPISCOPIS GAL- LIÆ, ATQUE ETIAM PRÆBERE OC- CATIONEM RENOVANDÆ EX INTE- GRO POST DAMNATIONEM JANSE- NII DOCTRINÆ.

Hanc autem posteriorem, quæ juris dicitur, esse TEMERARIAM, IMPIAM, BLASPHEMAM, ANATHE- MATE DAMNATAM, ET HÆRETI- CAM.

Optaret sanè, & ex animo

optaret Sacra Facultas, prædi- cti Magistri Antonii Arnauld damnatâ doctrinâ, personam ser- vari, quippe sibi carissimam, tan- quam Filium Matri: & eam in rem sæpè ipsum per amicos hor- tata est, ut veniret ad Comiticia, Matri se subiceret, ejuraretque falsam & pestilentem doctrinam, idem cum eâ sentiret, & unani- mis atque uno cum eâ corde & ore honorificaret Deum & Patrem Do- mini Nostri Jesu Christi. Verùm non modò amantissimæ Parenris suæ consilia & hortamenta con- tempsit, sed etiam die vigesimâ septimâ præsentis mensis per Ap- paritorem Regium eidem Facul- tati significavit, se pro irrito ac nullo habere quicquid Ipsa in re præsentî egisset, acturâque es- set.

Quare eadem Facultas ipsum à finu suo repellendum expungen- dùmque ex albo Doctorum suo- rum, atque à corpore suo planè rescandum censuit, & ipso fa- cto repulsum, expunctum, re- sectumque declarat, nisi intra diem decimum quintum mensis Februarii proximè sequentis men- tem suam mutaverit, & huic præsentî Censuræ subscripserit coram Domino Decano, Illu- strissimis Episcopis Doctoribus, & prædictis Deputatis. Ac ne longius serpat superior illa Ar- naldi doctrina, & quasi lues, quæ jam multorum animos oc- cupavit; eadem Sacra Facultas decrevit neminem post hac aut è Doctoribus ad Comiticia & alia quælibet jura ad ipsam pertinenti-  
tia;

ria; aut è Baccalaureis ad ullos Actus Theologicos, sive ad disputandum, sive ad respondendum; aut è Theologiæ Candidatis ad supplicandum, ut vocant, pro primo cursu, vel de Tentativâ respondendum, admissum iri, nisi antè huic quoque Censuræ subscripserit. Atque etiam si quis Arnaldi superiora illa probare, asserere, docere, prædicare, scriberève sit ausus, cum ab eadem Facultate prorsus

repellendum esse.

Decrevit insuper hanc Censuram suam prælo mandandam, & publicandam esse; ut omnes intelligant, quantum eadem Facultas pestilentem & exitialem illam doctrinam execretur ac detestetur. ACTUM Parisiis in Facultatis Theologiæ Comitibus generalibus apud Sorbonam die ultimâ Januarii anno Domini 1656. & confirmatum die primâ Februarii ejusdem anni.

*De Mandato DD. Decani & Magistrorum præfatæ  
Facultatis sacre Theologiæ Universitatis Parisiensis,  
PHILIPPUS BOUVOT Major Apparitor.*

JOANNIS LAUNOI  
 CONSTANTIENTIS  
 PARISIENSIS THEOLOGI  
 NOTATIONES.

*In CENSURAM duarum ANTONII ARNALDI Propositionum,  
 quarum una Facti, altera Juris, appellatur.*

**T**ertullianus, Facultas Theologiæ Parisiensis, & in eadem Magister celeberrimus Joannes Major docent tria, quæ Præfationis locum implebunt. Tertullianus igitur ita scribit initio libri De Velandis Virginibus: *Veritati nemo præscribere potest, non spatium temporum, non patrocinia personarum, non privilegium regionum.*

Facultas Theologiæ in Tractatu, quem adversus Joannem Montefonum, Anno Domini 1387. confecit, de suis in doctrinæ materia determinationibus ita censet: *Ad Doctores Facultatis Theologiæ, imò ad unum Doctorem solum potest pertinere, errores in fide doctrinaliter determinare: quæ doctrinalis determinatio prædicta, per totam Facultatem concorditer facta, debet multum reputari.* Quibus verbis non obscurè significat, determinationem quæ non est per totam Facultatem concorditer facta, non debere multum reputari: id est, apud cordatos & peritos nihil aut parum habere ponderis & auctoritatis.

Joannes Major in tert. sent. dist. 37. quæst. 26. *Non est* (inquit) *minus hæresis asserere, aliquid esse de fide, quod nullatenus de fide est, quàm negare aliquid de fide, quod est de fide.*

Primum autem ex his tribus, quàm firma & invicta sit Veritas, ostendit.

Secundum indicat Censuram, quæ à Doctoribus Facultatis non fit concorditer, Censuræ nomine indignam esse. Quocirca Facultas olim in suis determinationibus consuevit hæc verba solemnia adhibere, *Concorditer, summo animorum consensu, unanimiter, repugnante nemine;* ut novit Magister quicumque non est in rebus Facultatis hospes ac peregrinus.

Tertium percellit certos quosdam Doctores minimè eruditos, & malevolos, quorum animi contra doctrinam aliorum excandescunt, & sibi à notis gravioribus inurendis non temperant. Id hominum genus lege Talionis plectendum Major arbitratur. His præmonitis, nostras in Censuram duarum Arnaldi propositionum Notationes subiectum imus.

*Notatio*



*Notatio Prima.*

Censores dum in Arnaldi librum inquirunt è pag. 49. 130. 149. 152. decerpunt multa, ex quibus una facti propositio comparatur. Sed inter decerpendum nonnihil è pag. 140. prætereunt, quod si quid in aliis videbitur offendere, in hoc uno multò magis offendere videbitur. Verba sunt: *N'est-ce pas rendre un aussi grand respect à la Constitution du Pape, qu'à un decret d'un Concile general, que de reconnoître absolument ce qu'il a décidé touchant la doctrine, & de laisser seulement en quelque doute un point de fait, sçavoir si ces propositions sont ou ne sont pas de Jansenius, qui a été supposé pour véritable, parce qu'on l'avoit ainsi exposé au Pape, sans que le Pape ait déclaré dans sa Constitution, qu'il l'ait fait examiner, & de protester en même-tems, &c.* Si quis fragmentum hoc breve cum illis quatuor, quæ Censores describunt, studiosè contendant, inveniet duo: alterum, in hoc fragmento brevi contineri quicquid in illis quatuor sat prolixis reprehenditur: alterum, in hoc quædam adjici, quæ si falsa sint, & vera credantur, Innocentio X. insanabile vulnus infligunt, atque illius Constitutionem funditus evertunt.

Neque verò afferri potest Censores, vel fragmentum hoc prætermisisse, quod alia quatuor sufficerent, cum hoc unum sufficiat, & præterea atrocitatis mirum

quantum adjiciat, vel oscitanter legisse Arnaldi Epistolam, cum oscitans & dormitans sapientia inter pag. 130. & pag. 140. intercipi nequeat, vel fragmenti hujus offensionem Arnaldo condonasse, cum Arnaldus plerisque eorum excipere voluerit, & ii ut non exciperentur in senatu litigaverint, & omni prensationis genere gratiam judicium captarint. Ergo Censores fragmentum nostrum dedita operâ prætermiserunt. Sed cum ita prætermiserint, rei veritate convictos fuisse maximè oportuit. Hoc autem cum ita sit, si quod videtur censurâ majori dignius in iis quæ ad propositionem facti pertinent, Censores intactum reliquerunt; alia quæ minori censurâ sunt digna, intacta necessariò relinquere debuerunt. Si quod est magis vituperabile non vituperatur, quod erit minùs vituperabile minùs vituperabitur. Hoc telum, ut quis declinet, sursum deorsum vertat omnia, & cornicum oculos configat necesse est. Cæterum in hac Notatione, ut apparet, duo perficiuntur: censura propositionis facti tanquam necessariò labefactata moles concidit, & Constitutioni Papæ fides & auctoritas detrahitur.

*Notatio Secunda.*

In Censuræ contextu receditur ab illo celebri Facultatis Theologicæ ritu & more, quo scribitur, Concorditer, Summo animo-  
rum

rum consensu, Repugnante nemi-  
ne, pronunciatum esse de scrip-  
tis cujuspiam judicium. Sic autem  
se habet Censuræ contextus: *Qui-  
bus auditis Sacra Facultas de re tota  
per duos menses integros habitis fere  
quotidie apud eandem Sorbonam so-  
lemnibus Comitibus deliberavit, & post  
accuratam disquisitionem, tandem de-  
crevit priorem illam questionem sive  
propositionem, &c.* Hoc loco ce-  
lebris ille Facultatis Theologicæ  
ritus ac mos desideratur. Ritum  
porrò ac morem fuisse celebrem  
docent Censuræ, quæ diversis  
temporibus editæ lucem aspexe-  
runt. Sic edita Anno Domini  
1631. Censura, quâ libri Angli-  
ci duo percelluntur. Sic edita  
Anno 1611. Censura, quâ *Phi-  
lippi Mornai Mystrium iniquita-  
tis* damnatur. Sic edita Anno  
1610. Censura, quæ lata est con-  
tra impios & execrabiles Regum  
ac Principum parricidas. Sic edi-  
ta Anno 1554. Censura, quâ in-  
stitutio Societatis Jesu reproba-  
tur. Sic edita Anno 1552. Cen-  
sura, quâ certæ quædam Caro-  
li Molinæi propositiones notan-  
tur. Sic edita Anno 1526. Cen-  
sura, quâ Colloquiorum Erasmi  
lectio prohibetur. Sic edita An-  
no 1521. Censura, quâ Luthe-  
ri dogmata profligantur. Sic edi-  
ta eodem anno Censura, quâ  
certæ quædam Hieronymi Clito-  
væi theses configuntur. Sic edi-  
ta Anno 1512. Censura, quâ  
propositæ ab Ecclesia Parisiensi  
quæstiones nonnullæ afficiuntur.  
Sic edita Anno 1497. Censura,  
quâ propositæ à Carolo Rege

quæstiones afficiuntur. Sic edita  
circa illud tempus de immaculata  
Virginis Conceptione Censura.  
Sic edita Anno 1429. Censura,  
quâ Joannis Sarraceni propositio-  
nes condemnantur. Sic edita An-  
no 1414. Censura in Joannis  
Parvi doctrinam de tyrannis oc-  
cidendis. Hæc pauca de multis,  
quibus ritus ille ac mos celebris  
confirmatur. Et si quæ sit Cen-  
sura, Decretum, vel Delibera-  
tio, in qua memoratæ non ha-  
beantur formulæ ex adjunctis fa-  
cilè colliguntur.

### Notatio Tertia.

In Censuræ contextu recedi-  
tur ab illa consuetudine lauda-  
bili, quâ Facultas Magistri unius  
vel alterius, vel certè paucorum  
dissenfionem exprimit: ut falla-  
tur nemo, atque ut quàm certa  
sit illius determinatio cognosca-  
tur. Sic imprimis docet Faculta-  
tis determinatio, quæ Anno Chri-  
sti 1250. facta est, & de qua Car-  
dinalis Annibaldus apud Joan-  
nem Bediallum, in libro, De li-  
bera auctoritate audiendi Con-  
fessiones, sic loquitur: *Semel re-  
quisiti Magistri Parisienses, tam  
in Theologia quàm in Decretis, in  
hoc consenserunt, & scripto editum  
fuit, cui omnes prædicti Magistri  
apposuerunt sigilla sua, uno excepta,  
qui tamen tenori literæ non contra-  
dixit, sed sigillum suum apponere  
voluit.* Deinde idem docet Facul-  
tatis Determinatio, quæ Anno  
1490. circa oblatum ei contra-  
ctum facta est: *Post gravem (in-  
quit)*

quit) & maturam delibérationem singulorum prædictorum in Theologia Magistrorum, visus est omnibus, uno excepto, quod prædictus contractus non est justus. Tum demum quando non omnes Magistri in eandem abeunt sententiam, id curiosè notatur, ut sua rei ad deliberandum propositæ veritas constet. Anno 1386. Lutetiæ disputatur de loco ubi cor Regis Philippi III. humaretur: hinc Prædicatores apud se, inde Sandionysiani Monachi apud se quoque humandum cor Regis contendunt. Quæstio hæc à consultis Doctoribus Theologiæ concorditer decisa non fuit. Philippus Rex quartus pauciorum, non plurium, sententiam est secutus. Rem accuratè tradunt Guillelmus Nangius & Joannes Viëtorinus. Ille in vita Philippi tertii: *De quo postea* (inquit) *fuit determinatum Parisiis per plures Magistros Theologia.* Hic eadem penè verba repetit in Memoriali historiarum ad Annum 1386, *De hac diffensione determinatum fuit postea Parisiis in scholis, à plurimis Magistris in Theologia, quod ipsum cor neque Rex, neque ipsi Monachi darent, nec prædicti Fratres sine dispensatione Papa possent aliquatenus retinere; regiâ tamen auctoritate prævalente, dictum cor sepultum est apud Fratres Prædicatores, corpus apud Sanctum Dionysium humatum,*

quam enim est auditum, nesciam quam visum, editam fuisse Censuram, dum Magistrorum pars tertia repugnaret. In hac edenda Censura Magistri non erant ducenti, & ex iis septuaginta duo restiterunt & contradixerunt, hoc est, adhuc pars plusquam tertia Magistrorum. Hanc censendi novitatem exposuisse, Censuram profligasse est. Antiquitè in Facultate non aderant septuaginta duo, cum illa Censura edidit, quæ apud omnes magno in honore ac pretio fuerunt. Una omnium instar erit, ea scilicet quæ Joannis XXII. placitum de visione Dei notavit. Hac in re Facultas ipsa sibi testis est in Tractatu, quem adversus Joannem Montesonum composuit: *Item prædicta Facultas hoc licitè potuit contra Joannem summum Pontificem. Igitur à fortiori contra suum subditum & inferiorem. Assumptum patuit Joannis XXII. tempore, quia, sicut refert Nicolaus de Lyra, in Tractatu suo De visione beatifica, serè quadraginta dictæ Facultatis concorditer determinarunt contrarium illius, quod Papa publicè assererat.* Hæc ergo Censura, quæ tot Magistris repugnantibus confecta est, nihil unquam fidei ac virium accipiet, usque dum illustri quodam Facultatis exemplo, aut certâ ratione confirmetur.

#### Notatio Quarta.

In negotio hujus Censuræ id factum est, quod exemplo apud Facultatem omni caret. Nesciam

#### Notatio Quinta.

Hic conficiendæ Censuræ modus non solum in Facultate novus & inusitatus est, sed etiam in

in Conciliis generalibus, quæ ab Ecclesia in auctoritatem admittuntur. Cum enim de fide tractarunt Concilia, nihil unquam definierunt cui Antistitum pars non dicam tertia vel quarta, sed quinta repugnavit.

Apud Socratem, fidei quæ à Nicæna Synodo constituta est, quinque tantum Episcopi resisterunt: quapropter hic auctor Nicænæ Synodi fidem cum à multitudine consentientium Episcoporum, tum à paucitate dissentientium commendat, l. 2. c. 5. Hanc (inquit) fidem approbarunt trecenti decem & octo Episcopi, eique omnes assensi sunt; & uti scriptum est apud Eusebium, consentientibus animis opinionibusque subscripserunt, quinque solum exceptis, qui hanc vocem impositionis, id est, consubstantialis repudiaverunt, Eusebio videlicet Nicomediæ Episcopo, Theognide Nicææ, Mari Chalcædoni, Theonâ Marmarica, Secundo Ptolemæidis.

Socratem Theodoretus imitatur, l. 2. hist. c. 5. In numero eorum quos isle recensuit, & qui Ario favabant, erat Eusebius Episcopus Cæsareæ, Laodiceæ Theodotus, Paulinus Tyri, Anazarbi Aithanasius, Gregorius Beryti, & Ætius Lydæ Episcopus.

Deinde c. 7. Trecenti decem & octo Episcopi ibi in unum conveniunt: & post alia, At quanquam maxima pars Concilii verbis ejus obtemperavit, & mutuam concordiam doctrinamque sanam amplexata est; tamen pauci quidam, quorum supra feci mentionem, & præter eos

Menophantus Ephesus, Patrophilus Scythopolitanus, Theognis ipse Nicææ Episcopus, Narcissus Episcopus Neroniadis, & cum his unâ Theonas Marmaritanus, & Ptolemaidis Ægyptiorum Secundus, Arii patrocinio suscepto doctrinæ Apostolicæ contradixerunt. Quinetiam fidei formulam, quam composuerant, Concilio proposuerunt, quæ ut primum perlecta fuit, quoniam eam omnes adulterinam & commentitiam esse vociferabantur, illud discerpta est: ac cum ingens tumultus esset contra eos comitatus, & omnes eos ut pietatis proditores insimularent, metu percussi exsurrexere, atque ipsi primi omnes unâ, solis Secundo ac Theona exceptis, Sententiam excommunicationis contra Arium pronuntiaverunt; quocirca impio illo Ecclesiâ exturbato, fidei formulâ, quæ adhuc in Ecclesiis servatur, communis consensu composuit, & subscriptionibus omnium confirmatâ, Concilium dimissum est. Socrates & Theodoretus primò non dissimulant nomina Episcoporum, qui à Nicæna fide discreparunt; deinde eos in parvo numero fuisse tradunt: tum in eo maximè laborant ut appareat, fidei formulam communi omnium assensu conditam esse. Res contrario modo se habet in Censura quæ in propositiones duas Antonii Arnaldi lata est. Dissimulantur nomina Magistrorum septuaginta duo, qui Censuræ oblocuti sunt; non dicitur Censura paucis Doctoribus exceptis condita fuisse; contemnitur communis Magistrorum assensus. Cum igitur Censura hæc con-

contrario modo se habeat, ac Nicænæ fidei formula, quâ ratione quis impediatur, quominus contrario modo accipiarur?

Nunc expendenda est controversia illa, quæ in Chalcedonensi Concilio fuit inter Ægypti Episcopos decem, & reliquos Concilii Patres sexcentos & viginti. Ex Actione quarta, Hieracius, reverendissimus Episcopus Ægypti, & ceteri reverendissimi Episcopi Ægyptii, per eundem Hieracium dixerunt: Si quis præter ista quæ à nobis in petitionibus porrecta sunt, sapit, sive Eutiches, sive alter aliquis, anathema sit. De epistola autem sanctissimi & Deo amantissimi Archiepiscopi Romani Leonis, sciunt omnes sanctissimi Patres nostri, quia in omnibus expectamus sententiam sanctissimi Archiepiscopi, & petimus Vestram Clementiam expectare Præsidis nostri sententiam, quia eum in omnibus sequemur. Nam & sanctissimi Patres, qui in Nicæa congregati sunt 318. hanc regulam dederunt, & ut sequatur omnis Ægyptiaca regio Archiepiscopum magni nominis civitatis Alexandrinæ, & nihil absque ipso agatur ab aliquo ei subjacente Episcopo. Eusebius reverendissimus Episcopus Dorylai dixit: Meutuntur.

Et post alia, cum urgerentur Epistolæ Leonis subscribere, Reverendissimi Episcopi Ægypti clamaverunt: Extra voluntatem Archiepiscopi nostri non possumus subscribere. Acacius reverendissimus Episcopus Ariarathia dixit: Incongruum est universalem Synodum prætermittere, & in unam personam

attendere, quæ susceptura est Episcopatum Alexandriæ magnæ civitatis. Et post pauca: Petimus ut non eis concedatur, sed aut consentiant epistola, aut regularem damnationem suscipiant, & cognoscant quia excommunicati sunt. Et post alia: Quia verò Episcopi nostra regionis nimis multi sunt, non possumus pauci numero illorum personas suscipere. Petimus autem vestram sublimitatem, & hanc sanctam & magnam Synodum, ut misereamini vobis, & expectetis nostrum Archiepiscopum, ut secundum antiquam consuetudinem illius sequamur sententiam. Quod si extra voluntatem Præsidis nostri aliquid faciemus, sicut presumptores, & non servantes, secundum canones antiquam consuetudinem, omnes Ægyptiaca Regiones insurgent in nos. Et post alia: Cecropius reverendissimus Episcopus Sebastopolis dixit: Universalis hæc Synodus Ægyptiaca (regione) major est, ac fide dignior, & non est justum decem hæreticos audiri, & prætermitti mille ducentos Episcopos. Et post alia, Eusebius reverendissimus Episcopus Dorylai dixit: Procuratores sunt isti omnium Ægyptiorum, & debent universalem Synodum sequi. Lucentius reverendissimus Episcopus Vicarius Sedis Apostolicae dixit: Si errant doceantur per vestram magnificentiam, quia non possunt decem homines præjudicium facere Synodi sexcentorum Episcoporum, nec Catholica fidei. Reverendissimi Episcopi Ægyptii clamaverunt occidimur, misereamini nostri. Et post alia: Fiat hic Archiepiscopus, & subscribimus, & consen-

consentimus. Misereamini canorum nostrorum. Detur hic Archiepiscopus Anatolius, quia talis consuetudo in Ægyptiaca regione obtinuit, ut omnes Episcopi obediant Archiepiscopo; non quia non obtemperamus Synodo, sed quia occidemur in patria. Misereamini nostri. Et post alia: Novit consuetudinem Archiepiscopus Anatolius. Hic sumus usque dum fiat Archiepiscopus. Et post alia: Date Archiepiscopum, & si contradixerimus, punite nos. Consentimus his quæ decreverit potestas vestra, non contradicimus. Sed eligite Episcopum: hic expectamus usque dum ordinetur. Omnes reverendissimi Episcopi clamaverunt: Subscribant damnationi Dioscori. Judices & Senatus dixerunt: Quoniam reverendissimi Episcopi Ægyptiorum, non ut repugnantes Catholica fidei subscribere in presenti destulerunt epistola sanctissimi Archiepiscopi Leonis, sed dicentes consuetudinem esse in Ægyptiaca regione, extra sententiam & iussionem Archiepiscopi nihil tale se posse; possunt autem sustineri se; donec conficeretur Episcopus, qui ordinandus est magna civitati Alexandria, rationabile nobis ac clementis apparuit esse, ut in eodem habitu expectent in regia civitate, & dilationem habeant usque ad Ordinationem Archiepiscopi magna civitatis Alexandria. Paschasius reverendissimus Episcopus, Vicarius Apostolica Sedis, dixit: Si praeceperit gloria vestra, & jubeatis illis aliquid prestari humanitatis, fidei jussibus datis, non exeant de ista civitate quamdiu Alexandria Episcopum accipiat. Judices & Se-

natus dixerunt: Sanctissimi Paschasii sit firmum judicium: unde permanentes in proprio habitu reverendissimi Episcopi Ægyptiorum, aut dent fidejussores, si hoc est illis possibile, aut per Sacramentum eis credatur, quia expectant Ordinationem futuri Episcopi magna civitatis Alexandria.

Ex his quæ paulò longiora descripsi, perspicuè constat, synodi partem majorem minori, id est, sexcentos viginti Episcopos celsisse decem Episcopis, qui non ante voluerunt Epistolæ Leonis & damnationi Dioscori subscribere, quàm Episcopus Alexandria constitueretur. Ægypti duntaxat veterem afferebant consuetudinem, quæ quamvis initio penè rejiceretur ab omnibus, ea nihilominus tandem effecit, ut quod enixè postulabant, obtinuerint. Sic Concilii pars minor majori cum ratione obstitit, & major minori cum eadem ratione consensit. Hæc est igitur Concilii persuasio, ut in iis potissimum quæ ad fidem pertinent, communis omnium assensus requiratur.

Huc accedit Vigilius Papa in Epistola, quam Italiae Clerici Legatis Francorum Constantinopolim euntibus dederunt: Et quamvis nec hoc quod Papa fecerat acquieverunt Afri & Illyriciani, atque Dalmata Sacerdotes recipere; tamen capit iterum sæpè dictus Beatus Papa Vigilius ad hoc compelli, ut absolute ipsa capitula sine Synodi Chalcedonensis mentione damnaret. Sed Papa non acquies-

gens hoc facere, & videns se nimium  
ingrari, dixit tunc serenissimo  
Principi: Veniant huc Fratres no-  
stri ex omnibus Provinciis, quini  
aut seni Episcopi, & quicquid sub  
tranquillitate, tractatu habito, omni-  
bus visum fuerit, cum pace dispo-  
nemus. Quia sine consensu omnium  
ista, quæ & Synodum Chalcedonen-  
sem in dubium venire faciunt, &  
scandalum Fratribus meis generant,  
solus facere nullatenus acquiescam.  
Notentur hæc duo quæ Vigilus  
inculcat, Quod omnibus visum fue-  
rit cum pace, disponemus: Sine con-  
sensu omnium solus facere, quæ vo-  
lebat Justinianus, nullatenus ac-  
quiescam. Sed persuasio ejusmo-  
di, & Papæ Vigilii commonito-  
rium defuit iis, qui Magistri cum  
adhuc non essent numero ducen-  
ti, Censuram Magistris septua-  
ginta duobus invitis & repugnan-  
tibus condiderunt; qui autem in  
condendis ejusmodi censuris ad  
Synodorum & Patrum regulam  
non sapiunt, eos admodum sa-  
pere, & quæ determinant cor-  
dati atque eruditis hominibus  
arridere, atque ætatem ferre pos-  
se, quis probaret? Quicquid id  
est Censura lucenti in duabus  
Synodis universalibus Soli non  
prius opponetur, quàm ad exi-  
tium usque lædatur.

Notatio Sexta.

Qui Magistrorum numerus in  
Censuram ruit, id observare ne-  
glexit, quod non solum Facul-  
tas Theologiæ, sed & confessus  
omnibus, sive sacer sive profanus,

semper observavit. Qui Magistri  
vel Judices pronunciant, comi-  
tiis quæ super uno & eodem  
negotio celebrantur, universis  
intersunt, nec pronunciarent ni-  
si prius ab initio ad finem usque  
intereffissent. Debet alter alte-  
rius audire sententiam, & colla-  
tis inter se consiliis & rationi-  
bus, tum demum perspicere quid  
bene atque è republica stabilien-  
dum sit. Hunc tractandi modum  
asserit communis naturæ sensus,  
quotidianus confirmat usus, &  
docet insita & quasi consignata  
notio in animis hominum, etiam  
gētium immanitate barbararum.  
In hunc tractandi modum egrē-  
gius est Vigilus Pontifex, in suo  
de tribus Capitulis Constituto,  
cujus fragmentum aliquod huic  
Notationi subjiciam. At verò è  
Magistris uni non comitiis cun-  
ctis, sed aliquibus duntaxat in-  
terfuerunt: alii tardiùs ad ea ve-  
nerunt: quidam sat citò, sed  
dēctā statim sententiā foras exi-  
verunt, atque unde profecti erant,  
reverterunt. Non admodum  
multi ab initio usque ad finem  
Comitiis omnibus adfuerunt.  
Quomodo perfectum est, ut nu-  
merarentur, non ponderarentur  
voces, contrā quàm in omni do-  
ctrinæ judicio fieri oportet. Nam  
diligenter videndum est, utrū  
voces Scripturæ & Traditione,  
duobus Theologiæ veræ princi-  
piis, nitantur. Quod nisi perfectè  
nitantur, incertæ sunt & caducæ,  
nec ad asserendam in religione  
veritatem conducunt. Nam, ut  
ait Joannes Rossensis in Angliæ  
thiartyr;



marityr: Qui rationes invalidas & inefficaces affert, perinde est ac si nullas attulisset: imò longè fuisset ei satius nullas adduxisse. Qui suam opinionem rationibus munit, quæ palàm sunt invalide, nulliusque exstant roboris, profectò seipsum prodit hallucinatum fuisse, atque fallacius inducendum rationibus, ut ita opinaretur. Suumque ita errorem ipse manifestum fecit, quando cunctis apertissime liquet, eam omni solidà carere basi. Quæ spectant ad fidem nostram, ea nequaquam ex humana voluntate pendent. Quis enim ex assertionem quæ falsa sit vel hæretica, veram vel catholicam; quis ex assertionem quæ vera sit aut catholica, falsam aut hæreticam efficiet? Ne mundus quidem totus id efficiet unquam. Memini cum à Parisiensi Episcopo & Inquisitore fidei damnatum est Joannis Parvi dogma, Magistros sigillatim convenisse apud Officialem, & quid de eo sentirent deposuisse. Sed imprimis jurati sua scripto suffragia reliquerunt, quæ ita inter se conferri, & aurificis staterâ, non populari trutinâ examinari poterant. Deinde ad consultationem tantum vocabantur ab iis, qui postea ut iudices pronunciarunt. Sed in Censura propositionum Arnaldi res aliter se habuit. Doctores qui velut desultorii incurrerunt in Comitia, nec pro more antiquo jurati erant, nec suas scripto sententias reliquerunt, nec ad consulendum tantum, sed etiam ad judicandum venerunt. Quod discriminis genus impedit, quominus

ex facto tali delatrix Censuræ notatio hæc nostra repellatur. Quærendum est aliud præsidium, quo Censura ab ista perniciæ se defendat. Expecto usque dum inventum fuerit, atque id perfecerit, quod perfici summopere optarem. Reliquum est ut Vigiliū locum describam: His igitur dispositis, optavimus quidem, venerabilis Imperator, sunt frequentissime supplicii prece poposcimus, eundem ad quemlibet Italia locum, aut certè ad Siciliam, & convocatis ad nos Africana, & aliarum Provinciarum Latine lingue Sacerdotibus, vel Ecclesia nostra sacratis ordinibus, secundum consuetudinem tractaremus, & de questionibus trium Capitulorum pietati vestra redderemus plenā deliberatione responsum: quod quia fieri Serenitas Vestra non annuit, hoc iterum noscitur constitutum, ut ollatis à nobis Mansuetudini Vestre nominibus de supradictis Provinciis, qui nobiscum ad tractandum adhiberentur, Antistites Clementia Vestra faciat advenire: cui dispositioni item præbimus Ecclesiastica pacis amore consensum. Postea verò hoc magis cum consensu Fratrum nostrorum, nostrarum partium Episcoporum, nuper ante sanctum Pascha diem Pietas Vestra constituit, ut exaquato numero his Pontificibus, qui in Constantinopolitana urbe presentes sunt, de tribus Capitulis ex quibus questio vertitur, secundum superius designatam Fratrum nostrorum Episcoporum professionem deberemus inire tractatum. Sed quia, dum ea quæ pro conservanda Ecclesiarum pace cum Fratribus nostris



nostris fieri, vestra dispositione con-  
venerant, festinavimus implere,  
ut adhibita salubri deliberatione  
communiter, & propter informan-  
dam universalem Ecclesiam, cunctis  
qua inter nos geruntur in scriptis  
deductis atque jacentibus, nostrum  
ex his collectum de tribus Capitulis  
in questionem deductis iudicium  
proveniret: continuo Pietas Vestra  
post illud volumen, quod nobis ante  
multos Pascha dies, per virum ma-  
gnificum Theodorum Decurionem  
palatii destinavit, in quo vos inte-  
rim quid de tribus Capitulis senti-  
retis exponentes, nostrum poscitis  
dari ex eadem causa responsum.  
Idèoque, cum Fratres nostri neque  
exequato nobiscum numero residere,  
neque in scriptum quæ ageremus vel  
tractavimus redigi paterentur, tam-  
quam, quod absit, non convenien-  
tia rectitudini loqueremur, quæ scri-  
bere timeremus. Et post alia: Pro-  
positis itaque nobis & diligenter in-  
spectis, in quantum uniuscujusque  
Capituli in questionem deducti ra-  
tio postulabat, Synodalibus codici-  
bus atque gestis prolatis, quæ aliis  
eorundem Patrum, vel in sanctis qua-  
tuor Synodis, aut in una earum re-  
sedisse monstrantur, synodalibus epi-  
stolis inspectis, nihilominus Præde-  
cessorum nostrorum Sedis Apostoli-  
cæ Præfulum Constitutis, aliisque  
probatorum Patrum necessariis in-  
structionibus pertractatis, si qua de  
his, quæ in questionem deducta sunt,  
apud Patres nostros examinata fue-  
rint, finita atque disposita, memo-  
res superius designatarum professio-  
num investigare curavimus.

Notatio Septima.

Censura propositionis alicujus;  
à Facultate celebri legitimè facta,  
locus est Theologicus, unde re-  
cta quædam comparatur ratio,  
quâ si non omnes, certè Facul-  
tatis illius alumni tenentur. At  
locus talis non est censura quæ-  
libet, sed ea tantum quæ com-  
muni Magistrorum omnium con-  
sensu decernitur. Hanc quæstio-  
nem ita definiunt, qui de argu-  
mentorum in Theologia sedibus  
tractarunt. Melchior Canus, qui  
Concilio Tridentino interfuit,  
l. 8. de locis c. 4. conclusione 6.  
Theologorum Scholasticorum etiam  
multorum testimonium, si aliis con-  
tra pugnant viri docti, non plus  
valet ad faciendam fidem, quam  
vel ratio ipsorum, vel gravior etiam  
auctoritas comprobavit: videlicet  
in scholastica disputatione plurium  
auctoritas obnuere Theologum non  
debet; sed si paucos viros modò gra-  
ves secum habet, poterit sanè ad-  
versus stare. Non enim numero hæc  
judicantur, sed pondere. Hanc con-  
clusionem probare argumentis non  
debeo. Nam si quid est accidens, de  
quo inter omnes conveniat, argu-  
mentari non soleo. Perspicuitas enim  
(ut ait Cicero) argumentatione cle-  
vatur. Certè ubi variae sunt doctis-  
simorum hominum, discrepantesque  
sententia, Academicorum tempera-  
mentum imitari, & à rebus incer-  
tis certam assensionem cohibere de-  
bemus. Quid enim est tam temera-  
rium, tamque indignum sapientis  
gravitate atque constantia, ut idem

Cicero elegantissime tradit, quàm quod non satis exploratè perspectum sit & cognitum, id sine ulla dubitatione defendere? Quo loco sanè arguendi sunt Scholastici nonnulli, qui ex opinioum quas in schola acceperunt præjudiciis, viros aliàs catholicos, notis gravioribus inurunt; idque tantà facilitate, ut meritiò videantur. Nobis autem schola nostra magnam quidem licentiam dat, ut quodcumque maximè probabile occurrat, id nostro jure liceat defendere; sed non licet tamen eos, qui nobis sunt adversi, temerè ac leviter condemnare.

Quod auctor de auctoritate Scholasticorum hîc concludit, id. l. 7. c. 3. de sanctorum Patrum auctoritate concluderat: Plurium (inquit) Sanctorum auctoritas, reliquis licet paucioribus reclamantibus, firma argumenta Theologo sufficere & prestare non valet.

Dominicus Bannez in secundam partem qu. 1. art. 8. dub. 3. concl. 1. Auctoritas Theologorum Scholasticorum, etiam multorum, quando in contrarium sunt viri docti, non plus valet quàm vel ratio ipsorum, vel aliquod testimonium Scripturae comprobavit. Hæc conclusio manifesta est, quoniam quando dua sunt opiniones inter se pugnant, quarum qualibet rationibus nititur probabilibus, & argumenta adversariorum solvit, habetque defensores viros doctos, non est cur huic aut illi parti pertinaciter quis adhareat, propter aliquorum auctoritatem; sed ponderanda sunt rationes, & secundum vires earum huic aut illi parti fides adhibenda est. Nec

interest quod plures in unam partem inclinent, si pauci graves & docti oppositum sentiant. Non enim numero hæc judicanda sunt, sed pondere. Undè meritiò reprehendendi sunt aliqui Theologi, qui opinionibus propriis, vel etiam aliorum, nimis adherentes, statim contraria dogmata precipiti quâdam sententiâ, absque sufficientibus rationibus damnant, atque omnia quæ eorum iudicio non consonant, gravioribus censuris inurunt, idque tantà facilitate, ut meritiò irrideantur.

Christophorus Gillius l. 1. t. 7. de locis c. 13. n. 2. Dico primò, quando inter ipsos Doctores, sive sacros, sive Scholasticos, sive Jurisperitos, est controversia; ita ut ex utraque parte sint auctores probabiles, non sumitur certum argumentum Theologicum, sed tantum probabile: & conveniunt communiter Doctores. Fundamentum est, quoniam ubi ejusdem Facultatis periti dissident, signum est non esse evidentem consequentiam ex principiis illius: ideòque quando Doctores catholici dissident circa materiam Theologicam, non sunt evidentiæ ac certa testimonia, seu principia fidei, quibus alterutra opinio nitatur, atque adeò tota res est reducenda ad rationem & auctoritatem humanam. Quæ sola non est certum argumentum Theologicum, sed sola vis probabilitatis erit in ea sententiâ ex auctoritate humana fallibili, quæ eo major aut minor erit, quo doctores qui alteram sequuntur partem, plures ac graviores fuerint. Non enim solo numero res expendenda est & fieri enim poterit ut pauciores, si singuli

*singuli magnæ auctoritatis sint, reddant sententiam probabiliorem oppositâ, quam plures sequuntur.*

Imprimis igitur omnes è schola Theologi in eo concordant, ut velint argumentum inde non sumi Theologicum, quando illi ipsimet in una & eadem tractanda materia dissident, & secum discordant. Deinde in eo quoque conveniunt, quòd in definienda Theologiæ materia non tam spectandus sit Doctorum numerus, quàm pondus rationum quibus Doctores utuntur. Undè accedit, ut cum Theologorum cœtus ad determinandum aliquid aggreditur, expositus non sit iis incommodis, quibus secularium judicum confessus exponitur, quod Plinius Junior conqueritur l. 2. ep. 12. *Præterea, quid publicè minùs aut congruens aut decorum, notatum à Senatu in Senatu sedere, ipsisque illis à quibus sit notatus æquari? Summotum à Proconsulatu, quia se in Legatione turpiter gesserat, de Proconsulibus judicare, damnatumque sordium, vel damnare alios vel absolvere? Sed hoc pluribus visum est. Numerantur enim sententia, non ponderantur, nec aliud in publico Concilio potest fieri, in quo nihil est tam inæquale, quàm æqualitas ipsa. Nam cum sit impar prudentia, par omnium jus est.*

Hoc profanum cacoethes non agnoscit Theologorum ordo, apud quem tum demùm ratum habetur, quod rationum pondus habet, non quod pluribus placet. Sic enim Canus l. 8. c. 4. concl. 2. pronuntiat: *Ex auctorum om-*

*nium Scholasticorum communi sententiâ, in re quidem gravi, usque adeò probabilia sumuntur argumenta, ut illis refragari temerarium sit.*

Deinde concl. 3. *Concordem omnium Theologorum scholæ de fide aut moribus sententiam contradicere, si hæresis non est, at hæresi proximum est.*

Dominicus Bannez loco citato concl. 2. *Quando in aliqua sententia circa rem gravem communiter Scholastici conveniunt, argumentum faciunt adeò probabile, ut illis contradicere temerarium valde sit. Et quibusdam interpositis: Circa hanc conclusionem & sequentem animadvertendum est, quòd quando omnes ferè Theologi conveniunt, licet unus aut alter ab aliorum sententia discrepet, nihilominus communis illa opinio in suo manet robore, nisi forte ille unus tanta esset auctoritas, vel probationes adeò validas induceret, ut ejus judicium pluribus aliis æquivaleret, Deinde concl. 3. Concordans omnium Theologorum sententia de doctrina fidei aut morum, adeò firmum facit argumentum, ut contrarium sentire sit error in fide, aut errori proximum.*

Christophorus Gillius loco jam laudato n. 7. *Dixerim itaque imprimis, Theologos de communi consensu asserentes aliquid, tanquam ad fidem pertinens, non reddere ex se propositionem infallibiliter veram, quasi ipsi sint mensura infallibilis veritatis. Dixerim secundo, moraliter loquendo, ex vi testificationis suæ prætere gravißimum argumentum fidei, non tamen omnino infallibile, aut logicè loquendo certum; sensus*

est, cum Theologi omnes sententiam aliquam tanquam fidei dogma proponunt, ex vi hujus testificationis sumi argumentum non logicè sed moraliter certum. Hic auctor mente quidem & reipsa cum Banne & Cano consensit, licet videatur ab iis voce atque explicandi modo dissentire.

His porro Doctoribus præluxit Facultas Theologiæ Parisiensis, cum anno Christi 1387. scripsit, *Doctrinalem determinationem per totam Facultatem concorditer factam debere multum reputari*. Id est, argumentum efficere, cui sine temeritatis vel erroris nota contradici nequeat. Interea tamen indicat, doctrinalem determinationem quæ non est facta concorditer, non debere multum reputari, id est, argumentum non efficere nisi probabile, cui sine temeritatis vel erroris nota contradici potest.

His autem ita constitutis, dubium nullum est, quin ea censura quæ invitis & renitentibus Magistris septuaginta duobus edita est, scholam Theologorum oppugnet universam, à doctrina locorum Theologicorum enormiter deficiat, libertatèque scholæ publicam offendant tantum & labefactet, quantum offendere & labefactare possit. Quare non satis perspicio, & devinctum me tenebit, qui efficiet ut perspiciam, quomodo auctores Censuræ propositionum duarum Arnaldi non incurrant in reprehensionem, quam apud Canum & Bannem incurrunt, qui audent concordia Doctorum & scholæ omnium sententiæ repugnare.

### Notatio Octava.

Inter Magistros Censuræ prædictæ conditores fuerunt, qui vel ab Arnaldo scriptis prius lacesiti sunt, vel cum Arnaldo inimicitias exercuerunt: quod certum atque exploratum habetur. Utrum verò hi possint esse idonei de adversario iudices, consulendus est beatus Augustinus, qui quos Juliano Patres opponit, eos excipi non posse, sic contendit l. 2. contra eundem c. 10. *Verum etsi tales non fuerunt in his causis, quas ad se delatas, & inter partes cognitæ cum hic viverent, suo iudicio finiunt, ad hanc tamen causam tales erant, quando de illa sententias tulerunt. Nullas nobiscum vel nobiscum amicitias attenderunt, vel inimicitias exercuerunt, neque nobis neque vobis irati sunt, neque nos neque vos miserati sunt.*

Et quibusdam interpositis, docet quâ ratione audienda & retinenda sit adversariorum de adversariis sententiæ: *Si vestra consideretur paucitas, multi sunt: si multitudo catholicorum Episcoporum, perpauca sunt; ex quibus Papam Innocentium & Presbyterum Hieronymum retrahere fortasse tentabis: istum, inquam, quia Pelagium Cælestiumque damnavit; illum, quia in Oriente contra Pelagium catholicam fidem piâ intentione defendit. Sed lege quæ dicat in laudem beatissimi Papa Innocentii Pelagium, & vide utrum facile possis iudices invenire. De illo autem sancto Presbytero, qui secundum gratiam quæ data est*

ei, sic in Ecclesia laboravit, ut eraditionem catholicam multum in Latina lingua, multis & necessariis literis adjuvaret, non solet Pelagius iactitare, nisi quod ei tanquam amulo inviderit. Sed nolo ex hoc tibi videatur de istorum iudicium numero retrahendus. Non enim ejus sententiam posui, quam tempore inimicitarum contra vestrum tenuit & defendit errorem, sed quam posuit in scriptis suis, liber ab omni studio partium, antequam vestra damnabilia dogmata pullularent.

Audiret ergo & retinetur Innocentii de Juliano sectatore Pelagii sententia, quia Pelagius Juliani magister Innocentium laudaverat; & nisi laudasset, Augustinus satis innuit, à se nec auditum iri nec retentum Innocentii de Juliani doctrina sententiam. Quod confirmatur ex modo quem Pater æquissimus insumit, ut Hieronymi de Juliano sententiam retineat: Ego (inquit) sententiam posui, quam liber ab omni studio partium tenuit; non posui sententiam quam tempore inimicitarum contra vestrum defendit errorem.

Inimicitarum tempus appellat illud, quo adversus Pelagium & Celestium scripserat. Non ignoro dici à quibusdam, exceptioni locum esse cum de personis agitur, sed non esse quando de personarum doctrina tractatur. Hanc distinctionem Augustinus proximè confixit, eaque sponte sua dissiluit. Quæ enim ratio facit ut inimicus de inimici persona non judicet, ea quoque facit

ut inimicus de inimici doctrina judicare non possit: quasi verò ulciscendi cupiditas, quæ in inimico præsumitur, & partium studia tantum arderent, cum inimici persona judicanda est, sed statim extinguerentur, cum inimici doctrina judicanda foret. Bardos ac stipites habent homines, quibus hanc insulsiatatem persuaderi posse velint. Præterea, distinctio hæc sicubi valet & admittitur, in judicio quod de rebus fidei ac morum pronunciatur non valet, nec admitti debet. Nam statim atque personæ doctrina catholicæ fidei & bonis moribus contraria judicatur, persona in mortis vel exilii discrimen adducitur. Facessat igitur hæc distinctio, quam in Theologorum confessum intulit, non querendæ vel asserendæ veritatis amor, sed ulciscendæ injuriæ libido. Et certè nescio, an homo verè pius fugientem distinctionem retinere vellet.

### Notatio Nona.

Fingamus ea quæ Petrus Aliacus ex Seneca retulit in Oratione, quam Avenione contra Joannem Montefonum, Parisiensis Academiæ nomine, coram Clemente septimo instituit, in determinatione Theologica locum habere: In hac (inquit) causa, juxta Senecæ sententiam, non quis dicit, sed quid dicit; nec quis prosequitur aut petit, sed quàm justum sit id quod prosequitur aut petit, inspicendum est: non videmus

mus quid ii dixerint, quos tanquam sibi inimicos Arnaldus recusare tentavit. Curandum iis fuit magnopere, ut ulciscendi adversarii suspicionem à se removerent, nec ut removerent aliter fieri potuit, quàm si rationes suas, sed efficacissimas, sed ad proscribendam Arnaldi doctrinam idoneas, literis mandarent. Tunc, non qui dicerent, sed quæ dicerent, ab omnibus inspicere-tur. Consiliò Senecæ non paruerunt. Videmus quidem qui dixerint, sed quæ dixerint, non videmus. In his circumstantiis necessariò videnda fuerunt rationum momenta quibus, quæ Arnaldi propositionibus notæ in-uruntur, meritò inuri probaretur. Præter generalem probationis istiusmodi necessitatem, quam Censoribus inesse, & quam per beatum Petrum iis fuisse impositam Facultas non semel agnoscit, specialis quædam Arnaldi adversariis incumbit. Huic autem rei qui resistunt, patrono suo Senecæ resistunt. Quin etiam odii, invidiæ, ultionis suspicionem in se gravissimam residere patiuntur. Hanc necessitatem impositam sibi sensit unus ex iis Magistris, quos Arnaldus recusare voluit. Is est Joannes Nicolai, Dominicani Ordinis Professor, qui suum de Propositione Juris judicium seu Censorium suffragium publicavit. Involutus est ac talebrosus commentarius, in quo probra & contumeliæ passim occupant sedem Theologicarum rationum. Pretiosi nihil è Scripturis & Tradi-

tione, accersiti nihil habet, quo censorium suffragium confirmetur. Aliud est, judicare propositionem hæreticam esse; aliud, asserre momenta quibus hæretica probetur. Quare si quis commentarium hunc legat & intelligat, non est enim intellectu facilis, nunquam persuadebitur assertionem, quæ ab illo hæretica censetur, hæreticam jure censendam esse. Ad me quod attinet, si quem ad Censuræ odium & contemptum excitare vellem, ei duntaxat consulerem, ut horas aliquot in perlegendo tali commentario collocaret. Propositionem facti intactam reliquit, rarus fortasse eam non esse dignam, quæ iniustas ab aliis notas susci-peret.

#### *Notatio Decima.*

Notatione octava visum est doctores illos, quorum judicium detractare voluit Arnaldus, distinctionem opposuisse, quâ contendebant inimicos de inimicorum doctrina judicare posse, quamvis de persona judicare non possent; sed ii, postquam de adversarii doctrina pronuntiaverunt, spretâ conscientiæ religione de persona pronuntiare sunt ausi. Tam immanis & cæca fuit ulciscendæ injuriæ cupiditas, ut sibi à tali facinore temperare non valuerint, nec Dei nec hominum de se judicium reformidarint: & tamen certissimum est, in eo jura omnia divina & humana subverti. Sed cum ita subvertuntur, Censu-

Censuram quoque subverti necesse est.

*Notatio Undecima.*

Antonius Arnaldus, ut Censuræ verba ipsa declarant, absens damnatur & à gradu Magisterii dejicitur, ante quàm semel, iterum, & tertio, per Facultatis Aduarium monitus & advocatus fuerit. Quo in loco ubi humanitas viget, quo in foro, quo in Senatu, damnatus fuit unquam, etiam Majestatis reus, quin priùs voce præconis ter accersitus comparere noluerit? Nonne capitulum judiciorum forma hæc præscribitur? Nonne sacri Canones eum qui damnandus est, ter quoque advocandum esse præcipiunt? Nonne Parisiensis Academia, dum alumnos suos corrigit, sanctitas jure civili & ecclesiastico monitiones observat? Observat enim verò, & præstat audire quid Petrus Alliacus Academiæ orator, eam super re Avenione, in Consistorio Cardinalium dixerit adversus Montefonum: *Septimum est* (inquit) *quòd postquam Universitas & Facultas antedictæ, quod potuerant & deluerant, quantum in ipsis erat, perfecerant, postea nunciaverunt hac reverendo in Christo Dom. Episc. Parisiensi, Judici ordinario in hac parte, & presentatâ eidem scedulâ Facultatis prædictæ sibi, prout in similibus casibus fieri solitum est, requirendo supplicaverunt, quatenus super his vellet judicialiter procedere. Octavum est, quòd ad hanc instantiam & Reque-*

*stam dictus Parisiensis Episcopus præcepit, & præcipiendo mandavit, nè prædictus Frater, qui adhuc Parisiis præsens erat, ab inde recederet, sed ad certam diem tunc assignatam personaliter compareret, responsurus in aula Episcopali, & coram dicto Episcopo, super his quæ objicerentur eidem. Qui sic judicialiter evocatus, per se aut per alium nullatenus sufficienter comparuit: ideòque pro prima vice contumacia pœnam incurrit. Nonum est, quòd iterum bina vice, interposito debito temporis spatio, dictus Frater citatus fuit, nec comparuit: & sic tertio contumax reputatus est, & excommunicatus. Decimum est, quòd licet his attentis idem Episcopus potuisset contra eum proferre sententiam, tamen adhuc quarta vice de superabundanti præfato reo aliam diatam assignavit. Censura ergò illa stare non potest, in qua politicæ leges & & ecclesiastici Canones violantur.*

*Notatio Duodecima.*

Censura sic exarata est, ut ab universa Facultate Theologiæ processisse videatur: *Quibus auditis Sacra Facultas, de re tota per duos menses integros habitis fere quotidie apud eandem Sorbonam solennibus comitiis, deliberavit, & post accuratam disquisitionem eandem decrevit. Hæc indefinita propositio, Sacra Facultas deliberavit, decrevit, æquipollet universali. Hoc autem à rei veritate mirum quantum abhorret. Nam inter Magistros qui Censuræ interfuerunt, septua-*



septuaginta duo contradixere. Verum ut id quod res est memoriz proderetur, scribendum fuit: Quibus auditis, Facultatis pars major deliberavit, decrevit. Non est autem scriptum quod verè scribendum fuit, nè cognoscetur quod necessariò cognosci oportuit, Censuram nempe factam non esse concorditer. Hoc enim si semel cognoscitur, auctoritas Censuræ in auras evanescit. Quod cum perspicerent qui Censuram digesserunt, indefinità oratione sunt usi, ut lectores pià & religiosà calliditate circumvenirent. Sed cum ab aliis, tum maximè à Theologis dicenda sunt cum veritate, quæ veritas ipsa gessit, nec Christiana pietas est, quæ veritate careat. Cum igitur certo certius est in Censura simplicitatem illam eminentissimam, quæ Christianos decet homines, desiderari, rei quoque bene gestæ auctoritas desideratur,

### *Notatio Decima-tertia.*

Qui Censuram affectarunt, cum viderent eam non esse decretam concorditer, occupatà Facultatis dominatione statuerunt, ut qui vel Censuræ resisterant, vel à cœtu Magistrorum aberant, ii consentirent ac subscriberent; alioquin malè cum ipsis ageretur. Adscribo verba: *Sacra Facultas decrevit neminem post hac, aut è Doctoribus ad comitia, & alia quælibet jura ad ipsam pertinentia, aut è Baccalaureis ad ullos actus Theologicos, sive ad*

*Disputandum, sive ad Respondendum, aut è Theologie Candidatis ad Supplicandum, ut vocant, pro primo cursu, vel de Tentativa respondendum admissum iri, nisi antè huic quoque Censuræ subscripserit.*

At in Facultate Censura nulla unquam usque aded provisa & præcauta fuit, etiam si summo omnium consensu ederetur. Lata adversus Lutheri assertiones Censura sic præcavetur: *Facultas omnibus tam Magistris quàm Baccalaureis, & in Theologia studentibus, & futuris inhibet, nè contrarium præfata determinationi docere aut predicare præsumant, sub pœna privationis & rejectionis ab eadem Facultate.*

Hic Facultas non præcipit, ut Magistri & Baccalaurei Censuræ seu determinationi subscribant, sed tantum ut contrarium minimè doceant aut prædicent; alioquin à Facultate rescabuntur. Articuli quos Facultas Anno 1542. condidit adversus hæreses illius temporis, sic præcaventur: *Inhibet Theologorum Facultas iis, qui de gremio suo sunt, Magistris, Baccalaureis, ac cæteris gradum Theologicum nunc & imppetum profiteri volentibus, nè quocunque pælo supradictis propositionibus contraria aut in concionibus prædicent, aut in lectionibus vel alibi doceant: quin potius ubi se materia & occasio offeret, eas populo sincerè annuntient, & apertè declarent. Porro etiam decrevit, ut propositiones præfatas singuli Magistri & Baccalaurei chirographi sui appositione confirmet: & cum in grege suo lupos & im-*  
moris



*morigeros, contentiososque alere tutum non sit, qui huic Decreto parere noluerint, & contrarias præfatis propositiones docuerint, aut impostertum prædicaverint, à suo consortio ejiciendos in perpetuum decrevit.*

Lata contra impios Regum & Principum parricidas Censura sic præcavetur, jubente cum primis Senatu, cujus verba sunt: *Deinde ut Decretum, quod in ejusdem Facultatis comitiis statueretur, omnium Doctorum qui comitiis & deliberationi interfuerint, necnon etiam omnium Baccalaureorum, qui Cursum Theologicum decurrunt, Syngraphis muniatur. Quo tum demum audito super ea re Cognitore Generali Regio decernat quod justum & rationi conforme erit.*

Et post alia in Decreto Facultatis: *Tertiò statuit, ut omnes Doctores & Baccalaurei Theologia, quodie in Statuta & Articulus Facultatis jurare consueverunt, in hoc similiter Decretum jurent, & Syngraphæ suæ appositione obtestentur, se illius veritatem docendo & concionando diligenter explicaturos.*

Hæ sunt cautiones maximæ omnium, quas ad confirmationem decretorum suorum Facultas adhibuit: sed illæ, ut apparet, multò sunt minores eâ, quæ ad confirmationem Censuræ quæ de agimus, adjungitur. Quapropter assequi me non posse fateor, cur duarum propositionum Censura, quæ Conciliorum universalium definitionibus non innititur, præcaveatur magis quàm gelatæ Censuræ, quæ generali-

bus Conciliis innituntur: in quibus de vita Regum agitur, & in quibus docetur, quid de rebus hoc tempore circa fidem & religionem Christianam controversis, credi & teneri oporteat. Estne duarum propositionum Censura religiosior Parisiensibus Articulis omnibus, qui per diversas ætates de fidei dogmatibus conditi fuere? Estne pretiosior & sanctior decreto, quod Regum & Principum interfectiones percellit? Et certè, si quis contentionem hanc mutuam vel leviter inspiciat, exhorrescet, fulguritum se sentiet, & talibus attonitus visis hærebit. Nec poterit ei, velit nolit, dolus malus in nimia cautione non occurrere. Certa quædam est veritas, tam illustris & perspicua, ut eam nullæ verborum rerumve præstigiarum inobscurant vel obruant. Cautionis tantæ novitas, in re momenti minoris, suspicionem fraudis injicit, nec ea machinis ullis aut artibus repelli potest.

#### Notatio Decima-quarta.

Qui à Magistris & Baccalaureis subscriptionem exigunt, in hoc opere usque aded sunt tori, ut eis curæ supersit nihil, quod rebus cæteris adhibeatur. Ego singulas non recensco. De duabus tantum mihi sermo est. Et primò quidem non curant ut Magistri & Baccalaurei subscribant decreto quo Regum & Principum interfectores damnantur, & tranquillitas publica pro-

cura-

curatur. Eoque pacto neque Senatui neque Facultati mos geritur. Deinde facere negligunt quod Statuta ultimæ reformationis Academiæ faciendum præscribunt. Verba sunt: Omnes exteri, qui in hac alma civitate Theologiæ ceterisque disciplinis operam dabunt, antequam ad Gradum aliquem in Academia admittantur, jurent se Gallia legibus victuros, Regi Christianissimo & Magistratibus morem gesturos, nihilque contra Rempublicam aut Magistratum molituros. Hæc autem omnia iis qui in Facultate Theologiæ dominantur, sunt omnino nihil præ censurâ propositionum duarum Arnaldi. Hic conjiciant & sentiant alii quod voluerint durissimum; conjiciendi ac sentiendi causam fortassis habent æquissimam: sic ego duntaxat sentio. Probanda non est censura, quæ disciplinæ tam sanctæ, tamque necessariæ, oblivionem, imò & ruinam secum trahit.

#### Notatio Decima-quinta.

Propositio prior, quæ facti est, & in facto consistit, damnari neutiquam potest, quod duplici modo probatur. Imprimis, Theologorum nullus unquam negavit Romanum Pontificem in quæstione facti errare posse, & sæpius errasse. Et si quis modo negaret, novam in Ecclesiam opinionem gratis & sine ratione induceret. Ecclesia ipsa, cui præest Pontifex, nonnunquam fallitur in tali quæstione: Igitur & Pontifex.

Idipsum Alexander tertius asserit De sententia excommunicationis, c. 28. *Ad nobis* (inquit) *est sæpe quasitum, utrum si aliquis excommunicatus, in quo indicia fuerint penitentiae manifesta, nec per eum steterit quominus reconciliaretur Ecclesiastica Unitati, non suscepto beneficio absolutionis decesserit, pro absoluto ab Ecclesia sit habendus, & utrum pro tali recipienda sit elemosyna, & à fidelibus sit orandum.*

Et infra: Nos igitur consultationi tuæ breviter respondemus, quod iudicium Dei veritati quæ non fallit, nec fallitur, semper inuititur; iudicium autem Ecclesiæ nonnunquam opinionem sequitur, quam & fallere sæpe contingit & falli: propter hoc contingit interdum, ut qui ligatus est apud Deum, apud Ecclesiam sit solutus; & qui liber est apud Deum, Ecclesia sit sententiâ innodatus.

Alexandrum sequitur Melchior Canus, qui Tridentino Concilio interfuit, l. 5. de locis c. 5. concl. 4. *In moribus non toti Ecclesiæ communibus, sed qui ad privatos homines vel Ecclesias referuntur, errare per ignorantiam Ecclesia potest: non in iudicio solum rerum gestarum dico, sed in ipsis etiam privatis præceptis & legibus. Cum quis enim occulte, una uxore habitâ, alteram ducit publicè; jubet illi Ecclesia, ut priore relicta posteriorem accipiat: qua in re sine dubio fallitur, & id præcipit homini, quod rationi Evangelioque adversum est.*

Donnicus Bannez Canum excipit in 2. 2. q. 1. art. 10. dub. 6. conc. 4. *In moribus non toti Ecclesiæ communibus, sed qui spectant ad*

verso-

personas privatas, possibile est Summum Pontificem ex ignorantia errare, aut etiam ex malitia.

Robertus Cardinalis Bellarminus, l. 4. de Rom. Pont. c. 11. Joannem Turrecrematam secutus ait; Generale Concilium, cui Romanus Pontifex per se vel per suos Legatos presidet, in questionibus facti errare posse.

Et sic Concilium universale sextum errasse; verba ejus sunt: Quod si aliquis adhuc non potest adduci, ut credat corruptam esse sextam Synodum, accipiat alteram solutionem, quæ est Joannis à Turrecremata, l. 2. de Eccles. c. 93. qui docet Patres sextæ Synodi damnaſſe quidem Honorium, sed ex falsa informatione, ac proinde in eo judicio errasse. Quamvis enim generale Concilium legitimum non possit errare, ut neque erravit hoc sextum in dogmatibus fidei definiendis, tamen errare potest in questionibus de facto. Itaque tutò dicere possumus, hos Patres deceptos ex falsis rumoribus, & non intellectis Honorii epistolis, immeritò cum hæreticis commemorasse Honorium.

Andreas Duvallius part. 2. de infallibilitate Romani Pontificis quæst. 1. Imprimis, certum esse apud omnes, tam hæreticos quàm catholicos, pontificem ut pontificem, necnon cum Concilio generali agentem, in questionibus facti particularibus, quæ ex hominum testimoniis & relatione pendent, errare posse. Sæpè excommunicantur à Pontifice, qui sunt prorsus innocentes. Contrà vero, ab eodem absoluntur, qui non merentur absolvi.

Unde Magister 4. sent. dist. 18. Interdum qui foràs mittitur, intus est; & qui foràs est, intus videtur retineri.

Can. Nos. Si incompetenter, 2. quæst. 7. Si incompetenter aliquid egimus, & in abditis justæ legis tramitem non conservavimus, vestro ac vestrorum Missorum cuncta volumus emendari judicio: quoniam si nos, qui aliena debemus corrigere peccata, pejora committimus, certè non veritatis discipuli, sed, quod dolentes dicimus, erimus præ cæteris erroris magistri.

Hæc apud Gratianum Leo quartus: probationem rei hujus suggerit Alexander, cum dicit judicium Ecclesiæ nonnunquam opinionem sequi. Nam cum opinio ex incertis hominum testimoniis pendeat, judicii certi, & quod fallatur nunquam, fundamentum esse non potest.

(Reliquas tredecim hujus Notationis Decimequinte paginas, clarissimi Arnaldi Cause non necessarias, brevitatis causâ prætermisimus.)

Hactenus pauca de multis, quæ in eam rem referri & congeri potuerunt. Sed ista dum magis magisque considero, mihi, velim nolim, occurrunt duo quæ pronuntiem. Imprimis Arnaldi Propositio, quæ ad facti conditionem attinet, difficultatis nihil habet; receptæ auctoritatis est, verissima ac certissima, ac proinde notam scholæ nullam meretur. Deinde censura propositionis hujus planè digna est, quæ lege talionis puniatur. Et certè

certè nemo ea super re mecum contendet, dum noverit quo modo apud Theologos propositio temeraria, scandalosa, & injuriosa deformatur.

*Notatio Decima sexta.*

Propositionis temerariæ nota in assertionem quæ facti est, & in factu versatur, nec quadrat, nec quadrare potest. Sic autem Theologi propositionem temerariam definiunt. Joannes Turrecremata, qui ex Sacri Palatii Magistro Cardinalis factus est, in libro de Pontificis & Generalis Concilii potestate: *Temeraria* (inquit) *definitio seu propositio est, quæ nec auctoritate nec ratione rectè probari potest.*

Petrus Garfias ex Parisiensi Theologo Ussellensis Episcopus, in Magistratibus suis determinationibus, quas edidit Romæ & Innocentio VIII. dicavit: *Temeraria propositio est propositio asserens aliquid tanquam certum, quod non potest efficaci ratione probari, vel auctoritate: sicut propositio asserens quod mundus finietur intra centum annes. Hæc autem propositio licet posset esse vera, hoc tamen asserens tanquam certum dicitur temerarius, & propositio temeraria, quia ad hoc nec auctoritas nec ratio efficax habetur.*

Melchior Canus l. 12 de locis c. 11. *Propositio temeraria duobus itidem modis usurpari solet, & communiter & propriè. Communiter, ut omnis propositio à fide aversa temeraria quoque appelletur, etiamsi*

*hæresis manifesta sit. Et quid enim inconsideratissimâ ac dementissimâ temeritate plenius, quàm Christi Ecclesiam contradicere? Propriè autem ea verè usurpatur, cum asseveratio ut temeraria notari potest, ut hæretica, vel erronea, vel sapiens hæresim, non potest. In quem sensum post istos propositionum gradus postremum locum propositio temeraria tenet. Temeritas porro non uno & simplici modo intelligitur. Temere enim ea quandoque fieri dicimus, quæ non consilio, sed fortuitè geruntur: quomodo ea temeraria sunt, quæ turbulentè & inconsideratè effutita sunt. In hoc verò significatu temeritas, quâ nullo delectu aut discrimine ducitur ad judicandum, sapientia contraria est, in qua non casus & fortuna, sed ratio & consilium valet. Qui ergo nullâ aut ratione aut auctoritate impulsus res ipsas affirmat, sed temere scribit & dicat, vel quod in buccam venit, jure is tanquam stultus & temerarius reprehenditur. Nam quamvis vera aliquando dicat, sed ut vera dicat, tamen non id consilium & ratio, sed fors & casus efficit: qualia sunt nonnulla, quæ viri quidam pii in vita rebusque gestis Christi Domini magis comminiscuntur, quàm contemplantur; quæ etiam scribunt, non tam verè & prudenter, quàm devotè & ferventer: quorum est interdum cæca, & temeraria quidem, & in assentiendo credulitas, & in asserendo facilitas. Sed temeritas hæc tamen non est ejusmodi, ut à fidei iudiciis coerceri debeat, qui graviores errorum censuram assumere suo jure possunt,*

possunt, levioris hujus vel imprudentia vel stultitia non possunt. Fides quippe cognitio illis mandata est, non prudentia, ejus præcipue quæ viros pios sæpe destituit. Videmus autem illiusmodi seu meditationes seu contemplationes, licet inconsideratè atque imprudenter, sine ratione & gravi testimonio editas, cum pietate ferè, atque adeò cum sanctitate esse conjunctas. Non decet igitur ut simplicitas columbina severissimi tribunalis judicio vexetur, quantumvis illa sit inconsulta & imprudens. Dicitur rursus & id temerè asserti, quod insolenter nimium & audaciter assertitur: quomodo omnibus in rebus asseverandi temeritas pronuntiandique audacia turpis est quidem, sed in his quæ ad Ecclesiæ doctrinam attinent, est periculosa vel maximè. Habet enim contemtionem superbam Ecclesiasticæ regule; quam contemtionem, nisi fidei judices coerceant & comprimant, dici non potest quantum discriminis omnis Ecclesiæ doctrina sit habitura. Quæ igitur non inconsulta oratione modo, sed, ut verbis utar gravioribus, confidenti audaciâ, insolentiâ protervâ, exultatione impudenti, jactatione superbâ, non contra fidem dico, sed contra Ecclesiasticæ modestiæ regulam asseverantur, ea Theologi in presenti temeraria censent, atque inter errorum gradus constituunt & locant. Qui quoniam hæresum appendices sunt, à fidei iudicibus sunt animadvertendi. Ut, Beatam Virginem non esse in cælos cum corpore assumptam: quod licet fidei minimè adversum sit, sed quia communis Ec-

clesiæ consensione repugnat, petulantia temeritate diceretur. Ita, in Baptismo non infundi parvulis informantem gratiam & virtutes; cum Concilium Viennense universale contrariam opinionem duxerit eligendam.

Dominicus Bannes in 2. 2. q. 11. art. 2. Et rursus alius gradus propositionis temeraria est quidem. Si significationem nominis temerarij consideremus, omnis propositio hæretica & erronea est satis temeraria; sed tamen accipitur specialiter propositio temeraria, quando aliquis asserit quidpiam contra communem opinionem Ecclesiæ, aut Theologorum, sine magna auctoritate in materia gravi. Ita si quis asserat Beatam Virginem non esse assumptam cum corpore in cælum: item quod in Baptismo parvulis non infunditur gratia habitualis, & virtutes Theologica. Nam opposita sententiæ approbatur in Concilio Viennensi tanquam probabilior, & discis Sanctorum magis consentanea.

Joannes Bagotius Institutio-  
num Theologic. de vera religione  
l. 4. disp. 3. c. 4. Temeraria in fide est, quæ nullo auctore fide digno, nullâ ratione probabili nititur, & aliquatenus spectat ad fidem, aut Ecclesiæ doctrinam. Ita temeraria videri potest ea, quæ Sanctos plerosque sine peccato originali conceptos ait: nam licet non videatur esse de fide, omnes qui nascuntur in peccato conceptos esse, etiamsi Beatam Virginem exceperis, multis tamen hoc privilegium velle concedere, videtur temerarium. Ita videntur esse temeraria, quæ plerof-

que

que sanctos Apostolis in gratia patres faciunt.

Hæc est propositionis temerariæ definitio, in qua Theologi omnes consentiunt. Sed cum illa non respiciat rem quæ facti, sed quæ juris est, in Arnaldi propositionem convenire nequit. Qui propositionis temerariæ notam ad contrarium prudentiæ vitium detorqueret, tergiversaretur, philosophum ageret, non theologû, qui theologicè non philosophicè loqui debet. Appositè omnino & sapienter Augustinus l. 10. de Civitate Dei, cap. 23. *Liberis verbis loquuntur philosophi, nec in rebus ad intelligendum difficillimis offensionem religiosarum aurium perisimescunt. Nobis autem ad certam regulam loqui fas est, ne verborum licentia, etiam de rebus quæ his significancur, impiam gignat opinionem.*

Malum istud Canus cum perspiceret, ei vir sagacissimus occurrit, & perversis tergiversantium hominum moribus aditum omhem interclusit. Quocirca notæ hujus ad propositionem applicatio insolens & inepta est; nec defendi potest, nisi ab iis qui facerent quod certi quidam mercatores facere solent: hi enim violatâ fide publicâ privatas mensuras & pondera sibi comparant, quibus merces suas examinent & dividant. Nos verò, quibus non licet esse tam vaftris & subtilibus, mensuras alias non habemus, aut pondera, nisi quæ communis usus & scholæ auctoritas certissima comprobant.

### Notatio Decima septima.

De propositione injuriosa sunt duo, quæ observanda esse censemus: Et primò quidem Constantiense Concilium in damnandis hæreticorum assertionibus notam illam non adhibuit, etiamsi adhibere potuerit. Sunt enim recentiores, qui in injuriosæ propositionis exemplum adsumunt unam vel alteram è Wiclef assertionibus, quas memoratum Concilium proscripsit. Canus, Bannes, & quidam alii universalem Synodum imitati, propositionem injuriosam inter configendarum propositionum gradus minimè collocarunt. Neque verò id à Concilii Patribus & aliis Theologis temerè & sine consilio factum est. Hæc enim nota, fori potius nota est quàm scholæ, cujus partes non sunt ut illatam per famosos libellos injuriam resarciat, aut resarciri decernat: in doctrinæ, non criminum, judicio sitam esse potestatem suam crediderunt. Quare tam potuit nota hæc injuriosæ propositionis in Censura non legi, quàm in Constantiensi Concilio non legitur. Deinde in auditorio Magistrorum, qui forum & jurisdictionem sibi quærun, injuriosa propositio sic definitur: *Ea est quæ alicui aut statui aut personæ injuriam facit, & alteram ledit, qualis est illa Wiclef: Conserens elemosynam fratribus est excommunicatus ex facto: Religiosi viventes in Religionibus privatis non sunt de*

religione Christiana. Augustinus, Benedictus & Bernardus damnati sunt, nisi pœnituerint de hoc ipso, quod habuerint possessiones.

Hæc apud Bagorium loco jam citato, cui ex antiquis Garfias unus præluxerat: *Injuriosa* (inquit) *propositio est, quæ detrahit statui alicui fidelium, aut alicui notabili persone, ut si quis assereret, quod status Mendicantium, vel Dominorum Cardinalium est damnabilis & scandalosus.*

Sic autem definita injuriosa propositio non pertinet ad Arnaldi propositionem, quippe quæ debitum Innocentio X. & nonnullis Gallix Episcopis honorem nullum auferat. Cur verò nullus auferatur, decima quinta docet Noratio. Consentunt omnes, statum & dignitatem eorum non exigere, ut in facti quæstionibus non fallantur. Nam si nulla sextæ Synodo fieri credatur injuria, cum Cardinales duo, Turrecremata & Bellarminus, dicunt ab ea Honorium Papam ex falsis rumoribus, & non intellectis illius Epistolis, damnatum fuisse; cur non salvo & incolumi statu Innocentii X., & nonnullorum Gallix Antistitum diceretur, id quod de iis Arnaldus modestissimè dicit? Quid, quæso te, in pari causa fieret iis injuriæ, qui universalem non repræsentant Ecclesiam, sed non fieret iis, qui universalem repræsentant Ecclesiam? Ad me quod attinet, ego spondeo & in me recipio, nullam ulli propositioni notam inuri posse quæ sit injustior.

Notatio Decima octava.

Nunc veniendum est ad scandalosam propositionem, quam Theologi hoc modo describunt. Garfias in magistralibus suis determinationibus: *Propositio scandalosa est, quæ cum modificatione adjuncta est vera, per se tamen & absolutè prolata, videtur favere propositionibus hereticis hereticorum, ut sunt propositiones: Crux Christi non est adoranda adoratione latriæ: Christus est creatura.*

Canus l. 12. de locis c. 10. *Propositio scandalosa duobus similiter modis appellari solet. Prius usurpatione communi quàm omni oratio, quæ occasionem ruine præstet, quamvis heretica apertè sit, scandalosa dicitur. Quo sensu Concilium Constantiense Sess. 15. illam propositionem: Quilibet tyrannus potest licitè à quocunque subdito occidi; tanquam hereticam & scandalosam condemnavit. At verò posterius scandalosa illa propriè vocatur oratio, in qua scandalum notari potest, hæresis non potest. Non enim hic scandalum more vulgi usurpamus, pro eo quod aures offendit, quodve populus fidelis horret, sed pro eo quod infirmis causam ruine præstat, & quod ante fidelium pedes positum, eos facit in illud incurrere, irruere, offendere; ut sunt istæ propositiones: Dantes eleemosynam Fratribus Mendicantibus sunt excommunicati: Confirmatio juvenum, Clericorum ordinatio, locorum consecratio, reservantur Episcopis propter cupiditatem lucri temporalis & honori*



Bannes loco jam citato, *Dicitur speciali modo scandalosa propositio illa, quæ affert causam scandalī circa aliquam doctrinam, & veritatem fidei. Ut si quis in publica concione enumeraret aliquam incommoda qua sequuntur ex Confessione propter malitiam hominum, ex quibus verbis necesse est ut multi ex vulgo scandalizentur, & refugiant à Sacramento Confessionis, atque nolint filias suas & uxores frequenter confiteri; & tandem hac viā pervenietur, ut negetur & irrideatur Sacramentum Confessionis.*

Bagotius ibidem: *Scandalosa propositio est, quæ doctos fideles potest in errorem fidei inducere. Ejusmodi, ni fallor, est illa Wiclefi: Fatuum est credere indulgentiis Papæ & Episcoporum. Si quis enim per eam non intelligeret negare Papæ potestatem concedendi indulgentias, sed tantum vellet significare, fortè eas quæ conceduntur in circumstantiis non esse validas; is tamen ut minimum scandalizaret fideles, & esset eis occasio ut crederent indulgentias nihili faciendas esse.*

Hic oratione longā non est opus, ut demonstretur propositionem scandalosam quæ definita est, cum Arnaldi verbis non congruere; alioqui scandalosæ propositionis arguerentur quicumque scribunt, nedum Pontifices, sed Concilia ipsa Generalia in facti quæstionibus errare posse, & nonnunquam errasse. Præterea, significandum esset quænam tum demum veritas & doctrina fidei, ex occasione propositionis quam Arnaldus protulit,

laderetur. Sed continuò præcavendum quoque esset, nè talis veritatis & doctrinæ significatio in auctores suos, & in alia non dissimilia scholæ placita transferretur. Quæso te, num Romana quondam Ecclesia causam offensionis alicui verè dederit, cum in Professione fidei suæ Honorium Papam Monothelitis aggregavit, eique anathema dixit? Quæso te, num Clemens V, revocata Bonifacii VIII. Constitutione, causam offensionis alicui verè dederit, scribens velle se evacuare opinionem eorum qui tradunt, Romanum Pontificem dum sententialiter, id est, ex cathedra pronuntiat, errare non posse? Quæso te, num Parisiensis Academia causam offensionis alicui verè dederit, cum in tractatu adversus Monresonum edito, præ se fert in rebus fidei à Pontifice Romano ad Generale Concilium provocari posse? Quæso te, num Doctor ille Christianissimus causam offensionis alicui verè dederit, cum opusculum quoddam suum inscripsit: Utrum in causis fidei liceat à Pontifice ad Concilium appellare? Quæso te, num Doctor ille Christianissimus causam offensionis alicui verè dederit, cum appellare licitum esse confirmat? Quæso te, num apud Celaïam Galli & Germani Doctores causam offensionis alicui verè dederint, cum edere Symbolum Papæ non esse, sed Universalis Concilii pugnacissimè contendunt? Quæso te, num celeberrimum illud Senonense Conci-



Concilium causam offensionis alicui verè dederit, cum non errandi privilegium non Romano Pontifici; sed solis Universalibus Conciliis transcribit? Quæso te; num Joannes Bagotius causam offensionis alicui verè dederit, cum Romano Pontifici seorsum à Conciliis infallibilitatem denegat? Quæso te; num Joannes Fillæus Provincialis, cæterique Doctores Jesuitæ, causam offensionis alicui verè dederint, cum librum Joannis Bagotii suis calculis approbarunt? Aliud est igitur scandalum fingere, cum scandali solidam atque expressam effigiem nullam inspicimus; aliud datum verè scandalum rationibus optimis comprobare.

*Notatio Decima nona.*

Censores dicunt Arnaldum præbere occasionem renovanda ex integro, post damnationem, Jansenii doctrina. At ego præ me fero; id egregiè fecisse Censores, & cum primis eos propositiones Arnaldi duas, & propositiones Jansenii quinque, quantâ licet fide excerpserunt. Hic non retexo quid in exhibenda propositione, quam facti nominant, prætermiserint. quicquid id est, Notationis primæ argumentum fuit, ubi meridiana luce clariùs ostendi nihil omnino perfici posse ad renovandam Jansenii doctrinam utilius, quàm quod illi perfecerunt. Intactos reliquerunt versus è pag. 140. quatuor aut quinque, quibus Pontifex summæ in exami-

nanda configendarum propositionum veritate negligentia\* accusatur, & silentio Censorum reus peragitur. An autem liber & immunis sit ab errore Pontifex, qui ad inquisitionem rei quam Arnaldus indicat, curam & studium non adhibuit, Joannes Bagotius apertè demonstrat: Qui verò Jansenii propositiones excerpfit, vel suo adornavit modo, renovandi, post damnationem, Jansenii doctrinæ occasionem præbuit amplissimam. Is est Magister Nicolaus Cornetius. Res igitur sic se habet. Anno Christi 1654. in Gallia, & cum primis Lutetiæ, à quibusdam disputatum est, quo sensu propositiones Jansenii damnatæ fuerant. Ab aliis negatum est, has propositiones ut jacent, vel ut excerpæ sunt, in Jansenii libris extare, legique posse. Hæc posterior contentio, quæ prioris fundamentum erat, facile dirimi potuit, si Cornetius acceptis Jansenii libris paginas ostendisset singulas; in quibus propositiones excerptæ legerentur, vel quod propriâ manu confecerat exemplar, liberaliter communicasset. Sed quæ fuit illius humanitas, & conciliandæ pacis amor; neutrum est executus. Antistites, qui in Comitatu Principis erant, super utroque negotio congregantur. Selectis quibusdam inquisitio propositionum committitur. Hi unum in locum ferè quotidie conveniunt; & demandatæ provinciæ incumbunt; Jansenii libros sat grandes replicant, paginas evolvunt singulas, ut in-

M 2

venire

\* Fallitur Lannoins; nihil tale apud Arnaldum.

venire possent, quod ab aliis inveniri non posse dictum fuerat. In hunc laborem infumunt menssem Martium. Nec intereadum selectis Episcopis obtulit sese Cornetus, ut eos onere tanto levaret, vel indicatis paginis in quibus propositiones haberentur, vel porrecto excerptarum propositionum exemplari, quod ipse descripserat. Sic mensem unum misisset in unius horæ compendium, adeoque misertus esset Antistitem, qui in perlegendo tantæ ingenti volumine defudabant. Cornetus Lutheræ continebat se domi, publico carebat, causæ indormiebat Ecclesiasticæ, & decussatis brachiis sinebat mundum vadere quomodo vadere poterat. Ponè siparium latebat, donec Episcopi tragœdiæ quam fecerat, extremum actum obirent. Satis opinor illi fuerat ignem accendisse, quem non exstingeret, & in damnandis Jansenii propositionibus Romani Pontificis fidem oppignerasse, quam non liberaret. In Urbe jacta erat alea, quam qui posset utique rerineret. Sed missa vafritie, quæ Christianum dedecet virum, candorem animi & simplicitatem colamus. In hac igitur rerum, personarum, & temporum conditione, qui se ita gerit, nonne præbet occasionem suspicandi propositiones quinque, ut jacent, quemadmodum schola loquitur, apud Jansenium nec extare, nec legi? Nonne deinceps præbet occasionem renovandæ ex integro, post damnationem, Jansenii do-

ctrinæ? Omnino; quia quicquid ceteris in rebus cum maximè actuosus fuerit, in hac maximè remissus fuit, in qua tamen vel una fortiter agere atque eminere debuit. Quod cum omnibus notum sit, nihil necesse est pluribus verbis exponere. Fixum ergo ratumque maneat, appositam ad Arnaldum censuræ notam in adversarios illius legitimè traduci ac retorqueri.

### *Notatio Vicesima.*

Quod superiori Notatione animadvertimus, nunc aliâ viâ inculcamus & desigimus. Quam propositionem dixerunt temerariam, scandalosam, & injuriosam, non dixerunt falsam. Et dicere fortassis in religionem illis venit. Et tamen in hujusmodi quæstionibus facti, nota falsitatis, nota sola est quæ apponi possit, dum aliquid enuntiatur factum, quod est minimè factum. Arnaldus scribit, neque legere, neque invenire se apud Jansenium posse illas propositiones quinque, quæ ex Jansenii libris excerptæ vocantur ab Innocentio X. & in Constitutione illius damnantur. Itaque si propositiones in Jansenii commentariis inveniuntur & leguntur, falsum est dicere eas nec inveniri nec legi. Pari modo si propositiones in Jansenii commentariis nec inveniuntur nec leguntur, verum est dicere eas nec inveniri nec legi. Rem istam docet axioma hoc philosophiæ: Ab eo quod res est  
vel

vel non est, propositio est vera vel falsa. Quæstionem hanc de propositionibus Jansenij dijudicare potest, quicumque novit legere, & Latinè intelligit. Neque Pontifex, neque Rex, neque homo auctoritatis tantæ ullus est, qui efficiat ut quod non est in aliquo libro exaratum, perinde legatur ac si exaratum esset. Hoc igitur Censores cum prospicerent, ne Arnaldi propositionem dicerent falsam, summopere caverunt. Scio quidem neque à Constantiensi Concilio, neque à Theologis, falsitatem inter censurarum notas accenseri: quod enim dumtaxat falsum est, notam in Theologia nullam meretur. Aliàs proscriberetur quævis opinio, cum ea ut falsa confutari possit. Quod verò ita falsum est, ut in detrimentum fidei & Christianarum institutionum redundet, pro modo rei notis compungitur. Quicquid id est, neque universale Concilium, neque Theologi perfecerunt, ut Censores à nomine falsitatis abstinere. Non enim abstinuerunt à nota propositionis injuriøs, quâ Concilii Patres, & plerique Doctores non utuntur. Cur ergo à nota falsæ propositionis abstinuerint, causa hæc unica fuit, quod propositiones quinque ut exhibentur, apud Jansenium nec reperiantur, nec oculis usurpentur. Quod cum ita sit, Censura non potest non interire.

*Notatio Vicefima prima.*

Cum Censores viderent se non

posse propositionem Arnaldi vocare falsam, quæ reipsa falsa non est, illam temerariam, scandalosam, & injuriosam vocaverunt. Sed quæsitus est color, inventa species, excogitatum artificium, quo adversarii sui commentarius dehonestaretur. Miserrima esset Ecclesiæ & Romani Episcopi dignitas, quæ ut retineretur, officiis ejusmodi & machinis indigeret. Veritas non indiget mendacio hominum; & si indigeret, Veritas non esset, quæ sibi sola sufficit, & se per seipsam defendit. Hoc autem Censorum artificium observasse, hujus ædificium destruxisse est.

*Notatio Vicefima secunda.*

In altera propositione damnanda, quam juris appellant, respectus nullus habetur ad sanctum Joannem Chrysostomum, qui etiam aliquando explicatius quàm Arnaldus loquitur. Id mutua utriusque contentio declarabit: *Cependant, Monseigneur, cette grande vérité établie par l'Evangile, & attestée par les Peres, qui nous montre un juste en la personne de saint Pierre, à qui la grace sans laquelle on ne peut rien, a manqué dans une occasion, où l'on ne peut pas dire, qu'il n'ait point peché, est devenue tout d'un coup l'herésie de Calvin, si nous en croyons les disciples de Molina.*

Quod Latinè dicitur: *Interea, Vir illustrissime, veritas magna hæc per Evangelium constituta, & Patrum testimonio confirmata, quæ*

nobis exhibet hominem justum in Beato Petro, cui gratia sine qua fieri nihil potest, in ea defuit occasione, ubi eum non peccasse dici nequit, statim evasit in Calvinianam haresim, si Molina sectatoribus fides habeatur.

Chrysostomi propositio ad c. 26. Ματθ. Καὶ ὅτε δύο τὰ ἐκκλησιαστικά, καὶ ἐπὶ ἀνείπει, καὶ ἐπὶ τῶν ἄλλων ἰαυτὸν περιθῆκε; πολλοὶ δὲ καὶ τρίτοι, ἐπὶ πάντων ἰαυτὸν ἀνέθηκεν; ἀλλὰ εἰ ἰδέσθῃ ὁ Χριστὸς ἵνα ἡ πίστις τῶ Πέτρῳ μὴ ἐκλήπῃ, πῶς ἐκείνου ἡγήσασθαι; ὡς εἶπει, ἵνα μὴ ἀρτήσῃ ἀλλ' ὡς μὴ ἐκλείπειν πλὴν πάντων, ὥστε μὴ τίλοιον ἀπολίξῃ. Τῆς γὰρ αὐτοῦ κηδεμονίας τῷτο γίνεσθαι. Καὶ ὅτε ὁ Φίλιππος πᾶσι τῶν μαθητῶν, καὶ αὐτοῦ γὰρ ὡς. Ἀμαρτῶν δὲ ἐγγύς ἐστιν σφόδρα αὐτὸν ἐγγύμνωσι ὁ Θεὸς τῷ ἰαυτοῦ ῥοπῆς. Ἐγγύμνωσι δὲ σφόδρα ἐπειδὴ, καὶ σφόδρα ἐν αὐτῷ πᾶσι τῶν μαθητῶν, καὶ τῷ ἀνθρώπῳ. ἵνα ὅτι περιθῆκοι αὐτὸ ἀνέλῃ, διὰ τῷτο ἕως καὶ αὐτὸν ὡς αὐτὸν τῷ ἀνθρώπῳ. Ἐπειδὴ γὰρ μὴ γίνεσθαι δόγμα μίση, ὡς ἐκ ἀρκῆς περιθῆκοι ἀνθρώπων, ἵνα μὴ τῷ αὐτῷ περὶ ἀπολύσεως ῥοπῆς, καὶ ἐπὶ πάλιν ὡς ἐκ ἀρκῆς ἀπολύσεως ἀπο τῆς αὐτοῦ ῥοπῆς, περιθῆκοις ὡς ὡς. Καὶ πάλιν ἀμφοτέρωθεν δέχονται. Ἰδὼς καὶ Πέτρον. Ὁ μὲν γὰρ πολλὰς ἀπολύσεως βοηθείας ἐνὶ ὡς ἐλθῇ, ἐπειδὴ μὴ ἡτέλησεν, μηδὲ περὶ ἰαυτοῦ συνεισέτιν. Οὐδὲν δὲ καὶ περιθῆκοις ἐπειδὴ μηδὲ μίση ἀπὸ αὐτοῦ βοηθείας καὶ λήπει. Καὶ ὅτε ἀπὸ δύο τῶτων ὡς ἀρκῆς ὡς ἐλθῇ, τῆς τε αὐτοῦ ῥοπῆς καὶ τῆς ἡμετέρας περιθῆκοις.

Sic vertit Baliazar Corderius ἐ Societate Jesu Theologus, in Catena Nicetæ super Matthæum:

Duo enim erant crimina, & quod contradixisset, & quod aliis sese prapossuisset, adeoque & tertium, eo quod totum sibi attribuisset. At se rogavit Christus ne fides Petri deficeret, quomodo ille negavit? Non dixit ne neget, sed ne deficiat fides, ut non omnino pereat. Hoc enim ex illius sollicitudine factum est: etenim timor omnia disjicit, immodicus enim erat. Immodicus autem factus est, eo quod eum nudum admodum à suo favore Deus reddidisset. Nudum verò admodum eum reddidit, ob vehementem illius temeritatis ac contradictionis passionem. Ut igitur à radice hanc tollat, idè ad hæc angustias eum ita redigi passus est. Unde magnum nobis documentum est, neumquam sufficere humanam animi promptitudinem, nisi superno præstatur favore. Rursusque nihil omnino nos consequi superno favore, nisi adsit animi promptitudo. Ambo enim hæc Judas & Petrus declarant. Ille siquidem cum magno frueretur auxilio, nullum fructum tulit, quia noluit, nec quidquam de se contulit. Hi: autem cum prompti esset animo, quia nullo fruitus auxilio est, lapsus est: ex duobus enim hæc virtus constat, superno favore, nostraque animi promptitudine.

Arnaldus igitur cum dicit: Petro gratia defuit in occasione, ubi peccavit; id minùs explicatè dicit, quàm Chrysostomus cum dicit: Petrus quia nullo fruitus auxilio est, lapsus est. Nam Chrysostomus inficili nomine utitur, quò non utitur Arnaldus. Unde accidit, ut si emollienda

foret

foret Arnaldi oratio, hæc longè facilius quàm Chrysostomi emolliretur. Sed uterque pari formâ sermonis loquatur. Profectò quamdiu stabit Chrysostomi sermo, Arnaldi sermo nunquam corruet. Hoc præstat ejusdem sermonis natura, & naturæ connexio & similitudo. Porro, cùm agitur de fide, quantum auctoritatis obrineat Chrysostomus, his verbis Augustinus exponit, l. 1. contra Jul. c. 6. *Itane ista verba sancti Joannis Episcopi audes, tanquam è contrariis tot taliumque sententiis collegarum ejus opponere, eumque ab illorum concordissima societate sejungere, & eis adversarium constituere. Absit, absit hoc malum de tanto viro credere aut dicere. Absit, inquam, ut Constantinopolitanus Joannes de Baptismate parvulorum, eorumque à paterni chirographi liberatione per Christum, tot ac tantis coepiscopis suis, maximèque Romano Innocentio, Carthaginensi Cypriano, Cappadoci Basilio, Gregorio Nazianzeno, Galla Hilario, Mediolanensi resistat Ambrosio. Alia sunt in quibus inter se aliquando etiam doctissimi, atque optimi catholica regula defensores, saluâ fidei compage, non consonant. Alius alio de una remelius aliquid dicit, & verius: hoc autem unde nunc agimus, ad ipsa fidei pertinet fundamenta. Hic Augustinus non patitur, ut in rebus quæ ad fidem pertinent, Chrysostomus ab aliis Patribus sejungatur. Sed in Censura Chrysostomus non modo ab aliis Patribus sejungitur, sed etiam cum Arnaldo, tempe-*

*ritatis, impietatis, blasphemix, & hæreseos accusatur. Sed res est cui nunquam adscribetur bonum factum.*

Sanctus Augustinus Chrysostomo concordat Sermone 124. De Tempore; sic enim loquitur: *In lectione Evangelica, quæ nobis hesternò die recitata est, fratres charissimi, audivimus Dominum dixisse Discipulis suis; Omnes vos scandalum patiemini in hac nocte propter me: cui Beatus Petrus ait; Etiam si omnes scandalizati fuerint, ego nunquam scandalizabor. Sed Dominus, inspector cordis, respondit & dixit: Amen, dico tibi, antequam gallus cantet ter me negabis. Ille autem dixit: Etiam si me mori oportuerit pro te, non te negabo. Videte, fratres charissimi: verus & cælestis medicus venans cordis inspexerat, & quâ horâ temptationis pondus, vel infidelitatis frigus, venturum esset prædixerat. Medicus prædicabat, & egrotus negabat. Sed ubi ad horam ventum est, falsum fuit quod promiserat homo, & verum apparuit quod prædixerat Deus. Quid enim homo sine gratia Dei posset, timor Beati Petri Apostoli evidenter ostendit, per salum enim liberum arbitrium, non addito etiam Dei adjutorio, promiserat se pro Domino moriturum. Sed quid est homo sine gratia Dei, nisi quod fuit Petrus cùm negaret Christum, & nisi quod ait Propheta: Omnis caro fœnum est. Et idcò Beatum Petrum paululum Dominus subdelevit, ut in illo totum humanum genus possit agnoscere, nihil se sine Dei gratia prævalere, & ut Ecclesiæ Rectori su-*

turo ignoscendi peccantibus quadam regula poneretur.

Idem in Tractatu 92. super Joannem: Ille ergo (inquit) testimonium perhibebit de me, & vos testimonium perhibebitis. Dabit enim vobis fiduciam testimonium perhibendi, charitas Dei diffusa in cordibus vestris, per Spiritum Sanctum qui dabitur vobis. Quæ utique Petro adhuc defuit, quando mulieris amilla interrogatione perterritus, non potuit verum testimonium perhibere, sed contra pollicitationem suam timore magno compulsus est ter negare. Quæ verba reperiuntur in tertio nocturno, quod habet Romanum Breviarium in feria sexta post octavam Ascensionis.

Hæc si quis attentè, & citra partium studia consideret, Arnaldi propositionem ex Augustini verbis comparatam esse judicabit. Quare Arnaldi propositio non antè condemnabitur, quàm Augustini Sermo condemnetur. Sunt quæ, ut hæc Chrysostomi & Augustini testimonia eludant, humanis rationibus subjiciunt; sed eos Chrysostomus homil. 24. in Joannem ita coarguit: Nihil pejus est, quàm humanis rationibus spiritualia subjicere. Hoc illum (Nicodemum) impedit, ne quid magnum, ne quid profundum contempleretur. Idèò nos fideles appellamur, ut humanarum cogitationum vanitate contemptà, ad fidei altitudinem evadamus.

Deinde non faciunt quod faciendum esse monet Facundus Hermianensis Episcopus, l. 9. c. 5.

Quemadmodum calumniantium hæreticorum est ex dubiis & obscuris, quæ certa & manifesta sunt, malè interpretari; ita solitum est prudentia & pietatis catholica ex indubitatis atque evidentibus, & firmare ambigua, & latentia declarare.

His quæ ex Chrysostomo & Augustino disseruimus accedunt tria: Primum est Collatio Episcoporum, præsertim Aviti Viennensis, coram rege Gundebado adversù Arianos, iub finem: Rex qui iam surrexerat, accipiens per manus Dominum Stephanum & Dominum Avitum, duxit eos usque ad cubiculum suum, & cum intraret, amplexus est eos dicens, ut orarent pro eo. Cognoverunt quidem illi perplexitatem & angustias cordis ejus; sed quia Pater eum non traxerat, non potuit venire ad Filium, ut veritas impleretur: Non est volentis, neque festinantis, sed miserentis Dei. Quid quæso clarius?

Alterum Gregorii Papæ testimonium ex illius expositione morali in l. 2. c. 26. in cap. 1. Sed nonnunquam, dum mens nostra tanti muneris plenitudine atque ubertate fulcitur, si continuà in his securitate perfruitur, à quo sibi hæc sunt obliviſcitur, seque à se habere putat, quod nunquam sibi abesse desiderat. Unde fit, ut aliquando se hæc eadem gratia utiliter subtrahat; & præsumenti menti quantum in se infirmetur, ostendat. Tunc enim verò cognoscimus bona nostra unde sint, quando hæc amittendo sentimus, quia à nobis servari non possunt. Ad hoc itaque intimanda humili-

humilitatis magisterium fit plerumque, ut irruente temptationis articulo tanta stultitia sapientiam nostram feriat, ut turbata mens qualiter malis imminetibus obviet, vel contra temptationem quomodo se prepararet, ignoret. Augustinum, in cuius lectione versatus erat, sequitur.

Tertium est in libri tertii de Imit. Christi, c. 55. Domine Deus meus, qui me creasti ad imaginem & similitudinem tuam, concede mihi hanc gratiam, quam ostendisti tam magnam & necessariam ad salutem, ut vincam pessimam naturam trahentem in peccata, & in perditionem. Sentio enim in carne mea legem peccati contradicentem legi mentis mee, & captivum me ducentem ad obediendum sensualitati in multis: nec possum resistere passionibus ejus, nisi assistat sanctissima gratia tua cordi meo ardentem infusa. Opus est gratiâ, & magnâ gratiâ, ut vincatur natura ad malum semper prona ab adolescentia sua. Nam per primum hominem Adam lapsa & vitiata per peccatum, in omnes homines pœna hujus macule descendit, ut ipsa natura, quæ bene & rectè à te condita fuit, pro vitio jam & infirmitate corruptæ nature ponatur, eo quod motus ejus sibi relictus ad malum & inferiora trahit; nam modica vis qua remansit, est tanquam scintilla quadam latens in cinere. Hæc est ipsa ratio naturalis circumfusa magnâ caligine, adhuc judicium habens boni & mali, veri falsique distantiam; licet impotens sit adimplere omne quod approbat, nec pleno jam lumine re-

ritatis, nec sanitate affectionum suarum potiat. Hinc est, Deus meus, quod delectior legi tuæ secundum interiorem hominem, sciens mandatum tuum fore bonum, justum, & sanctum; arguens etiam omne malum & peccatum fugiendum. Carne autem servio legi peccati, dum magis sensualitati obedio, quàm rationi. Hinc est quod velle bonum mihi adjacet, perficere autem non invenio. Hinc sæpe multa bona propenso, sed quia gratia deest ad adjuvandum infirmitatem meam, ex levi resistentia resilio & desicio. Hinc accedit quod viam perfectionis agnosco, & qualiter agere debeam clarò satis video, sed propria corruptionis pondere pressus ad perfectionem non assurgo.

Ex Paulo & Augustino comparata sunt hæc omnia, quæ Auctor affectu tanto & studio exponit. Cæterum ille solus, cum manibus teratur omnium qui pietatem veram sincerè colunt, ad amoliendam censuram quamcumque sufficeret apud æquos rerum æstimatores.

### Notatio Vicecima tertia.

Hæc de qua nunc agimus propositio juris temeraria dici non potest, nisi tradita à Theologis notio propositionis temerariæ innotetur. Quæ verò sit propositio temeraria declarat Notatio decima sexta. Huic notæ locus nullus est, cum dictum aliquod vel ratione bonâ, vel auctoritate firmâ munitur. At propositio Arnaldi defensores habet duos excellen-



cellentissimos Ecclesiarum Magistros, quorum testimonia Notatione superiori descripsimus. Quapropter assertio Doctoris Arnaldi tuta est, si non ab insidiis adversariorum, certè à temeritate propositionis.

*Notatio Vicesima quarta.*

Circa notam propositionis impiæ & blasphemæ unum scio, alterum nescio, tertium requiro. Scio quidem & certò, neque à Constantiensi Concilio, quod ni fallor Scholasticis legem imponit, neque à Petro Garfia, neque à Melchior Cano, neque à Dominico Banne, neque à Joanne Bagotio, neque ab aliis quos vidi Theologis, inter Censurarum notas propositionem blasphemam & impiam reponi. Nescio verò quem falsitatis gradum Censores propositioni impiæ & propositioni blasphemæ tribuant; ita ut propositio utraque, blasphema & impia, ab erronea & hæretica distinguatur. Hoc autem cum penitus ignorem, nec supra sobrietatem universalis Concilii, Garfiæ, Cani, Bannis, Bagotii, & aliorum Theologorum sapere possim, accidit ut à Censoribus certa & legitima mihi requirenda sit propositionis impiæ & propositionis blasphemæ definitio. Et sanè, cum ad novam loquantur regulam, tenentur nobis mentem suam explicare, & docere quid mali & falsi utraque propositio supra vel infra propositionem erroneam & hæreticam importent. Blasphemia,

cum nihil aliud sit, quàm execratio, maledictio, convictum, & quasi nocens dictum, sacrilega infamatio, vel obrectatio nefaria; Impietas quoque cum aliud nihil sit quàm scelus & injustitia adversus Deum, Patriam, Parentes, & Amicos, non sunt censurarum notæ, sed sunt ea quæ censurarum notis afficiuntur. Hic neque præjudicium neque iudicium facio, sed opperior usque dum Censores mysterium rei hujus nos doceant.

*Notatio Vicesima quinta.*

Propositio dicitur anathemate damnata; sed quo in Concilio, quo in Symbolo, qua in fidei professione, non dicitur, nec dici potest. Propositio quæ damnatur, indefinita damnatur, ac proinde tota, ut jacet damnatur. Hac ratione querenda non est, ante sæculum quo Calvinus & Molina vixerunt; cum auctores hi duo in partem veniant propositionis quæ anathemate damnata censetur.

Tridentinum quidem Concilium decernit anathema in eum, qui dixerit Dei præcepta hominibus etiam justificato, & sub gratia constituto, esse ad observandum impossibilia. Sed istud non dicit Arnaldus in propositione sua: & cum dicit: *Veritas per Evangelium constituta, & Patrum testimonio confirmata, nobis exhibet hominem justum in Reato Petro, cui gratia, sine qua fieri nihil potest, in ea defuit occasione, ubi cum non peccasse dici nequit; hoc in sen-*



su Patrum, & cum primis Augustini & Chrysostomi dicit; quo sensu non loquuntur qui à Concilio damnantur. Et certe Concilio injuriā gravissimam faciunt, qui definitionem illius detorquent in propositionem, quæ tota auctoritati Patrum innititur. Quod si non possint Concilii definitionem sic interpretari, ut cum ea consistat Arnaldi propositio, hoc agendum melioribus interpretibus relinquam. Sed hanc æquitatem impediunt partium studia, quæ prætextu religionis exercentur. Præterea, si Arnaldi propositio damnata est à Patribus Concilii, Arnaldus damnatam ab iis propositionem repetiit ac resumit. At verò quis vel ex Concilio, vel ex historia Concilii probaret, ventilatam esse à Patribus Arnaldi propositionem, in qua de Evangelio, de Petri lapsu cum ei gratia defuit, de Calvino, de Molina, & Molinæ discipulis tractetur?

Bellarminus l. 4. de justificatione c. 10. statum controversiæ quæ hac in materia catholicos inter & hæreticos intercedit, his verbis proponit: *Utrum homines justificati, & gratiâ Domini adjuvante, possint ita legem divinam implere, ut ipsorum opera non modo non sint appellanda peccata, sed etiam verè & propriè justa dici mereantur. Et quidem hæretici huius temporis partem negantem defendunt: docent enim legem divinam esse planè impossibilem homini etiam justo; & inde colligunt, nullam esse in vo-*

*bis veram actualem justitiam, sed omnia opera justorum esse peccata mortalia ex natura sua. Ita Lutherus docet in libro de libertate Christiana: Æquè (inquit) nobis impossibilia sunt omnia præcepta, atque illud unum non concupisces. Idem habet Joannes Calvinus, l. 3. Inst. c. 14. sect. 9. Nullum (inquit) à sanctis exire potest opus, quod non mereatur justam opprobrii mercedem. Idem etiam in Antidoto Concilii, sess. 6. c. 10. sic ait: Non sunt tantoperè exagitandi, qui dixerunt quamlibet bona opera, si exacto rigore censeantur, aternâ potiùs damnatione, quàm vitæ præmio digna esse. Ibidem disputat contra id quod habet Concilium, Legem Dei non esse impossibilem, & in l. 2. Inst. c. 1. sect. 5. ex instituto probat, ne Sanctis quidem possibilem esse legis impletionem, præsertim quod attinet ad illud: Diliges Dominum Deum tuum ex toto corde tuo; & illud: Non concupisces.*

Hæc est doctrina quam Concilium anathemate percutit; sed quid habet commercii cum Arnaldi propositione, quæ anathemate damnata censetur? Omnino nihil. Lutherus, Calvinus, & Concilium non tractant eam quæstionem quam Arnaldus tractat, ex modo quo Beatus Petrus in sensu Patrum Chrysostomi & Augustini peccavit. Quod si Concilium de hac speciali quæstione non agat, uti revera non agit, gratis & sine ratione asseritur, Propositionem Arnaldi fuisse à Concilio anathemate damnatam. Nemo unquam, opinor,

nor, in se recipiet Concilium damnasse propositionem, de qua disputationem nullam instituit, & in qua Chrysostomi & Augustini doctrina labefacteretur. Præterea, neque Lutherus & Calvinus Chrysostomi & Augustini testimonia in medium adducunt, ut suam de præceptis impossibilibus assertionem confirment; neque Bellarminus ea sibi objicit, ut diluat, diluendumque nihil relinquat. Hic auctor nonnunquam sibi objicit, quæ illi prætermiserunt. Hoc autem indicium est admodum probabile, aliud Lutherum & Calvinum, alio Doctorem Arnaldum spectare. Hæc quæstio cogenda est in numerum & ordinem illarum profundiorum & difficiliorum, quæ propter altitudinem sui nec contemnendæ sunt, nec adstruendæ; & quæ si quando tractentur inter Theologos, sine pompa, sine partium studio & invidia, sed Christianâ simplicitate ac modestiâ tractandæ sunt. Cæterum quicquid id est, consistit in inventione & explicatione modi, quo homo justus in peccatum labitur, cum ut labatur Deus permittit. Nam certum est permittente Deo hominem ex justo nonnunquam injustum fieri: qua in re Thomistæ & Jesuitæ concordant, sed in explicatione modi, quo talis fit transitus, discordant. Thomistæ dicunt hominem ex justo injustum fieri, gratiæ efficacis seu determinantis defectu; Jesuitæ hoc negant. Sed cum uni negant quod

alii dicunt, intervenit quæstio de auxiliis, quæ Clemente Pontifice VIII. agitata Romæ, & decisa non fuit, & quæ quamdiu decisa non fuerit, unicuique liberum erit impunè sentire quod voluerit, etiamsi Thomistæ & Jesuitæ putent, absurdis semutò complexionibus fatigare.

### Notatio Vicefima sexta.

Nunc examinanda est nota censurarum omnium gravissima, quæ hæretica vocatur, & sic à Theologis definitur. Et primò quidem à nonnullis quos Guilelmus Ocamus tacito nomine laudat, l. 20. dialogorum c. 6. *Quidam (inquit) definiunt seu describunt hæresim, dicentes: Quod hæresis est dogma falsum, fides orthodoxæ contrarium. Hæc definitio constat genere & differentiâ.*

Deinde à Melchiore Cano l. 12. de locis c. 7. *Hæresis est ejus qui fidem professus fuerit, pertinax error illi veritati manifestè contrarius, quæ catholica certò sit.*

Tum à Dominico Banne, in 2. 2. q. 10. art. 20. *Hæresis est propositio directè contraria veritati fidei.*

Denique à Joanne Bagotio Institutionum theologicarum de vera religione, l. 4. disp. 5. c. 1. *Propositio hæretica à Patribus intelligitur ea, quæ contradictoria est alicui propositioni fidei per se & directè: ita ut hæretica neget, quod propositio revelata & ab Ecclesia definita ut talis affirmat, aut illa affirmet id quod ista negat,*

Hic operæ pretium est afferre que Ocamus l. 2. dial. tradit. c. 13. Licet ad summum Pontificem non solum per modum doctrinæ, sed etiam authenticè pertineat definire, quæ assertio Catholica, quæ hæretica est censenda; non tamen potest facere de veritate non Catholica veritatem Catholicam, nec de assertione non hæretica hæreticam valet efficere. Quo tamen non obstante definitio sua plus operatur, quam determinationis Doctoris, quia post determinationem Doctoris licet cuilibet sicut prius contrarium opinari, & publicè opinando tenere. Hoc autem non licet post definitionem certam summi Pontificis; & licet cuilibet Episcopo & Inquisitori pravitatis hæreticæ, contra tenentes contrarium illius quod ritè per summum Pontificem definitum extitit, procedere juxta canonicas sanctiones, nisi tales offerrent se ratione ad probandum summum Pontificem errorem definivisse, in quo casu esset ad Concilium Generale recurrendum.

Nunc autem videndum est, utrum propositionis hæreticæ definitio conveniat in hanc Arnaldi propositionem: Interea veritas magna hæc per Evangelium constituta, & Patrum testimonio confirmata, quæ nobis exhibet hominem justum in Beato Petro, cui gratia, sine qua fieri nihil potest, in ea defuit occasione, ubi eum non peccasse dici nequit, statim evasit in Calvinianam hæresim, si Molina sectatorius fides habeatur.

Propositio hæc, quæ tota ut jacet hærescos damnatur, orthodoxæ fidei seu catholicæ verita-

ti directè ac manifestè contraria non est; quemadmodum per se satis apparet. Quis enim Theologus affirmaret hanc propositionem esse orthodoxæ fidei, seu catholicæ veritatis articulum: Interea veritas magna hæc per Evangelium constituta, & Patrum testimonio confirmata, quæ nobis exhibet hominem justum in Beato Petro, cui gratia, sine qua fieri nihil potest, in ea defuit occasione, ubi eum non peccasse dici nequit, non statim evasit in Calvinianam hæresim, si Molina sectatorius fides non habeatur.

Hæc propositio, tota quanta est, orthodoxæ fidei seu catholicæ veritatis articulus esse debet, si contraria propositio sit hæretica. Quibus autem in Conciliis, quibus in Pontificum Decretis, quibus in Patrum Commentariis, reperitur aut legitur talis articulus orthodoxæ fidei, seu catholicæ veritatis? Hic non querantur diverticula, tergiversationes vitentur; candor animi, & simplicitas Christiana locum habeat. Aperiendi sunt Conciliorum codices, replicandæ Constitutiones Pontificum, evolvendi Patrum Commentarii, in quibus perspicuè possimus legere, vel damnatam hærescos propositionem, vel damnatæ propositioni contrariam, quæ per modum orthodoxæ fidei & catholicæ veritatis credenda proponatur. Agimus de propositione quæ non diminutè & restrictè, sed indistinctè & promiscuè damnatur. Unde contingit ut hærescos nota propo-

propositionem ut jaceret totam, non aliquam tantum illius partem afficiat. Hic Rhodus, hic salutus. In hac arena pugnamus, nec pes extra scamna movendus est. Currentem sola veritas sistat. Id autem spondeo, atque in me recipio, quod vel ipsa oculorum acies spondere atque in se recipere potest, Concilium esse nullum, Constitutionem Pontificiam esse nullam, sanctorum Patrum codicem esse nullum, in quo damnata propositio, vel ei contraria, quod sufficeret, legatur. Quamobrem nota hærescos, quæ propositio inuritur, defendetur nunquam; nisi probetur, de non hæretica assertionem hæreticam assertionem, aut de non catholica veritate catholicam veritatem effici posse. Scholæ verba sunt quæ ex Ocamo retulimus. Quis autem probet assertionem, quæ ex se hæretica non est, hæreticam; & veritatem quæ ex se catholica non est, catholicam fieri posse? Nondum inventæ sunt machinæ, quibus opus tam grande, tamque mirificum absolvarur. Unde Ocamus acutè observat c. 12. l. 2. dialog. *Quòd sicut non potest summus Pontifex, nec etiam tota Ecclesia Dei, de assertionem non vera facere veram; nec de assertionem non falsa facere falsam; ita non potest de assertionem non catholica facere catholicam, nec de assertionem non hæretica facere hæreticam.*

Hactenus ad propositionis hæreticæ definitionem, quam Doctores quidam apud Ocamum, Canus & Bannes tradiderunt:

nunc ad ejusdem propositionis definitionem, quam confecit Bagotius, veniendum est. Non quòd Bagotius in sua definitione à Doctoribus aliis multum differat, sed quòd explicatius loquatur: Hærescos igitur labes, quæ propositioni aspergitur, Bagotianæ definitionis lucem ferre non poterit. Si ad eam apponatur incalcescit, & tota colliquefacta extra propositionem diffuset ac dissipabitur. Ubinam quæso in Scripturis objicit sese propositio revelata, & ab Ecclesia postmodum definita, quam Doctoris Arnaldi propositio neget, cui ex adverso contradicat? Ubinam Scripturæ id per se & directè affirmant, quod Arnaldus negat, vel negant id quod Arnaldus affirmat? In summa, fidei propositio, cujus contradictoria sit Arnaldi propositio, tam non offenditur apud Scripturam, quàm non offenditur apud Homerum vel Hesiodum. Scripturas urgeo, quia Bagotius ad conficiendum dogma requirit duo, imprimis ut revelatum sit; deinde ut tale definiatur ab Ecclesia. Sed Ecclesia, cum sit nomen multitudinis; definitionem hanc uni Romano Pontifici non tribuit, idque convenienter principiis suis; quippe qui mortalium cuivis extra Concilium abjudicet infallibilitatem. Porro, in his duobus quæ ad constituendum dogma catholicæ fidei necessaria esse docet, dissidentes apud Ocamum & Garfiam Theologorum quorundam sententias prudenter conciliat. Quoniam verò planè

constat;

constat, Propositionis Arnaldi Censuram hoc modo afflictam & prostratam esse, nunc juris fictione quadam tentandum est, num aliter efferri erigique possit. (a) Recerentur ergo Calvinus, Molina, Molinæ discipuli, & propositionis totius connexio, quæ omnia nec in Scripturis inveniuntur, nec inveniri possunt; & quæ nec in Synodis ullis aut Pontificum Decretis leguntur: tum formetur hæc propositio; *Veritas per Evangelium constituta, & Patrum testimonio confirmata; nobis exhibet hominem justum in Beato Petro, cui gratia, sine qua fieri nihil potest, in ea defuit occasione, ubi eum non peccasse dici nequit. Vel brevius: Beato Petro, qui justus erat, gratia, sine qua fieri nihil potest, in ea defuit occasione in qua peccavit.*

Tunc hæc propositio per se & directè non contradicet propositioni ulli quæ revelata sit, atque ut talis ab Ecclesia definita. Lætionem solâ & Latinitatis intelligentiâ opus est, ut ea super re judicium pronuntietur.

Postremò, demus propositionem quæ Arnaldinæ propositioni opposita est, in Scripturis disertè reperiri, superest adhuc ut in ea per Ecclesiam definienda pareatur Tridentinæ professioni fidei, quæ modum interpretandarum Scripturarum ita præscribit: *Item sacram Scripturam juxta eum sensum quem tenuit, & tenet Sancta Mater Ecclesia, cujus est judicare de vero sensu & interpretatione sacrarum Scripturarum, ad-*

(a) Fortè Rescitur.

*mitto, nec eam unquam nisi juxta unanimum consensum Patrum accipiam & interpretabor.*

Huic autem Sacramento tum demum satisfacit, qui Evangelii locum, in quo de lapsu Petri sermo instituitur, describet; & postea non discrepantes, sed unanimes Patrum sententias in eum adducet. Quinam verò ex Patribus Evangelii locum aliter, quàm celeberrimi Ecclesiarum Magistri duo Chrysostomus & Augustinus, interpretentur, scire cupio. Sed interim præ me fero in ordine Patrum, qui Censuræ causam adjuvabunt, inter cæteros Augustinum & Chrysostomum stare non posse. Hoc ita constituto, expectandus non est unanimes Patrum consensus, quem ad veram Scripturarum interpretationem necessarium Tridentina Synodus decrevit. Ubi verò deest Patrum consensus unanimes, ibi catholica veritas & fides statui non poterit, cui Arnaldi propositio repugnet: quo modo hæretica nusquam meritò censetur.

#### Notatio Vicecima septima.

Restat modò ut attingamus Decretum, quo unicuique Magistrorum ad deliberationem & consultationem de propositione juris dimidium horæ præscriptum est. Et primò quidem Facultatis Theologicæ Decretum id vocari non debet, quod ex tempore constitutum est. Antiqui extemporalem dixere garrulitatem, extemporalem dixere temeritatem; sed

sed extemporalem nusquam dixere sapientiam, extemporalem nusquam dixere prudentiam : quod deinde constitutum est multis tumultuantibus, qui studiis partium transversi agebantur : quod etiam constitutum est multis contradicentibus, quorum rationes hoc ipso quòd legitimæ forent, in contemptum abierunt: Præterea, quæ fieri potest ut in temporis spatio tam brevi Scripturæ, Patres, Concilia, primæ, mediæ, postremæ ætatis auctores & Theologi legantur, expendantur, inter se conferantur in momento rei quæ tractatur, vel seculum ipsi discordes vel concordēs judicentur. Hoc accuratè & diligenter faciendum est ab iis, qui doctrinam novā configunt, cique dogma catholicum opponunt. Nam, ut ait Vincentius Lirinensis: *In ipsa catholica Ecclesia magnopere curandum est, ut id tentamus quod ubique, quod semper, quod ab omnibus creditum est. Hoc est etenim verè proprièque catholicum, quod ipsa vis nominis ratiòque declarat, quæ omnia verè universali-ter comprehendit. Sed hoc ita demum fit, si sequamur Universitatem, Antiquitatem, Consensionem. Sequemur autem Universitatem hoc modo, si hanc unam fidem veram esse fateamur, quam tota per orbem terrarum consistetur Ecclesia: Antiquitatem verò ita, si ab his nullatenus sensibus recedamus, quos Sanctos majores ac Patres nostros celebrasse manifestum est: Consensionem quoque itidem, si in ipsa vetustate omnium, vel certe penè omnium, Sa-*

*cerdotum pariter ac Magistrorum, definitiones sententiasque sequeamur.*

Hic somnium mihi somniare videor, dum audio fuisse numerum aliquem Magistrorum, qui propositionis disquisitionem certam per annos mille sexcentos in semihoram contulerint. Cùm Romanus orator pro Caio Rabirio diceret, de simili brevitate temporis, quod ei Titus Labienus definierat, sic graviter conquestus est: *Nunc quoniam, Tite Labiene, diligentia mea temporis angustiis obstitisti, meque ex comparato & constituto spatio defensionis in semihora circulum coegisti, parebitur: & quod iniquissimum est, accusatoris conditioni; & quod miserrimum; inimici potestati.*

Agebatur de Majestatis crimine, quod multò facilius diffuari ac dilui poterat, quàm in jure pronuntiare ac definire, utrùm Arnaldi propositio, quæ juris dicitur, sit digna quæ hæreseos notam suscipiat: cùm hæretica intelligatur propositio, cui catholicum dogma per se ac directè opponitur; catholici verò dogmatis determinatio semihoræ studium & opus non est, si catholicum dogma sit id quod Vincen-tius describit. Verùm quid ego de Cicerone loquor, qui Caii Rabirii patronus erat, non judex, cui liberum pronuntiandi tempus semper relictum est. Edisserant si possint in ulla umquam Provincia fuisse forum, in quo deliberandi consultandique spatium iudicibus præscriberetur. Tam sancta ac tam religiosa est  
hæc

hæc judiciorum libertas, ut eam nullus unquam imminuere aut violare tentaverit. Quàm lentè & quàm liberè procedendum sit in doctrinæ determinationibus, Facultas Theologiz, tum aliàs semper docuit, tum maximè quando Joannis Parvi assertiones damnavit. Sic enim Magistri pronuntiant: *Joannes Breviscoxa dicit, quòd in ista materia cum summa gravitate est procedendum propter arduam materiam, & de presenti in speciali nesciret quid ultra deliberare, nisi quòd mittantur schedulae, & discutiantur plenius materia; Minister sancti Maturini Magister in Theologia, considerat hanc materiam bene arduam, & apparet sibi quòd Facultas Theologia aliàs fecerat congregata in sancto Maturino super ista materia, & ponderabat arduam materiam, & stat conclusivè quòd examinetur adhuc plenius materia.*

Sic & plures alii Doctores pronuntiant: sed instar omnium est quod Parisiensis Cancellarius tradit in nota quadam epistola, quæ extrat parte quartâ Operum, & ubi sic habetur: *Res debet summâ maturitate & diuturnâ deliberatione ventilari, magis quàm approbatio vel reprobatio unius diei scholastici; pro cuius tamen discussione apponitur quandoque tractus anni vel biennii, quandoque totum dimittitur indissussum.*

Hæc est Facultatis consuetudo, hic usus, hæc disciplina. In Facultate igitur res est extra difficultatem posita, deliberantibus Magistris tempus nullum defini-

ri, sed liberum relinqui. Quod si Magister aliquis tempore abutatur, res absurda non debet absurdiori corrigi vel emendari. Neque enim correctio esset vel emendatio, si propter unius vel alterius culpam cæteri Doctores indigne tractarentur, & libertas publica minueretur. Hoc demum ita fiet, si, ut Magistro uni vel duobus per assignationem brevioris temporis malè & ineptè deliberandi tollatur occasio, Doctores reliquis bene ac prudenter deliberandi libertas adimatur: quo nihil est injustius, vel ab societatis cujuscunque institutis alienius. Si quis Judex in publico Concilio molestus est, & inter deliberandum tempore abutitur, tolerandus & à Præsidente monendus est ut corrigatur; & si corrigi non vult, expellendus. Sed propterea ferri minimè debet lex, quâ recepti inter deliberandum mores sanctissimi mutantur; & brevius quàm antea deliberandi tempus assignetur. Non, quàm diu; sed quàm bene, spectandum est: semper sat citò, si sat rectè. Tarditas consilio adjuncta celeritatem vincit: unde Theognis,

*Callidus & tardus celerem insequendo prehendit.*

Plinius Junior l. 6. ep. 2. rem istam ita decidit: *Soleo (inquit) nonnunquam in judiciis querere Marium Regulum, nolo enim dicere, desiderare. Et quibusdam interpositis: Nam postquam obiit ille, intrebuit passim & invaluit consuetudo binas vel singulas clepsydrias, interdum & dimidias, & dandi*



et petendi. Nam et qui dicunt, egisse malunt quàm agere, et qui audiunt, finire quàm judicare. Tanta negligentia, tanta desidia, tanta denique irreverentia studiorum periculorumque est. An nos sapientiores majoribus nostris? Nos legibus istis justiores, quæ tot horas, tot dies, tot comperendinationes largiuntur? Nos apertius dicimus, celerius intelligimus, religiosius judicamus, qui paucioribus clepsydri præcipitamus causas, quàm diebus explicari solebant? O Regule, qui ambitione ab omnibus obtinebas, quod fidei paucissimi præstant. Equidem quoties judico, quod vel sapius facio, quàm dico, quantum quis plurimum postulat aqua, do. Etenim temerarium existimo divinare, quàm statiosa sit causa inaudita tempusque negotio finire, cujus modum ignores, præsertim cum primum religioni sua Judex patientiam debeat, quæ pars magna justitia est. At quedam supervacanea dicuntur: etiam; sed satius est et hæc dici, quàm non dici necessaria. Præterea, an sint supervacua, nisi cum audieris scire non possis.

Hæc si dicantur de patronis & causidicis, quæ, amabo vos, non dicerentur de arbitris & judicibus? Memoria præditum est, In Concilio Tridentino impositum esse silentium nonnullis Doctoribus, qui in nugis & disputationibus vanis tempus terebant; sed illi Judices non erant similes his, de quibus nunc sermo instituitur. Nec propterea conditus est Canon ullus, quo certum disputandi spatium Theo-

logis circumscriberetur. Hac de re quaestio est, in qua ne sophisticam quidem timeo fuliginem, quæ quicquid volunt dealbare solent. Hanc Notationem urgeo, in ea versor & habito, quæ ad cætera, quæ suprâ deduximus, flagitia, ut iniquitatis summæ cumulus accedere mihi videtur.

## CONCLUSIO

### Notationum.

Atque hæc sunt quæ me à subscriptione Censuræ hujus vehementer deterrent; quæ tamen non deterrebunt, si ab aliis quibus Magistris aptè & idoneè diluantur. Usu venire solet, ut quæ res uni negotium facit, alteri non faciat. Quo fit, ut quæ omnia notavi, cuicumque viro pio atque erudito diluenda corrigendaque submittam, pollicearque me in ejus qui rectè correxerit dilueritque, animo æquo discessurum. Veritatem quaero, & eam fortassis fugio; sed eam mihi oblatam ambabus, ut aiunt, ulnis amplectar. Censuram Facultatis Theologiæ non appello, quia Censura talis appellari non debet, quæ per Facultatem totam facta non est concorditer. At verò qui Censuræ resistit, quæ neque concorditer, neque convocatis Magistris omnibus, confecta est, Facultati resistere non judicatur. Imò qui contra faceret, resisteret. Unde accidit, ut quidam olim Parisienses Magistri doctrinâ & pietate præditi, articulos



tulos seu cēſūras majorum graviter accuſarint. Id Joannes Picus Mirandula teſtatur in Apol. Concluſ. 1. Dicit Solennis Doct̃or Goſfredus de fontibus, Quod iſti Articuli magnā indigent correptione; quia nonnulli ſunt falſi, nonnulli ad invicem ſibi contradicunt. Iterum, Ægidius & alii multi dicunt, Quod de illis Articulis nihil eſt curandum, quia fuerunt facti non convocatis omnibus Doct̃oribus Pariſienſibus; ſed ad requiſitionem quorundam capitoſorum. Iterum adhuc: Ipſi Pariſienſes fatentur, quod illi Articuli non obligant omnes fideles, nec tenentur illis credere, niſi in quantum Scriptura ſacra inſinuantur; aut determinationibus univerſalis Eccleſiæ.

Quod igitur Goſfredo, Ægidio, & aliis impunè licuit, cur mihi non liceat? Nam etiamſi non ſumus pares merito, gradu tamen & conditione Theologorum pares ſumus. Huc accedit quod in Notationibus meis deprehendatur facilè, quantum ego fidei & auctoritatis Facultati concorditer agenti, & communibus ſcholæ noſtræ placitis tribuam. Ea de re cum adverſariis, ſi quiſ futuri ſint, pugnaciter cerrabo. Quinetiam vel ex hoc uno capite adverſus imperitos rerum Facultatis & malevolos præſcribo, & amuletum adjicio etiam contra Satanam potentiffimum; quo nefarias illorum obrectationes amoliar & averruncem,

## ANTONII ARNALDI

DOCTORIS ET SOCIJ SORBONICI

## EPISTOLA APOLOGETICA

AD QUEMDAM EPISCOPUM

## PRIMA

*Quæ omnium à se Actorum ab ipso Comitiorum Sacre Facultatis  
Theologicæ exordio usque post disenssam Facti quæstionem,  
rationem reddidit.*

**Q**UAM mihi legem imposuisti, Præsul Illustrissime, hanc quâ par erat veneratione excepti; ipsi tamen non nisi invitus obtempero: quippè qui sciam oppressis hominibus convenire lacrymas & silentium, deberèque sapientem tacete in diebus malis, sicuti jubet ipsa Sapientia. Statueram itaque uni Deo in secretioris meæ solitudinis recessu exponere datas mihi causas meritò conquerendi, & in sinu tantùm Patris misericordiarum & Dei totius consolationis gemitus meos doloremque profundere.

Tu verò, ratus privato conscientie testimonio contentum esse non oportere eum, cujus causa sic fuerat publica, nec relinquendum à me quidquam quod simplicibus hominibus posset esse offensus, existimasti palàm exhibendos oculis fidelium intimos animi mei sensus, còsque publi-

cò velut testimonio consignandos, renovando juratam fidem unicæ omnium Dei filiorum Matri Ecclesiæ Catholicæ, Apostolicæ, & Romanæ, cui velle me perpetuò adhærere sæpiùs antehac, adhibito etiam Sacramento, testatus sum.

Tibi, Præsul Illustrissime, & monenti & imperanti morenti gero. Quæ à me gesta sunt, quando ita jubes, narrare aggredior. Poterunt alii, si libeat, pluribus differere quidquid in celeberrimis istis Comitibus actum est; depingere eorum pompam & apparatus: qui eo major visus est, quodd novus fuit minimèque expectandus; describere eorundem circumstantias quas & urbs tota maximè stupuit, nec minori cum stupore forsitan audiet posteritas: quæ quidem sicuti nullum ante nostram ætatem exemplum habuerunt, ita nullum futuris sæculis

culis habebunt, adeò offenderunt quidquid æquorum virorum est.

Poterunt hinc exhibere quòd prorumpat acerbum & atrox odium, cùm vel inani æquitatis specie tegitur; quantam caliginem offundat præcepta dudum opinio, cum mentes ita obsidet, nullus ut veritati relinquatur aditus; quid denique aut timidum aut ambitiosum possit obsequium, quod pertinaciæ nomen facillè tribuit constantiæ, & doctrinam illam putat fidei adversari, quæ commodis adversatur suis.

Illinc poterunt iidem depingere, quid sincerus grätuitusque Dei ac iustitiæ amor Christi ministris suadere valeat; quid præstet in pectoribus verè Christianis firmitudo animi modesta simul & generosa; quem ardorem, quas vires ad tuendam veritatem & innocentiam habeant ii quos & incendit charitas & regit scientia.

Ego verò ea tantùm dicam quæ me privatim spectant. Nuda & simplex rerum à me gestarum narratio instituetur, ad defendendum me eò efficacior, quòd sic facillè patebit, quàm toto hoc in negotio moderatè me gesserim. Quod natura & Religio probò cuique viro & Christi Sacerdoti imperant, id præstabo ut famam integram fidemque illibatam conservem. Efficiam ut vel solæ inimicorum meorum iniquæ artes me infontem probent, ipsosque reos arguant. Denique conabor ostendere, facile quidem esse quempiam condemnari tum cum iidem iudices sunt qui

accusatores; cùm privatorum odium subsidiis aliunde accersitis subnixum, potens factum est & formidandum; cùm præcluditur vox iis qui, à turpi coitione alieni, volunt totis viribus succurrere oppressæ veritati; at non ita facile adduci homines posse, ut Theologum quempiam credant idèò injuriosum & temerarium, quòd in quæstione facti suum aliquod dubium modestè & timidè proposuerit, præsertim cùm illi incubuerit necessitas defendendi se adversus eos quibus silentium ipsius dicebatur schisma & hæresis.

Hoc erit primæ hujus Epistolæ argumentum. In aliis, Deo dante, ostendemus longè adhuc difficilium esse persuaderi Viris sapientibus & doctis, maxime piam & catholicam SS. Patrum sententiam, germano eorum sensu ipsissimisque verbis expositam, de repente factam esse *impietatem*, *blasphemiam*, *hæresim*: Doctorem Sorbonicum non amplius inter orthodoxos esse numerandum, quòd SS. Patrum Augustini & Chrysostomi tantùm verba mutuatus sit, non autem Molinæ, Moynii, Annati: neque jam Catholicos censendos eos qui antiquam veterum Ecclesiæ Doctorum fidem teneant, sed qui novis adhæreant recentium illarum scholæ Doctorum opinionibus.

Cognitum tibi est, Præsul Illustrissime, quid primùm moliti sint inimici post inquam conjugationem ad me opprimendum. Delecti ab ipsis in Examinatores

meos ac iudices ii, quos sciebant acerrimos mihi adversarios, satis indicarunt, quàm inani spe, & quàm acerbo in me odio eorum consilia niterentur. Noverat tota urbs eos, quos isti examini præfecerant, mihi infensissimos esse, ob refutatos, ut ipsi putabant, scriptis à me libris errores suos. Non ignorabant viris omnibus moderatis visum iri odiosum talem delectum. At timuerunt ne consilii sui spem incertam aut irritam facerent, si ejus iniquitatem ac violentiam voluissent studiosius tegere. Quilibet alii Doctores minùs odio asperati operam ad id suam non præstitissent. Maluerunt minùs æquos videri se, quo certius meditatam in me injuriam perficerent.

Legibus divinis pariter & humanis, Ecclesiasticis & civilibus prohibitum est, ne qui adversarii sunt, ii testes sint, nedum iudices. Itaque qui contenderunt licere civilibus tantùm in negotiis, minimè verò in Ecclesiasticis suspectos iudices rejicere, ii declararunt quantà ejusmodi rerum ignorantia laborarent, & quanto arderent odio. Etenim nonne in negotio ad Ecclesiam doctrinamque pertinente pronunciat generatim magnus Athanasius (*in Apologia 2.*) *Lege divina non licere inimico esse unquam vestem vel iudicem?*

Nonne in negotio Ecclesiastico S. Chrysostomus damnatus & sua Sede ejectus ab Episcopis Catholicis, idemque ab Imperatore pulsus in exilium, Innocentio I.

Summo Pontifici probare volens vim esse nullam iudicii adversum se lati, ostendit se recusasse huic adesse Concilio, eo quòd & Præsidentem & tres alios Episcopos sibi infensos non potuerit habere iudicum loco? (*Chrysost. Epist. ad Innoc. PP.*)

Nonne in negotio Ecclesiastico S. Pontifex Nicolaus I. absolute declarat, *Non esse accipiendos pro iudicibus eos qui sint suspecti & infensi?*

Denique nonne perversæ Theologorum illorum opinioni adversatur hoc Doctissimi Gelasii S. Pontificis Decretum: *Si iudicio ubi iidem sunt inimici qui iudices, nec humana debent committi negotia, quanto minùs divina, id est, Ecclesiastica?* (*Gelas. in Commonitorio ad Faustum.*)

Vides igitur, Illustrissime Præsul, inductum me exemplo Sanctissimorum Patrum, quos mihi semper in exemplar vitæ, doctrinæque regulam proposui, ferre tacitum non debuisse, sic apertè violari æquitatem naturalem. Itaque Examinatoribus illis Instrumento publico denunciandum curavi ipsos à me repudiari. Quo facto, si quis illis inesset pudor, si qua cura æquitatis, non ita pertinaciter retinuissem acceptam excutiendæ meæ Epistolæ provinciam, quàm inter iudices meos primi ac præcipui constituebantur.

Sexaginta & amplius Sorbonici Doctores scientiâ, pietate, & suis in Ecclesia muneribus conspicui, hâc mihi factâ injuriâ æquè

commori sunt ac ipse fueram, moxque indignum illis visum nec ferendum, opprimi me numerofo grege Mendicantium Regularium, qui præter binos ex singulis Ordinibus nullum in Comitibus jus habent, juxta Statuta Facultatis & Decreta Curie.

Mecum ergo detulerunt querelas suas ad Supremam Curiam, Talonius, qui pro suo Patroni Regii munere, quod summa cum laude doctrinæ & probitatis exercet, uni rationi & justitiæ vocem suam commodat, potestque appellari, Viva vox æquitatis, exposuit, mirâ sanè vi ac scientiâ non vulgari, quantum interesset privatorum omnium reisque publicæ observari ea Decreta, quibus arcentur Mendicantes à Comitibus, si definitum numerum excedant; idemque ostendit justitiam apertè violari, delectis ad Epistolam meam excuriendam iis hominibus quos quisque noverat mihi adversarios & infensos.

Docuit, si qui fortè Episcopi in Conciliis sedissent judices hæreseon illarum quas retellerant, id tunc tantum contigisse cum non fuissent repudiati. Probavit hoc magnâ exemplorum copiâ & desumptis ab Ecclesiasticâ historiâ testimoniis. Denique subjunxit his omnibus motam in Facultate Parisiensi ante annos plusquam 120 controversiam omnino similem nostræ. Etenim cum Mag. Natalis Beda Syndicus voluisset Censuræ subijci editum à Mag. Jacobo Merlin Doctore ejusdem Facultatis librum pro asse-

rendis Operibus Origenis, & hic ad Supremam Curiam confugisset, conqueustus Syndicum sibi esse infensum; tum Patronus Regius D. Lifet, qui postea fuit totius Senatus Princeps, postulavit, quemadmodum habent ipsissima Decreti verba, *ut collectæ ex illo libro conclusiones ipsi Merlino exhiberentur, quo ad illas responderet; idèoque intra sextum & vigesimum quartum Junii diem tempus interjectum* (qui decem & octo dies sunt) *concederetur, & deinde Facultas deliberaret, rejectis suspectis.* Quod quidem Decreto suo sancivit Suprema Curia die sexta Junii an. 1522. simulque declaravit rejiciendos Doctores sex, quos Merlinus sibi suspectos nominaverat, nempe Natalem Bedam Syndicum, & quinque alios.

Secutus est Talonius exemplum tam celebre tamque simile omni ex parte præsentis negotio; & compertum habens quor & quantæ mihi causæ essent, cur datos Examinatores haberem pro suspectis & infensis, expostulationis meæ æquitatem eloquentiæ suæ vi ac conclusionum pondere firmavit.

Quæ postea consecuta sunt, silentio prætermittam. Occultas artes & machinas, quibus id negotii promotum est, novit scrutator cordium Deus, Nemo cerè non obstupuit, illi generosæ libertati, quâ dignus successor Patrum ac Decessorum suorum Talonius æquitatis defensionem suscepere, parem non respondisse exitum.

S. Chrysoſtomus ſcribens olim ad Innocentium I. ſummum Pontificem, dicebat *datos ſibi pro iudiciis inimicos ſuos, ſicut priora peſterioraque teſtabantur.* (apud Pallad. in vita Chryſoſt. & ipſe Ep. ad Inn. PP.) Idem mihi hodie conqueri licet. Priuſquam Episto-  
la mea ſubjiceretur examini, plurimæ ſanè erant cauſæ, cur haberem pro inimicis eos quibus id examen commiſſum fuerat. At poſtea ita duri in me inhumani-  
que fuerunt, ut graviores mihi cauſæ acceſſerint ipſos repudian-  
di.

Poteram proſectò, exempla SS. Patrum ſecutus, non admit-  
tere iudiciũ Societatis illius, in qua dominabantur hoſtes mei, qui ſuæ illius in me machinationis initium ab tam aperta inſtiti-  
tia duxerant. Volui tamen tenta-  
re quacumque vias patientia Chriſtiana ſuadere poterat. Id à Facultate per Epistolam pctii, quod vel nocentiſſimis homini-  
bus nunquam denegarum eſt, nempe ne indiſcã cauſã damna-  
rer. Oſtendi neceſſe fuiſſe apud Ethnicos ipſos iudicia aliã ratione exerceri, ſicuti declarant notiſſi-  
ma hæc & à ſummis Pontificibus laudata verba Præſecti provin-  
ciæ, apud quem fuerat accuſatus D. Paulus: *Non eſt Romanis conſuetudo damnare aliquem hominem, priuſquam... locum defendendi accipiat ad ablucenda crimina.* (Act. 25. 16.)

Postulabam tantummodò, priuſquàm de Episto-  
la mea ſta-  
tueretur quicquam, mihi deſcrip-

ta dari quæcumque in ea offen-  
derent, ut poſſem culpam agnoſ-  
cere meam, ſi in aliquo lapſus eſſem; mentem aperire dilucidius, ſi quid occurreret obſcuri; pro-  
bare me à SS. Patrum doctrina nullatenus deſlexiſſe, ſi tanquam mei unius propria arguerentur ea quæ è puriſſimis illis Chriſtianæ Theologiæ fontibus hæuſta facile oſtenſurus eſſem.

Tam æquæ poſtulationi reſti-  
terunt Examinatores; & ut om-  
nium animos ſuis inſectationibus ac contumeliis in Epistolam meam exacerbarent, voluerunt ante omnia ſuam de illa ſenten-  
tiam exponere.

Seniores æquiorésque ſexaginta Doctores palàm & acriter teſtati ſunt poſtulare juſtitiã, ut, ante illam Examinatorum expoſitionem, mihi oſtenderentur loca in Episto-  
la reprehenſa, meæque audirentur reſponſiones. At vicie aduerſariorum factio rationem & juſtitiã. Cùm in Comitiiſ dominarentur numero ſuffragiorum, quæ dudum antea ambierant & emendicaverant, pervicerunt ut concluderetur, Examinatores facturos ſui examinis expoſitionem, non modò priuſquàm audirer, ſed etiam priuſquam deliberaretur num expediret audiri me, & communicari mecum quæ in Episto-  
la mea arguerentur. Atque cùm plurimi Doctores poſtulaf-  
ſent, ut totum iſtud negotium ad decimum-quintum menſis diem rejiceretur more ſolito, anniten-  
tibus aduerſariis tumultuoſè, ne-  
que collectis omnium ſuffragiis,

ſtatim.

statutum est, rem die proximè sequente & aliis deinceps uno tempore esse agendam.

Itaque die posterà, quæ fuit secunda Decembris, suam fecerunt expositionem Examinatores. Designaverunt tantum suo in libello binas Quæstiones, unam Facti, & Juris alteram. De prima attulerunt quatuor propositiones, unicam verò de altera quæ Fidem spectabat. Mox libellus ille typis est mandatus ut in manus Doctorum omnium veniret.

Unus ex iis qui primi sententiam tulerunt, auditâ expositione senioris Examinatorum, ostendit oportere ut non reliqui modò Examinatores, sed Doctores quoque omnes declararent, an aliud quid in Epistola mea reprehendendum animadvertissent. Tum singuli Examinatores palàm declararunt habere se nihil quod à seniore dictis possent addere, & unus inter ipsos expressè dixit, *Se nulla alia notasse, sed tantum ista proponere.*

Deinde deliberatum est super postulatione à me factâ, ut præsens purgarem me de objectis mihi criminationibus. Id ut omnino mihi denegaretur non pervicerunt quidem adversarii, sed iis legibus concedi curaverunt quibus patebat obstinata eorum voluntas condemnandi me, & timor maximus ne defensio mea audiretur. Conclusum ergo est, *Ut accepto Indice propositionum quæ in Epistola mea reprehendebantur, ad Comitia accederem, si liberet; at mentem meam aperturus tantum,*

*non disputaturus.*

Majus ne dari potuit argumentum concepti in me odii, & initi consilii me quoquomodo condemnandi? Quod Facultas ne alienis quidem denegavit, id mihi & Doctòri, & eorum quorum judiciis mittebar socio fuit denegatum. Nonne illos, qui me ita durè inhumaniterque persequebantur, debebat pudore perfundere recens Patris Cellotii exemplum? Ediderat iste Jesuita Librum, in quo errores perniciosâque dogmata disseminaverat, & renovabat insectas à suis Anglicæ Sodalibus hæreses illas circa hierarchiam Ecclesiasticam, Sacramentum Confirmationis, & auctoritatem Episcopatus, quas meritò damnaverunt Galliæ Episcopi & Sorbona tota concordî sententiâ. Propositum fuerat ut liber ille Censuræ subiceretur; concessum tamen Autori, ut tribus Societatis suæ Patribus adjutus in congressum colloquiumque veniret cum aliquot Doctoribus Facultatis, coram quibusdam Episcopis, & post factas hinc & inde disputationes, sufficere visæ sunt interpretationes illæ quas dedit pravis suis opinionibus, nec postulatum quidem ut Retractationis vocem usurparet; etsi quædam ipsius dogmata tam aperte erant erronea, ut cum ea tueri non posset, alia substituerit eis omnino contraria.

Factâ Jesuitæ copiâ colloquendi ac disputandi, potuitne jure aliquo idem denegari Doctòri Sorbonico? An debent Doctores esse

esse æquiores ac benigniores in Jesuitam, quàm in Doctorem? Numquid debet Facultas esse materno animo in alienos, novercali in filios? Ergo-ne, quia me semper Sorbona in sinu suo fovit & aluit, merui in ipsa Sorbona amittere concessam à natura libertatem omnibus hominibus qui accusantur, maximè verò in rebus quæ fidem doctrinamve spectant, proponendi suas rationes, & respondendi adversariis?

Cùm Julius L. summus Pontifex veller componere exortas contentiones inter S. Athanasium & Eusebianos, jussit, sicut ipse refert Athanasius, convocari Concilium, in quo audirentur illi, & objectarent huic Episcopo quæ viderentur, simulque responderent iis quæ in illos dicenda haberat, (*S. Athanas. Ep. ad Solitarios.*)

Cùm S. Bernardus Abacclardum accusasset errorum variorum, non modò non postulavit ut ei omnis præriperetur libertas accusationibus respondendi, tuendisque opiniones suas in congressu legitimo; sed etiam hortatus illum est, ut secum in congressum & disputationem veniret, librumque suum liberrimè defenderet; licet tamen tunc ageretur res in Concilio, (*Vita S. Bern. l. 3. c. 5. n. 14.*)

Idem S. Bernardus disputavit postea biduò adversus Gilbertum Porretanum Episcopum Pictaviensem, accusatum erroris ac hæresis in Concilio. (*Ibidem*)

Præterquàm quòd in historia Ecclesiastica passim legitur concessos hæreticis etiam & schismaticis tales congressus & colloquia, sola S. Augustini Opera nobis suppeditant quatuor aut quinque celeberrima ejusmodi exempla: & qui ea de re pertinacius contendere voluerunt in comitiis, (*a*) potuerunt revinci copiâ magnâ illustrium testimoniorum antiquitatis Ecclesiasticæ.

Cùm Doctor unus (*b*) ad probandum quanta mihi injuria fieret, retulit, longè diversum Concilii Tridentini institutum erga Protestantes Germaniæ, plerique illi Doctores, qui sibi ipsis succensere debuissent, in eum irâ exarserunt, pudore perfusi quòd ita apertè declaratum esset ab eo, quantum ab Ecclesiæ Catholicæ mente recessissent. Perpeti non potuerunt ut eorum ille condemnationem legeret in ipsis Concilii verbis, ostenderetque confecto, ut vocant, salvo-conductu in gratiam Germanorum Lutheri hæresim propugnantium, concessum ipsis fuisse omni libertate conferre & disputare, proponere & respondere, non solum cum Doctoribus & Theologis, sed etiam cum Episcopis & Patribus Concilii. Insurrexere in eum magnis clamoribus, nec ante obstrepere desierunt, quàm librum ei è manibus excusserunt, & vocem compresserunt, quæ ipsa Spiritus Sancti vox erat in celeberrima illa & Sacra Synodo.

Revo-

(a) die 23. Decemb. a. 1655. (b) die 13. Januar. 1656.



Reverâ, Præsul Illustrissime, quò spectabat inaudita illa proposita conditio, seu potius servilis imposita lex, nisi ut omnino non possem falsas adversariorum accusationes repellere? Volebant quidem illi in speciem audire me, ut prædicare possent me non fuisse condemnatum indictâ causâ, quod summæ injustitiæ est; at ita me audituri erant, ut reverâ minimè fuisset auditus. Concedebant certè ut mentem meam aperirem, sed iidem prohibebant ne tueri eam mihi fas esset adversus falsas eorum objectiones & vanas criminationes. Quantumvis per me infirmus ipse sim, formidabant invictam vim veritatis quam habebam defendendam. Verebantur ne infelicij disputationis eventu id amitterent, quod ope factionis suæ se consecuturos sperabant. Famam suam pariter & consilii exitum dare in discrimen refugiebant. Voluerunt ergo sic mecum agere, ut olim inimici S. Basilij (Epist. 63.) qui ipsum criminationibus impunè incescere cupiebant, at in congressum & colloquium cum eo venire declinabant, ne ipsorum errores ille faceret manifestos. Idem profectò metus habuit adversarios meos, maxime verò Magistrum le Moyne inter illos odio mei ardentissimum, cui sæpius per publica instrumenta denunciavi, paratum esse me probare in congressu legitimo, violatam in ip-

sus scriptis fidem Catholicam profanis novitatibus, blasphemis non ferendis, & manifestis hæresibus.

Hanc mihi factam injuriam excepit altera. Deliberatum est (a) quem in diem nova indicerentur comitia. Seniores & moderati quique censebant, ut juxta Facultatis consuetudinem ea non haberentur ante dies quindecim. At alii, qui incredibili cupiditate flagrabant damnandi me, perpeti non potuere aliquot dierum moram suis consiliis objici. Nisi forte quædam in Sorbonæ Ecclesia celebritas & duo deinceps festi dies occurrissent (b), mihi licet ab Urbe absenti unus tantummodò fuisset concessus dies, quo possem accingere me ad respondendum gravissimis accusationibus, quas suo in libello protulerant examinatores. Non potuerunt ergo non concedere dies quatuor; ex quibus duos tantum habere liberos possem, siquidem altero opus esset quo monerer, altero quo ipse in urbem venirem, aut defensionem à me scriptam mitterem.

Notandum quoque est adversarios meos, ut omnem mihi locum, quantum in ipsis erat, præriperent defendendi me, acriter obstitisse, quominus uni ex amicis meis postulanti daretur descriptum conclusionis exemplar, adeò ut quid illa complecteretur non potuerim aliunde cognoscere, quàm ab amico qui ejus tenorem

(a) die 2. Decembris. (b) 4. Decemb. Anniversarium Sacrum pro Cardinali Rubelio, 5. Decemb. dies Dominica. 6. Die Festum S. Nicolai.

norem ac sensum utcumque retinuerat.

Singulas ejusmodi circumstantias ideò tibi, Illustrissime Præsul, expono, quia apertè declarant me in omnibus expertum esse acerbos Censores, potiùs quàm Judices æquos. Simili in controversia edixit olim Suprema Curia, concedi Merlino Doctori octodecim dies integros, per quos responderet ad ea quæ reprehenderentur in ipsius Apologia pro Origene. Ipsa etiam Facultas ab annis circiter triginta largita est P. Garasso Jesuitæ spatium duorum mensium, intra quos faceret satis singulis capitibus, quæ in illius Summâ Theologicâ damnaverant delecti ad eam expendendam Doctores. At verò mihi conceduntur tantummodò dies quatuor, quos invitis & reluctantibus adversariis meis extorquent incurrentes aliquot festi dies, ne scilicet mihi integrum sit, ad omnia sigillatim quæ mihi objecta sunt, respondere.

Ex magna illa & inusitatâ festinatione, quâ tam parum temporis mihi relinquebatur ad probandam innocentiam meam & excutiendum quâ par erat diligentiam, quidquid fuerat in Epistola mea reprehensum, Judicabis, Præsul Illustrissime, an illi videri possint sincero quærendæ veritatis studio tantùm fuisse impulsus: an cupierint, quemadmodum jubent humana justitia & Christiana pietas, ut objecta mihi crimina diluerem: an doctrinæ catholicæ lucem aliquam

afferre tentaverint potiùs, quàm opprimere vitum Sacerdotem & Doctorem Catholicum: num denique tanta fuerit eorum caritas in fratrem, quanta olim fuerat æquitas in alienum.

Verumtamen Deus, qui eos gratiâ suâ fovet ac roborat qui pro illa decertant, tam præsentì auxilio mihi adfuit, ut intra brevissimum illud bidui tempus satisfecerim saltem Quæstioni de Jure, quæ erat majoris momenti; alteram enim, de Facto, attingere omnino non potui propter temporis angustias. Misi ad Facultatem primum hunc Apologeticum, & ei subjunxi epistolam, in qua mollioribus verbis compellans atrox eorum in me odium, quod satis prodiderat ardens ipsorum festinatio & dura in me ratio agendi, declarabam, " Et si vitæ meæ ratio, quam à decem amplius annis ad eorum, qui exilium & cædem meam sæpiùs libellis poposcerunt, odia quodammodo lenienda, ab omni hominum frequentia semotam duxi, ut publicam etiam in hoc negotio lucem declinarem, me satis admonere videbatur; me tamen libenter in amplissimo eorum confesso coram adfuturum fuisse, si doctrinam meam in legitima disputatione, rationibus ultrò citròque, tum voce, tum scripto collatis, expendere atque illustrare licuisset. Verum cum postremis Comitibus statutum acceperim, ut venire in conventum Facultatis, tantum mentem meam sincerè ac simpliciter,

per aperturus, non disputaturus,  
me non putavisse commodius  
huic Decreto parere posse, quàm  
si sensa mea ipsis scripto per-  
spicuè repræsentata exhiberem:  
facile enim esse cartham mor-  
tuam & elinguenti non nisi præ-  
finito loqui, & redarguenti non  
obstistere; Doctorem autem Ca-  
tholicum hæresis accusatum,  
cui in hac causâ ex mente SS.  
Patrum non solum defensio li-  
cita, sed etiam silentium veti-  
tum, ac patientia interdicta est;  
coram reprehensoribus suis ab  
omni disputatione, atque ab  
objectis sibi criminibus propul-  
sands se abstinere, non ita fa-  
cile esse. Non videti satis au-  
diri reum, hoc est, ut in Actis  
Apostolorum legiatur; locum  
defendendi accipere ad abluen-  
da crimina, cum ei nec dispu-  
tare, nec crimina objecta di-  
luere licet: sicque violati per-  
spicuum illam Juris Civilis &  
Canonici sententiam, quæ ju-  
dicantem cuncta rimari decernit;  
& interrogandi; respondendi, ob-  
jiciendi præteri ab eo patientiam  
jubet. Præterea angustum ceriè;  
præsertim in re tanta, mihi ad  
respondendum tempus præfinitum  
videri. Nihilominus tamen  
quæ pro tam exiguo tempore  
ad illius præsertim Epistolæ  
meæ loci, qui quæstionem Ju-  
ris complectitur, explanatio-  
nem adnotare potuissem, ea ad  
ipsos missa me precari ut beni-  
gnè exciperent: quæ cuncta li-  
cet perstricta potius, quàm ac-  
curatius pertractata, existima-

rem tamen clarissimis testimo-  
niis confirmata visum iri.

Cum libellus ille, quem La-  
tinè scripseram, fuisset perlectus  
in Comitii Facultatis, scrupu-  
lum iniecit plurimis eorum etiam  
Doctorum, quibus aliunde S. Au-  
gustini doctrina parum arridebat:  
non potuerunt non commoveri,  
cum viderunt eam propositio-  
nem, quæ dicebatur hæretica,  
meam non esse; sed SS. Patrum:  
me simpliciter referre duo loca  
SS. Augustini & Chrysostomi, quæ  
antea protuleram & confirmave-  
ram plurimis aliis locis eorum-  
dem Patrum: Præterea, cum  
illa propositio tres tantum partes  
habeat, quarum prima sit, gra-  
tiam defuisse S. Petro; altera, de-  
ficiēte gratiâ non potuisse eum  
vincere tantam tentationem  
quanta vincenda est, ut quis  
subeundæ pro Christo morti se  
offerat; tertia, S. Petrum justum  
fuisse, nec amisisse gratiam an-  
tequam Christum negaret: sin-  
gulas illas partes certissimè con-  
firmari Traditione Ecclesiæ in om-  
nibus sæculis, sicuti probabam  
clarissimis testimoniis quæ in il-  
lo libello referebam.

Verum hæc omnia quasi levia  
& vana parum curaverunt Exa-  
minatores, paruitque nihil va-  
lere apud exulceratas odio men-  
tes momenta rationum. Quid-  
quid contrà asserre possem, rata  
constitutæque in eorum animis  
erat Censura meæ Epistolæ, il-  
ludque tunc de me dici jure po-  
tuit, quod olim de innocente  
accusato dixit sapienter vetus

Scriptor 1

Scriptor : *Nihil intererat occidere volentium, quid diceret.*

Aliquot post dies iterum verba fecerunt Examinatores, ut causas Censuræ suæ sigillatim exponerent: Expectabatur ut responderent argumentis ac testimoniis quibus confirmaveram ea quæ volebant damnare; sed frustra: vix aliqua, quæ Scholasticam Theologiam spectabant, perstrinxerunt; idque tam infirmis rationum momentis, ut eorum puderet omnes qui aderant. At sanctissimos Patres à me laudatos exceperere quo solent contemptu: nec dignati sunt dare aliquid responsi omnibus eorum testimoniis; aut accusare me quasi malâ fide retulissem SS. Augustini & Chrysostomi verba, quibus tota Epistolæ meæ Propositio constabat, sicuti ostenderam:

Cæterum cum nullatenus possent; sicut hodie quoque nequeunt, meam distinguere Propositionem à duabus propositionibus celeberrimorum Doctorum Græcæ & Latinæ Ecclesiæ; nihilominus tamen audaciâ inaudita impulsî eam percutiebant anathemate: imò unus ex illis ed prorupit, ut dixerit; *perniciosam magis ac nefariam hæresim nullam utiquam aut fuisse aut futuram, quoniam; ut ipse aiebat; poterat quidem Deus neque carnem assumere, neque Eucharistiam instituire; at non poterat sine injustitia ac crudelitate non dare gratiam suam justo:* Itaque hæc à SS. Patribus communi consensu tradita doctrina, gratiam defuisse S. Petro, est

omnium hæresicon, ut censet Moynius, maximè detestanda: & horrenda illa blasphemia hujus Examinatoris adversus Gratiam Christi, quæ jam gratia non esset; juxta S. Paulum & Patres omnes; nisi esset purè gratuita; haberi deberet inter doctrinæ orthodoxæ capita, si ad componendos novos fidei articulos sufficeret cæcus propriarum opinionum amor audaci temeritate subnixus.

Unus inter mihi insensibilissimos, veritus ne libellus à me missus ad Facultatem, & typis excusus, afficeret ac moveret animos multorum, proposuit ut typis quoque mandaretur ultima ab Examinatoribus facta expositio: Sed citò agnovit se per imprudentiam longius fuisse progressum; suæque factioni detrimenti plusquam utilitatis allaturum, si talia vulgarentur. Itaque licet exinde etiam atque etiam efflagitaverint seniores quique Doctores, ut rationes suas vulgarent Examinatores, sicuti quidam ex eorum amicis & asseclis proposuerat; pervincere tamen non potuerunt, ut ita fieri vellent: Scilicet lucem publicam reformidant: verentur ne, si pateat quàm inanes sint eorum rationes, quàmque levibus fundamentis nitatur Censura; informe illud Judicium penitus ruat, tanquam vanum & fragile ædificium fundatum; ut ita dicam; in arena mobili humanarum opinionum, non in Ecclesiasticæ Traditionis firmo & inconcussio lapide.

Verum permisit Deus satis mihi com-

et imperta fieri quæ dixerant, ut potuerim deinde ad ea plenè respondere in secundo Apologetico.

Eodem quoque die; ut Doctorum mentes prima libelli mei parte commotas aliò traducere, proposuerunt duas Quæstiones seorsim disceptandas, initiumque fieri voluerunt ab ea quæ spectabat Factum, & de qua certè ad purgandum me pauca dixeram, quoniàm & tēpus mihi defuerat, & eam existimaveram lōgè minoris esse momenti, quàm alteram.

Cū mihi statutum sit, Præsul Illustrissime, ea solū tibi exponere diligenter, quæ me unum spectant, in referendis sigilatim Doctorū sententiis non imitabor. Totam Urbem pervasit rumor eorum quæ in his Comitibus gesta sunt: atque in ipsa etiam Aula pauci sunt qui sine admiratione viderint, cū is esset Comitiorū apparatus, ea rerum species quæ novitate posset terrete confidentissimos, & constantissimos frangere, exstisse tamen talenti numerum Theologorum, quorum mentem nullatenus perstrinxerit inusitatus ille splendor, nec firmitatem concusserint quicumque ostentabantur tetores; quibus potior causa fuerit Veritatis & Justitiæ, quàm privata utilitas; quos denique ab sui religione officii nec spes nec metus potuerit avertere.

Itaque dicam tacitū, fuisse tunc in controverso, num in Summum Pontificem & Præsules Illustrissimos idèd injuriosus habendus essem, quòd significavis-

sem, me versari aliquo in dubio, utrū propositiones damnata ab Innocentio X. S. Pontifice, excerptæ fuissent è Jansenii libro, quoniàm eas diligenter perleco, nequaquam eas in hoc libro reperissem.

In altera Libelli Latine scripti parte; quam ad Facultatem miseram tercio post primam die, jam probaveram quàm pura esset mens mea in iis verbis quæ mihi fuerant objecta; utque invitatus ac reluctans ad ejusmodi disceptationem descenderam, scilicet eo tantū consilio, ut defenderem ipse me adversus scriptores quosdam parū peritos, qui iniquò contendebant propter controversiam aliquam, quæ tota instituitur de Facto, & cujus vel oculi judices sunt; Theologos, reverà Catholicos, nominari posse hæreticos, excommunicatos, & ab Ecclesiæ unitate separatos.

Postulaverunt seniores Doctores ut, priusquàm suam quisque sententiam promeret, sibi darentur designata & descripta Jansenii loca, è quibus quinque istæ propositiones excerptæ dicebantur; significaveruntque, nisi res ita in ipso fonte ac capite nosceretur, se non posse statuere, an temerarius habendus esset, necne, qui dubitavisset in eo libro reperiri tales propositiones. Aequissima sanè fuit ista postulatio; ab adversariis tamen meis penitus repudiata. Cū ipsi debuissent ultrò proferre Iprænsis Episcopi librum, quo me temeritatis reum convincerent, simulque tollerent omnem dubitandi ac disputandi locum,

locum, illis multoties oblatus est is, ac efflagitatum ut loca indicarent ubi propositiones illas reperiri contendebant. Verùm ab illis non potuit id precibus extorqueri, quod ipsos ultro offerre oportuerat. Propositas à Senioribus conditiones omnes eluserunt, dixeruntque *non esse controversiam de veritate aut falsitate mea propositionis*, seu non quæstionem institui, utrùm merito an perperam dubitarem quinque istas propositiones in Jansenii libro inveniri; sed tantùm an non fuissent temerarius qui dubium illud meum proposuissem.<sup>20</sup>

Doctores aliquot progressu ulterius in promenda sententia susceperunt probandum, istas propositiones nullatenus in Jansenii libro reperiri, imò legi omnino contrarias. Verùm hoc quoque penitus rejectum est. Illis Doctoribus præclusa in ore vox & imperatum silentium, adedò ut coacti sint petere instrumentum, quo pateret sibi non fuisse permissum probare Factum hoc, quod præsentì controversiæ lucem plenam attulisset.

Hæc omnia satis declarabant nihil minùs ab adversariis meis quæri quàm veritatem, pacem Ecclesiæ, aut quietem conscientiarum. Neque enim dicere ausi sunt falsam esse Propositionem meam, aut eam isto nomine damnare in Censura sua: refugerunt expendere veritatem ejus aut falsitatem; quamvis ipsos nonnulli è Senioribus admonuissent, congregatos in Comitibus

Doctores, qui nullam in Ecclesia jurisdictionem habent, sed de doctrina tantùm suam sententiam promunt, non posse quidquam statuere in Quæstione Juris aut Facti, nisi ipsi per se penitus perspexerint quid veri sit aut falsi in iis rebus de quibus ferunt judicium.

Quænam igitur fuit eorum mens? Quod consilium? Certe longè alia, quàm ipsum Doctorum nomen & Sacerdotum modestia patiebantur. Postulabat ab ipsis Religio, ut Veritatem inquirerent; postulabat charitas, ut famæ fratris parcerent: at & Facti veritatem neglexerunt expendere, & id unum spectarunt ut Fratris nomini labem & infamiam notam aspergerent.

Verùm ex iis quæ deinde consecuta sunt innotuit longè clariùs quàm efferatum esset eorum in me odium. Septuaginta quatuor Doctores Sorbonici, quorum plusquàm triginta mihi erant omnino ignoti, & alii totidem ab annis decem non visi, me extra omnem Censuram positum declararunt, & eorum nonnulli certissimis argumentis monstraverunt, me nullius esse temeritatis reum in Summum Pontificem aut Illustrissimos Antistites. Atramentum hanc mihi mentem dedit Deus, ut minùs tuendæ innocentie existimationique meæ consulere, quàm Ecclesiæ paci, & sedandis ejusmodi contentionibus.

Docuerant me verba & exempla celeberrimorum Ecclesiæ Patrum, quemadmodum non ii gravissimam

vissimam agunt Pœnitentiam qui gravissimè peccaverunt, sed qui sunt sanctissimi; ita non semper eos qui nocentissimi sunt, sed plerumque qui innocentissimi, suppliciter deprecando veniam ultrò deprimere se atque abjicere.

Legeram apud S. Augustinum, Episcopo quodam graviter ferente quòd ille paulò asperius refutasset eorum opinionem qui cum ipso, ut videtur, putabant videri Deum posse oculis corporeis, sanctum hunc existimasse teneri se veniam ab eo deprecari, licet eodem in loco significet nihil à se dictum nisi verum. *Dum essem in admonendo sollicitus*, inquit, *in corripiendo nimis atque improvidus fui, nec fraternam & Episcopalem personam, sicut frater & Episcopus, quemadmodum fuerat dignum, cogitavi: hoc non defendo, sed reprehendo: hoc non excuso, sed accuso.* IGNOSCATUR peto, recordetur nostram dilectionem pristinam, & obliviscatur offensionem novam. *Faciat certè quod me non fecisse succensuit: habeat lenitatem IN DANDA VENIA, quam ego non habui in illa Epistola conscribenda.* Quibus egregia ista verba subiicit: *Ego cerie in hac causa quid melius facerem non inveni, quàm ut VENIAM PETEREM à Fratre, qui læsum se litterarum mearum asperitate conquestus est. Faciet & ipse, ut spero, quod sibi imperari novit ab eo qui per Apostolum loquens ait: Donantes vobismetipsis, si quis adversus aliquem habet querelam.* (*Aug. Ep. 111. nunc 148. n. 4. & 5.*)

Legeram quoque apud eundem Augustinum, cum S. Hieronymus se læsum questus esset Epistolà Augustini, quâ ille, licet absque ullo lædendi consilio, improbaverat ejus interpretationem super quemdam S. Pauli locum; maximum hunc Doctorem, ejus humilitatem nemo imitari valeat, sicut nec doctrinam æmulari, petere ab eo veniam geminà Epistolà. Deprimit ipse se & submittit propter culpam ejus sibi non erat conscius, sed quam agnoscere malebat, quàm credere S. Hieronymum sibi sine ulla causâ iratum: *Quia nentredo, quod iniuste me ledendum putares, superest ut agnoscam peccatum meum, quod prior te illis litteris læserim....* Cur itaque conor contra fluminis trahum, ac non potius VENIAM PETO? (*Aug. Ep. 15. nunc 73. ad Hieron. n. 3. Vide & 82. n. 1. & 31. 32.*)

Legeram præterea apud S. Bernardum, cum Galliarum Episcopus conquestus esset factam Episcopali dignitati injuriam, quibusdam verbis epistolæ sibi ab eo scriptæ, testari S. Bernardum, sibi nullum fuisse consilium quidquam proferendi quod Principem populi offendere posset; & deinde hæc subjicere: *Ceterum quid quid illud sit quo se læsum vestra dignitas judicat, PETO VENIAM.* (*Bernard. Ep. 223.*)

Existimavi me tutò sequi posse vestigia sanctissimorum Patrum, ad quorum exemplar f. cta nostra, non minùs quàm doctrinam, oportet conformari. Cum essem,



mihique viderer multo minùs innocens quàm ipsi, putavi non esse erubescendum, si me quoque magis quàm ipsi deprimerem. Atque huic officio factum à me satis arbitror, etiam ultra quàm poterat expectari. Mihi ipse conscius eram, fuisse nunquam mihi mentem detrahendi vel tantillum ex eo honore quem sacræ vestræ dignitati semper habuisse me nosti, Præsul Illustrissime, & existimabam vitæ antea actæ ratione & scriptis in lucem emissis satis apertè summam meam erga sanctam Sedem & Hierarchiæ Principes reverentiam patuisse toti Galliæ, ut accusari non possem defuisse alterutri. Verumtamen cùm infelici casu factum esse agnovi, ut in alterâ Epistolâ verbis satis ad animi mei sensum accommodatis declarare non potuissem infixam pectore sinceram piamque venerationem in Supremum Christi Vicarium & Apostolorum Successores; atque etiam verba quædam mea, secus ac senseram, visa lædere debuit eis honorem à quolibet Christiano Catholico; libentissimo animo statui significare quantum me hujus rei pigeret, & veniam petere.

Misi ad Facultatem scriptum illud manu mea subsignatum, & ei subjunxi Epistolam. Unus ex antiquissimis celeberrimisque Doctoribus hæc in Comitiiis proponere ultrò in se recepit, proposuitque die undecimâ Januarii: simulque declaravit incredibili quodam animi robore, eos pro-

fectò exuisse sensum omnem humanitatis & charitatis, qui de me conqueri, nomenque meum Censurâ notare deinceps vellent, viso libello meo suppliciter & modestè ad veniam postulandam composito, quem ille à me acceptum recitavit in Comitiiis.

Postulavit deinde, ut, quemadmodum in legitimis omnibus judiciis observari solet, deliberaretur de libello isto, qui præsentem controversiam omninò immutaverat. Verùm postulationem hanc pro more suo eluserunt adversarii, causati non esse abruptum suffragiorum ordinem; pollicitique sunt futurum ut, postquam Doctores omnes verba fecissent, singulorum sententiæ palàm recitarentur, tuncque licitum fore unicuique suam de scripto illo opinionem promere, imò de prima sententia decedere, si fortè allata deinde ab aliis Doctoribus rationum momenta eum movissent.

Ejusmodi promissum, accedente Potestate, cui etiam in postulatione tam æquâ non licebat refragari, impediit ne eâ de re plura dicerentur.

At tertio post die, qui erat decimus quartus ejusdem mensis, cognitum est fidem palàm datam, merum fuisse obtentum, quo Facultati eriperetur libertas opinandi, & judicium ferendi de accepto à me libello, qui sanè æquos quoscumque viros abduxisset ab omni cogitatione & consilio conficiendæ in eam rem Censuræ.



Vix ultimus Doctor protulerat sententiam, cum statim Syndicus, infensissimus mihi hostis, depromsit volantem cartam, in qua numerata à se suffragia contendebat, nullis licet sigillatim designatis. Sic constituit ipse se solum Arbitrum & Dominum suffragiorum. Nemeravit illa prout libuit; & compertum postea est ex Actorum Codice septuaginta quatuor Doctores pro me steterisse adversus Censuram, cum tamen illæ septuaginta & unum numeraverit tantum, & quindecim dubios; aucto horum numero, ut minueret illorum qui me sententiis suis dimiserant absolutum.

Postulaverunt Seniores & institerunt vehementer, ut dictæ à singulis sententiæ recitarentur, sicuti promissum fuerat, nec eriperetur Doctoribus libertas iudicium ferendi de oblata à me satisfactione. At frustra postulatum, & omnis eorum conquestio repudiata. Compulso Decano ut hanc solam voculam pronuntiaret, *Ego concludo*, statim, nullo alio habito sermone, dimissa sunt Comitia. Mox tres quatuorve Doctores, majore potestate subnixi, properarunt in cubiculum Moynii, ardentissimi adversariorum meorum, ibique Censuram ad arbitrium fabricaverunt. Quo sanè aperte patebat, aliquot istos viros, utpotè factionis duces, & quorum acerbior erat in me odium, ac major potentia, omnino dominari in Facultate, & cuncta pro libi-

dine vertere, quò conflatum me condemnandi consilium perficerent.

Sic egregia ista de Facto Censura confecta est, Præsul Illustrissime. Sic obligaram publicè fidem violare non puduit, ut Sorbonæ libertas opprimeretur, creptâ illi potestate ferendi iudicium de misso ad eam Libello ab uno Doctore, qui imposita sibi crimina diluebat. Sic data opera est, ut tota illa Societas celeberrima Theologorum & Sacerdotum rea fieret inhumanitatis alienissimæ ab Evangelii præceptis & benignitate Christianâ, rejecto ejusmodi libello, quo nullum magis demissum postulare possent infensissimi inimici ab iis qui gravissimè ipsos offendissent.

Cum ab uno è Præsulibus Illustrissimis oblatus est Libellus satisfactorius, quem ille probatum iri à me promittebat, cum repudiarent, causati non esse manu mea subsignatum. Idem, cum alium ad eos misi meo chirographo munium, & verbis scriptum demissioribus, istum quoque, nullo prætextu, sed unâ impotentis odii libidine ducti rejecerunt.

Iniquis sanè & invidiosis artibus grassabantur inimici mei, verum aliâ viâ pervenire non poterant ad consilii sui exitum. Timebant, nec immeritò, ne etiam inter eos quos quomodocumque traxerant in partes suas, plurimi essent, qui pudore & conscientia deterrerentur, quominus violatâ, quam fratri debebant, charitate,

ritate, inhumaniter illum condemnarent propter offensam, cujus cum esse innocentem tot alii senserant ac declaraverant, & de qua tamen ipse satisfecerat sic modestâ & supplici oratione, ut eâ nemo Christianus non deberet ad miserationem commoveri.

Fecit hic justus timor ut sic injustè agerent. Censuram aliquam nomine tenus & in speciem habere maluerunt, quàm omninò nullam. Talem confecerunt qualem potuère, non qualem voluissent. Existimaverunt perfringendas esse potiùs leges omnes ac ordinem judiciorum, quàm committendum ut majore etiam suffragiorum parte dimitterer absolutus, sicque irritæ ipsis caderent infinitæ suæ artes & machinationes, carerentque deinceps quæsito dudum prætextu ad infamandum me apud vulgus.

Verùm aperta ista injustitia maculam aspersit quàm fœdissimam eorum Censuræ, licet aliunde irritæ omninò pro usu Facultatis, sicut Doctores plurimi declararunt in Comitiiis habitis die 15 ejusdem mensis Januarii, cum contenderet Decanus factam à se in prioribus Comitiiis conclusionem unius Censuræ. Tunc enim illi ostenderunt, in ejusmodi controversiis non censendos esse superiores suffragiis eos, qui aliquot tantùm tulissent ultra mediam partem: ex ipsa computatione à Syndico factâ, præter Doctores septuaginta & unum, à quibus me extra omnem Censuram positum confessus erat,

quindecim alios insuper extitisse; qui ab illo appellati Dubii, deberent meritò censeri adversari fuisse Censuræ, cum eam non probassent: quoniam ergo plurimùm abfuiisset ut è tribus suffragiorum partibus duas haberent isti Censores, (licet ne id quidem satis esset futurum in ejusmodi re) certò constare, non posse accipi pro totius Facultatis judicio, latum ab una Doctorum parte judicium, adversariis aliis octoginta sex: censuras Facultatis hætenus fuisse confectas unanimi aut ferè unanimi omnium consensu, sicut probari potest exemplis bene multis: denique contigisse nunquam, ut ea Censura haberetur legitima cui obstitissent, etiam non habitâ ratione quindecim Dubiorum, septuaginta & amplius Doctores; qui certè numerus, atque etiam multo minor, sæpè sufficiens visus est ad conficienda Decreta & Censuras de rebus gravissimis.

Sed jam nimis multa apud te disserui de tam tristi dissidio celeberrimæ in hoc regno Societatis, & nobilissimæ toto orbe Facultatis. Altera in Epistola dicam de Quæstione Juris, quod est alterum Censuræ caput. Huic finem jam impono, teque rogo & obtestor, Præsul Illustrissime, ut consideres ullane unquam fuerit ad opprimendum privatum hominem apertior conspiratio, minùs dissimulata libido, odium obstinatius, audacior iniquitas, magis conjurata factio, duriórve inhumanitas. Violata prorsus om-

omnis æquitas, datis mihi in iudices iis quos apertos habebam inimicos; subversa Ecclesiæ disciplina, negatâ mihi potestate eos repudiandi, sicut jure ac merito postulaveram; conculcatum commune gentium & naturæ jus, ereptis, quantum fieri potuit, ratione & tempore defendendi me; perturbatus omnis ordo judiciorum, non concessio aditu ad Comitiam, nisi durâ illâ & novâ conditione, ut mentem quidem aperirem meam, at adversariis non responderem, hoc est, ut præclusâ voce & linguâ præsens videntque interesset damnationi meæ, quam illi jam antea inter se decreverant; leni moderatoque Facultatis ingenio facta vis, denegato mihi aliquo temporis spatio, & congressu, quæ tamen utraque concessit alienis; oppressa Comitiorum libertas, dum ad incutiendum terrorem iis qui innocentie meæ patrocinium audent suscipere, multa contra leges & consuetudinem inducta sunt; læsa prorsus Civilis justitia & Evangelica charitas, dum permissum non est, ut qui hominum offensionem verbis liberioribus incurrisse arguebatur, is placaret eisdem mollissimis & modestissimis; ereptum jus & auctoritas judicium Doctoribus, veritis deliberare de satisfactorio libello quem ad ipsos cum epistola miseram, eratque tanti ponderis in præsentî negotio, ut nullum conficiendæ Censuræ locum relinqueret; irrita moderatio, & decepta credulitas seniorum Do-

ctorum, clasis postulationibus eorum æquissimis per promissa aperta & solennia, quæ deinde palam & publicè violare non pudit; permissum, neglectis omnibus legum jurisque institutis, uni homini eique inimico suffragia numerare ad arbitrium, eidemque relicta Facultas fallendî Sorbonam, sicuti reipsa fefellit, ac decurtandi numerum eorum à quibus fueram absolutus; Decepta denique universa Gallia & Ecclesia, cum id pro communi totius Sorbonæ judicio venditatum est, (quoniam quæ Censuræ præse ferunt Facultatis nomen, eæ tales esse vulgò existimantur) quod statuit una tantum pars illius Theologicæ Societatis, eaque pravis inimicorum meorum artibus allecta & corrupta; quod quidem judicium vim obtinere nullam debet, cum propter neglectas quas servari oportuit leges, tum ob sententiam omnino adversam, latumque absolutionis judicium à septuaginta quatuor Doctoribus, quos solus Dei timor & amor Veritatis favere innocentie meæ jussit, postpositâ omni curâ privati commodi & quietis.

Cum in te præsertim eluceant singularis amor justitiæ, summa animi moderatio, & verè christiana charitas; non dubito, Præsul Illustrissime, quin hæc tam injusta, tam impotens, tam inhumana mecum agendi ratio animum tuum vehementer offendat. Equidem, quod ad me pertinet, ea omnia præstitisse mihi

videor quæ & divina lex & propria conscientia postulabant. Cogebam non perpeti, nisi in proximum ac me ipsum crudelis esse vellem, famæ nominique meo maculam aspergi; meque ipsum tueri debebam omnibus modis quibus id legitime fieri solet: at omnem mihi defensionis viam, quæ aliis aperta est, præcluserit adversariorum potentia. Appel- lavi ergo ad vivas leges. Id unum postulavi, ut staretur Curia De- cretis, ac servarentur jus naturæ & Canones Ecclesiæ. Æqua pos- tulare visus sum ei Viro, qui uni Justitiæ favet, mecumque stetit publica vox: atque is fuit unicus defensionis meæ fru- ctus.

Dissimulavi quascumque habe- bam causas repudiandi è numero judicum illam Facultatis partem, quæ cæco impetu ferebatur quo- cumque inimici mei rapiebant. At illos mea ista benignitas ac patientia aded non mitigavit, ut audaces magis & efferratos reddi- derit. Misi ad eos epistolam quàm potui obsequentissimam; ar quo magis submisi me, eò magis op- primere sunt connisi. Quo majus fuit obsequium in illos meum, eò durior in me fuit illorum in- humanitas. Scripsi defensionem meam; verum nec eam expen- dere, nec allatis à me rationibus respondere sunt dignari. Penè me ad eorum pedes prostravi sup- plex; at ipsi omnem erga me sensum humanæ simul & Chri- stianæ pietatis exuerunt. Malue- runt incurrere terribilem vindi-

ctam & atroces Omnipotentis Dei minas in eos qui cum fratri- bus recusant reconciliari, quàm non explere suam in me odii & vindictæ libidinem.

Quid aliud jam mihi restat, nisi ut infirmorum & oppresso- rum Protectori Deo relinquam defensionem causæ meæ; effun- dam coram illo meos gemitus in secretiori solitudinis recessu; ta- citus & sine querela feram trium- phum ac ludibria adversariorum; condonem iis libentissimo animo injurias quascumque mihi famæ- quæ meæ intulerunt, doceam verò tantum de iis quas patitur Ecclesia ob violatas disciplinæ suæ leges, & oppressam nobi- lissimæ toto orbe Facultatis li- bertatem.

Adjuva me, obrestor, preci- bus tuis, Præsul Illustrissime, ad impetrandam à Deo gratiam, quæ necessaria mihi est ut hos hu- militatis & pacis affectus conser- vem. Hoc ego à te sperare audeo, cujus mihi & in sponsam Christi acre studium, & amor justitiæ singularis, & charitatis ac mise- ricordie viscera erga homines afflictos dudum perspecta sunt. Jam audiivi inflicta mihi vulnera dolorem tibi non mediocrem at- tulisse, measque in te ipsum quodammodo redundasse calami- tates. Corroboram, quæso, in- firmitatem meam Episcopali tua virtute; consolare dolorem meum consolatione quâ consolatur te Deus, ut, juxta verba Apostoli, possis & ipse consolari eos qui in omni pressura sunt; efficaci ser-

sermone & exemplo mentem  
afflictam excita, spemque meam  
erige fidei tuæ robore, ac ge-  
nerosâ fiduciâ in eum, qui æ-  
quus Judex, imò ipsa Æquitas,  
judicat iniqua hominum judicia.  
Omni quâ possum ac debeo re-  
verentiâ

*Illustrissime Domine,*

*Obsequentissimus Famulus tuus*  
ANTONIUS ARNALDUS  
*Doctor Sorbonicus.*

Mensis Martii  
die 10. 1656.

ANTONII ARNALDI  
DOCTORIS ET SOCIJ SORBONICI  
EPISTOLA SECUNDA  
APOLOGETICA  
AD QUEMDAM EPISCOPUM

*Quâ suam agendi rationem, circa Quæstionem Juris, ab omni probro vindicat, & iniquas Adversariorum molitiones arguit.*

**Q**Uantumvis in Quæstione Facti cuncta iniquè & durè adversum me gesta sint, Præsul Illustrissime; ea tamen mihi solatio potius quàm dolori esse debuissent, si hîc stetit inimicorum meorum furor. Scilicet habuissent unde præpotenti Deo gratias agerem, quòd omnes eorum conatus me unum petissent, illæsa sanctissimorum Patrum doctrinâ & intactâ Fide Catholicâ: quòd satis habuissent me apud vulgus infamare, quasi temerarium & injuriosum, propter propositum à me aliquod dubium in ejusmodi Facto, cujus veritatem in Comitibus probandam suscipere ipsi non ausi sunt: ac denique quòd nihil aliud mihi, quàm privatam & peculiarem culpam exprobrassent, à cujus labe aut potius suspicione purgarunt me tot Doctores doctrinâ, pietate, ac mente incorruptâ conspicui; & cujus aliunde reus

esse potuissem, ita tamen ut catholica veritas, quòd unicum studium esse debet hominum verè Theologorum, nullatenus laderetur.

At fateor, P. I., doluisse me vehementer, quòd innocentia mea sub gravissimâ celeberrimorum Ecclesiæ Doctõrum auctoritate, & quasi tutelâ, non potuerit secura consistere. Non potui non commoveri quòd in sanctissimos Patres redundaverit ea injuria quæ mihi conflabatur: nec sine maximo doloris sensu agnovi factum esse, ut in me quidam homines arriperent quæsitam dudum occasionem obruendæ in Ecclesiâ doctrinæ D. Augustini.

Verumtamen illud mihi non mediocri solatio est, quòd verè conscius ipse mihi sim, unius Dei causâ editam à me Epistolam illam, quæ tantos tumultus excitavit: & quòd nihil à me tam

in hac Quæstione Juris, quàm in altera Facti omisum putem, quo Censuræ autores deterrerem, ne pessimo exemplo & cum bonorum omnium offensione damnarent ipsa SS. Patrum verba & dogmata.

Primis statim Comitiiis, quæ ea de re habita sunt sextodecimo die Januarii, mihi ad Facultatem Alterum Apologeticum, in quo apertè demonstrabam nullam omninò vocem in mea Propositione legi, quæ non esset syllabarim descripta è SS. Patribus; & ad ea, quæ Examinatores in promenda adversum me sententiâ objecerant, ita respondebam, ut quæcumque damnare decreverant, ea ego astruerem ac stabilirem ipsis etiam principiis quæ non potuerant non admittere.

Apologeticum illum, cui Epistolam addideram, obtulit in Comitiiis Doctor magnæ ætatis & famæ, idemque gravi & vividâ oratione admonuit, diligenter esse perlegendum illud scriptum Latinum, quo mea contineretur defensio; singula ejus capita prius ponderanda, quàm Epistolæ meæ articulus subjiceretur examini; & ejus exemplar omnibus Doctoribus tradendum, ut eorum singuli planè perspicere possent quid complecteretur. Fuitne unquam æquior ulla postulatio? *Judices*, inquit S. Augustinus, *non sint pigri ad legendum, ut veraces sint ad judicandum.* Tract. 41. in Joannem. *Etiamsi apud scythis causam dixissem, ut Scriptu-*

*ræ Sacræ verbis utar, (2. Machub. 4. 47.)* & ii me tantummodo quasi accusatum hominem aspexissent, expertes odii pariter & benevolentiae, nonne ultrò voluissent causam meam cognoscere, & expendere accuratissimè quæcumque ad Examinatorum accusationes repellendas afferendam?

Verùm tunc clarissimè patuit quàm sapienter egerit Ecclesia, cum Decretis suis vetuit, ne homines, quorum animos odii libido possideret, Judices aut testes darentur unquam iis quos oderant, rata nihil non iniquum & inhumanum ab ejusmodi viris pertimescendum.

Qui hoc maximè formidabant, ne insontem esse me palàm cerneretur, inter se uno animo sunt conmissi, ut tam æqua postulatio repudiaretur. Non poterant omninò opprimere ac tollere Alterum hunc Apologeticum, sicuti nec Primum, quoniam uterque typis mandatus venerat in manus omnium: verùm pervicerunt, ne in ipsis Comitiiis expenderentur, ut par erat. De me quasi homine accusato volebant ferre judicium; at iidem volebant, ut ipse me quasi accusatus defenderem, aut mea excuteretur defensio eo modo quo solet accusati hominis.

Quæ res me insontem probavit plurimis Doctoribus, eadem me adversariis invisum magis reddidit; quoniam, cum ratum ipsis statutumque esset condemnare me, talè consilium videbar distur-

disturbare, & exasperabam eorum mentes, dum me extra omnem Censuram positum demonstrabam. Similes erant iis de quibus Augustinus in Psalm. 57. n. 20. *Supercecidit ignis, qui eos non permittit videre solem. .... Ignis concupiscentiarum malarum. .... Quidquid eos premit, ne cognoscant veritatem, ne victi videantur, ne subiciat illos vel ipsa veritas.* Et quos his ejusdem Sancti verbis interpellare poteram: *Quid aures clauditis? Expectate, audite, & si potueritis servite. Quia noluebant nisi satire, noluerunt audire.* Ibid. n. 8.

Tantum abfuit ut vellent concedere spatium temporis necessarium ad excutiendam diligenter & maturè tam gravem Quaestionem, in qua agerentur fides Patrum & fama Sacerdotis Doctorisque ejusdem cum ipsis Societatis, ut potiùs ad nova quædam & ante illum diem Facultati inusitata confugerint, quibus & solitum Comitiorum tempus contraherent, & urgerent meam condemnationem, quæ pro eorum odio lentè procedere videbatur.

Cùm ageretur Quæstio Facti, mentem moræ impatientem texerant paululùm, & quamvis ægrè, toleraverant tamen Doctores quam plurimos in promendis sententiis defensionem meam suscipere ac innocentiam tutari, non minùs pondere rationum, quàm verborum libertate.

Sed cum intelligerent ad Quæstionem Juris requiri temporis multo plus, ut singula accuratius expenderebantur, talem moram,

æquam licet & legitimam, obijci meditatæ Censuræ suæ, non potuerunt perpeti. Itaque eò prorupit eorum injustitia, ut liberum ad ferendam sententiam temporis spatium Doctoribus eripere non puduerit; quod jus à natura ipsa concessum & Facultas hætenus integrum, nemine invidente, retinuit, & Societates omnes Ecclesiasticæ, regulares ac civiles, plenè & liberrimè semper usurparunt.

Docet Tertullianus, quòd *procedere disputationem de necessariis fidei non est otiosum, quia nec infructuosum.* (De Pœnit. c. 5.) Nonne hoc in præsentī negotio debuit diligenter observari, cùm Christi gratia, quo argumento nullum sanè magis sublime ac sanctum, expendenda proponeretur, idque in Theologorum Societate toto orbe nobilissimâ?

Nonne aliunde Facultati perhonorificum futurum erat, si Doctores quamplurimi existerent, qui possent multa graviter & doctè dicere, veram doctrinam stabilire simul & falsam repellere; cognitâ causâ, tueri eos qui jure pugnarent, iis resistere qui starent solo subnixi numero; & abundè præstare quæcumque expectari debent ab eruditis Theologis, quos in ejusmodi Comitiiis celeberrimis veritatem totis viribus propugnare oportet, & famam Sorbonæ defendere?

Nonne præterea intererat eorum, qui in Censuram istam consenserant, ostendere orationis & argumentorum gravitate, si tamen



men potuissent, se non inservire quorundam aliorum sententiæ metu nescioquo inductos, aut quasi conscios factionis; sed se posse sententiæ suæ momenta exponere, eamque sustinere adversus sentientes contraria?

Denique nonne naturæ lex & Christiana charitas postulabant, ne fratri tam apertè oppresso hoc, quod unum supererat, eriperent solatium, ut in hac quæstione quæ pertinebat ad Fidem, ab iis Judicium suorum, quibus Orthodoxus videbatur, eadem imò & majore libertate ac gravitate defenderetur, quàm in altera, ubi iisdem visus fuerat modestus & obsequens. Verùm nihil illos à consilio suo revocare potuit: non fama Sorbonicæ domus, quam charam habere debuerant; non libertas Doctorum, quam tueri; non fraterna charitas, quâ decuerat eos inflammari; non denique sanctissima Judicium ac sacerdotum dignitas ac persona, quæ summam ab ipsis & æquitatem & moderationem postulabat. Vicit ac prostravit hæc omnia apertum in me odium & tacita ira in eos omnes qui dum meam innocentiam palam facerent, sæpius retegebant in Comitibus pravas ipsorum adversum me molitiones.

Nulla tutior ad novum hoc consilium perficiendum visa est via, quàm ut Syndicus, quem mihi esse infensissimum semper patuit, postularet (die 16 Januarii) contrahi sententias ad quartam aut dimidiam horæ partem.

Intelligebant scilicet vim & gravitatem argumentorum quibus utebantur ii, qui SS. Patrum doctrinam in mea propositione adversus ipsos tuebantur, compressum iri, ut ita dicam, talibus temporis angustiis, nec viris Doctis futurum integrum repellere, quemadmodum in altera quæstione, falsas quorundam in me criminationes, subvertere armis Ecclesiasticæ Traditionis vanos humanæ mentis fortus, & demonstrare (quod illi inprimis formidabant) quæcumque ea de re possunt objici, jam fuisse olim proposita ab infensis gratiæ hostibus.

Sapienti Ethnico indignum videtur & iniquissimum, se à seditioso Tribuno plebis coactum concludere intra semihoræ breve spatium defensionem hominis ab ipso accusati. *Nunc quoniam, Tite Labiene, diligentia mea temporis angustiis obstitisti, meque ex comparato & constituto spatio defensionis in semihoræ circulum coëgisti, parebitur, & quod iniquissimum est, accusatoris conditioni, & quod miserrimum, inimici potestati.*

Quis ergo non mirabitur, P. I. adversarios meos ita parùm consuluisse famæ suæ, ut & sacerdotibus & Doctoribus voluerint id probari, quod Ethnicis ipsis visum est efferati odii, & summæ iniquitatis cumulus?

An ii dici possunt gerere se, non dico ministros Christi & imitatores ejus charitatis, sed iudices tantum civiles & æquitatis paulum studiosos, qui homi-

nis & accusati & inimicorum potentia oppressi defensionem infirmant quantum in se est, ac circumcidunt; & propterea pravis machinationibus ejus judices ac patronos frangunt, cogendo illos in angustum semihoræ circulum, obitrependo, & imperando silentium, si fortè constitutum iam breve spatium excedant? Quid autem aliud est hoc, nisi durâ lege frænare ingenium, deprimere animos turpi servitute, orationisque vim & seriem obruere & abrumperé violentis interpellationibus?

Si in causa capitali major judicum pars conjurata in exitium judicis sibi socij, at odiosi, & accusati ab uno ex ipsis, duram hanc circumscripti temporis legem toti Curia imponerent, postquam de Rei lite fuisset relatum, quia nonnihil metuerent ab iis quos præviderent argumentorum pondere & numero liberè defensuros innocentiam accusati, & forsitan commoturos quorundam aliorum mentes, vel saltem moram pravo consilio suo aliquam facturos; nonne in ejusmodi judices quisque insurgeret, & veros socii sui parricidas clamitaret? Nova autem illa lex, quid aliud esse videretur, quàm aperta ad opprimendum fratrem conjuratio? Præsertim, si concessâ singulis judicibus integrâ libertate loquendi de primo accusationis capite, in quo de multâ tantum aliquâ agebatur, & in eo sæpius appellati ac apertè convicti falsitatis, (sicuti nuper con-

tigit in quæstione Facti) confugerent ad hanc artem in altero capite, quo ipsa Rei mors peteretur, ut quantum fieri posset amputarent & circumciderent odiosos formidatosque eorum sermones, qui nullo factionis vinculo colligati ipsos obruerent multitudine rationum, & crebris exprobrationibus dejicerent?

Quis tales judices non detestaretur, & in Reum non commoveretur misericordia? An illi habendi essent veri judices, aut hic, majore licet suffragiorum parte condemnatus, putaretur nocens? Nonne talidamnationi, non publicos juris dispensatores, sed privatos Rei inimicos præfuisse vulgò jactaretur, cumque ab iisdem adversariis suis accusatum, condemnatum, oppressum? Nova autem illa lex contrahendi sententiam in semihoræ circulum ab ipsis uno animo instituta, quasi facilior breviorque ad hujus damnationem via, numquid non videretur certissimum esse argumentum conjurationis factæ contra innocentis vitam, & opus pessimæ illius prudentiæ, quæ cum arte & prudentia operatur malum. *Suspiceret opprimamus eum*, ut dicit Scriptura. (Exodi. i. 10.) Nonne quisque merito diceret, quando una in reddendo jure æquitas quæritur, non institui novas leges, sed diligenter observari jam constitutas; stare antiquis justitiæ regulis; frui judices singulos integrâ libertate quæ solent; nihil immutari ex ordine judiciorum; audiri omnia cum patientia,

patientia, & expendi cum æquitate ac diligentia: quoniam notum est hanc patientiam, quâ audiuntur quæcumque ad purgandum reum afferuntur, magnam esse justitiæ partem, sicut dixit olim Senator Romanus: *Primum Religioni sue iudex patientiam debet, quæ pars magna justitiæ est*: præproperam verò festinationem, esse magnam partem injustitiæ, quæ Reo facultatem omnem purgandi se conatur eripere, signum non obscurum implacati odii, nihilque aliud spirantis, quàm damnationem Rei, & insigne indicium potentissimæ Factionis conjurata: in ejusdem exitium?

Habes, I. P. adumbratam imaginem eorum quæ in præsentì controversia gesta sunt. Non potuerant non tolerare insensì mihi hostes Doctorem quemque liberè eloqui in quæstione Facti, quia pulchrè intellexerant se nimium læsuros omnium mentes, & vocaturos Comitìa in invidiam, si statim tolleretur ex iis omnis libertas. Ipse etiam Galliæ Concellarius significaverat jam ab initio Comitiorum „Etsi Rex „Christianissimus euperet sententias intra quartam aut dimidiam partem horæ concludi, „se tamen non postulare ita fieri, „ne legitima causa esset conquerendi violatam suffragiorum libertatem. Verum quos pudor aliquis à violandâ illa libertate suffragiorum cohibuit, cum temeritatis tantum accusatio expenderetur, iidem non dubitant

eam apertè violare, cum agitur de crimine hæresis, quo certè gravius nullum imputari potest Sacerdoti & Doctori.

Itaque mirum non est quòd, cum id postulavit Syndicus, bonorum omnium mentes tacita subierit indignatio, eorumque aperta facta sit intercessio.

Seniores quique Doctores & alii bene multi, numero circiter sexaginta, planè obstitērunt Legi isti novæ & nondum usurpatæ in Facultate à quingentis annis. Denunciaverunt non posse sibi tale jugum imponi, aut eripi libertatem afferendi quidquid sententiæ suæ confirmandæ necessarium judicarent in re tam gravi & ad Fidem ipsam pertinente. Cedere tamen eos oportuit numero suffragiorum: sed rati tam iniquam servilemque conditionem minime observatum iri, postridiè ad Comitìa pro more redierunt.

Et verò qui duo primi adversum me sententiam tulērè, ipsi non paruerunt Legi isti illegitimæ, sed eorum uterque est eloquens per horam integram & amplius. Qui deinde æquas aut adversas mihi sententias proposuerunt, perorarunt quandiu ipsis visum est, nec coluberi potuerunt crebro fremitu eorum qui novam illam in Sorbona servitutem accipi voluerant.

Verùm in sextis Comitiiis cum Doctor unus suscepisset ostendere, meam Propositionem omnino consentaneam esse doctrinæ D. Thomæ, necesse habuit plurima ex ejus Operibus testimonia affer-

re, quibus stabiliret veritatem hanc, quæ unâ hac viâ poterat probari, omni alio sermone futuro ad id assequendum irritum. Eò etiam deductus est ut purgaret me adversus Magistrum Nicolaum Cornet, qui me aliquod Cardinalis Cajetani testimonium corrupisse criminabatur, quia scilicet parenthesis sustuleram, quæ reverâ omnino esset inutilis. Voluit M. Cornet accusationem suam tueri: Liber in medium fuit proferendus: & perlecto illo testimonio patuit, tum me injuriâ insinuatam malæ fidei, tum doctrinam Cardinalis Cajetani, inter D. Thomæ discipulos celeberrimi, eandem prorsus esse atque Propositionis quam damnare meditabantur quasi hæreticam & impiam.

Altercatio illa cum M. Cornet, & multiplex loquenti Doctori facta interpellatio, quibus ferè tres horæ partes abumptæ sunt, fecere ut hic à nonâ ad undecimam usque sit locutus, nec tamen sententiam suam confecerit. Graviter admodum ferebant adversarii, præter voluntatem suam dilucidius explicari doctrinam D. Thomæ, & certissimis argumentis demonstrari, quàm perfectè congrueret cum ea quam damnare decreverant: quod postea denuò demonstravi in Libello Latino qui Romam missus est.

Exulceraverat præterea eorum mentes offusus pudor Magistro Cornet. Facti ergo Comitiorum Arbitri & Domini, sexta hæc Comitria dissolvi horâ undecima

curaverunt, etsi pristina omnia ad duodecimam ipsi protraxissent; ut scilicet Doctor ille non posset absolvere tam necessariam & gravem in præsentis controversiâ expositionem eorum quæ vetè sentit scholæ Angelus.

Ex hujus contentionis exitu, qui & adversariis meis tam parùm secundus fuit, & meam Sorbonæ universæ fidem palàm comprobavit, facilè intelligis, P. I., si apud judices Ecclesiasticos & æqui studiosos fuisset accusatus, mihi que contra adversariorum criminationes fuisset tantummodò pugnandum, majorem ipsis locum futurum fuisse timendi ne calumniatores viderentur, quàm mihi ne hæreticus declararer. Idèd ergo nomen meum detulerunt Facultati, quia ipsi se accusatores judicesque meos constituebant, & perspiciebant nullam mihi quantumlibet innocenti futuram facultatem evadendi ex suis manibus, cum pro certo haberent me magnâ multitudine Doctorum, præcipuè Regularium, quos undecumque coegerant, oppressum iri.

Volebant præterea licitum sibi fieri me palàm insinulare, testimonia Scriptorum malâ fide fuisse à me exscripta & adulteratam Sanctorum doctrinam. Verùm cum ille Doctor calumniam hanc graviter retudisset, ac demonstrasset eandem esse doctrinam D. Thomæ ac SS. Patrum Augustini & Chrysostomi quos defendebam, statuerunt positâ semel lege huic incommodo in poste-

rum ire obviam, & recidere omnino ejusmodi sententias tam graves & firmis nixas rationibus, quibus obturbarentur consilia sua, ipsi pudore perfunderentur, & omnibus palam innotesceret quàm infirmos haberet defensores injusta eorum causa.

Ecclesiasticæ veritatis viribus afflicti, erigere se voluerunt sumpris armis civilis autoritatis, quasi civilis aliqua lis ageretur. Appellarunt civiles Magistratus, ut Doctoribus non ampliùs relinqueretur facultas pertractandi diligentius Theologiæ dogmata, aut purgandi me à falsis inimicorum accusationibus. Atque ita ostenderunt se profectò non esse eodem animo quo antiquos Fidei defensores, & maximos Doctores duos Hilarium & Chrysostomum, qui satis firmas sibi vires esse existimabant si è sua parte staret Veritas, quæ ipsius Dei virtus est, ut ait eorum alter; & presentium temporum stultas opinioniones congemiscunt, qui ut patrocinari Deo humana creduntur, & ad tuendam Christi Ecclesiam ambitione seculari laboratur, ut scribit S. Hilarius contra Auxentium. n. 3. *At nunc, prohi dolor!* inquit iterum n. 4. *divinam fidem suffragia terrena commendant, inopisque virtutis suæ Christus, dum ambitio nomini suo conciliatur, arguitur. Terret exiliis & carceribus Ecclesia: credique sibi cogit, quæ exiliis & carceribus est credita. Pendet ad dignationem communicantium, quæ persequentium est consecrata terrore. Fugat Sacerdotes, quæ*

*fugatis est Sacerdotibus propagata. Diligi se gloriatur à mundo, quæ Christi esse non potuit, nisi eam mundus odisset.*

Voluerunt omnino tollere quicquid in Comitiiis reliquum erat libertatis. Et quoniam periculo suo jam cognoverant, quàm infirma sint Error & Mendacium adversus Innocentiam & Veritatem, majorem suffragiorum partem habere ad manum satis non esse visum est (quod tamen hominibus vel paululùm moderatis maximum fuisset) sed percussu exacerbatiq; doctis ac gravibus sententiis nonnullorum ex meis iudiciis, qui causam meam tuebantur, fecerunt ut iterum in Comitiiis audiretur imperiosa & formidolosa vox, quæ summâ autoritate subnixâ statim post confectum semihoræ spatium imperaret silentium omnibus Doctoribus, quorum argumenta vivida & firma, ipsis erant molesta & odiosa.

Falsa quædam & invidiosa in me jactantes faventem aulam habuere, dederuntque operam ut summus Galliæ Cancellarius, qui post compositam Quæstionem de Facto Comitiiis Sorbonicis non præfuerat, die Lunæ proximè subsequente ad ea rursus veniret: & quoniam ejus adventus expectatus fuerat & optatus iis qui vocem sociis suis præcludere omni ope tentabant; „illorum voto obsecutus dixit, „quandoquidem accepta lex erat „loquendi per semihoram ad „summum, eam esse observan-  
„dam,

„dam, & se impediturum ne quis  
„tale temporis spatium excederet.

Frustra nonnulli reposuerunt, reclamatum fuisse huic novæ legi; adversari eam Facultatis institutis; non posse observari in re tam gravi & pertinente ad Fidem; sicque judicatum ab iis ipsis, qui ejusmodi jugum voluerant aliis imponi, quippe qui ultra horæ spatium dixerant adversus Propositionem quam Censurâ notari cupiebant. Iis qui talia exposulabant demissâ modestâque oratione elemens ullum responsum aded non datum est, ut contrâ imperatum sit silentium, licet, quemadmodum dixi superius, in Quæstione Facti confessio facta erat, novam hanc Legem inveni in Sorbonam non posse; „quin  
„daretur locus conquerendi vio-  
„latam fuisse suffragiorum liber-  
„tatem.

Qui Doctor die Sabbati in dicenda sententia fuerat prohibitus, exponere fusiis rationes omnes suas, quæ ex ipsis D. Thomæ verbis desumptæ me damnari non posse demonstrabant, nisi pariter damneretur ille Sanctus, voluit idem sermonem institutum resumere; verum jussus tacere omnino ac statim concludere, sermoni nondum absoluto finem imponere coactus est.

Mox duo alii Doctores, qui Propositionis meæ defensionem susceperant, cum urgente elephanta leviter perstrinxissent momenta ac rationes sententiarum suarum, quas definiebat fluentis arenulæ mensura perbrevis, non

autem necessitas testimoniorum & probationum, quibus niti debent omnia hominis verè Theologi verba; ii pariter tacere jussi ac concludere.

Cum cernerent Doctores omnia sic perversè & contra usum geri, nihil potius esse duxerunt, quàm tacere, experti jam aliunde irritas esse querelas omnes suas. Exitere tamen plurimi, qui è Comitibus exeuntes significarunt, „non eam sibi mentem  
„esse ut novo huic jugo colla  
„vellent subdere; intra spatium  
„temporis tam breve proponi à  
„se ea non posse quæ dicere im-  
„peraret Religio, ad defenden-  
„dam Fidem & refutandas falsas  
„rationes quibus illa impugnata  
„fuerat, inustâ hæreseos labe &  
„notâ ei Propositioni quam ipsi  
„censebant sanctissimam esse &  
„omnino Catholicam; minimè  
„eâ viâ veritatem expendi aut  
„illustrari; se in posterum non  
„adfuturos Comitibus, si ita ex iis  
„tolleretur libertas; nec com-  
„missuros ut novam hanc Facul-  
„tati impositam legem compro-  
„basse præsentiam suâ viderentur.

Reverâ illud præstitere ipsâ postera die Martis Januarii 25; & eorum qui non venere ad Comiticia numerus tantus fuit, ut altera aula Sorbonicæ ala omnino vacua relicta sit. Expectabatur Gallix Cancellarius, parata ei Cathedra, & jam venerant Catenari, ut vocant, Apparitores: sed præmonitus nihil opus esse ampliùs suâ præsentiam, Comitibus non adfuit.

Tum verò quicumque remanserant, ad conficiendam damnationem meam cæco impetu properantes, parumque solliciti, in ferenda sententia, expendere Censuræ suæ æquitatem, in id unum incubuerunt, ut quam celerrimè meditarum consilium perficerent; aded ut ipso manè hujus diei, viginti & ampliùs sententiam dixerint intra duas horas cum dimidià.

Quis igitur hæc Comitæ, P. J., legitima dixerit, à quibus plusquàm sexaginta Doctores, sique doctrinæ famâ & dictis graviter sententiis celeberrimi secesserint, ided quòd non jam liceret omni contentione animi, omni studio, & quâ decebat doctos homines fandi copiâ defendere Fidem Ecclesiæ & Patrum doctrinam, nec possent perpeti, salvâ suæ Facultatis famâ & libertate, nova & inusitata quædam inuehi, quibus totus ordo, non minùs quàm frater suus opprimeretur?

1. Et sanè primùm omnium, singulis Doctoribus longo usu comparatum est jus, tantùm in dicendo temporis infumere, quantum ad stabiliendam sententiam suam sibi opus esse existimant; nec alteri Doctorum parti, quantumcumque sit eorum numerus, licitum esse potest eripere sociis proprium ratumque jus.

Quòd si jus illud ne uni quidem Doctori tolli fas erat, quanto minùs septuaginta & ampliùs Doctoribus, inani eâ de causa, quòd major ex alia parte esset

numerus, conflatus scilicet ex multitudine monachorum mendicantium, qui præter binos ex singulis Ordinibus legitimum in Comitibus jus non habent secundùm statuta Facultatis, & Curiæ Decreta?

2. Doctoribus lis qui nihil in Epistola mea reperiebant quod non esset Catholicæ veritati consonum, necesse erat non solum tueri me ac propositionem meam, sed etiam seipsos ac fidem suam. Etenim singulare hoc discrimen intercedit inter causas hæresis, & causas aliorum criminum, quòd ubi iudex fontem absolvit ac pronunciat innocentem, non indè tamen in suspicionem venit ejusdem criminis. At verò cum Doctor contendit Catholicam esse propositionem quam alii damnant quasi hæreticam, periclitatur ipse ne fautor & patronus hærescos habeatur, nisi ea suppetant quibus valeat sententiam suam confirmare ac tueri. Nonne ergo violatur naturæ lex, cum Doctoribus non relinquatur integra libertas seipsos fidemque suam defendendi adversùs eos à quibus ob propugnatam hæreticam doctrinam ipsi possent hærescos accusari?

3. Non mea tantùm fides agebatur singulorumve Doctorum qui causam meam defendebant, imò totius Ecclesiæ Fides agebatur, siquidem novos & Patribus nostris incognitos Catholicæ Fidei articulos placebat introduci. Quis autem non videt legem hanc temporis ad dicendum circumscri-



cum scripti obstitisse omnino Examini quod fieri par est in Quæstione Fidei? Testatur Concilium Tridentinum pluribus in locis, præsertim verò in salvo-conductu concessio Germanis Protestantibus, qui ad Concilium venire velent, *Quod iuxta causam controversam secundum Sacram Scripturam, & Apostolorum traditiones, probata Concilia, Catholica Ecclesia consensum, & sanctorum Patrum auctoritates tractari debeant.* Numquid autem possunt hæc omnia etiam leviter tractari intra semihoræ spatium?

4. Denique quàm iniqua fuerit illa lex, inde etiam patet, quòd ii à quibus expetita, maturata, constitutæque est, fateri coacti sint istud semihoræ spatium sibi minimè sufficere ad proponendam sententiam & probanda ea quæ in me effundebant. Nuper typis mandatum est P. Nicolai Dominicanæ scriptum, in quo fateatur ipse mediam tantum sententiæ suæ partem à se proponi potuisse, propter breve illud tempus definitum, omissemque alteram graviolem, in qua D. Thomæ doctrina explanaretur; licet ibidem ille fateatur se à S. Augustini discipulis rogatum, ut ad finem perduceret suam illam explanationem.

Quæ igitur res movere potuit Dominicanum hunc, ut cum Syndico cæterisque adversariis meis incumberet ad eripiendam omnibus libertatem loquendi ultra horam dimidiam? Expertus ipse cognoscebat intra tam breve tempus non posse commodè senten-

tiam ferri ea de re, in qua vana est omnis oratio quæ non validis probationibus & argumentis innitatur. Declaravit idem scripto publico se mediam tantum sententiæ suæ partem exponere potuisse, nec fuisse sibi integrum præstare ea quæ potissimum à Professore Scholæ D. Thomæ expectabantur. Nisi ineptè vanus sit, putare non debet aliis Doctoribus minimè adfuisse id ingenii ac doctrinæ, ut tam diu & tam aptè eloqui potuissent, quàm ipse. Verumtamen communi cum aliis cupiditate ardens maturandi Censuram, & saltem plus mediâ parte amputandi è sermonibus eorum qui illam impugnabant, contra rationis & propriæ conscientiæ testimonium non dubitavit dare operam, ut viris Theologis defineretur illud sententiæ dicendæ tempus, quod ipse noverat non esse sufficiens ritè expendendæ Quæstioni de qua erat instituta controversia. Jure singulis Doctoribus à natura concessio sponte decedens, famam Theologicæ Societatis, famam Dominicanæ Domûs, imò famam ipse suam prodidit, ut citius faciliusque posset Fratri afferre infamiam, & iis qui doctrinam D. Thomæ averfantur, locum dare eam reverâ configendi Censurâ, quæ stare non potest, quin simul damnetur hujus Sancti doctrina, & Divi etiam Augustini Magistri ipsius.

Quâ ratione unicâ niti voluerunt iniquam hanc legem, eâ ipsâ evertitur, ne dum comprobetur



betur. Scilicet attulerunt fuisse statutum in Concilio Tridentino, ne quis ultra dimidiam horam loqueretur. At tria subungere debuerunt quæ declarant exemplum hoc omnino ipsis adversari.

1. Priusquàm haberentur Sessiones Concilii, fieri solitos generales Conventus, in quibus Episcopi & Theologi differebant de iis capitibus quæ deberent definiri in Sessionibus; atque etiam ante generales illos Conventus, privatos quosdam congressus habitos, ubi celeberrimi quique Theologi aut opinione aut gente inter se diversi, res controversas tractabant coram iis Episcoporum qui doctrinam præcipui habebantur, qui rationes hinc & inde allatas expendebant. An ergo præsentī in Quæstione ea inīta via est? Nonne contrā denegatus fuit semper ejusmodi congressus.

2. Huic Legi obnoxios non fuisse Episcopos, qui in Conciliis Judices sedent eorum quæ Fidem spectant; sed Theologos modò, qui ibidem Advocatorum, ut vocamus, locum tantum obtinent: quod quidem expressis verbis declarat Concilii Historia, ex qua istud semihoræ exemplum desumpserunt. Imò nos edocet hunc fuisse illius Statuti titulum: *Ratio servanda deinceps in iis quæ expendantur à Theologis minoribus*: quā postremā voce voluit eos distingui ab Episcopis qui erant Theologi majores, & soli pro sua auctoritate poterant de doctrinā ferre judicium.

\* *Franciscus Turrianus, ut puto, qui nonnisi post Concilii exitum Societati Jesuitica se mancipavit.*

At verò in Comitiiis Sorbonicis Doctor quilibet sedet Judex, & ita fruitur ibi jure eodem quo Episcopi in Conciliis, ut in ipsis etiam Episcopis, si adsint, solum Doctoris nomen consideretur. Ideoque Facultas nullum jus habet, præsertim quando inter se dissidet, eripiendi unicuique eorum libertatem ferendi suffragii, quemadmodum nullo in Concilio unquam erepta est ulli Præsuli.

3. Patuisse ipso eventu nequidem inter privatos Theologos observari talem legem posse. Etenim in primo post ejusmodi confectum Statutum Conventu, SALMERO Jesuita absumit solus dicendū totum illud tempus quod fuerat plurimorum disputationibus constitutum, & idipsum die posterā alius Jesuita nomine TORREZ \* in altero Conventu pariter fecit.

Itaque hoc exemplo probatur omnino aliud, quàm quod intenditur; siquidem planum fit, nunquam ad temporis angustias coactos eos qui sunt Judices in Comitiiis, quo nomine Doctores gaudent in suis: &, si quando fuit illa imposita lex iis qui Judices non sunt, nullatenus potuisse eam observari.

Superest igitur hoc unum quod tam iniquæ conditioni prætexere possent, scilicet quod in absolvenda ea controversia longius temporis spatium fuisset collocandum. Verum, P. I. audeantne

P 2

facer.

Sacerdotes & Doctores causari tale quid, cum agitur de re tam gravi & ad Fidem ipsam pertinente? Si fortunæ nostræ vel paululum periclitari videantur, facit terrenarum divitiarum cupiditas ut annus integer ultrò impendatur instruendæ licitæ, proferendis variis descriptionibus, prehensandis iudiciis, & procurando causæ iudicio. At verò viros Theologos ita parùm tanget Justitiæ studium, ut unius duorumve mensium moram perferre non possint, cum id agitur ut è suis sociis unum condemnent, inferant labem famæ sacerdotis, iudicent de Fidei dogmate, excitent turbas in fidelium mentibus, moveant scandala & persecutiones in Ecclesia? Itanè propter inanem hunc & simulatum faciendæ temporis jacturæ metum dicere audebunt licitum sibi esse, violare id quo nihil carius habere debent quævis Societates, scilicet libertatem dicendi, ut saltem libidini & violentiæ, rationis auctoritas possit objici? *Si non deleat veritas, inquit Augustinus, deleat saltem libertas.* Tract. 48. c. 2. in Joannem.

Constat igitur, P. J. Doctores eos quibus cordi erat veritas, fama societatis suæ, & Fratris innocentia, meritò sanè recessisse à Comitibus, cum & illum tam iniquis modis impugnari, & suam libertatem tam manifestè opprimi cognoverunt. Secuti sunt vestigia sanctissimorum Præfulum, quorum similis fuit in pari occasione ratio.

Imitati sunt D. Paphnucium in superiori Thebaidæ Episcopum, S. Maximum Jerosolymitanum Episcopum, & plures alios, qui, ut refert Baronius, cognitâ Eusebianorum Præfulum conjuratione adversus D. Athanasium multis accusatum criminibus in Concilio Tyriensi anno 335. cum Præsules omnes declararent se Nicænam Synodum admittere, & in Catholica communione permanerent, è Concilio secesserunt. Ideoque dixit S. Pontifex Julius I. in Epistola, quæ apud S. Athanasium, in Apologia 2. legitur, non fuisse condemnatum Tyri Sanctissimum hunc Præsulem, quia, ut scribit Emin. Baronius, non fuerat à saniore Concilii parte condemnatus.

Imitati sunt plurimos Episcopos, & illum ipsum Maximum Jerosolymitanum Episcopum, qui vocati ad Concilium Antiochiæ habendum adversus eundem Athanasium, noluerunt interesse, compertum habentes quo odio cum prosequerentur ii qui Eusebio Nicomediensi faverent. Cum autem federint in eo Concilio Episcopi nonaginta, & significet S. Pontifex Julius I. fuisse eum condemnatum à triginta sex tantum, notat Baronius aut alios omnes secessisse è Concilio, aut saltem non comprobata ab iis iniquam illam damnationem.

Imitati denique sunt Sanctissimum Præsulem Theodorum Metropolitanum Tyanæum, qui fortè Constantinopoli agens tunc cum

cum Theophilus Patriarcha Alexandrinus dabat operam ut D. Chrysostomus damnaretur in Concilio cui ipse præerat, noluit sedere inter alios, sed, ubi omnia per factionem geri cognovit, ad Ecclesiam suam reversus est.

Gravissima hæc exempla sequi potuerunt Doctores qui secesserunt è Comitibus. Et quoniam veritatis vindices esse omnino non potuerant, cum omnis eam propugnandi facultas eriperetur, uni adversariorum libidini permissus & obnoxius factus sum, qui tam iniqua & ante illum diem inaudita ratione removebant eos à quibus posset obfisti consilio suo. Quæ cum ita essent, quidnam potuit à me fieri æquum magis & consentaneum legibus, quam ut exponerem quam graves mihi causæ suppeterent, cur pro irritato haberem quidquid adversum me statueretur in Comitibus unde jam omnis libertas exulabat; ubi ereptum Doctoribus jus, quod etiam recentissime usurparant in Quæstione Facti, quæ longè minoris fuerat momenti; ubi aperte & absque ulla dissimulatione sese exerebat ardens accelerandæ damnationis meæ libido, quæ se prius paululum tlexerat; ubi denique præpropera adversariorum festinatio satis declarabat quam vera sint hæc antiqui Scriptoris verba: *Prope est ut libenter damnet, qui citò.* Seneca, de Clementia l. I. cap. 4.

Itaque per Instrumentum publicum datum die 26. Januarii,

& postredie denunciatum Facultati, declaravi: " Etsi multæ  
„suppeterent causæ propter quas  
„de servata in Epistolæ meæ  
„examine ratione conqueri potuisssem ( quarum præcipuas  
„referebam, tibi antea, P. J. à  
„me expositas, & hinc non iterum  
„retractandas ) me tamen pro  
„mea in Facultatem reverentia &  
„studio pacis semper fuisse dissimulaturum acceptas in ea ro  
„injurias; verum me comperisse, in examine Quæstionis de  
„jure, cæpto fieri die decimâ  
„octavâ ejusdem mensis, per summam calumniam mihi crimen obiectum fuisse, quasi  
„propugnasssem in Epistola hæresim damnatam à Concilio Tridentino, & Constitutione Innocentii X. S. Pontificis, nempe Mandata Dei esse impossibilia iustis; licet revera eam  
„ego in omnibus scriptis meis semper damnaverim, damnentque ex animo: cum senior  
„unus è Doctoribus meo nomine obtulisset Scriptum, quo  
„poterat facilius intelligi, quam sana esset doctrina mea circa  
„quæstionem quæ erat expendenda, illud palam in Facultate recitandi denegatam copiam, nullumque delectum Doctorum, qui scriptum hoc examinaret, suumque de eo iudicium referret in Comitibus; quamvis, utrumque enixè postulasset qui libellum meo nomine obtulerat. Cum in quatuor primis Comitibus tantum  
„temporis singuli Doctores di-

„ cendo consumissent quantum  
 „ sententiæ suæ confirmandæ  
 „ necessarium esse duxerant, ta-  
 „ men quia Doctor unus pluribus  
 „ verbis voluisset defendere Epi-  
 „ stolæ meæ Propositionem, &  
 „ ostendere omninò eam con-  
 „ gruere cum D. Thomæ doctri-  
 „ na, multoties illum fuisse inter-  
 „ pellatum, etsi nihil nisi valdè  
 „ necessarium diceret, atque etiam  
 „ Comitia dissoluta horâ integrâ  
 „ maturius quàm pro more soli-  
 „ to, ut suas ille probationes  
 „ asserere non posset: deindè die  
 „ Lunæ proximè subsequente,  
 „ qui fuit 24. ejusdem mensis,  
 „ Doctores alios vix mediâ sen-  
 „ tentiæ suæ parte absolutâ, jus-  
 „ sos silere ac statim finem di-  
 „ cendi facere: id autem ita fa-  
 „ ctum dici, ut obtemperaretur  
 „ cuidam Conclusioni dici deci-  
 „ mi-septimi mensis ejusdem,  
 „ quâ placuerat sententiæ propo-  
 „ nendæ tempus contrahi ad ho-  
 „ râm dimidiam; quamvis reve-  
 „ rà plurimi Doctores adversati  
 „ essent isti Conclusioni, ut potè  
 „ inauditiæ hæctenus, alienæ ab  
 „ usu recepto tum in qualibet So-  
 „ cietate benè constituta, tum  
 „ præcipuè in ipsa Facultate, &  
 „ contrariæ suffragiorum liber-  
 „ tati: quæ idè non fuisset ob-  
 „ servata in primis quatuor Co-  
 „ mitiis, nec omnino posset, quo-  
 „ niam ejusmodi res tam graves  
 „ & ad Fidem pertinentes non  
 „ possunt quâ par est diligentia  
 „ expendi, nisi singulis Doctori-  
 „ bus, qui debent ferre senten-  
 „ tiam, relinquatur integra liber-

„ tas asserendi omnes è S. Scrip-  
 „ tura, SS. Patribus, & aliis  
 „ Theologiæ fontibus desumptas  
 „ probationes quibus eam cu-  
 „ piunt stabilire; quod sanè non  
 „ parvum temporis spatium po-  
 „ stulat. Et quoniam magna  
 „ Doctorum pars propter erep-  
 „ tam libertatem exponendi sen-  
 „ tentiæ suæ rationes, secesse-  
 „ rant è Comitiiis, iisque adesse  
 „ desierant pridie ejus diei, De-  
 „ clarabam non posse ea Comitia  
 „ à me accipi quasi legitima, in  
 „ quibus viris Theologis non li-  
 „ cebat stabilire sententiam suam  
 „ quantum opus esse videretur,  
 „ & quæ aliunde tam multiplici  
 „ ex capite peccarent. Itaque  
 „ me, post juratum, in reliquum  
 „ vitæ tempus, Sacramentum  
 „ Fidei Catholicæ Apostolicæ &  
 „ Romanæ, in qua semper vixi,  
 „ & summum erga Ecclesiam ac  
 „ sanctam sedem obsequium,  
 „ quod nunquam violavi, adduci  
 „ eò, ut pro irritis haberem quæ-  
 „ cumque gesta fuissent gereren-  
 „ turque in istis Comitiiis, & de-  
 „ clararem me, quâ ratione &  
 „ quo tempore visum fuisset,  
 „ contra acturum.

Non opus est, credo, P. I.,  
 ut hujus Instrumenti per Nota-  
 rios, ut vocamus, confecti au-  
 thoritatem asseram, quam leges  
 omnes admittunt; æquitatem  
 extollam, quæ nititur factis pu-  
 blicis, & universæ Urbi cognitis;  
 necessitatem exponam, quæ satis  
 patet discessu tot Doctorum, qui  
 & libertatem suam captivam te-  
 neri & fratrem opprimi non po-  
 tuerunt

tuerunt perpeti.

Non ignoras, P. I. teneri nos obediētes esse auctoritati iudicum legitimorum & æqui studioforum, non autem ultrò obijcere nos injuriæ & odio eorum qui inimicos accusatorēsque nostros sese declarant. Vult Evangelica lex ut caveamus ab iis qui persequuntur nos: & ipsa Sanctorum exempla nos admonent, ne famam innocentiamque nostram perirritamus adversariis quorum mentem patet esse odii libidine corruptam.

Itaque cum ea ratione sexaginta & amplius Doctores Comitia deseruissent, præter Seniores octo qui pro me sententiam tulerant, adversarii soli jam relictī & in Comitiiis dominantes, intra tertium quartumve diem Censuram confecerunt nemine contradicente, aded omnes inter se colligaverat Factio! atque ita sine ullo labore & negotio in lucem ediderunt monstrosū illud iudiciū, quod jam pridem illorum in me odium & livor parturiebat; quo quidem iudicio Propositio syllabarum & cum fide descripta ex duobus Ecclesiæ Patribus, Augustino & Chrysostomo, declaratur temeraria, impia, blasphema, anathemate damnata, hæretica.

Verum tamen existimo, P. I. mirum tibi non accidisse, quod res ita acta esset. Intelligis scilicet, ubi semel constitutum deliberatumque est opprimere quēpiam, quantumvis justus & innocens ille sit, nihil tam sanctum & sacrum esse, quod non violet il-

lius quàm celerrimè opprimendi cupiditas. Si visum est ejus doctrinam damnare, frustra ipsa SS. Patrum verba ille usurpat; illorum dogmata, impia & hæretica in ejus ore sunt. Si novarum opinionum artificem haberi cupiunt, novitatem querunt in visceribus vetustatis. (Optatus) Si anathemate volunt percutere, ipsi sibi fingunt nescio quæ commentitia anathematū fulmina, quibus falsò contendunt celeberrimorum etiam Ecclesiæ Doctorum fidem fuisse olim percussam.

Exponam tibi, P. I. in tertia Epistola quàm graviter in eo peccatum sit, & ostendam non me istā Censurā peti, sed sanctissimos Doctores quorum verba tantum exscripsi, Patres omnes qui deinde secuti sunt, & totam D. Thomæ Scholam.

Huic verò secundæ Epistolæ finem faciam, ubi attulero quæ olim sapienter vidit & dixit D. Hilarius, cum properaretur S. Athanasii damnatio & Censura Fidei Patrum. Hoc (opus) inquit, quo etiam in Romani Imperii negotiis quies carpitur, Rex angitur, Palatium fervet, Episcopi circumnursant, Officiales magistri volitant adversus Apostolicos viros Officiorum omnium festinatione turbatur. Ita ubique agitur, trepidatur, instatur; ut planè iniquitatem hujus adjunctionis obtinendi labor & cura prodiderit.

Nonnè idem dicere jure possum præsentī in controversiā? Si hæresim aliquam Epistola mea reverà continebat, satis erat ut

Facultas sola per se totum illud negotium expenderet, sicuti haecenus fuit observatum in omnibus Censuris, quibus illa non nisi veras hæreses erroresque damnavit. Quid ergo tot machinationes, tot artes, tot concursationes? cur Ecclesiæ leges, & naturæ jura violantur? cur subvertitur ordo Ecclesiasticorum judiciorum? cur perfringuntur consuetudo & institutum Facultatis, ut dominantur in ea Factio, vis, inhumanitas?

An eorum qui hætenus Censurâ notati sunt quisquam sic durè tractatus est, ut ego? an delecti in Examinatores insensissimi inimici? an Facultati fuit imposita veluti quædam lex, ut sine ullâ intermissione libros expenderet, & iis diebus Comititia haberet, quibus nunquam habuit? Præpropera & omnis moræ impatiens illa festinatio, tam aliena ab usu & instituto Sorbonæ, quæ semper moderationis laude floruerat, nonne apertè declarat vim & factionem impotenter dominatam esse in hoc negotio? An undecumque arcerenti Doctores tantâ curâ tantoque studio, maximè verò Mendicantes, ut cresceret suffragiorum numerus, & ponderi rationum opponeretur? An usurpatum nomen est summæ Potestatis, & adhibita Regia diplomata? An Facultati unquam missa sunt ejusmodi regia diplomata, sicut inimicorum meorum operâ factum est uno Comitiorum die, ut nempe ii Doctores qui in dicendâ sen-

tentiâ me cuperent absolvere, intelligerent, plurimum in Aula posse eos qui urgebant Censuram Epistolæ meæ, & ita cuncta tractari quasi Regia publicaque causa ageretur; adeoque multos eos haberet timor, ne omnis sibi adempta spes esset provehendi sese alitius, si me orthodoxum judicarent: contrâ verò facturi sibi aditum ad majora, si damnarent? An vincula & carcerem Doctoribus Doctores potentes & gratiosissimi minati sunt? An unquam is summo Galliæ Cancellario impositus labor ut Comititiis præset Sorbonicis, & tam excelsæ Dignitatis splendor objectus oculis hominum vel infirmorum vel proprii commodi studiosorum, ad opprimendum Reum? Denique an novum Facultati jugum impositum, ereptâ Doctoribus libertate dicendi de Fide & Traditione Ecclesiastica quantum rei gravitas & sui officii religio postulare?

Cur igitur in omnibus aliis Censuris cuncta ex usu & consuetudine gesta sunt? Quia nempe tunc Sorbona suo obsequens ingenio, experisque odii, factionis, & malarum artium, ejusmodi tantum res Censurâ notandas sumebat, quæ revera Censurâ dignæ essent, quæ adversarentur doctrinæ Sanctorum Pontificum, Patrum & Conciliorum, quæ erroneæ & hæreticæ secundum communem Doctorum sententiam viderentur.

At verò præsentī in negotio, quia adversariorum meorum

mens erat ipsam SS. Patrum doctrinam Censuræ subdicere, blasphemix, & impietatis nomine damnare dogma verè Catholicum totius Traditionis fundamentis nixum, & à D. Thoma confirmatum; quia statutum deliberatumque erat, & quocumque tandem modo Censuræ notam inurere Doctori, qui antiquam veritatem defenderat adversus novum errorem cujusdam Theologi in aula gratiosi, & ejus doctrinam proscribere, ut postea ipsius persona peteretur; tam indignum consilium indignis artibus oportebat promoveri ad exitum. Quærendæ erant viæ inusitatæ, obliquæ, illegitimæ, quibus confici posset ejusmodi res, quæ Ecclesiæ leges & Facultatis statuta violabat. Accelerandum erat Epistolæ meæ examen, & festinandum judicium. Eludendæ admonitiones meæ, rejiciendæ Apologetici, & exposulationes repellendæ. Oportebat eos auctoritate publicâ armare, qui me contumeliis & crebro anathemate cooperiebant, animos autem frangere ac tempus me defendendi eripere iis, qui me & innocentem & verè Catholicum judicarent. Hoc est, tollenda fuit sua Sorbonæ libertas, ut Doctor unus opprimeretur; & toti Corpori facienda contumelia, ut membrum unum tristi notâ inureretur.

Si tam apertam injuriam cogar perpeti P. I. nec impedire possum quominus Inimicorum meorum potentia causæ meæ æqui-

tatem superet, ea saltem spes me habet, posteris ignarum non fore, quod in Comitibus palàm prædicatum est à quibusdam Doctoribus: "Apertè patere quæri, perniciem meam; me quasi victimam tradi odio & ultioni, autorum ac fautorum Molinismi, qui duodecim abhinc annos, post editum *De frequentia Eucharistia usu* librum, eandem meam poposcerunt; quæsitam mihi invidiam apud Ecclesiæ ac Regni Principes; ratum constitutumque esse me infamiâ afficere, me persequi, me opprimere: hoc unum sibi esse integrum, ut manus suas servarent puras ab hoc scelere, nulla cum aliis factâ coitione ad Fratris exitium: verùm defleri à se vim mihi factam, & illatum toti Ecclesiæ scandalum, quæ non poterant cohibere; & quoniam innocentiam meam suâ sententiâ rationibusque defenderant, & misericordiâ & lacrymis casum meum, qualiscumque futurus esset, prosecuturos,

Non ignorabit Posteritas, omnia præclaræ istius Censuræ vitia, omnes Cenforum fraudes, malas artes, dura & violenta Consilia, (quorum partem aliquam in duabus Epistolis attuli) ipsis fuisse coram exprobrata in Comitibus: tales exprobrationes irato ac percito animo impatientius tulisse eos; audivisse tamen, & invitos licèt agnovisse, eos qui ex Veritate & Charitate agerent, tam esse in me defendendo impavidos,



pavidos, quàm ii essent audaces in laessendo, qui præcepta contra me opinione & odii libidine raperentur.

Judicabit, ut spero, eadem Posteritas, simile miraculo videri posse, septuaginta quatuor Doctores ausos fuisse me ab omni Censurâ vacuum declarare, eorumque plurimos debitis sibi emolumentis carere maluisse, quàm ei subscribere, eâ præsertim temporum conditione, ubi quàm pervulgatum est Veritatis & Justitiæ partes deferere, eum affulget spes aliqua opes dignitatesque comparandi, aut declinandi malum aliquod imminens; tam rarum est propria commoda privataque utilitates forti & con-

stanti animo negligere.

Denique judicabit, ni fallor, futurum fuisse ut, si tantum apud Aulam potuisssem quantum Censuræ autores, Propositio mea Censorum plurimis Catholica videretur, sicuti est. Verum callidas artes, subnixas licet potentiâ, non eâ esse vi, ut vera SS. Patrum dogmata vertant in blasphemias & hæreses: eos qui gratiosi sunt, posse quidem periculum creare innocentibus, opprimere infirmos, & mortales homines perdere; at non posse eisdem Ecclesiæ Traditionem quæ inviolabilis, Doctrinam D. Augustini quæ Sacra, Veritatem Dei quæ immortalis est, violentis factionibus abolere.

*Præsul Illustrissime,*

*Obsequentissimus famulus AN-*  
*TONIUS ARNALDUS*  
*Doctor Sorbonicus.*

Die 24. Martij  
a. D. 1656.



# ANTONII ARNALDI

## DOCTORIS SORBONICI

### AD QUEMDAM EPISCOPUM

### EPISTOLA APOLOGETICA III.

*Quâ Propositionis, à Theologicæ Facultatis parte damnatæ, veritatem asserit.*

**S**uperioribus in Epistolis exposui Tibi, Præsul Illustrissime, varias Adversariorum in me injurias. Verùm quantumvis iniquæ, quantumvis violentæ illæ fuerint, tantum abest mihi sit de iis conquerendum, ut potius debeam gratias Omnipotenti Deo agere, quodd veritatem, quam ego tuebar, Adversarii mei conati opprimere, tam apertè omnia per vim & injuriam gesserint, ut me oppresso victrix & illæsa Veritas triumphare videatur.

Cùm Deus saluti fidelium omnium, cujuslibet sint conditionis, pariter atque Doctorum ac Theologorum pro sua providentia invigilet, ferè nunquam patitur doctrinam sanctam, quâ debent nutriri, in aliquo gravioris momenti argumento lædi, quin facta illi injuria apertè & publicè pateat, ut scilicet justa suppetat omnibus dissidentia, quâ prohibeantur ab errore.

Præsenti in controversia ita

fieri permisit Deus. Molinæ affectis necessarium fuit omnes æquitatis ac justitiæ legis violare, ut Censuram istam conficerent; at hoc ipsum facit, ut viri rerum Theologicarum rudiores fidem ei omnem detrahant. Vel solo rationis auxilio intelligunt, non posse haberi id valdè legitimum, quod viis nisi illegitimis confici non potuit; & eam doctrinam immeritè fuisse damnatam, cujus damnationem non potuerint gratiosissimi Adversarii aliter procurare, quàm iniquis & indignis artibus.

Verùm, P. I. ostendam, ut spero, hæc in Epistolâ, Censuram ipsam, nullâ habitâ ratione eorum omnium quibus patet eam esse nullam & irritam, non minùs debere improbari viris omnibus verè Theologis, quàm æquis quibusque hominibus odiosa fuit Censuræ temeritas.

Propositio illa quam damnaverunt & multiplici anathemate percusserunt, summa est & conclusio

clusio prolixioris Scripti, in quo plurima SS. Patrum testimonia retuleram, maximè vero SS. Augustini & Chrysostomi, qui affirmant Deum permisisse Beatum Petrum cadere, ut Justos omnes edoceret hujus Apostoli exemplo, nihil posse eos sine gratiâ Dei, nec resisti vel levissimæ tentationi, si ejusdem gratiæ auxilium desit, ut defuit Petro. Talem sermonem concludens, illorum sanctissimorum Doctorum verbis dixi: *A sanctis Patribus exhiberi nobis in Beati Petri persona Justum aliquem, cui gratia, sine qua nihil possumus, in ea occasione defuerit in qua illum minimè peccasse nemo dixerit.*

Tres tantum sunt hujus Propositionis partes, exque syllabatim exscriptæ ex SS. Patribus. Dixi, *A Patribus exhiberi nobis in Beati Petri persona Justum aliquem.* An id ego à me profero? Ipsissima sunt Divi Augustini verba, quæ retuli in altero Apologetico Latino: *In Petro demonstrans, non in se quemquam Justum debere presumere.*

Dixi, exhiberi nobis à Patribus Justum in personâ Petri, qui gratiâ destitutus sit. An ego hæc à me profero? Nihil aliud quàm repero in ista propositione testimonia ipsa ejusdem sanctissimi Doctoris & D. Chrysostomi, quæ prius attuleram, & quæ hoc ipsum expressis verbis declarant. *Quid est homo,* inquit S. Augustinus, *sine gratia Dei, nisi quod fuit Petrus cum negaret Christum?* Negatio Petri, ait Chrysostomus,

*non tam erat socordiae & negligentiae quàm ex eo quòd Deus eum deseruerat.*

Dixi, nobis ostendi à Patribus Justum in persona Petri, qui gratiâ destitutus sit, sine qua homines nihil possunt. An ego hæc quoque à me protuli? Iidem duo Patres disertè hoc asserunt in illis testimoniis quæ attuli: *Et idèò,* inquit Augustinus, *Beatum Petrum Dominus paululum suldeseruit, sicut in illo totum hominum genus posset agnoscere, NIHIL SE SINE DEI GRATIA PRÆVALERE.* Negatio Petri, inquit Chrysostomus, non tam erat socordiae & negligentiae, quàm ex eo quòd Deus eum deseruerat, erudiens ut humanam sciret mensuram, & non repugnaret iis quæ dicebantur à Magistro, neque ejus quàm aliorum essent clatiores spiritus, sed sciret quòd aliquid Deo nihil potest fieri.

Hæc cum ita sint, P. I. poterantne Censores justam ex his verbis causam capere mihi obijciendi hæresis crimen, nisi me prius accusassent, illa falsò à me tribui sanctissimis Doctoribus, & adulterari ea quæ afferro testimonia. Etenim si nihil ex sanctissimis Viris desumsi, quod non sit verissimum, patet omnibus illas execrationes, illa anathemata & portenta verborum quibus simplicium mentes terrere voluerunt, in ipsos tantum Patres cadere ac refundi.

Verùm isti Theologi nullatenus me in Censura sua criminantur à SS. Doctorum sensu vel minimùm recessisse, verba eorum parum

parùm fideliter retulisse, aut alienas ipsis affinxisse opiniones : quod sanè pro effèrato suo in me odio fecissent, si omnino potuissent. At ed non processit eorum audacia, ut omnium oculos tentarent configere atque obæcare, ne ea viderentur quæ ipsâ luce clariùs patent. Non audent igitur me Patrum corruptorem adulteratoremque appellare ; at blasphemum & hæreticum, non dubitant. Non conqueruntur depravatam à me sententiam Sanctorum illorum ; sed Ecclesiæ doctrinam hæresi & blasphemiâ à me depravatam audent criminari.

Quidnam afferri possit quo factum tam pravi exempli & tam contumeliosa maximis Ecclesiæ luminibus injuria defenderetur ? Anno 1521. tulit Censuram Facultas Parisiensis in Lutherum, tulit *unanimes omnium voto & consensu*, sine factione, sine prava ulla arte. Damnavit in illo hæretico errores quos SS. Patribus tribuebat. At quâ ratione id præstitit ? Nimirum id primùm Lutherò ante illam damnationem crimini datum, quòd SS. Patribus imponeret, easque opiniones affingeret quas nunquam tenuerant. *Isti duo articuli, scribebat Lutherus, non sunt Joannis Hus, sed Augustini.* Imò, inquit Facultas, *Hac propositio ad Husistarum intelligentiam est falsò Augustino tributa.* Et infra : *Hac propositio. . . . perversè & truncate ex Augustino allegata.* Et iterum : *Hac propositio iniquè & mutilatè ex Ambrosio excerpta.*

Anno 1626. Censurâ notavit Summam Theologicam Garassii Jesuitæ, qui plurima Patrum loca adulteraverat ; verum id disertis verbis declarat in Censura : *Sacra Facultas, inquit, Summam illam Theologicam Francisci Garassii omnino damnandam censuit, quòd multas propositiones hæreticas ; erroneas, scandalosas, temerarias contineat : tum non pauca S. Scriptura & SS. Patrum loca perperam citata, depravata & à suo germano sensu detorta.*

Notavit quoque eodem anno Censurâ Santarellum Jesuitam, qui S. Paulo omninò alia tribuebat ac sentit reverâ ; at hoc ipsum præcipuum Censuræ fuit caput : *Dixerunt. . . . inquit, ipsum S. Paulo imponere, verba illius detractâ negatione immutando & multis autoribus ab ipso citatis.*

Anno 1631. notavit Censura Angliæ Jesuitas propter plurimos de Sacramento Confirmationis errores, quorum unum Divo Thomæ affingebant. Num igitur Facultas errorem hunc damnavit, nec cavet ne D. Thomas auctor illius putaretur ? Quoniam eadem tunc erat Sorbonæ in SS. Patres veneratio quam semper præ se tulit, à culpa tam gravi absuit illa longissimè. S. Thomæ famam illæsam servavit, & Jesuitas accusavit sancto Doctore imposuisse. *Tota hac Propositio, inquit Censura, falsa est, temeraria, Divo Thomæ imponit, & hæresi est proxima.* Censura in Libr. Danielis à Jesu tit. 2. prop. 3.

Ean-

Eandem præstitit æquitatem Facultas erga Scriptores minimè auctoritate comparandos cum SS. Patribus. Id patet ex Censura pessimorum dogmatum Summæ peccatorum P. Baunii, quæ quidem confecta fuit & palàm recitata in Comitiiis die primâ Julii anno 1641; ac verò in vulgus ne prodiret factum est eadem Jesuitarum potentia quam non minùs adhibent ne detestandi errores Censurâ damnentur, quàm ut proscribantur verissima dogmata. Etenim, ut evincitur ex Censura quæ legitur in tabulariis Facultatis, cum Baunius perniciosam aliquam opinionem suam Cardinali Cajetano tribuisset, ea his verbis proscribitur: *falsa, periculosa, & falsò citat Cajetanum*. Præterea, cum ille Joannem Majorem Doctorem Sorbonicum jactaret auctorem ac patronum suæ in gratiam fœneratorum doctrinæ, contrà affirmant Censores, Jesuitæ doctrinam non esse conformem sententiæ Majoris: *Nec est conformis sententiæ Majoris*. Iisdem quoque in Comitiiis die primâ Julii habitis conclusum est, ut Catalogus fieret eorum auctorum quibus abutitur idem Baunius, & quorum loca & citationes falso & detorto sensu adhibet in confirmationem assertionum sui libri, isque Catalogus

ad calcem Censuræ imponeretur: (a)

Talis semper fuit aliatum Catholicarum Facultatum ratio. Lovanicensis ac Duacensis Censurâ notaverunt novas Jesuitarum opiniones, quarum plurimas illi tribuere audebant D. Augustino, adulterantes sanctissimi Doctoris doctrinam. Verùm duæ illæ Theologorum Societates eruditissimæ non modò iis exprobrarunt corruptam magni Augustini doctrinam, sed certissimis argumentis demonstrarunt.

Et sanè cum nulla re magis possit illibata permanere Ecclesiæ doctrina, quàm si sua conservetur auctoritas SS. Patribus, qui eam tradiderunt; nonne Theologos omnes, pro ea quam ipsis debent veneratione, amovere oportet quidquid sacris eorum nominibus posset gravitatis ac ponderis aliquantum detrahere? Nonne, si eos tangit illorum gloriæ amor, debent ab erroribus falsò impositis vindicare? Denique, nonne ea quæ ipsis imperatur charitas in fideles omnes, jubet cavere, ne aut aliqua iis sese offerat causa credendi sanctissimos viros propugnasse hæreses, aut hæreses amplectantur, quarum temerè crederent patronos extitisse SS. Patres.

Si unquam necesse fuit res ita tractari, certè maximè in præsententi

(a) Conclusum est ut idem M. N. Grandin cum M. N. Nicolai Catalogum exponeret eorum Autorum quibus abutitur idem Autor (Baunius) seu quorum loca & citationes falso & detorto sensu adhibet ad confirmationem assertionum sui libri, ut ad calcem Censura imponatur. Ex Regist. Facultat. die 1. Julii 1641.

senti controversia. Crimini datur Doctore Sorbonico impium quid & hæreticum protulisse. Contendit ille nihil aliud à se afferri quàm ipsa sanctorum Patrum verba. Causam suam tueretur per scripta publica, in quibus probare nititur se à veritate non recessisse. Obtestatur & urget adversarios ut ostendant in quo discrepent ab ipsis Patrum verbis testimonia quæ attulit; in quo falsa iis imposuerit; in quo eorum sententiam aut verba adulteraverit. Fatetur se dignum damnari, si aliquam ejusmodi discrepantiam deprehendi demonstraretur; at idem declarat ac prohitetur palàm, si ea notentur Censurà quæ à sanctissimis Doctoribus mutuatus est, nec sua in referendis eorum testimoniis culpetur fides, damnatos tantum sibi visum iri maximos Doctores, aut porius eos quorum inaudita temeritate damnatio illa fuerit confecta. Probavit magna Doctorum pars tam æquam & legitimam postulationem, eique se adjunxit. Erecta & suspensa Gallia universa expectabat totum hoc negotium expediri ac illustrari; sed frustra. Post tam conspicuos & inusitados apparatus, post tot machinationes occultas, tot injurias publicas, tandem fabricata clam Censura prodiit, in qua mirum est de Patribus silentium, nec ulla sit mentio me sententiam eorum aut verba adulterasse; sed vnà eademque damnatione pariter configimur.

Si ejusmodi Censura valeret

in Ecclesia, an possemus jure aliquo SS. Patrum nomen & auctoritatem adversus hæreticos assumere? Nonne os nobis obstruerent exprobrantes, quæ jam ceperunt exprobrare, eos impietatis & hæresis à nobis ipsis damnari ad arbitrium; Declaratum esse istà Censurà neminem teneri stare eorum verbis; nos majus ab iis obsequium erga SS. Doctores postulare non posse, quin significemus in caput nostrum hanc Sacræ Scripturæ sententiam torqueri: *Pondus & pondus, mensura & mensura, utrumque abominabile est apud Deum.* Proverb. 20. 10.

Verum, P. I. ed major est adversariorum Censorumque temeritas & audacia, quod nulla ab iis habita ratio est testimoniorum plusquam quadraginta ex SS. Patribus & aliis Scriptoribus Ecclesiasticis, quibus confirmavi tria meæ Propositionis capita in duobus latinis Apologeticis quos misi ad Facultatem. Demonstravi nihil à me fuisse propositum quod non docuissent in omnibus orbis partibus celeberrimi Ecclesiæ Doctores, Hilarius in Gallia, Ambrosius in Italia, in Africa Augustinus, in Ponte Basilii, Chrysostomus in Tracia, Victor Antiochenus & Theodoretus in Oriente, & plurimi alii Scriptores in diversis Ecclesiæ seculis.

Si quid eorum mentes movere potuisset, id certè potissimum, quod, post allata tot testimonia, quibus disertè affirmatur S. Pe-

trum

trum in hac tentatione sibi relicturni, nec adfuisse gratiam sine qua non poterat eam vincere, institerim vehementer, ut vel unum Ecclesiæ Patrem proferrent qui contrā senserit: qui dixerit gratiam Beato Petro non defuisse, cum alii asserant defuisse: qui voluerit ei præstod fuisse omne Dei auxilium quo illam tentationem superaret; cum alii contendant, nihil quemquam posse sine gratiâ quam sanctus ille Apostolus non habebat. Et sic id perpenderent quod eos postea monui, scilicet, quoniam omninò non poterant vel unum Ecclesiæ Patrem proferre qui ab omnibus aliis à me laudatis dissentiret, se non posse negare Sanctam & Catholicam esse doctrinam illam quam damnare meditabantur, nisi vellent subvertere certissimum Catholicæ doctrinæ argumentum quo semper Ecclesia usa est ad convincendos Hæreticos & Novatores. Etenim, ut præclaris Cardinalis Perronii verbis utar, *ut doctrinâ aliqua à SS. Patribus pro Catholica & orthodoxa universim tradita esse dicatur, eam in omnibus Patrum monumentis reperiri minime necesse est. Neque enim omnes scripsere de omnibus: verum doctrinâ alicujus pro Catholica habenda id erit certissimum indicium, cum regionis cujusque clarissimi Patres ad confirmandam eam consentiunt, nec quisquam nisi deterioris ac suspectioris notæ ab ea dissenserit.*

Id duobus exemplis celeberrimis confirmat. Sic Beatus Augustinus adversus Pelagianos, undecim; sic Synodus Ephesina adversus Nestorium, decem Patribus iisque illustribus in doctrinam unam conspirantibus in medium adductis, universa Ecclesiæ fidem communem & prioris aevi consensum se se representasse judicavit.

Si hæc regula subvertatur, fides Ecclesiæ corruet illicò. Hanc qui secuti sunt, semper Catholici & orthodoxi sunt nuncupati; qui verò ab ea recesserunt, Hæreticis annumerati, ut scitè docet Baronius ad a. 646. Hæc Regula victrix omnium hæreseon stetit Ecclesiæ. Hæc rejecit longè quæcumque nova invehantur fidei dogmata. Hæc prævit semper decretis Conciliorum, quibus non alia fides stabilita est, quàm *fides Patrum*. Denique eadem illa regulâ Concilium œcumenicum ultimum damnavit hæreses Lutheri ac Calvinii. Neque solum in peculiaribus quibusdam argumentis adhibuit sæpè illum Patrum consensum, quasi unum è præcipuis doctrinæ Catholicæ fundamentis; (a) verum etiam generalem hanc regulam statuit, ut nemo contra unanimem consensum Patrum, ipsam Scripturam Sacram interpretari audeat. (sess. 4.) ille autem consensus tunc existimari debet unanimis, cum, ut egregiè sentit Cardinalis Perronius, plurimi Patres magni nominis in eandem doctrinam con-

(a) Concil. Trid. sess. 5. sess. 6. c. 8. sess. 7. Proem. sess. 14. & 5. sess. 22. c. 9. sess. 23. c. 3. sess. 24.

consentiunt, & nemo ab ea dissentit.

Hæc cum ita sint, P. I. quodnam ferri debet iudicium de ista Censura? Demonstravi illam Epistolæ meæ propositionem Syllabarim fuisse exscriptam ex SS. Augustino & Chrysostomo. Ostendi omnes alios Patres qui de B. Petri lapsu locuti sunt, idem cum duobus illis sanctissimis Doctoribus sensisse. Institi adversariis ut vel unum afferrent, cuius diversa fuerit sententia. Id suscipere ausi non sunt, quia reverà nullus potest reperiri. Quid inde inferri debet, quid sequitur? scilicet, me tueri fidem Patrum, hoc est, fidem Catholicam; Censores damnare fidem Patrum, quæ Ecclesiæ fides est, cumdānant me.

Verum non decebat maiorem reverentiam haberi scriptoribus aliis à me laudatis, quàm SS. Augustino & Chrysostomo. Parem omnibus inussit injuriam Censura: eorum verba & sententiam non intelligi simulatum est; & hoc unum sanctissimis viris datum, ut, cum ipsi anathemate percussi sunt, eorum nomina tacerentur.

Non modò non cura ulla fuit celeberrimorum Doctorum famam factam rectam servare in Censura; ubi illa palàm periclitabatur; sed etiam ipsi Censores in ferenda sententia, quàm pro nihilo illòs ducerent, contumelioso, si unquam fuit, silentio

apertè declararunt. Si ad posteros perveniat istorum Comitiorum historia & suffragia typis excusa, mirabuntur profectò ex omnibus adversariis incis extitisse tantummodò unum P. Joannem Nicolai Dominicanum qui aliquà cum diligentia responderit ad quædam ex testimoniis Patrum à me allatis. Sed sicuti ille se magis audacem ostendit quàm cæteri, ita & minùs prudentem; docuitque satius futurum fuisse omninò tacere, quàm multiplici fraude & calumnià apere, Censuram pariter non nisi fraude & calumnià niti.

Mihi criminis dat ille Censor SS. Patribus falso imponere, & totum istius criminationis fundamentum hoc uno nititur, quòd ipse mihi quædam affingit in quibus statuit discrimen illud omne quòd reperiri contendit inter SS. Patrum sententiam & meam. Dicit igitur me, ut soli Deo tribuam B. Petri derelictionem, nullum in illius Apostoli præsumptione peccatum agnoscere, cum moriturum se pro Christo promissit. (a) Quæ verba duas propositiones mirum in modum falsas complectuntur. Etenim falsissimum est, me soli Deo tribuisse B. Petri derelictionem, quasi ipse non præbuerit propter peccata sua causam tali derelictioni. Falsum quoque est, me nullum agnovisse peccatum in hujus Apostoli

(a) Hæc, inquit, illa tria quæ Chrysostomus ita in Petro reprehendit, ut subsequens causam desertionis hinc repetat, ne Deo tribuatur, non Petro. Sed Arnaldus excusat quoad potest ne desertio illa Petro tribuenda sit & non Deo. Joan. Nicolai Censor. suffrag. p. 9



stoli præsumptione. Si quidem in primo Apologetico, quem ille Censor refellere susceperat, disertè agnosco, peccasse B. Petrum, quia de se viribusque suis nimium præsumsit ac aliis Apostolis se prætulit. Et eodem in loco, quem ille citat, fateor D. Chrysostomum tria peccata Petro tribuere, at non tria crimina, seu tria peccata moralia, quibus Dei inimicus factus sit.

Nonne, P. I. luctuosum est ita impotenter efferrì & præcipientes agi eos quos omnium maximè oporteret à libidine esse alienos? Extinguit illa & obruit omnem & honoris & Religionis sensum. Subministrat & suggerit Doctori, Monacho, Sacerdoti eas opprimendi fratris artes, quæ vix cadere possint in homines abjectissimæ mentis. Uno verbo, pectus miserè obdurat, & frontem tam impudenti armat confidentiâ, ut nullum ruborem suffundat turpe & evidens mendacium, quod ab omnibus quibus oculi sint, deprehendi possit ac veluti contrectari.

Non minùs patet istius Censoris audacia in tertiâ adversum me calumnia. Adulterata à me fuisse SS. Patrum testimonia criminatur, quia non dixi, Beatum Petrum propter suam præsumptionem fuisse derelictum, quæ tamen eorum sententia est. Verùm si id ego disertè dixi quod à me non fuisse dictum criminatur, quid erit aliud ista accusatio, quàm certissimum argumentum malæ fidei accusatoris?

Hæc sunt verba alterius Apologetici p.76.: *Non negat Epistola (quod auctor Epistola lubentissimè agnoscit) idè Petro gratiam defuisse, quia defuis viribus nimium præsumserit.* Etcirca ejusdem paginæ initium: *Respondet ille, sat scio, Petrum reverà à Deo derelictum tentationem superare non potuisse; verùm id ei accidisse in præsumptionis suæ pœnam, ut ipsi à me laudati testantur Patres. Fateor id quidem; sed quid ad Epistolam?* &c.

En fidem præcipuorum Censuræ Auctorum. En judicium illorum æquitatem. En firma fundamenta quibus judicium illud nititur. Si veritatem iis etiam in rebus violarunt, ubi tam facilè deprehendi poterant ac revinci, quanto liberius idem eos tum fecisse verisimile est, cum spes fuit futurum, ut inter Theologici alicujus dogmatis tenebras minimè perciperentur iniquæ artes suæ.

Idem Censor criminatur quoque, nullâ allatâ probatione, me in eo discrepare à SS. Patribus, quòd statuam in Petro absolutam impossibilitatem superandi tentationem, velimque cum nullo modo potuisse vitare peccatum quod commisit.

Ad refellendam hanc criminationem satis esset, P. I. multa è scriptis meis afferre quibus disertè statui sententiam omninò adversam. Sed quoniam hæc calumnia non est istius tantùm Censoris propria, & id ferè unum fuit quod suo in me odio prætereundere conati sunt adversarii, liceat mihi per Te, P. I. paulò diutius



diutius hic immorari, & ipsis scholæ armis pugnare adversus eos, qui traditionis Ecclesiæ auxilio destituti, nihil mihi gravius objici posse putaverunt, quam nomen & auctoritatem scholasticorum Theologorum. Quæ mihi necessitas incumbit talem iis odii in me sui prætextum tollendi, ea me in ejusmodi argumentum conjicit quod Theologicis disputationibus posset quidem commodè reservari. Verùm id à me satis dilucidè explanatum iri spero, ut pateat omnibus Censuram istam non minùs scholasticorum Theologorum doctrinà collabefactari, quàm SS. Patrum; &, si explanentur ea quæ adversarii obscurare ac implicare voluerunt, confestim cernatur ipsis adversarii illos etiam testes, quos doctrinæ suæ favere posse putaverunt.

Theologi omnes Catholici fidentur mandata Dei esse possibilia justis, imò & omnibus hominibus: sed inter eos non convenit quomodo illa possibilitas intelligi debeat.

Qui nova Molinæ dogmata sectantur, ii pro certo habent mandata Dei ita esse possibilia omnibus quicumque illa debent implere, hoc est, singulis hominibus, ut nunquam careant in qualibet occasione omni illà gratiâ quæ necessaria est ad ea actualiter implenda; hanc autem potentiam adedò esse perfectam, ut nullà gratiâ indigeat quâ ad actum usque perveniat.

Illorum quidem aliqui cùm in-

telligerent quantum adversaretur hæc sententia omnibus Patrum testimoniis ac documentis de necessitate gratiæ, quæ non expectat dum velimus, sed facit nos velle, vi quadam tam suavi, quàm efficaci & invicta, voluerunt paululùm lenire ac temperare quod erat in ista Molinæ opinione magis odiosum. Distinxerunt gratiam necessariam ad agendum ab ea quæ est necessaria ad orandum. Falsi sunt gratiam quæ per se efficax est & suo nunquam caret effectu, esse necessariam ad agendum & superandas tentationes; at iidem contenderunt, licet nullo S. Scripturæ & Patrum testimonio, nullis quoque scholasticorum Theologorum opinionibus nixi, eandem non esse naturam gratiæ quæ necessaria est ad orandum: subjectam esse illam libero arbitrio, & obtinere effectum suum, aut eo destitui, prout placet hominis voluntati. His positis, hanc opinionem conflaverunt, Non semper deesse justis eam ad tentationes superandas potentiam, quæ secundùm germanos Molinistas, nullà ad agendum gratiâ destituatur; verùm semper adesse ejusmodi potentiam ad orandum omnibus in occasionibus ubi divino auxilio opus habent.

Primæ opinionis præcipuus hodie defensor ac patronus P. Annatus; posterioris auctor & fabricator M. Alphonsus Moynius: (*Le Moine*) Verùm tora D. Thomæ schola binas illas opiniones pariter damnat, quasi non di-

versas ab erroribus Pelagianorum & Semipelagianorum. Asserit adversus primæ sententiæ sectatores, cum gratia efficax sit absolute necessaria ad implendam Dei legem, eos qui eam careant, destitui auxilio necessario ad agendum; atque adeo quæcumque sit ea potentia quam habent, non tamen esse talem ut suum obtinere possit effectum sine ullo novo auxilio.

Contendit adversus defensores posteriores, gratiam efficacem non minus necessariam esse ad orandum, quam ad agendum; ad utrumque pariter requiri, ut Deus excitet ac operetur in nobis ipsum voluntatis motum quo & agimus & oramus: quemadmodum S. Scriptura testatur, *Deum facere in nobis quod placeat coram se*, (a) quia nos gratiâ suâ adjuvat, ut id præstemus; eandem quoque testari, *Spiritum Sanctum postulare pro nobis* (b) & *missum in corda nostra clamare*, quia facit ut postulemus & clamemus: subtile illud commentum M. Moynii nihil aliud esse quam renovatum errorem Semipelagianorum, qui simili artificio stutuebant, primam causam distinctionis inter fideles & infideles, bonos & malos, electos & reprobos, pendere ab homine, non autem à Deo. Quapropter Thomistæ omnes definiunt adversus callidos istos Molinismi interpretes, si quæstio instituat de potentia orandi quæ non indigeat

novâ aliâ gratiâ ad orandum actualiter, falsum esse eam semper adesse justis quotiescumque Dei gratiam implorare opus habent; quia scilicet non semper habent orationis gratiam efficacem, quæ tamen non minus necessaria est ad orandum, quam gratia actionis efficax est necessaria ad agendum & superandas tentationes.

Itaque docti illi Theologi istam Molinæ discipulorum expositionem de possibilitate mandatorum Dei rejicientes, quia tollit necessitatem gratiæ efficacis Christi, duas ad explicandam illam possibilitatem vias ingressi sunt, hoc semper quasi certissimum statuentes, nunquam Dei mandata impleri, nisi cum Deus id per Spiritum sanctum operatur, quod per Prophetam suum est pollicitus, hoc est cum aufert à nobis cor lapideum quod est rebelle divinæ voci, & dat carneum, quo mandata implemus.

Alii, ut utraque Facultas Lovanienſis ac Duacensis tota, Estius, Sylvius & cæteri, id tantum amplexi sunt, quod S. Augustinus & S. Thomas ad hanc Quæstionem responderunt: nempe Deum jubere nihil impossibile, duas ob causas, quarum altera ab homine petitur, altera à Deo.

Prima quidem, quia nihil jubet Deus quod non impleamus, si volumus: *Certum est nos mandata servare si volumus*: itaque quando contingit ut id quod Deus

(a) *Hebr.* 13. 21. & *Fulg.* l. 1. ad Monimum c. 9.

(b) *Rom.* 8. 26. & *Gal.* 4. 6. & *Aug. Ep.* 105, nunc 194. ad Sixtum.

Deus imperat non possumus facere; licet velimus; exempli gratia mendico largiri eleemosynam cum deficit pecunia, sufficit Deo benigna voluntas nostra: *Quid quid vis & non potes, factum Deus computat.* Id autem, inquit Augustinus, in potestate nostra esse dicitur, quod fit cum volumus; non fit, cum nolumus.

Altera verò, quia nihil jubet Deus quod non præbeat nobis possibile atque etiam facile, afficiens scilicet cor nostrum gratiæ suæ suavitate, ita ut det facere quod imperat, quia dat velle, & sic velle ut reipsa faciamus. Hoc ipsum est quod passim docet S. Augustinus, & secundum hanc sententiam explicat 1. Retractionum lib. c. 10. n. 2., hæc verba quæ lib. 7. de Genesi adversus Manichæos c. 3. scripserat: *Quod omnes homines possunt (Dei præcepta implere) si velint. Non existent, inquit, novi hæretici Pelagiani secundum eos esse dictum. Verum est enim omnino omnes homines hoc posse, si velint; sed preparatur voluntas à Domino, & tantum augetur munere charitatis, ut possint.*

Idem legimus in D. Thomæ, si quidem ex una parte "negat, dicendum id impossibile, quod, licet cum propriis viribus facere non possumus, possumus tamen cum alterius auxilio: ex altera asserit; " Quod homo ad multa teneatur, ad quæ non potest sine gratia reparare, sicut ad diligendum Deum & proximum, & similiter ad ere-

dendum articulos fidei. Sed tamen hoc potest cum auxilio gratiæ: quod quidem auxilium quibuscumque divinitus datur, misericorditer datur; quibus autem non datur, ex justitia non datur. 2. 2. q. 2. art. 5.

Atque hæc est ratio quæ illi Theologi explanaverunt possibilitatem madorum Dei secundum veram doctrinam D. Thomæ & Patrum omnium qui gratiam Christi propugnaverunt.

Alii Theologi, qui hanc doctrinam non abjecerunt quidem, sed non satis perspexerunt, duplicem distinxerunt potentiam: alteram, quæ solam interiorem Facultatem spectat, qualis est in homine cujus oculi sani sint potentia videndi; licet præter illam Facultatem plurima necessaria sint ut actu videat. Alteram, quæ complectitur omnia auxilia quibus alicui opus est ut agat, & quæ includit non solum Facultatem interiorem, sed etiam quæcumque requiruntur ad producendam actionem.

Posita illa distinctione duplicis potentie, fatentur justum cui non adsit gratia efficax, gaudere tantum primâ potentia; alteram autem non haberi, nisi per gratiam hanc quæ non adest semper justo: posse eum implere mandata Dei sine gratiâ efficaci, sicuti potest aliquis videre sine lumine; veruntamen ut ea reipsa impleat, tam opus esse illi gratiâ efficaci, quàm homini cui acerrimi oculi sint, opus est lumine, ut reipsa videat.

In hoc posita est Possibilitas, quam Thomistæ dant justis omnibus per gratiam sufficientem distinctam ab efficaci. Ea autem verba, quibus usus sum ad illam explicandam, mutuatus sum ab ipso Alvaresio (De Auxil. Disp. 79. n. 2. 5.) qui talia prius hausit ex celeberrimis Thomisticæ scholæ Theologis, Cardinali Cajetano 1. 2. q. 109. a. 10. Bartholomæo de Medina, ibidem, & Francisco Ferrariensi contra Gentes c. 155.

Hic non expendo cujusnam naturæ sit gratia illa quæ dat justis potentiam interioriorem cui aliâ præterea gratiâ opus sit ad agendum; an sit motus actualis, ut contendit Alvaresius; an habituale donum & vis permanens, ut asserunt tres illi Scriptores quos laudat Alvaresius & à quibus talis potentiz notionem desumpsit. Etenim ista Quæstio omninò diversa est ab eâ de qua nunc agimus, & variæ omnium possunt esse sententiæ de Possibilitatis principio, licet de ipsa possibilitate inter omnes conveniat, sicuti aliàs ostendemus ipso etiam adversariorum nostrorum testimonio.

Porrò ut mendacium illud revincam quod potissimum valuit ad meam damnationem, cum mihi crimini datum est negasse reperire in justis possibilitatem mandatorum Dei quæ nunquam eis deest, satis erit quæram ab istis Censoribus, quam possibilitatem à me non admissam criminentur, Molinianamne, an

Thomisticam?

Si Molinianam, fateor libens, & idè Deum laudo, profiteor palàm & in oculis totius Ecclesiæ, me non credere justos habere semper ad arbitrium potentiam superandi tentationes, quæ ad reducendum suum effectum non indigeat auxilio efficaci quo applicetur & determinetur; potentiam, cujus usus pendeat ex libertate hominis, non ex misericordiâ Dei; potentiam denique quæ cum suo effectu conjungatur, aut separetur ab eo, prout libero arbitrio placuerit.

Profitetur me non modò non approbare istam doctrinam, sed etiam execrari eam ac detestari, utpote quæ omninò adversetur iis quæ docuerunt Summi Pontifices, Concilia, & SS. Patres contra Pelagianos, & contineat præcipuum venenum illius hæreseos, quæ tribuit homini, non autem Deo, illud quo discernitur is qui bonum operatur, ab eo qui non operatur; & qui superat tentationem, ab eo quem tentatio vincit.

Profitetur etiam me non minùs detestari errorem eorum qui gratiæ victrici salvatoris hominum auferunt præcipuum hunc illius effectum, ut excitet in nobis preces sanctas quibus divinum obtinemus auxilium; qui asserunt animam ad tronium usque divinæ Majestatis per se assurgere, non verò Dei spiritu impelli ac rapi; atque ita isto humanæ superbiz artificio volunt primos, ut ita dicam, annulos catenæ quibus huma-

humana salus contextitur, esse in hominum ipsorum manibus, nec possunt perpeti eam totam pendere ex misericordiâ divinâ.

Itaque censeo, & quasi Catholicam & Apostolicam veritatem sine metu agnosco, gratiam efficacem Christi esse necessariam ad pias omnes actiones, ad preces quaslibet Christianas, & sancta desideria; necesse esse ut Deus operetur in nobis & velle & perficere Philip. 2. 13., ut aptet nos in omni bono & faciat in nobis quod placeat coram se, Hebr. 13. 21. abripiat nos metu illius Spiritus qui ubi vult spirat, Joan. 3. 8. teneat suis in manibus animam nostram, quasi gladium, ut per eam & cum eâ decertet adversus hostes salutis nostræ August. in Psalm. 34. Censeo, necesse esse ut Deus qui preces nostras accepturus est, ipse cordibus nostris orandi præstet affectum, faciatque nos postulare ea quæ ipsius voluntari sunt consentanea, secundum hæc verba usurpata communiter ab Ecclesia: *Et ut petentibus desiderata concedas, fac eos quæ tibi sunt placita postulare.*

Credo sanctam illam doctrinam, quæ omnia tribuit Deo, & omnem homini causam tollit gloriandi nisi in Deo tantum, esse ipsam, ut ita dicam, animam pietatis, quippe quæ Christianæ humilitatis sit fundamentum. *Esse discamus*, inquit Augustinus de Don. persev. c. 13. n. 33. *non alta sapientes, sed humilibus consentientes, & cum timore & tremore nostram ipsam*

*salutem operemur: Deus est enim qui operatur in nobis & velle & operari pro bona voluntate. Nos ergo volumus (quod præcipue pertinet ad desideria & preces quæ sunt bonæ voluntatis initium) sed Deus in nobis operatur, & velle. Nos ergo operamur, sed Deus in nobis operatur & operari pro bona voluntate. Hoc nobis expedit & credere & dicere: hoc est pius, hoc verum, ut sit humilis & submissa confessio, TE DETUR TOTUM DEO.*

Credo doctrinam illam Apostolicam unicum esse verumque solatium Fidelium animarum: per solam spem in omnipotentem gratiam Christi sedari posse justum timorem quem infirmitatis ac miseræ humanæ conspectus incurrit: aded non inde quemquam ad desperationem agi, quemadmodum veteres & novi gratiæ hostes dicere ausi sunt, ut potius totum ibi præsidium statuatur, & unica reperiatur causa confidendi: Etenim, inquit idem S. Doctor, *TUTIORES vivimus, si totum Deo damus; non autem nos illi ex parte, & nobis ex parte committimus.* Ibid. cap. 6.

Credo denique doctrinam hanc verè cælestem maximo sanè gaudio perfundere animas quæ amore Dei flagrant, & unam ejus gloriam quærent: nullum Religionis dogma illis esse suavius, quàm illud quo discunt gratiam salvatoris sui plenè in se dominari: nullum existere bonum mortuum, ne minimum quidem, quem non illa excitet & fo-

veat: non infervire suæ voluntati gratiam, sed gratiæ voluntatem: nullam in promerenda salute æternâ partem sibi relinqui, præter eam quam Deus gratiâ omnino gratuitâ tribuit; sed legitimam tantum superesse sibi causam perpetuò mirandi quòd, secundum verba maximi Pontificis & sacrosancti Concilii, *Tanta est erga omnes homines bonitas Dei, ut nostra velit esse merita, quæ sunt ipsius dona; & pro his quæ largitus est, æterna premia sit donaturus.* Capitulo 9. de gratia post Epist. Cælestini PP. ad Gallos & Concil. Trid. sess. 6.

Hæc est mea fides, hæc sententia de gratia Christi. Hæc fuit hæctenus mea doctrina, hæc futura est usque ad vitæ extremum, modò ejusdem gratiæ adsit mihi auxilium. Si adversarios dogmata mea aliquâ ratione offendant, publicè & palàm me illi accusent, sicut ego hæc publicè & palàm profiteor. Impugnent quæ reverà sentio, nec alia mihi falsò tribuant. Deponant tandem omnem simulationem & artes pravas, atque significant palàm se Censurâ suâ damnassee hanc ipsam doctrinam de necessitate gratiæ efficacis Christi tum ad agendum, tum ad orandum.

Verùm aliquid ejusmodi ab iis non expecto. Intelligunt scilicet futurum, ut, si id palàm declarassent, insurgerent in eos integræ Theologorum Societates quæ hanc doctrinam propugna-

vere, atque etiamnum propugnant, ut potè ab Ecclesia definitam adversus Pelagianos & Semipelagianos: damnarentur à celeberrimis Catholicæ Ecclesiæ Universitatibus, quæ eandem admittunt doctrinam: irriderentur ab omnibus Romæ Theologis, quibus hæc sententia ita placet, ut ferè soli Jesuitæ teneant contrariam: moverent denique S. Sedis iram, quæ perpeti non posset privatorum quorundam temeritatem eò prorumpere, ut auderent in novos fidei articulos ascribere Molinæ errores, jam à celeberrima Congregatione *De auxiliis* notatos censurâ, quasi Pelagianos & Semipelagianos, & cum omni detestatione palàm proscriptos à doctissimis SS. Pontificibus Clemente VIII. & Paulo V.

Hæc omnia ab ipsis Censoribus (a) confessionem istam expresserunt, *optimam esse doctrinam* hanc de gratia efficaci. Atque etiam ex quo Censura ista confecta est, ad solita Facultatis jura & munia admiserunt Doctorem, (b) qui suam de hoc argumento sententiam aperuit his verbis in Epistola typis excusâ: *Gratiam Molinianam semper ex animo reprobavi ac detestatus sum. Illam dico quæ liberi arbitrii nutu modò efficax est, modò inefficax. Illam dico quam humana voluntas, tamquam ejusdem rellrix, pro libito suo in alium agit, vel ab alio retinet. Illam dico quam*

(a) *Nicolas Cernet in suo suffragio & ab aliis non paucis.*

(b) *Henricum Holdenum.*

pendulam & suspensam tenet fragile nostrum arbitrium; veluti pedisequam Domina suæ mandatum exspectantem, an se uti dignabitur. Gratiam Jesu Christi verè victricem (quam per se efficacem in scholis vocamus) humillimè agnosco, & pro viribus defendo. Illa est quæ voluntatem humanam, maxime Christianorum, determinat, ducit, regit, & facere facit. Illa est quæ operatur in nobis velle & perficere. Illa denique est (si quid intelligo) S. Thomæ & S. Augustini, quidni dicam, etiam & S. Pauli & Jesu Christi doctrina. Hæc etiamnum propugnantur palam in Sorbona, nec audent adversarii mei quidquam opponere.

Itaque posito certissimo hoc dogmate, quod nulla humana vis valeat convellere, liquidò patet justum qui aliquâ in occasione non accipit neque gratiam efficacem ad superandam tentationem, neque gratiam efficacem ad implorandum divinum auxilium, non habere potentiam superandi eam tentationem, aut in sensu P. Annati, aut in sensu Mag. Moynii; hoc est, justum non habere quidquid necesse est eum accipere à Deo, sive ad superandam tentationem, sive ad implorandâ gratiam: quippe cum gratia efficax, quâ ille caret, necessaria sit ad utrumque.

Cùm igitur ea potentia ad agendum aut orandum, quam admittit Molina, non sit de Fide, ut fateri coacti sunt adversarii, jam ab illis quæro quam aliam potentiam negari à me cri-

minentur? Sanè illa sola potest esse, quam Thomistæ in justis admittunt destituti gratiâ efficaci, scilicet ea potentia quam dat virtus interior, quæ tamen ad agendum actualiter opus habeat alio auxilio quo applicetur & determinetur.

Contendo autem non posse sine aperta calumnia accusari me negasse talem potentiam. Id evincunt hæc alterius Apologetici mei verba (Supr. p. 91.) "Non eâ tantum ratione præcepta Dei, iusto possibilia sunt, quia potest, (quod ei cum omnibus hominibus commune est,) ea servare si vult, quod ex Bellarmino sufficit, juxta doctrinam S. Augustini, ut aliquid in potestate nostra esse dicatur; verum etiam quia per spiritum gratiæ & charitatis sibi in justificatione infusum, veram, & interiorē habet ad ea servanda potentiam; etsi ex doctrina SS. Patrum & Conciliorum, ulterius indigeat eâ gratiâ, quæ ad singulos actus datur, sive efficaci illo Dei intuitu animam moventis auxilio, sine quo, ut expressè ait S. Thomas, mandata servare & in accepta justitia perseverare non potest. Hinc fit, ut de iusto, auxilio efficaci in aliqua tentatione destituito, rectè dicatur, & potuisse illum eam tentationem superare, & non potuisse: potuit enim quantum ad potentiam illam quam gratia in justificatione accepta cuivis iusto suppeditat; non potuit verò, quia non habuit ea omnia quibus



bus indigebat, ut hæc potentia  
 in actum suum exiret: qua de  
 re illustrissimus est Cardinalis  
 Cajetani locus. *Quemadmodum,*  
*inquit, stant hæc duo simul: ho-*  
*mo habet potentiam visivam qua*  
*potest videre; & homo non potest*  
*ex sola illa visiva potentia videre,*  
*quoniam sine extrinseco lumine*  
*numquam hæc potentia exibat in a-*  
*ctum: ita in proposito, quia gratia*  
*est quæ homo est potens elicere ope-*  
*rationem bonam, & resistere incur-*  
*sionibus tentationum, & conti-*  
*nuare in hoc, quod est perseve-*  
*rare; idèd homo justus donatus*  
*dicitur dono quo hæc potest. Sed*  
*quia gratia habitualis non po-*  
 TEST exercere hos actus simplici-  
 ter, quando oportet, ubi oportet  
 &c. idèd dicitur quod hæc sola  
 gratia sine speciali auxilio (quod  
 paulò post non omnibus justis  
 dari diserte affirmat) non potest  
 HAC SIMPLICITER. Cajetan. in  
 I. 2. q. 119. art. 1.

Quis jam non videt summæ  
 fuisse calumniæ criminari me su-  
 stulisse in justis possibilitatem  
 hanc mandatorum Dei quam  
 Thomistæ admittunt? Poteram-  
 ne eam magis diserte agnoscere,  
 & graviori apud scholam illam  
 testimonio confirmare, quàm  
 Cardinalis Cajetani, qui D. Tho-  
 mæ sententiam tantum exponit  
 & explicat?

Hoc autem Cajetani testimo-  
 nium tanto gravius esse debet hoc  
 in argumento, quòd Thomistæ  
 omnes illo usi sunt, sicut & alio  
 omnino simili ex Francisco Fer-  
 rariensi lib. 3. cont. Gent. c. 155.

ad explicandum quæ sit natura  
 potentiæ quæ semper convenit  
 justis. Bartholomæus de Medina  
 laudat utrumque, eum huic argu-  
 mento lucem asferre conatur.  
 Alvares denique, eo loci ubi vult  
 ex professo ostendere, qualis sit  
 illa potentia quam dat gratia  
 sufficiens, quando ab efficaci est  
 separata, laudat tres illos Scrip-  
 tores, & eandem quàm illi com-  
 parationem adhibens, docet no-  
 minatim illam in justo potentiam  
 esse eandem ac hominis qui, cum  
 sit oculis sanis, versatur in tene-  
 bris: eam non complecti quid-  
 quid necessarium est ad agendum,  
 nec fieri unquam posse ut gratia  
 sufficiens transeat ad actum illum  
 cujus respectu sufficiens apella-  
 tur, nisi Deus ei adjungat effi-  
 cacem.

Quoniam ergo adversarii mei  
 concedunt doctos illos Theolo-  
 gos minimè subvertere doctrinà  
 suà possibilitatem mandatorum  
 Dei, non possunt sine calumnia  
 criminari me subvertere eam;  
 quippe qui expressis verbis de-  
 claraverim, eandem à me possibi-  
 litatem admitti quam admittunt  
 Thomistæ; rejici autem solam  
 possibilitatem Molinianam, quæ  
 stare non potest cum necessitate  
 gratiæ efficaci Christi ad agen-  
 dum & orandum.

Concidunt itaque, P. I. &  
 corruunt omnes Censorum ar-  
 gumentationes, omnis adver-  
 sium me clamor & insectatio de  
 impossibilitate mandatorum Dei.  
 Enimverò quid à me postulant?  
 An volunt me agnoscere, Justos  
 omnes



omnes posse vincere tentationem, etiam cum non habent gratiam efficacem? Agnosco id eos posse secundum eam speciem potentiz quam tota D. Thomæ schola illis tribuit.

Volunt me agnoscere, ejusmodi potentiam posse transire ad actum sine ullo aliq. Dei auxilio? Respondeo, cum universa S. Thomæ schola, errare eos qui ita sentiunt, & maximam facere injuriam gratiz Christi, quæ debet operari in nobis omne illud bonum quod facimus.

Volunt me agnoscere, justos posse saltem petere à Deo gratiam illam quâ opus habent ad superandas tentationes? Agnosco id eos posse, quippe qui sunt fideles, & fides est principium orationis, sicuti Charitas principium est bonorum operum.

Volunt me agnoscere, hanc potentiam orandi quæ reperitur in justis, talem esse ut ad orandum actualiter non necesse sit illos per Spiritum Dei applicari & determinari ad orationem? Respondeo pariter cum omnibus Thomistis, non posse hanc sententiam propugnari, quin impingatur in hæresim Semipelagianorum.

Volunt ut potentiam illam, quam cum Thomistis admitto, appellem potentiam proximam? Respondeo primò ridiculum quid futurum, si, cum agatur de dogmate fidei circa quod mihi hæresis crimen imponitur, pendeat res è voce quam nec Scripturæ Sacræ nec Ecclesia consecrarunt.

Adhuc tamen respondeo secundum sententiam & verba ipsa Alvarezii: *Potentia potest dupliciter dici proxima & expedita ad operandum: 1. Quia nihil aliud requiritur ex parte ipsius potentie, quo in actu primo constituatur ad actualiter operandum. 2. Quia in sua operatione non dependet ab alia prior causa efficienter ei tribuente ipsum cooperari vel actualiter.* Alvar. de Auxil. Disp. 117. n. 11.

Itaque adversarios meos rogo, ut aperiant quo sensu velint me potentiam hanc vocare proximam. Si primo, nihil obstat quominus à me admittatur; imò fortè potiori jure usurpabitur, quàm à plurimis novis Thomistis, sicut probavi in Scripto quod Romanam misi, & cujus exemplar cum hac Epistola accipies, Præsul Illustrissime.

Si altero sensu, qui Molinistarum est, & qui ferè unus vulgò usurpatur, contendo cum Alvarezio & omnibus Thomistis, potentiam istam quæ in justis est, non posse absque errore vocari potentiam proximam hoc sensu; quia etiam absque errore non potest negari voluntatem justì pendere, sive ad agendum, sive ad orandum à causa superiori quæ efficaciter impellatur ad agendum & orandum: *Tenent*, inquit Alvarez ibid. n. 5., *hanc conclusionem omnes Theologi, qui sentiunt, Deum sua motione, aut gratia efficaci, non solum moraliter, sed etiam efficienter seu physice facere ut faciamus, & operari ut operemur.*

Ut tandem paucis absolvam, Præsul Illustrissime, omiſſis torquæſtionibus obſcuris parùmque ad inſtitutum meum neceſſariis; non expenſis etiam variis nominibus, quæ huic potentiæ ab aliis impoſita alii non admittunt; ſatis mihi erit declarare, nullum ex his nominibus adverſari ſententiæ meæ, dummodò ſubjungan- tur hæc duo, quæ cum univerſa S. Thomæ ſchola contendendo non poſſe negari ſine errore.

Primum quidem, potentiã illam, quantacumque ſit, deſtitui ſemper ſuo effectũ, ſive de oratione ſermo ſit, ſive de actione, quamdiu Deus non largitur gratiam efficacem; nec fieri unquam poſſe, ut juſtus agat propter Deum, aut etiam oret, niſi moveatur ab illo Spiritu Sancto qui inſallibiliter operatur quodcumque voluerit, ut ſæpiùs repetit D. Thomas.

Alterum verò, ſi conſtet nihil fieri abſque auxilio efficaci quo determinetur voluntas, jam licitum eſſe dicere cum S. Scriptura, Conciliis, & Patribus, ſine gratia nos nihil poſſe, quia ſcilicet non habemus ejuſmodi potentiã ab Alvareſio & Thomiſtis omnibus tum veteribus tum recentioribus admiſſam, quæ complectitur omnia ad agendum neceſſaria.

Quamobrem, P. I. perſuaſum mihi eſt futurum, ut quicumque non gravabuntur totum hoc negotium diligentius excutere, facile perſpiciant de eo uno in præſenti controverſiã diſputari, quod

nullam per ſe patitur diſputatio- nem. Etenim projectã licet audaciã ſint adverſarii, non audeant profiteri ſe doctrinam meam ideò damnaſſe, quòd aſſeram cum SS. Patribus gratiam efficacem Chriſti eſſe abſolutè neceſſariam, etiam juſtis, ad omnes actus pios, atque vel minimos affectus, & preces leviſſimas. Parec autem ipſã luce clariùs, omnes illorum accuſationes de impoſſibilitate mandatorum Dei, aut directè impugnare gratiæ efficaciſſimæ neceſſitatem, tam ad agendum, quàm orandum; (in quo cernitur quàm infirmæ illæ ſint, cùm ipſi ſemper præ ſe tulerint hanc doctrinam intactam à ſe relinqui) aut meras eſſe cavillationes, quæ, ſi viris æquis indignæ ſint, certè maximè Theologis. Itaque P. I. ne ſtadium tibi moveat longior diſceptatio, in aliam Epistolam reſervo conjiciendum examen quarumdam ſcholæ Quæſtionum, quibus adverſarii ea etiam obſcurare voluerunt, quæ per ſe clara erant & certiſſima. Hanc autem dum abſolvo & ſinio, non poſſum non declarare quantum mihi doleat, quòd ad defendendam Chriſti gratiam cogar in hoc uno laborare, ut involuera atque umbras, quibus eam cooperiunt, ne luce ſuã aſſiciat homines, rejicere valeam & diſcutere. Nam cùm hoc in argumento deberet ſatis eſſe ad ipſos Veritatis fontes penetrare, & toti Eccleſiæ exhibere decreta æ effata Sum. Pontificum & SS. Doctorum qui ea de re ſcripſerunt

runt, non minùs ad alendam fidelium pietatem, quàm ad subvertendos errores & hærcses; depugnandum mihi est adversùs ejusmodi homines, quorum cura unica est leves invenire argutias, ad pervertendam obscurandamque doctrinam eorundem Patrum, & qui quodammodo, ut ait S. Scriptura, *Telas araneæ texunt*, quibus homines sim-

plices capiant. Isai. 59. 5.

Spero tamen futurum ut tibi P. I. non improbetur, me suscipere ejusmodi laborem, quem molesta adversariorum meorum insectatio legitimum, veritatis defensio necessarium faciunt. Spero quoque mihi pro singulari tua humanitate non defuturam tuam benevolentiam coram hominibus, nec preces apud Deum.

Dic 15 Aprilis  
1656.

ANTONIUS ARNALDUS  
Doctör ac Socius Sorbonicus.

VIRO SAPIENTISSIMO  
HENRICO HOLDENO  
SACRÆ FACULTATIS PARISIENSIS  
DOCTORI,  
ANTONIUS ARNALDUS  
DOCTOR SORBONICUS

S. D.

**E**A temporum conditione defensus sum abs te, Vir doctissime, ut ipse ingratus mihi viderer & injustus, nisi me singulari à te beneficio affectum esse præ me ferrem. Quamquam enim id tuæ potiùs pietati, quàm amicitiz meæ, ac Deo potiùs quàm mihi tribuisti, cum mihi tecum nulla familiaritas intercederet, tamen hoc testimonium tuum eò pluris æstimo, quò magis suspicione gratiæ caret.

Quæ consecuta sunt in subscribendâ Censurâ, minorem fortasse tibi gratulandi causam suppedirant, nullam succensendi. Novi enim humana: infirmitatis vices, & paucorum admodum eam vim esse, id animi robur, ut blandientibus ac terrentibus amicis, imminentiq; potentiz obistere valeant. Quamobrem ut in te, quòd Censuræ in me latæ subscripseris, nulla violatæ

æquitatis culpa resideat, opto potiùs quàm spondeo. Illud & confirmo & spondeo, nullam hujusce rei causâ simultatem & offensionem in me residere.

Adeò enim mihi non obfuisse, ut etiam valdè profueris. Nam cum nihil ipse diversum à te sentiam, non possum, ut in his malis, non lætari, eandem doctrinam quàm in me insectantur ut hæreticam, in te ut orthodoxam & catholicam illis probari, qui à te Censuræ subscriptionem extorserunt. Ex quo perspicuum est, perpauca illos qui cum in comitiis à Censurâ me exemerint, postea tamen alienis insidiis, infirmitate suâ Censuræ subscripserunt, non idèò quam publicè professi sunt mutasse sententiam.

Quod igitur à te in facti questione sum absolutus, multum tibi debere confiteor: quòd in  
juris

juris disceptatione post ereptam libertatem ab illo casu cum reliquis veritatis & æquitatis amantibus te subduxeris, gaudeo: quòd Augustinianam doctrinam nunc etiam apertè profiteris, gratulor: quòd in fratris innocentia, imò in veritate tutandâ parum firmus videris, nec miror, & doleo; at tuâ causâ potiùs, quàm meâ. Sed ut is tecum expositulandi locus alienus est, ita purgandi mei planè necessarius.

Scilicet, te autore, idèò Censuræ, quâ modò inusta est Epistolæ meæ propositio, occasionem præbui quòd eam Thomistarum opinionem, quàm tu verè & scienter explicas, apertè & ingenuè amplecti noluerint: quod omissis tot Apologeticis unâ pagellâ præstare potuissim: hoc à me neglectum homines in eam suspensionem adduxisse dicis, aliquid me à Thomistarum scholâ, nec non à catholicis Theologorum palestris diversum in animo recondere.

Quàm tibi, mi Holdene, parum perspectus sum! quàm parum perspecta inimicorum meorum consilia & fraudes! Jam vellem, ut sicut Jansenium numquam te attigisse testatus es, etiam illud testatus esses, numquam te Apologeticos meos vidisse. Næ tu multò faciliorem mihi viam aperires, ad te (quod studeo) apud eos qui tuam scriptiunculam legerint, excusandum.

Quænam igitur illa Thomistarum sententia est, sub cujus patrociniû confugere debueram, antiquorum Patrum præsiidiis pa-

rum apud istos iudices tutus? Nimirum ea quam tu luculenter his verbis explicas: *Gratiam ex natura sua, seu per se, efficacem ad hoc necessariam esse, ut actu faciamus bonum aliquod meritorium: vel ut actu superemus gravem aliquam tentationem. Per gratiam per se efficacem intelligo eam quæ suum semper habet effectum. Fateor tamen & agnosco hominem justum habere gratiam habitualem, & sapissime actualement, etiam interiorem quâ verè potest bonum quodlibet meritorium facere, & gravem quamcumque tentationem superare. Hac autem gratia, quòd verè dat posse, quamvis non illud posse quod semper cum effectu conjungitur, solius enim gratia per se efficax est hoc efficere, communiter à Theologis sufficiens dicitur, quam ego etiam in hoc sensu sufficientem agnosco.* Quibus paulò post addis: *Cur non licet dicere cum S. Thoma, gratiam habitualement & sanctificantem dare posse, & sufficere ad illud efficiendum, quod reipsa numquam sola efficit?*

Itane hoc non processus sum? Itane hæc me sentire non apertè tuli? Attende, mi Holdene, satisne hanc quam profiteris Thomistarum sententiam his verbis: in 2. Apologetico complexus sim." Illis etiam justis qui peccant, possibilia fuisse illa ipsa præcepta quæ transgrediuntur, non eâ tantum possibilitate quæ ex SS. Patrum doctrinâ impiis, & infidelibus competit, sed eâ, quam justis confert donum gratuitum naturæ superadditum, quo

quo iusti ad non peccandum  
adjuvantur, ut docet S. Tho-  
mas 1. 2. qu. 109. art. 2. 6. 9.  
etsi ex eodem Angelico Doctore  
ulterius indigeant auxilio Dei  
animum interius moventis, di-  
rigentis, & protegentis.

Et paulò post adhuc expla-  
natiùs. "Non eà tantum ratione  
præcepta Dei iusto possibilìa  
sunt, quia potest ea servare si  
vult, juxta doctrinam S. Au-  
gustini, de eo quod in potesta-  
te nostrà esse dicitur; verum  
etiam quia per spiritum gratiæ  
& charitatis sibi in iustificatio-  
ne infusum veram & interiorem  
habet ad ea servanda potentiam;  
etsi ex doctrinâ SS. Patrum &  
Conciliorum ulterius indiget  
eà gratiâ quæ ad singulos actus  
datur, sive efficaci illo Dei in-  
terius animam moventis auxi-  
lio, sine quo, ut expressè ait  
S. Thomas, mandata servare,  
& in acceptâ iustitiâ persevera-  
re non potest.

Hinc fit ut de iusto, efficaci  
auxilio in aliquâ tentatione de-  
stituto, rectè dicatur, & potuisse  
illum eam tentationem supera-  
re, & non potuisse. Potuit et-  
nim quantum ad potentiam il-  
lam quam gratia in iustificatio-  
ne accepta cuivis iusto suppe-  
ditat. Non potuit verò, quia  
non habuit ea omnia quibus in-  
digeat ut hæc potentia in  
actum suum exiret, sicut lo-  
quuntur Theologi.

Obsecro, mi Holdene, an non  
agnosco gratiam habitualementem quæ  
dat omnibus verum posse? An

aliud est verum posse quod profi-  
teris, & vera potestas quam pro-  
fiteor? An aliud significat gratia  
habitualementem nomen quo uteris, &  
hæc verba, *Spiritus gratia in ju-  
stificatione infusus*, quibus utor?

Quid eximius ille Caietani  
locus quem attoxui? Parumne  
declarat veram à me mandata ser-  
vandi potestatem admitti? *Quem-  
admodum*, inquit Illustrissimus  
Cardinalis, *stant hæc duo simul:*  
*homo habet potentiam visivam quæ*  
*potest videre; & homo non potest*  
*ex solâ illâ visivâ potentiâ videre,*  
*quoniam sine extrinseco lumine num-*  
*quam hæc potentia exibat in actum:*  
*Ita in proposito, quia gratia est quæ*  
*homo est potens elicere operationem*  
*bonam, & resistere incursionibus*  
*tentationum, & continuare in hoc,*  
*quod est perseverare: idèò homo*  
*iustus donatus dicitur dono quo hæc*  
*potest. Sed quia gratia habitualementem*  
*NON POTEST exercere hos actus*  
*simpliciter, quando oportet, ubi*  
*oportet, idèò dicitur quòd hæc solâ*  
*gratia sine speciali auxilio (quod*  
*paulò post non omnibus iustis*  
*dari discretè affirmat) NON POTEST*  
*hæc simpliciter.*

An id me non addidisse cau-  
saberis? *Iustis sapissimè gratiam*  
*actualementem adesse quæ bonum possint*  
*operari?* At illud cur adderem,  
de quo nulla quæstio vertebatur,  
& quod mecum omnes S. Augu-  
stini discipuli libenter agnoscunt?  
Tecum enim gratiam iustis actua-  
lem sapissimè dari, consentiunt;  
semper, negant: quibus tamen  
semper verè mandata servandi  
potestas competit.

Quid

Quid est igitur in quo tibi mecum non omnino conveniat? An sufficientis gratiæ nomen à te usurpatum, à me omissum? Verùm illam tibi dissidii occasionem ipse præcidis: *Inutile enim & animi perturbati indicium tibi videri dicis, de vocalulorum proprietate, seu de modo loquendi contumaciter disputare.*

Nec ab hac tua mente ipse abhorreo. Quamquam enim in fide non modò rerum, sed etiam verborum novitates valdè fugiendæ sint; quia tamen nomen illud gratiæ sufficientis, tametsi Patrum auribus inauditum, nonnullam in scholis jactationem habet, nolim de hac voce temerè litigare, dummodò idonea explicatione à Molinianâ quam præ se fert significatione ad aliam catholicam traducatur.

Sufficientem igitur gratiam impugnavi, sed Molinianam. Illam rejeci quæ sine superadjecto auxilio satis est ad reipsâ & effectivè agendum. Illam infectatus sum quæ pro liberi arbitrii nutu modò efficax est, modò inefficax. Hanc falsam, hanc Pelagianam, hanc hæreticam, semper cum universâ Thomistarum scholâ contendi.

Illam verò quam antiquiores Thomistæ, quam Lovaniensis & Duacensis Facultas, quam Estius, aliique in gratiâ habituali constituunt, hoc, inquam, gratiæ sufficientis genus, cui alia gratia necessaria est ut in actum prodeat, semper admisi.

Illam ipsam recentiorum Tho-

mistarum sufficientem & actua-  
lem gratiam non aspernor om-  
ninò, sæpe tecum dari fateor;  
semper, nego. Sæpe datur, quia  
sæpe concupiscit spiritus adver-  
sus carnem, & bonos in anima  
motus excitat, quibus reverà re-  
sistitur, etsi ex omnium Thomi-  
starum doctrina cum effectum  
habeant quem vult Deus. Non  
semper datur, quia non semper  
innotescit quod latebat pecca-  
tum; quia per ignorantiam, per  
errorem, per subitam cupidita-  
tem sæpe delinquitur, ut ait Aug.  
lib. de pecc. mer. c. 17. quia non  
semper delectat bonum, ut ibid.  
tradit, quia non semper concu-  
piscit spiritus adversus carnem,  
ut luculenter docet l. 6. operis  
ultimi in Jul. his verbis: *Concu-  
piscencia reatus nisi in renascentibus  
non solvitur, ut eo post hanc abso-  
lutionem non inquinetur, nisi qui ei  
ad perpetrandum opus malum spiri-  
tu adversus eam vel NON CONCU-  
PISCENTE vel non fortius concupis-  
cente consentit.*

Sed quamquam in hoc capite  
dissentire me ab Alvarésio non  
dissentear, ne ab antiquioribus  
Thomistis dissentiam; illud ta-  
men dissidium (quod tu diligen-  
ter attendas velim) nihil omni-  
no Epistolæ meæ propositionem  
attingit. Nam cum gratiam Pe-  
tro defuisse dixi sine qua nihil  
poterat, non omnimodam me ab  
ipso gratiam actualem summo-  
visse in Apologeticis testatus sum,  
sed tantum efficacem quâ re ip-  
sâ & effectivè tentationem supe-  
raret.

Et reverà si quis me roget utrùm Petrus in tentatione positus, actuali gratia planè desertus sit, nescire me fatear ; potuit enim habere piam cogitationem, potuit habere pium Spiritus sancti motum: potuit etiam non habere, in pœnam præsumptionis suæ. Ergo si quis gratiam actualem Petro concedat, rationes fortasse requiram cur id asserat, repugnabo numquam. Non igitur illud dixi ; Patres & Scripturam Petro grâtiâ omnem actualem defuisse testari. Nam illud dicere quî possem, quod me nescire confiteor. Illud novi, illud dixi, illud contendi, Petro gratiam efficacem ad vitandum peccatum necessariam defuisse. Quod genus gratiæ interim habuerit, an sufficientem actualem, an gratiam orandi, numquam hoc loco, aut affirmare aut negare animus fuit. Neque enim disjunctissimas quæstiones miscere soleo : ut nihil iis fieri possit injustius, qui me à propositionis meæ finibus ad alias contentiones abducunt.

Quod mones de ratione loquendi ad vitandam rudiorum offensionem ; de cavendis propositionibus quæ præceptorum possibilitatem generatim negant, in hoc mihi vehementer prudentiam tuam probas, à quâ non descivisse nos, si Apologeticos nostros legeris, facilè cognosces. Etsi enim impossibilitatis voce, quæ ex se dura est & malæ interpretationi obnoxia, consuliò semper abstinui, ad illam ipsam maximè innocuam loquendi formulam, quâ justum

dixi tentationem interdum superare non posse, ferè semper addidi voces illas, *actu, reipsâ*, & ejusmodi, quas tu ad cautionem addendas rectissimè præcipis.

Cur autem in propositione non addiderim, ea causa est quòd Patrum verba, non mea, proferbam: Patrum autem verbis aliquid addere, præsertim ubi ex adjunctis patet sententia, hominis est parum cautos Patres existimantis; nec recentiorum opiniones ad ipsorum placita, sed ipsorum placita ad recentiorum & scholasticorum vocum amulsum & normam exigentis.

Nihil igitur tuus à meo discrepat sensus, nec meus à tuo. Si tibi Censuræ subscribere licuit, liceret & mihi : non minùs enim sensum illum, quo præceptorum impossibilitas astruitur, à majori parte Facultatis, ut tuis verbis utar, utcumque intellectum damno & rejicio, quàm tu, quàm illi. Neque minùs quàm tu hæreseos damno, qui ita affirmet impossibilitatem existendi effectus, ut omnem etiam denegat potestatem ad effectum : in quo errorem à Censura proscriptum reponis : Quia hæc duo, inquis, simul stare & conjunctim esse vera docet & Christiana Religio, & philosophia naturalis. Cui sententiæ tuæ libenter assentior, & subscribere paratus sum. Quare si nihil ad te Censura pertinet, ne ad meipsum quidem. Verùm ut hunc sensum ejuro & execror, sic mihi sper calumniam affectum, per summam



nam injuriam in Patrum verba testor intrusum. Quod exemplum si semel suscipiatur, manabit latius, & ad omnium Theologorum perniciem serpet. Cujus enim tam accurata, tam cauta verba sint, ut non in aliquem sensum erroneum inimicorum arbitrio detorqueri possint. \*

Sed tu, Vir sapientissime, non satis acutè totum illius machinationis consilium & mentem introspicis. Verum quidem est, omnes qui timore tantum vel humanâ gratiâ, sed nullo privato in me odio ducebantur, hunc vanum & fictitium errorem in propositionis meæ verbis damnavisse, atque hanc conscientię suæ nubem objecisse, ut factum illi suum excusarent. At factionis illius duces aliud omnino sequuntur, aliud spectant. Nam Molinisticis partibus jamdiu juncti, Augustino & gratiæ præsertim efficaci capitaliter infensi, omnibus illam modis à Facultate ejectam, ex orbe christiano exturbatam volunt. Hanc cum apertè aggredi non audeant, cuniculis & insidiis tentant. Hæc mente Censuram suam ita confarunt, ut nullo negotio in gratiam efficacem contorqueri possit: nec illorum voluntari defuerit eventus, si esset aliqua Censuræ auctoritas. Nihil enim expeditius quàm illud probare, gratiæ efficacis necessitatem à Facultate esse proscriptam.

Propositionem meam sic exposui, ut nihil in eâ contineri doerem, nisi gratiam ad vincen-

dam tentationem necessariam justis aliquando deesse, sive illam sine quâ non possunt proximè, completè, & effectivè tentationem vincere.

Huic propositioni sic expositæ notam hærescos inurunt. Malè à me explicatam non querunt: nullam ipsi interpretationem, nullum sensum assignant. Quid aliud consequitur, nisi hanc propositionem, prout à me explicata est, hæreticam esse; & oppositam propositionem ad fidem pertinere, nimirum illam quam tu Molinistæ & Pelagianistæ esse fateberis. tentatione positæ  
tationem suprà  
sive ea sine quâ  
sâ & effectivè tentare.

Cernis opinor quàm astutè triumphantem Molinam in cultatem invexerint. Omnes enim illi sensus, quos in mente habuisse se fingunt, illic evanescent. Quid Censura significet, non aliunde quàm ex ipsis verbis meisque judicabitur. Nihil ego asserui nisi gratiam efficacem ad singulos pietatis actus necessariam esse: nihil ergo aliud damnaverunt, nisi ejusdem gratiæ necessitatem.


Id si pari potes, ipse non patiar, Patrumque & Ecclesiæ doctrinam pro viribus ab ipsorum petitionibus quantum licebit, ipsâ cui milito infirmitatem meam gratiâ protegente, defendam.

De me verò iterum tibi confirmo, nullis me flexibus, nullis cavillâ-


cavillationibus umquam usum, umquam usurum; sed eam S. Thomæ sententiam, quam tu in Epistola, ego in Apologeticis exposui, & alibi fortasse latius exponam, ex animo amplecti.


Quamobrem si meus tibi sensus umquam probatus est, & nunc etiam probari potest. Eadem enim sentio, quæ sensi. Idem sum qui fui, S. Augustini & S. Thomæ non minùs quàm olim studiosus: Summi Pontificis, &


Sacri Episcoporum Ordinis non minùs religiosus venerator & cultor: Ecclesiæ non minùs obsequens filius: tibi ac defensoribus meis non minùs gratus, quidquid illi tandem de me ac de se constituent: neque enim ex illorum officio pender meum. Quàm volent inimici sciant, qui volent amici deserant: ego tamen & Inimicis patientiam, & amicis gratum animùm præstare conabor. Vale. Pridie Calend. April. 1656.



2.1.762
















005648453

